





Ex Bibliotheca
majori Coll. Rom.
Societ. Jesu

13-15.d.50

75.3.13.
~~25~~ 25
~~F~~ D
~~13~~ 16

68
12

SIMONIS STAROVOLSCĒ

BREVIARIUM

IVRIS PONTIFICII

In vsum simplicium Parochorum

LIBRIS SEPTEM

Simpliciter collectum.



R O M A E,

Sumptibus Io. Baptistæ, & Iosephi Corbi Bibliopolarum.

Ex Typographia Francisci Monetæ. M D C L I I I.

Superiorum Permissu.



THE HISTORY OF THE CITY OF BOSTON

FROM THE FIRST SETTLEMENT
TO THE PRESENT TIME

BY
JOHN H. COLEMAN

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
BY
JOHN H. COLEMAN

3

REVERENDO VIRO
D. CAZIMIRO
PROCZYNSKI
PAROCHO IVANOVICENSI.
AMICO EX ASSE:

SIMON STAROVOLSCIVS
Vtramque Salutem.



ELICI sanè omine, Cazimire
Ornatissime; Magnus ille Zamo-
scius (cuius elucent in Sarmatia no-
stra virtutes eximiae, nomen verò
aeternis consignatum, atque impresum inge-
nij monumentis, per Orbem terrarum fama
dissipavit) urbem vestram, à suo nomine Za-
moscium appellatam, & in ea florentissimam
Academiam condidit, Vnde centenario an-
norum ab origine nondum expleto, tot iam
centuriae virorum ingenio, doctrina, pietate,
prudentia, militariq; laude conspicuorum pro-
diere; qui, non obscuras tantum Russiae no-
strae oras, in qua iam pridem; post emissos il-

4
los Sarmatas, Bulgaros, Vandalos, Hunnos,
Vfos, Gothos, atque Longobardos.

Abstulerat claros indigna obliuio ciues,

Raraq; nominibus fama superstes erat.

Sed vniuersum ferè Orbem Polonum, & scri-
ptis doctissimis, & rebus pro patria, pace, ac
bello præclare gestis, egregiè illustrarunt. Quos
inter, cum Te etiam Cazimire Amantissime,
felix illud ac fertile solum, insignem ingenij do-
ctibus virum protulisset, Academiaque illa sum-
mis humaniorum literarum apicibus informas-
set, decorasset laurea Alma Vniuersitas Craco-
uiensis. Non abs re fore putavi, si Breviarium
Iuris Pontificij, quod Simplicium Parochorum
vsui confeci, Tibi, inter mille amplissimæ il-
lius Diocesis Cracouiensis Curatos, Parocho
haud postremo, amico verò meo charissimo,
ac veluti nouo Pyladæ, dicarem & offerrem,
Tibi, inquam, cui & priscae honestatis cura
præcipua est, & veterum doctrinarum arcana
quæque patent, & in omni disciplinarum co-
lore, formaque non limatum tantum, sed lyn-
ceum iudicium adest. Literatorum verò amor
tantis, vt omisis, quomodo alios liberaliter

iuva-

iuvare soleas, tenuioribusq; studiosis benefacere consueisti, vebipsam quam non rogatus mediocritati meq; vltro munificentiam, dum in Italiam pergerem exhibuisti, diligentius perpēdens, palam pronunciare non dubitem. Vnum te esse, cui, si facultas daretur, voluntas etiam esset fugientes literas à situ, atque ab interitu vindicandi.

Cæterum, cum ea sit Superum voluntas, ut cum ferentibus Fatis feramur, & ea quæ destinata è coelo est sorte simus contenti: postquam in Pastoralis officio hoc quod geris, triplici isto radio resplendeas luculenter, virtutis, doctrinæ, humanitatis: non est quod Prælationes ambigas, aut honores in Ecclesia: tui nominis memoria, nunquàm scæda occidui temporis oblivione teretur, sed proprio honestatis splendore coruscante, luminosius per redeuntia sæcula reuiuiscet omni posteritatis curriculo veneranda. Hæc siquidem tua in diuinis exacta sacrorum & religionis cura; hæc assidua decoris domus Domini sollicitudo & amor; hæc indefessa circa commissum tibi gregem vigilantia; hoc inconcussum in vindicandis ab impijs deten-

detentoribus Ecclesiæ tuæ bonis animi robur;
 hæc denique in vniuersæ vitæ curriculo morū
 æqualitas & constantia; præstabunt sufficienter,
 in quo te pia posteritas veneretur, & colat. Nos
 verò qui te nunc nouimus, qui tuā constanti
 amicitia fruimur, quique te procliuem vide-
 mus virtutis studio in Religionem; doctrinæ
 in iustitiam, humanitatis in Musam; plenissi-
 mo affectu, liberisque votis rependemus amo-
 rem humanitati, venerationem doctrinæ, cul-
 tum virtuti. Interim excipe hæc, quæ in Bre-
 uiarium retulimus Sacrationis Iuris effata, eo-
 dem affectu quo me ipsum, quo omnia mea ex-
 cipere consuesti. Cumq; ea reliquis etiam, qui
 precum Breuiarium assidue manibus terunt,
 pari ratione, qua & ipse, reuoluenda commen-
 daueris, hanc sinceram animi mei propensio-
 nem in te, nouo beneuolentiæ calore foue; &
 in æternum vale, decus Mystarum singulare,

CAN.

7

CANDIDO, AC INGENVO
LECTORI.



VIA, post Deum & Religionem, maius non est vinculum, aut quod dissolvere causa vlla humana valeat, quam Patrij amor soli. CANDIDE LECTOR. Idcirco illud mihi semper propositum fuit ac constitutum, vt post defensionem, patrio sermone, Catholicā Religionem, qualiquā filo, pro posse meo, eorum res gestas non tam laudatione, quam narratione percurrerem, quos Sarmatia nostra vniuerso terrarum Orbi, vel Sanctitate, vel singulari eruditione colendos, vel egregijs virtutibus admirandos, vel insigni armorum gloria timendos, vel denique præcipuarum dignitatum luce spectandos dedit. Atque ita Sanctorum nonnullorum indigeret virtas, Scriptorum insigniorum præconia, Clarissimorum Oratorum laudes, fortissimorumq. Sarmatiæ bellicorum elogia, quorum iam memoria, vel iniuria temporum, vel incuria historiographorum penè interierat, specialibus libellis protuli, & ab interitū vindicaui. Viuunt siquidem nomina Heroum, consumptis etiam corporibus, Scriptorum industria ad memoriam prolata: & cum qualemqualem præconem virtus inuenit, elucet honestissimè, & ad sui amorem imitationemq. allicit, cum alios quosvis, tum tribulos maximè, ac de sanguine descendentes. Si verò caret encomiaste literato, aut delitescit in tenebris obliuionis, aut penitus extinguitur barbarie. Quod ædepol cum maioribus nostris factum est, antequam Poloni luce Euangelij, & litterarum splendore imbuti fuissetus. Nec satis diuinare poterimus; quid à Lecho primo Imperij Sarmatici fundatore

tore, siue bello & armis, siue togæ studijs pacatisq. artibus, usque ad tempora Miccisłai primi Christiani Principis in Polonia gestum fuerit; nisi ex Scriptoribus aliquenarum gentium, qui Gothos ex nobis profectos, Vandalosq. describendo, nonnullam maiorum nostrorum mentionem fecerunt. Qui alias rudes tunc temporis, & barbari quamuis, nominis attamen æternitatem tanti æstimauerunt semper, vt eam & summis laboribus, & ingentibus periculis, & ipso sanguine, ac vita sibi comparandam præclarum esse duxerint: prout & diuersis ex Historicis, & ex ipso cognomine gentis colligere poterimus. Slouianic siquidem (quorum Poloni pars præcipua sumus) propria vocis significatione, homines gloriam armis quærentes intelliguntur, & Polanie, in campo aperto aciem, seu victoriam obtinentes: Sed quia, non armis tantum & bello, verumetiam mitioribus studijs & virtute immortalitas paratur: multosque claræ opes euexerunt ad decus, & honestas, multis mechanicæ etiam artes diligentius tractatæ claritudinem decreuere, nonnullis pax togaq. gloriæ fuit. Cæteros lingua, ac literæ adeo commendarunt posteritati, vt obliuioni superiores, liuidæ iam vetustatis iniurias non pertimescant; maximè quos Ecclesiastica mûnera, & sanctitas morum astris iam intulerût. Eapropter Poloniam iuuentutem (cui dudum Bellonæ præcepta, militarisq. rei instituta præscripsimus) ad humaniora quoque studia allicere cupientes, cum Historiarum suauitatem, dulcedinem Poeticæ, Suadæ præstantiam, harmoniæq. Musicalis iucunditatem, singularibus libellis commendauimus: tum ad pietatem, et iustitiam formare intendentes, Sacros sermones tomis aliquot, et luridica rudimēta nonnullis opusculis cōnotauimus. Hoc est Monita primò Legalia, seu methodum studendi in iure, præscripsimus, Accessum deinde ad Iuris vtriusq. cognitionem breuē parauimus. Mox commentaria in Iustiniani

Imp.

Imp. Institutiones dedimus. Nunc demum Pontificij
Iuris summam collegimus (idque simpliciter, absque
allegationibus textus, eruditissimi Lancellotti exem-
plo. Cum & Gregorius Papa XIII. Corpori Iuris Ca-
nonici, nil quicquam addere, vel immutare, aut inter-
uertere, nullaue interpretamenta adiungere permise-
rit) ne tanquam inter fluctus maris, cupidi huius sacrę
Scientiæ adolescentes, inter tot Canonistarum libros,
& infinitas allegationum ab ipsis adnotatarũ tricas,
cum periculo ingenij vagare cogantur, aut difficultate
addiscendi illas, à studio ipso deterreantur. Fecimus
itaque quod potuimus, quo & Patriam ornare, & opti-
mam studioforum indolem iuuare valeamus. Vestrum
autem erit, ò Candidi, Ingenuique Lectores, quorum
laudes nostris in scriptis admiramini, eorum virtutes
imitari; siue illi bellatores, siue literati fuere; & qui-
bus gloriâmini maioribus, nihilo minores apparere;
vestroque docere exemplo, inter quasumque gentes
nati estis, eosdẽ igniculos virtutis vbique populo-
rum nasci, quos olim sola in Græcia elucere antiqui
Romani mirabantur. Valete,

*Imprimatur, si Videbitur Reuerendiss. P. Mag.
Sac. Pal. Apost.*

A. Episc. Verul. Vicesg.

Librum Admod. Reu. Simonis Starouolskij *Breuiarium Iuris Pontificij* intitulatum, summa attentione, & diligentia de mandato Reuerendiss. P. Vincentij Candidi Magistri Sac. Pal. Apost. perlegi, & non solum in eo nihil, quod Christianæ Religioni, aut bonis moribus repugnet offendi, sed totius Iuris Pontificij materias omnes summa claritate, & admirabili compendio digestas altè sum admiratus; Quare censeo maximo Reipublicæ Christianæ bono cessuram illius publicationem, & hinc non minorem Ecclesiam sensuram esse vtilitatem, quam totus Orbis receperit ex tot alijs Operibus, quæ eruditissimus iste Author maxima cum sui nominis gloria edidit.

Nicolaus Seuerolus S. Confessor. Aula Aduocatus.

Imprimatur.

Fr. Vincentius Fanus Mag. & Socius Reuerendiss. P. Fr. Vincentij Candidi Sac. Palat. Apost. Mag. Ord. Prædicatorum.

INDEX

INDEX, ET SVMMMA

Titulorum Iuris Pontificij.

LIBRO PRIMO

De Personis Ecclesiasticis, in gradu altiori constitutis,
& eorum officijs, tractatur Titulis 24.

- 1 **D**E Comparatione utriusque Iuris, Casarei nimirum, & Pontificij.
- 2 De Iure Canonico, seu Pontificio.
- 3 De Ecclesiasticis Constitutionibus.
- 4 De Iure personarum Ecclesiasticarum.
- 5 De Episcopis, & eorum authoritate.
- 6 De Electione Episcoporum.
- 7 De Postulationibus.
- 8 De Confirmatione Electi.
- 9 De Consecratione Episcopi.
- 10 De Authoritate, & usu Pallij.
- 11 De Vita, & honestate Prælatorum.
- 12 De Officio, & potestate Ordinarij.
- 13 De Officio Archidiaconi.
- 14 De Officio Archipresbyteri.
- 15 De Primicerio, & Custode.
- 16 De Officio Vicarij.
- 17 De Coadiutore.
- 18 De Translatione Episcopi.
- 19 De Renunciatione.
- 20 De Depositione, seu Degradatione.
- 21 De Officio, & Potestate Capituli, Sede vacante.
- 22 De Officio, & Potestate Legati.
- 23 De Officio, & potestate Iudicis delegati.
- 24 De officio Conservatorum.

De Personis Ecclesiasticis, in inferiori gradu constitutis, eorumq. officijs, tractatur Titulis 10.

- 1 **D**E Sacerdotibus, seu Presbyteris.
- 2 **E** ijs, qui sunt in sacris constituti.
- 3 **D**e his, qui sunt in Minoribus Ordinibus constituti.
- 4 **D**e ijs rebus, quæ tam maiorum Ordinum, quam minorum sunt communia.
- 5 **D**e his, qui potestatem habent ordinandi, & litteras Dimissoria, seu commendatitias dandi.
- 6 **D**e his, qui ad Ordines promoueri non possunt.
- 7 **D**e Votis, & Castitate Clericorum.
- 8 **D**e Vita, & Honestate Clericorum.
- 9 **D**e Regularebus, & Monachis.
- 10 **D**e Sanctimonialibus.

LIBRO TERTIO.

De rebus Ecclesiasticis Spiritualibus, & earum administratione, tractatur. Titulis 23.

- 1 **D**E Rerum diuisionem.
- 2 **D**e Sacramentis in genere.
- 3 **D**e Baptismo, & eius effectu.
- 4 **D**e Sacramento Chrismatis.
- 5 **D**e Pœnitentijs, & Remissionibus.
- 6 **D**e Sacramento Eucharistia.
- 7 **D**e Extrême Vnctione.
- 8 **D**e Sacramento Ordinis.
- 9 **D**e Sacramento Matrimonij.
- 10 **D**e Spônsalibus.
- 11 **D**e Nuptijs.
- 12 **D**e Impedimentis Matrimonij.
- 13 **D**e Triplici Cognatione.
- 14 **D**e Claudeflina Desponsatione.
- 15 **D**e illis, qui Matrimonium accusare possunt, vel contra illud testificari.
- 16 **D**e Diuortijs.
- 17 **D**e Rebus Sacris, Sanctis, & Religiosis.

De

- 13
- 18 De Construendis, consecrandis, & reparandis Ecclesijs, & Altaribus.
 - 19 De Unionibus Ecclesiarum.
 - 20 De Immunitatibus Ecclesiarum.
 - 20 De Capellis Monachorum.
 - 21 De Religiosis domibus.
 - 23 De Sepulturis Christianorum.

LIBRO QVARTO.

De rebus Ecclesiasticis Temporalibus, & earum administratione, tractatur Titulis 13.

- 1 **D**E Prabendis, & alijs Beneficijs.
- 2 De Collationibus Beneficiorum.
- 3 De Vacatione Beneficiorum.
- 4 De Prohibita Beneficiorum multiplicitate.
- 5 De Pensionibus.
- 6 De permutatione Beneficiorum.
- 7 De Institutionibus, & Iure Patronatus.
- 8 De Clericis non residentibus.
- 9 De Canonica Portione.
- 10 De Censibus, exactionibus, & procurationibus.
- 11 De Decimis.
- 12 De rebus Ecclesia non alienandis.
- 13 De Peculio Clericorum, relictis, & successione eorum.

LIBRO QVINTO.

De Indicijis Ciuilibus, ad forum Ecclesiasticum spectantibus, tractatur Titulis 24.

- 1 **D**E Diuisione Iurisdictionum.
- 2 De Iudicijis Delegatis.
- 3 De Procuratoribus.
- 4 De Pactis, & Transactionibus.
- 5 De Arbitris.
- 6 De in Ius vocando.
- 7 De Dolo, & Contumacia, & in Possessionem missiona.
- 8 De Usurpationibus, & Prescriptionibus.
- 9 De Libelli conceptione, & oblatione.
- 10 De Exceptionibus, & Repletionibus.
- 11 De Mutuis petitionibus.
- 12 De Restitutione Spoliatorum.
- 13 De Litis contestatione,

- 14 De Iuramento Calumnia.
- 15 De Litis pendentia.
- 16 De Probationibus.
- 17 De Inductione Testium.
- 18 De Instrumentis, & Scriptura.
- 19 De Iureiurando.
- 20 De Prasumptionibus.
- 21 De Sententijs, & re iudicata.
- 22 De Exequutione rei iudicata.
- 23 De Appellationibus.
- 24 De restitutione in integrum.

LIBRO SEXTO

De Iudicijs Criminalibus, ad forum Ecclesiasticum
spectantibus, tractatur Titulis 13.

- 1 **D**E Accusationibus, Denunciationibus, & Inquisitionibus.
- 2 De Duplici purgatione.
- 3 De Simonia.
- 4 De Hæreticis.
- 5 De Schismaticis.
- 6 De Apostatis.
- 7 De Sortilegis, Maledicis, & Sacrilegis.
- 8 De Furtis.
- 9 De Vfuris.
- 10 De Adulterijs.
- 11 De Crimine falsi.
- 12 De Homicidijs.
- 13 De Iniurijs, & Damno dato.

LIBRO SEPTIMO

De Poenis, seu Censuris Ecclesiasticis, tractatur
Titulis 5.

- 1 **D**E Appellatione Censura.
- 2 De Excommunicatione.
- 3 De Suspensione.
- 4 De Interdicto Ecclesiastico.
- 5 De Cessatione à Diuinis.

F I N I S.

SI-

SIMONIS STAROVOLSCI

BREVARIUM

IVRIS PONTIFICII

LIBRIS SEPTEM

Comprehensum.

LIBER PRIMVS.

*De Personis Ecclesiasticis, in gradu aliquo
constitutis, & eorum Officijs.*

PROOEMIUM.



VIA Sacrorum Canonum, Decretaliumq;
Epistolarum, rebus ita exigentibus, tam
magnus hodie factus est cumulus, ut nume-
rum prope legum Civilium exæquare vi-
deantur, vixq; à paucis ob suam multitudinem, diu ar-
no studio cognosci valeant. Eapropter, Studentium
utilitati consulere volentes, multi veteres, recentiores-
lureconfulti, Summas breuiiores conscripserunt; in
quibus vniuersa propè ea, quæ Pontificij Iuris libris
sparsa conspiciuntur, certa quadam via, & ratione,
complexi sunt. Sed quia eas pro more, & consuetudi-
ne Iurisperitorum, partim assiduè allegationibus, quæ
obtu-

obtusioribus ingenio cognitu difficiles sunt; partim
 notis diuersorum Interpretum, frequentioribusque
 partitionibus in Paragraphos, Capitula, Num-
 eros, Paratitla, & sectiones, quæ debiliorem me-
 moriam offuscant, perpetuò inumbrarunt, quod
 primo intuitu horrorem quendam, & impossibili-
 tatem addiscendi lectoribus iniecit: Idèò ingenuos
 adolescentes hoc metu inani liberare volentes, cupien-
 tesque rudiores, & nondum inchoatos tyrones, ad al-
 tius Canonice doctrinæ studium attrahere, prius quàm
 lecturæ luridicæ, & citationibus legum assueuerint, hæc
 simplicia sacrarum Sanctionum effata, pernoscentia
 proposuimus: Et quicquid in tanta Pontificij Iuris li-
 brorum mole dispersum, dissipatumque cernitur, sub
 vnum velut aspectum, in hoc nostro Breuiario, colle-
 cta, conglutinataque posuimus. Quo vel sic, sacratio-
 ris doctrinæ dulcorem, studiosi iuuenes, quasi in mas-
 sa quadam degustantes, alacriores deinceps ad ipsos
 fontes & capita Iuris Pontificij currant, diligentiusq;
 per se, & Sanctorum Patrum Decreta, & solertissimas
 circa illa Doctorum commentationes euoluant, & per-
 scrutentur assidue. Quibus tam ob causam, & *Accef-
 sum ad Iuris Vtriusque cognitionem olim, ante Commen-
 tarios nostros in Iustiniani Imp. Institutiones præmissi-
 mus, & nunc Monita Legalia, seu Methodum in vtro-
 que Iure studendi præscripsimus, quò minore cum fa-
 tigatione, ac facilius studijs hæc canonicis, tanquam sa-
 cris quibusdam initiari volentes, artem ipsam percipe-
 re valeant. Hinc vltra consuetum vsuū allegationum,
 etiam, verborum compositionem apud eruditos fieri
 solitam, volentes omisimus, ne stilum potius, quam
 utilitatem studentium affectare videremur; sed potiùs
 exemplo serio discere cupientibus possumus esse, quò
 & illi quouis in arte, disciplinaque altiori, non inania
 vocabulorum ornamenta, salubria rerum emolumenta
 sectari*

sectari velint, memores Iulius Senecæ, ad Lucilium
Epist. 49. *Quæ veritati dat operam ratio, incomposita esse
debet, & simplex.* Et licet facundia sit interpres sapien-
tiæ, non multitudine attamen illa verborum instru-
cta esse debet, sed pondere sententiarum. Igitur
iuxta Diui Saluiani dictum, *In scriptis nostris non leni-
cinia esse volumus, sed remedia.*

TITVLVS I.

*De Comparatione Vtriusque Iuris, Cæsarei
nimirum, & Pontificij.*

LEGES omnes & iura, quæ diuersos inter
populos in Orbe vniuerso repetiuntur, ad
dirigendas humanas actiones institutæ, vè
secundum earum præscriptionem benè, beateq; om-
nes suis in prouincijs viuere possint. Quarum sanè le-
gum vbiq; aliz delinquentibus pœnas pro delictis
ac sceleribus inferunt, aliz rectum agentibus præmia
& honores inter conciuēs conferunt.

1. Inter omnium autē populorum, qui in orbe sunt,
vel fuerunt, ciuilis societatis, ac regiminis ordina-
tiones, præcipuæ sunt etiamnum leges, & iura Ro-
manorum, quibus non modo Romani Imperij subdi-
ti, sed vniuersa ferè Christianitas, ordinariè vititur,
& in omnibus ferè regulatur.

3. Hoc autem ius Romanum duplex est. Aliud
Pontificium seu Canonicum, Et aliud *Cæsareum*, vulgo
Ius commune dictum. Illud Romani Pontificis autho-
ritate nititur. Istud autoritate Imperatoris Ro-
mani.

4. Ius Cæsareum constat Imperatorum Constitutionibus; Senatus, populi, & diuersorum Magistratum placitis; tum & Iurconsultorum prudentibus responsis. Ius verò Pontificium, Romanorum Antistitum Sanctionibus; Sacrorum Conciliofum, tam Generalium, quàm Prouincialium decretis, & Sanctissimorum virorum salutaribus sententijs.

5. Ius Cæsareum dirigit hominem ad bene viuendum in societate ciuili. Ius verò Pontificium ducit hominem ad perpetuam beatitudinem in societate ciuium coelestium. Illud proximi, dilectionem docet, istud amorem ipsius Dei. Vtrumque autem ad perfectionem, & æternam felicitatem tendit.

6. Ius Cæsareum tractat in suis libris, de personis secularibus, prout liberi aut serui sunt, deq; earum differentijs, & qualitatibus: secundo, de rerum diuisione, & acquirendo ipsarum dominio: & tandem de actionibus, seu iure persequendi in iudicio, quod sibi debetur. Ius Canonicum itidem tractat in suis libris, de personis Ecclesiasticis, earumq; officijs, ad beneficijs: de rebus tam spiritualibus quàm temporalibus, vt statum Ecclesiasticum concernunt: & de iudicijs ciuilibus, & criminalibus per iudicem Ecclesiasticum exercendis, deq; Censuris Ecclesiasticis, quas quis incurrit ob commissà crimina voluntariè.

7. Ius Cæsareum præcipuè continetur Codice, Digestis, Authentico siue Nouellis, libro Fœudorum, & Institutionibus Iustiniani. Ius quoque Pontificium continetur, Decreto, Decretalibus, Sexto, Clementinis, Extrauagantibus, & Institutionibus Lancelotti.

8. Decretorum librum (cui princeps locus inter libros Canonum tribui tur, quod & præclaris aureisq; sententijs abundat, & auitæ religionis Ecclesiasticam seueritatem, & disciplinam præfert) ex antiquis codicibus

dicibus Conciliorum, qui asseruabantur in Vaticano (semper enim in Romana Ecclesia, quæ omnium aliarum Ecclesiarum est Magistra, Conciliorum Canones, & Acta, Pontificumq; Summorum decreta asseruabantur, & alijs Ecclesijs per vniuersam Christianitatem communicabantur) temporibus Eugenij III. circa An. 1151. collegit Gratianus, Monachus Benedictinus Sancti Felicis Bononiæ, natus in Clissa ciuitate Thusciz. Cuius libri authoritas, ne vacillaret aliquo modo, quod à priuato homine compositus esset, iusserunt patrum nostrum memoria, corrigere, Pontifices, Pius IV. Pius V. & Gregorius XIII. viris eruditissimis, & Cardinalibus assignatis. Qui vltra collectionem Canonum Isidori Hispalensis, Burchardi Vormaciensis, Iuonis Carnorensis, Anselmi Panormij, Deus dedit Cardinalis, Gregorij Presbyteri, & Dionisij Exigui, qui Græcorum Synodos in linguam latinam conuertit, conquisitis vndique vetustissimis Codicibus, cum Codice Vaticano, Moguntino, atque Cresconij collationem fecerunt, & emendarunt, Synodorum Generalium, Summorum Pontificum, Prouincialium Conciliorum, & Patrum Sanctorum decreta, ac sententias diligentissime relegentes.

9 Per eodem statim, & Decretalium Gregorij Papæ IX. compilatio, per F. Raymundum Ord. Prædicatorum Capellanum, & Pœnitentiarium facta, Anno 1230. suæ integritati restituta est. Similiter & liber Sextus Decretalium Bonifacij Papæ VIII. vna cum Clementinis, & Extrauagantibus. Anno siquidem 1294. Bonifacius Papa prædictus, Decretales Epistolas prædecessorum suorum, per Gulielmum Archiepiscopum Ebrudunensem, & Berengarium Episcopum Biterrensem, ac Magistrum Richardum de Senis S.R.E. Vicecancellarium diligenter fecit recenseri: & quibusdam Decretis nouis à se additis in vnum librum sub

debitis titulis redigi, & quinque alijs Gregorij Papæ IX. libris annexi, Sextumq; nuncupari iussit.

10 Ioannes quoque XXII. Anno Christi 1316. Constitutiones prædecessoris sui Clementis V. sub congruis titulis collocatas edidit, & Clementinas appellauit. Quas verò ipse publicauit, & quas sanctiones post illum diuersi Pontificis ediderunt, eas Doctores Iuris, speciali nomine Extrauagantes nuncuparunt. Ex his autem omnibus prænominatis legum Ecclesiasticarum libris, Paulus Lancelottus Perulinus, Iureconsultorum vnicum decus, summam totius Iuris Canonici, Institutionibus, ad imitationem Institutionum Iustiniani Imp. conscriptis, singulari methodo comprehensus, opus suum in quatuor partes, seu libros diuise. De quibus vide hosce verus.

*Personas nos prima docet pars, Resq; secunda.
Tertia dat iudices, Crimina quarta premit.*

TITVLVS II.

De Iure Canonico, seu Pontificio.

IUS Canonicum est, constitutio Ecclesiastica, quæ fidelium actiones dirigit ad finem æternæ beatitudinis. Et dicitur à Greco verbo Canon, quod Latine regulam significat. Vnde ius Canonicum ius regulare, non male dixeris; quod ex regulis præcorum Patrum, ad rectam viuendi formam institutis, deductum fuerit.

2 Constat autem ius Canonicum hisce tribus rebus. Diuinæ legis præceptis, Consuetudinibus fidelium, & Constitutionibus Pastorum Ecclesiæ Catholicæ.

3 Præcepta legis diuinæ, vocantur absolute *Ius Diuinum* veteri ac Novo Testamento contentum, quod semper immutabile permanet: & diuiditur in præcepta *Moralia*, & *Mythica*. *Moralia* dicuntur, quæ mores informant, secundum rectæ rationis dictamen; quæ in homine non possunt extinguï nec immutari. *Mythica* verò, seu figurata, & arcana sunt, quæ aliud significat, quam quod litera sonat. Exempli causa, Non arabis in boue & asino. Non feres vestem lana, & lino contextam. Non feres agrum diuerso semine.

4 *Consuetudo* est, ius quoddam moribus institutum, quod pro lege obseruatur, quia rectæ rationi, & iuribus scriptis non contradicit. Alioquin, moribus bonis, aut legi Diuinæ contradicens non iam consuetudo, sed verustas erroris appellanda est; quæ non ligat, etiamsi iuramento firmata sit. Et vocatur communiter, *Præiudici consuetudo*, seu *abusus*.

5 *Consuetudo demum* est, lex scripta; siue secularis in fauorem Ecclesiæ promulgata; siue Ecclesiastica, præcipiens, aut vetans aliquid fidelibus.

TITVLVS III.

De Ecclesiasticis Constitutionibus.

1 **E**ccelesiasticæ Constitutiones, aut statuuntur à tota Ecclesia in Concilium aduocata, (& appellantur propriè *Canones*) aut à capite Ecclesiæ tantum, Pontifice nimirum Romano, (& tunc appellantur *Decreta*) aut denique à priuato aliquo, (& tunc vocantur dicta *Sanctorum*) quæ postea approbantur ab vniuersa Ecclesia.

2 Con-



2. Concilia verò, alia sunt Vniuersalia, alia Prouincialia seu Nationalia, & alia Diocœsana, à singulis Episcopis cum suo Clero celebrata.

3. Vniuersalia Concilia sunt, (quæ & Occumenica, consueuerunt appellari) quæ Sancti Patres ex vniuerso Orbe in vnum conuenientes, iuxta fidem Euangelicam, & Apostolicam condiderunt. Vnde Concilia dependent ab Euangelio, & non è contra.

4. Primum autem Concilium est celebratum Hierosolymis, sub Petro Apostolo, & primo Pontifice. Anno Christi nati 70. vt habetur in Actis Apostolicis cap. 15.

5. Atque hinc legitima celebrandorum vniuersaliũ Conciliorum potestas, & auctoritas, ab exemplo Domini Petri est penes Sedem Apostolicam. Quod si verò Pontifex Romanus, qui est successor Petri, interesse Concilio personaliter impediatur, vnum, vel plures speciales ad hoc legatos constituere solet.

6. Inter cetera autem Concilia Generalia, quæ, pace Ecclesiæ per Constantinum Magnum donata, celebrata fuerunt, quatuor sunt, quæ totam principaliter Christianam fidem complectuntur, quasi quatuor Euangelia. Nicænum scilicet, Constantinopolitanum, Ephesinum, & Chalcedonense: in quibus velut in quadrato lapide, Sanctæ Fidei structura consurgit.

7. Nicænum, celebratum Anno Christi Nati 325. à trecentis octodecim patribus, sub Pontifice Syluestro, qui fuit trigessimus primus à S. Petro Pontifex, imperante Constantino Magno, in quo Concilio fuit condemnata blasphemia Arrii, de inæqualitate Sanctiss. Trinitatis.

8. Constantinopolitanum celebratum à centum quinquaginta patribus, Anno Domini 381. sub Damaso Papa, imperantibus Gratiano, & Theodosio imp. in quo

quo fuit condemnatus Macedonius, negans Spiritum
Sanctum esse Deum.

9. *Epheſinum*, celebratum Anno Domini 444. ſub
Coeleſtino Primo, a Petro 44. Pontifice, imperante
Theodoſio Auguſto: in quo fuit damnatus Neſtorius,
duas perſonas in Chriſto aſſerens.
10. *Chalcedonenſe*, ſexcentorum triginta Patrum,
actum Anno Domini 442. temporibus Leonis, & Mar-
tiani Augg. in quo fuit damnatus, Eutyches, & ſe-
quaces, pernicioſe circa naturam Chriſti errantes.

11. *Prouincialia Concilia ſunt*, quæ propter refor-
mandos mores, & ſeruandam Eccleſiaſticam diſcipli-
nam, in Generalibus Concilijs deſcriptam, & ſtabili-
tam fidem, per ſingulas prouincias, conuocante Me-
tropolitano Epifcopo prouinciæ ſuæ, quoque trien-
nio celebrantur. Quæ neque definiendi, neque ge-
neraliſter conſtituendi, vim aliquam habent, ſed ſan-
tum curandi, vt id ſeruetur, quod alias in Concilijs
Oecumenicis ſtatutum eſt; & quod generaliter, ſeu
ſpecialiter obſeruari à Sede Apoſtolica præceptum eſt.
Licet interdum, & quæ ab his rectè ſtatuta ſunt, etiam
Catholica Eccleſia ſuſcipiat.

12. Hæc autem Prouincialia Concilia traxerunt
originem, à Concilio, quod celebrauit B. Paulus in
Mileto, congregatis maioribus natu prouinciæ Ephe-
ſinæ, vt in Actis Apoſtolicis cap. 20. habetur. Primum-
que poſt Apoſtolos Prouinciale Concilium fuit cele-
bratum Carthaginæ. Anno Domini 255. Sedente Pa-
pa Cornelio I. Quamuis antea multæ fuerint congre-
gationes Epifcoporum Aſiaticorum, ſed non forma-
liter, & legitime à ſuo Metropolitano conuoca-
torum.

13. *Diocceſana Concilia ſunt*, quæ Epifcopus in ſua
Diocceſi, ſingulis annis conuocat, dum inter ſuos Ab-
bates, præſbyteros, & clericos cognoscit, omniſſamq;

di-

disciplinam restaurat. In ijs, si quid ab Episcopo statutum fuerit, nec subditi extra Diocesim constituti, nec ignorantēs (hi si sit ignorantia supina) ligantur.

14. Decreta quoque Pontificum Romanorum, quæ pro Catholica fide, proq; sacris dogmatibus, diuerso tempore scripta sunt, debent ab omnibus pari reuerentia recipi, ac si voce ipsius Petri firmata, quia omnes aliæ Constitutiones Ecclesiasticæ vim suam habent, à potestate Summi Pontificis, si nihil contineant contrarium decretis antiquorum Patrum, vel præceptis Euangelicis.

15. Demum, dicta Sanctorum Patrum sunt, quæ illi sacram paginam interpretando scripta reliquerunt, quæ deinceps sacris Canonibus inserta, parem cum eis obtinent firmitatem; cæterum verò post scita Pontificum auctoritatem tenent. Cum enim in negotijs definiendis, non solum necessaria sit scientia, verum etiam potestas; ideo licet diuinarum scripturarum interpretes scientia Pontificibus interdum præcellant, quia tamen statuendi potestate destituuntur, in scripturis quidem exponendis, illis quandoque præponuntur; in causis verò definiendis, secundum post eos locum habere merentur.

TITVLVS IV.

De Iure Personarum Ecclesiasticarum.

1. **Q**UIA Ius Canonicum versatur circa personas, res, & iudicia, & posteriora duo ad personas referuntur; ideo parum esset hæc duo

duo noscere, si personæ ignorentur, quarum causa illa ipsa constituta sunt: & per quas ea omnia admistrantur. Quapropter prius de personis videamus, quomodo differunt inter se, & distincta obtinent officia.

1 Christianorum itaque, quidam sunt Laici, quidam verò Clerici. *Laici sunt*, qui & populares dicuntur, quibus licet temporalia possidere, uxorem ducere, causas agere, inter virum iudicare. *Clerici verò sunt* qui diuinis officijs mancipati sunt, & quos ab omni strepitu cessare conuenit, ne sæcularibus curis auocentur à diuinis. Appellantur autem isto nomine, à verbo Græco Cleros, quod latinè fors, siue hæreditas sonat; quia ipse Dominus fors, id est, pars eorum est.

2 Horum, quidam sunt in Sacerdotio, vt Episcopi & Presbyteri: quidam in sacris, vt Diaconi, & Subdiaconi: quidam nec in sacerdotio, nec in sacris, vt in minoribus ordinibus constituti, Conuersi, Templarij, Hospitalarij, Cantores, & quibus ministeria domus Dei sunt commissa.

3 Rursus, eorum qui in Sacerdotio constituti sunt, quidam sunt in altiore gradu, vel ordine positi: quidam verò in inferiore. De quibus singillatim titulis suis,

TITVLVS V.

De Episcopis, & eorum auctoritate.

1 **I**N altiori gradu constituti sunt Episcopi, quorum ordo tripartitus est. Alij enim sunt Patriarchæ, siue Primates: alij Archiepiscopi; & alij simpliciter Episcopi.

D

2 Pa-

2 Patriarchæ considerantur , aut respectu totius Orbis ; & sic Summus Pontifex vocatur Papa , id est , Patrum , siue Patriarcharum pater : aut respectu maioris partis Orbis , & sic sunt quatuor Patriarchæ , qui primum post Papam locum tenent , & repræsentant quatuor Euangelistas ; Constantinopolitanus , Alexandrinus , Antiochenus , & Hierosolymitanus : aut ratione minoris partis , & minime , & sic sunt Primates , Archiepiscopi , & Episcopi .

3 Appellantur autem patriarchæ , quasi patrum Principes , quibus ob dignitatis excellentiam , & crucem deferre , & Pallio uti , & ab Episcopis , atque Archiepiscopis existentibus in prouincijs deputatis ipsi Patriarchæ , appellationes recipere permittitur .

4 Archiepiscopi verò , sunt vnius prouinciæ Episcoporum Principes . Primates autem plurium prouinciarum Præsules , in quibus aliquot Archiepiscopi , seu Metropolitan i numerantur .

5 Ad hos igitur inter suos Suffraganeos cognoscere pertinet : à quibus tamen , si durius illi haberi , & accepti fuerint , ad Patriarchas , & deinceps ad Sedem Apostolicam appellare poterunt . Sed & Archiepiscopus habet iurisdictionem in subditos Suffraganei per appellationem , in appellantem , & appellatum : illosque qui se spontè offerunt liti , super illa re , de qua est quæstio .

6 Simples demum Episcopi sunt , qui maioribus populis , & frequentioribus ciuitatibus , cum Diœcesi præsunt . Latine , speculatores dici possunt : quod mores , & vitam populorum infra se positorum speculentur , & perscipiant . Diœceses autem , seu circumscriptiones terminorum custodiæ vniuscuiusque Episcopi , primus Dionysius distinxit .

7 Horum autem Episcoporum , non modica in Ecclesia est auctoritas : nam præter ligandi soluendique po-

potestatem, & visitandi diligentiam, soli sacrum Chriſmā conficiunt, ſoli Dei altaria, & Eccleſias conſecrant, & pollutas repurgant. Clericos ordinant ſuſpendunt, & deponunt. Ad hos etiam pertinet excommunicatio, purgationis indiſtio, diſpenſatio, atque ſolennis poenitentia impoſitio.

8 Quin. & ipſe Romanus Pontifex eodem Episcoporum Ordine cenſetur; ſed poteſtatem habet cæteris longè maiorem. Nam ipſe alios iudicat omnes, à nemine ipſe iudicatur (excepta hæreſis cauſa, in qua Concilij Generalis iudicio ſubijcitur) & ab eo, quaſi à quodam capite dona in Eccleſiam vniuerſam, velut in corpus omne diffunduntur. Quemadmodum ergo tēpore Noë, omnes extra arcam poſiti diluuij vaſtitate conſumpti ſunt: ſic extra Petri nauiculam conſtituti, æternæ damnationis fluctibus obruentur.

9 Cardinalatus verò dignitas & officium, non eſt ordo ſeparatus, quia illorum alij ſunt Episcopi, alij Presbyteri, alij Diaconi aut Subdiaconi; ſed eſt dignitas Eccleſiaſtica, prout & Archidiaconatus, Archipresbyteratus, Prioratus, Præpoſitura, Abbatialis dignitas, aliæq; inter Canonicos Prælationes. Habent tamen Cardinales propter ſuæ dignitatis prærogatiuam, Pontificiam iuriſdictionem, in Eccleſijs ſibi in Titulum assignatis, a iſſque ipſi titulo ſubiectis. Episcopaliſque inſignibus vti eis ſas eſt: & minores Ordines conferre, ſolenniterq; benedicere, etſi ipſi in Episcoporum Ordine cooptati non ſint.

10 Officium demum Cardinalium eſt, Summum Pontificem eligere, eius lateri adhærere, & ſententiam ſuam in grauiſſimis quibuſque Eccleſiæ negotijs impertiri. Vnde & fratres à Summo Pontifice, ſicut & Episcopi appellari ſolent. Prout & Episcopus Canonicos ſuos fratrum nomine appellare tenetur.

De Electione Episcoporum.

1 **D**Vpliciter ad Prælationem Ecclesiasticam promonentur Clerici: aut per Electionem, quæ est ordinarium remedium: aut per Potestulationem, quæ extraordinarium.

2 *Electio est*, alicuius personæ ad dignitatem, vel frater nam societatem canonicè facta vocatio. Quæ, primo debet esse libera: deinde, omnibus præsentibus qui ius eligendi habent: demum maiori parte electorum consentiente. Aliàs, committitur error, & fit verum, quod hisce versibus quidam expressit.

*Quattuor, Ecclesias portis intratur ad omnes,
Cæsaris, & Simonis, Sanguinis, atque Dei.
Prima patet Magnis, sed nummis altera, charis
Tertia, sed paucis quarta patere solet.*

3 **Quod** si quis non fuerit citatus ad electionem, & adueniens ratam voluerit habere eam, confirmanda erit electio. Quod si verò noluerit, irritam reddet electionem. Sæpe enim rescriptum est; magis hac in re vnius obesse contemptum, quàm multorum contradictionem.

4 **Sed** si quis casu aliquo ad electionem accedere fuerit impeditus, votum suum vni, vel pluribus de Capitulo demandare minimè prohibendus erit. Vocati verò ad electionem, & contumaces, priuantur iure eligendi, quia suum ius pro illa vice censentur transfudisse in alios præsentem electioni.

5 **Sed** hæc quidem in aliorum Episcoporum non in Romani Pontificis electione obtinent. In huius enim, nec villa necessaria est citatio, nec alij quis absens votum suum demandare permittitur. Eligi autem debet,
à dua-

3. duabus partibus Cardinalium praesentium in electione: alias nisi maior concordia intercesserit, nullatenus ad Apostolatus officium assumendus est.

6. Celebratur autem electio tribus modis communiter. *Per inspirationem*, *Per scrutinium*. Et *per compromissum*. *Per inspirationem*, cum nullo electionis ordine servato, divini Spiritus impulsu simul omnes in unum consentiunt, & repente cum nominant: ut accidit in electione S. Ambrosij, Martini, Synesij, Nicolai, & aliorum. *Per scrutinium*, cum omnes legitime congregati, tres de medio sui assumunt qui secretè & singulatim vota cunctorum, qui ius eligendi habent, diligenter exquirunt, & demum in scripturam redacta publicant. Quo facto, collatione habita, is demum censetur electus, in quem vel omnes, vel maior & sanior pars Capituli statim consenserit: *Per compromissum vero*, cum plures idonei viri eliguntur, in quos omnium vice, eligendi certo modo facultas, & potestas transfunditur.

7. Quod si eligentium vota, ita se diuiserint, ut hinc quidem electorum pars numerosior consistat, inde sanior, auctoritatem, zelum, & merita electi ponderans; facultas erit illis ad infringendam partis numerosioris electionem, de auctoritate & qualitate ipsorum eligentium. Si tamen altera pars non est duplo maior numero ipsis: tunc enim contra huiusmodi electores ad extenuationem meriti, vel auctoritatis ipsorum, paucioribus, vel electo ab eis, opponendi facultas non erit.

8. Similiter & arbitri compromissi in electione fines diligenter custodire debent, scituri, si quid non secundum demandatam formam egerint, nullum habiturum esse iuris effectum. Quod si verò intra terminos constiterint, quod ab eis gestum fuerit, usque adeo ratum habendum erit, ut etiam non secuta electione,

ctione, re tamen non integra, demandata sibi potestas reuocari non possit.

9 Ius itaque eligendi Prælatum, ad Canonicos, & Collegium viduatæ Ecclesiæ pertinet. Sed & si qui consuetudine, vel præscriptione, pacto, vel privilegio fuerint muniti, ab electione minimè sunt excludendi.

10 Non possunt autem eligere impuberes, & sacris ordinibus non decorati. Sicut nec innodati vinculo maioris excommunicationis, aut suspensi per iudicis sententiam; & quibus à superiore, ne eligant, interdictum est. Similiter hæretici, schismatici, anathematizati, & voluntariè absentes; aut qui per tempus constitutionibus definitum in eligendo negligentes fuerint: quorum casus ad proximum superiorem eligendi potestas deuoluitur.

11 Alia sanè causa eorum est, qui scientes indignum eligunt, aut postulant. Nam licet & ij eligendi iure priuentur, id tamen non ad Primatem, aut Archiepiscopum, sed immediatè ad Summum Pontificem deuoluitur.

12 Laicis quoque, etiamsi Principes sint, nullo neque consuetudinis, neque præscriptionis, neque conuentionis iure, ad electionem aspirare permittitur; (nisi ex permissione Papæ) Patroni tamen circa iam factam electionem non indecenter postulant assensus.

13 Oportet autem eum, qui in Episcopum eligendus sit, cum ars sit artium regimen animarum, ætate maturum esse. natalibus illæsum, corpore integrum; fama candidum, literis instructum, religiosum, prudentem, temperatum; castum, hospitalem, mansuetum, atque irreprehensibilem in omnibus. Sic enim ad sæculares honores, sine suffragatione meritorum indignum est perueniri; & notari ambitus solent, quos pro-

probitatis documenta non adiuvant : quam diligens ac prudens habenda est dispensatio diuinorum munerum ; & Ecclesiasticarum dignitatum ?

14 Igitur is, qui ad Episcopalem dignitatem promouendus est ; annos natus esse debet non minus triginta . Nam ea ætate Dominum , & baptizatum esse , & concionatum fuisse legimus . Alioqui si quis minor fuerit ; eligi non poterit . In alijs autem inferioribus dignitatibus , sufficit legitimum annum attigisse .

15 Idem iuris est in ijs ; qui aut excommunicatio- nis , aut suspensionis vinculo sunt innodati . Sed nec ij eligi possunt , qui in sacris ordinibus non sunt constituti , saltem Subdiaconatu : neque Schismatici eligi debent .

16 Neophyti quoque in Episcopos ordinari prohibentur . Indecens est enim , & valde præposterum , eum fieri magistrum , qui nondum didicit esse discipulus . Appellantur autem Neophyti , qui propositum sacræ religionis nouiter assumpserunt .

17 Quirique scienter indignum eligunt , non solum eligendi potestate priuandi sunt ; verum etiam per triennium , vt ab alijs eligi possint , se ipsos inhabiles reddunt .

TITVLVS VII.

De Postulatione .

Postulatio est , eius , qui eligi non potest , in Prælatum concors Capituli petitio . Existunt enim interdum viri , quorum optima indoles magno posset esse vsui Ecclesiæ , veluti literarum do-
Ari-

strina, magnus rerum usus, & morum vitæq; integritas. Verùm tamen aliquid in eis desideratur, quod impedimento est, ne Ecclesijs præfici possint, veluti ordines, ætas, natales legitimi. Quapropter ne his causis Ecclesia viris idoneis careat, solet interdum collegium utilitatis publicæ gratia, ab Antistitibus sibi Prælatos dari petere. Qui Antistites huius rei causa aditi, egregijs eorùm qui postulante moribus, & disciplinis mori, postulationem admittent, si eis ita videbitur. Post quod (vt euitetur circuitus, & Ecclesiarum dispendium) alia electione, vel postulatione confirmatus non indigebit, sed omni ius conferretur, non secus ac si electus verè confirmatusque fuisset.

Ex hoc apparet, eum qui trigésimum annum nondum complevit, item in minoribus ordinibus constitutum, aut laicum, item natalibus læsum, licet eligi non possint, postulari tamen posse. *Primo*, Sextuplices autem personæ, quæ non ob animi vel corporis vitium, sed ob alterius defectum qualitatis eligi non possunt, postulari tamen possunt. *Primo*, Episcopus ad Archiepiscopatum. *Secundo*, Archiepiscopus ad alium Archiepiscopatum, & Primatum. *Tertio*, Episcopus propriæ alligatus Ecclesiæ, ad alium alt iorem Episcopatum. *Quarto*, Laicus, vel Clericus in Minoribus Ordinibus constitutus, ad Episcopalem dignitatem. *Quinto*, illegitimè natus, irregularitate, vel crimine aliquo irretitus. *Sexto*, nondum in legitima ætate constitutus.

4 Non idem iuris est in Abbatibus, & cæteris Prælati, infra Episcopalem dignitatem constitutis. Isti enim licet propriæ Ecclesiæ videantur alligati, nihilominus eligi possunt: proprium tamen non deserant Monasterium, nisi licentia impetrata.

5 Duplex itaque est Postulatio. *Alia solennis, quando*

do aliquo defectu postularus impeditus, ad regendam Ecclesiam licentia Pontificis Summi admittitur. *Et alia simplex*, quando nullo defectu postularus impeditus, consensum tantum superioris Antistitis requirit, ne illo inconsulto ad dignitatem Ecclesiasticam promoueri videatur. Sic inuito aut inscio Abbate, eius Monachus ad Episcopatum assumi non potest; ne videlicet Patre ignorante filius Ecclesiæ præficiatur.

6. Postulatio autem facta, & Summo Pontifici, alijue Antistiti, qui admittendi eam ius habeat, oblata, reuocari deinceps non potest. Qua in re manifesta deprehenditur differentia inter Electionem & Postulationem: siquidem Electio publicato scrutinio amplius mutari non potest, ut supra docuimus. Hoc tamen Postulationi cum electione commune est; quod non minus examinanda est, quam Electio; & eandem formam exigit, quā supra in Electione esse necessariam demonstrauimus.

7. Postulationi affinis est *Nominatio*; Cuius itidem duæ sunt species. Altera *Simplex*, Et altera *solennis*. *Simplex est*, cum Canonici, vel alij electores, priusquam ad scrutinium faciendum se accingant, ipsi inter se aliquos ex omnibus nominant eligi dignos. *Solennis autem est*, cum collegium duos vel tres, qui omnium præstantissimi videantur seligit; eorumque nomina in scriptis solenniter deposita, ad Summum Pontificem, vel alium, qui in hoc potestatem habeat, transmittit supplicans, ut eorum vnum Ecclesiæ dare Præsidem velit. Et talis nominatio à Postulatione in eo discrepat, quod Postulatio de vno tantum fit, Nominatio verò de pluribus. In hoc autem conuenit, quod si solenniter est facta, ab ea resilire non licet; sicut neque à Postulatione, Superiori iam reddita: nisi Prælati ipse postulantibus, vel nominantibus, morem gerere velit: quo casu etiam ipso postulato, vel nominato repugnante, retractatio permittetur.

De confirmatione Electi.

QVI ad aliquam Præfecturam electus est, non tamen idcirco plenum ius dicitur consecutus, nisi electionis confirmationem à suo Antistite impetrarit. Quare, si quis, antequam confirmatus esset administrationi temere se ingesserit, non solum confirmationis spe, sed etiam omni iure ei per electionem quæsito priuatus erit, adeò, vt neque Oeconomi, neque Procuratoris titulus ei villo auxilio esse possit.

2 Est igitur Confirmatio, iuris prius habiti corroboratio; per quam initiatum electione spirituale matrimonium à superiore Prælato ratificatur.

3 Electores itaque quamprimum commodè possunt, operam dent, vt electi consensum habeant, quem si infra mensem, sine causa legibus cognita, electus accommodare distulerit, iure si quod ei fuerat ex tali electione quæsitum, statim carere debet: electoresque ad aliam electionem libere posse conuocare.

4 Electus post consensum electioni præstitum, vel notitiam habitam, debet infra tres menses (si nullum iustum impedimentum obstat) confirmationem à superiore Prælato petere. Alioqui trimestri spatio elapso, electionem esse penitus irritandam.

5 Et quia ad eundem pertinet examinatio electi, ad quem & manus impositio spectat; idcirco is, ad quem confirmatio pertinet, diligenter examinare debet, & electionis processum, & personam electi, ne quis non idoneus promoueri possit. Et cum omnia rite facta comperiet, tunc munus ei confirmationis impendat. Quod si secus factum fuerit, non solum deiiciendus erit indignè promotus, verum etiam indignè promouens puniendus.

Nihil est enim quod Ecclesiæ Dei magis officiat, quam si indigni ad regimen assumuntur animarum.

6 Quod cum in cunctis sacris ordinibus sibi locum vendicat; in Episcopo tamen multo fortius; qui ad curam aliorum positus in se ipso debet ostendere, quomodo cæteros in domo Dei oporteat versari. Ideo, ubi maius periculum, ibi plenius consulendum est.

7 Peret igitur is qui confirmatus est, ab Apostolica Sede literas confirmationis suæ tenorem continentes, illisq; ostendet ad quos ea res pertinet: alioqui nulli eam absque dictarum literarum ostensione recipere tenebuntur. Quod & in promotione apud dictam Sedem facta, & in consecrationis, vel benedictionis munere locum sibi vendicat.

8 Quod si fortè eligentium vota in duas se diuiserint partes, is confirmatoris iudicio alteri præferendus erit, qui maioribus iuuatur studiis, & meritis.

9 Et si vacante Ecclesia, scisso in duas partes Capitulo, alius quidem electus fuerit, alius verò postulat, & uterque pariter idoneus; tunc si postulantium numerus, sit eligentium duplo maior, utrique postulationem esse, admittendam: sin id minus, electionem confirmandam. Sed si postulantes indignum nescij postulauerunt; nec postulatio, nec electio rata habenda erit: si scientes & prudentes, erit electio confirmanda.

10 Est autem differentia inter postulationem, & electionem ista, quia postulatio non dicitur confirmari, sed admitti; & hæc admissio habet vim electionis, & confirmationis: Electio autem dicitur confirmari à superiori Antistite. Confirmandi verò ius ad eum Prælatum spectat, cui ea dignitas immediatè subest, quæ confirmari petitur. Hinc ad dignitatem inferiorem electum confirmabit Episcopus, adhibito interdum Capituli sui consilio: Episcopum confirmabit Metropolitani; Metropolitanus Patriarcha: ipsum denique Patriarcham, Summus Pontifex.

Quapropter confirmantem obseruare oportet, ne dum nimia in confirmando celeritate utitur contra doctrinam Apostoli, proprium affectum iuri, & æquitati præponat. Itaque, si coelectus aliquis, vel contradictor apparet, ante confirmationem nominatim vocandus est: alioqui si nemo apparet, in sôribus Ecclesiæ, in qua electio facta est, generaliter edicendum erit, vt si qui sint, qui confirmationi futuræ velint opponere, ad contradicendum in assignato peremptorio termino, præsentibus esse debeant. Quæ omnia locum habent, siue concorditer electio fuerit celebrata, siue non.

12. Sciant tamen ij, qui contra electionem opponendū duxerint, se si probationibus destituti fuerint, ab omni poenitentia præsidio exclusos, legitimis poenis esse subiicendos.

13. Quod si contingat electum fuisse aliquando Schismaticum, & ante electionem ad vnitatem Ecclesiæ rediisse, tunc si à Schismaticis nullum susceperit ordinem, & eius electio canonicè celebrata deprehendatur, posse illam dispensatione confirmari: Similiter & in hæresinatum, si antea hæresim suam abiurauerat, dispensatiuè confirmabitur Papa.

14. Interdum tamen accidit, vt qui ad confirmationem accipiendam non admittitur, non tamen omnino repellatur: aut si quis ante iustam ætatem sit electus, quæ aut necessitas, aut certe poscebat vtilitas, is enim, etsi confirmari non possit, poterit tamen Procurator à Sede Apostolica fieri, cum libera tam in spiritualibus, quàm in temporalibus administratione. Siquidem illa, quæ ordinis sunt, & quæ ministerium exigunt consecrationis, poterit mandare per alios Episcopos exerceri.

15. Confirmatus autem, & nondum consecratus, quæ iurisdictionis sunt, vt puta corrigendi, excommunicandi, institutiendum à vassallis exigendi, conferendi beneficia, instituendi, confirmandi, & ijs similia, liberam habet tractationem. Ea verò, quæ non iurisdictionis, sed ordinis

dinis sunt, veluti, Clericorum ordinationes, benedictiones virginum, depositiones, Ecclesiarum & altarium consecrationes, autē propriam consecrationem peragere prohibetur. Neque enim ratio suadere videtur, ut quis in alios id conferre possit, quo eundem indigere dignoscitur. Quod si consecratus sit, non solum quæ iurisdictionis, verum etiam quæ ordinis sunt, exequi poterit.

TITVLVS IX.

De Consecratione Episcopi.

E Lectus ad Præationem, ut non solum iurisdictionis, sed & quæ ordinis sunt exercere possit, plenumq; & integrum ius habeat, debet post confirmationem conservari: idque post electionem intra tres menses, nisi legitimum subsit impedimentum, ne Ecclesia pastoris destituta solatio & cura, aliquod interim patiatur incommodum. Alioqui, si Metropolitanus, aut ij, ad quos ea res pertinet, negligentes fuerint, Ecclesiasticis condemnationibus subijciendi erunt. Abbatis vero, intra annum à suæ confirmationis tempore computandū, munus benedictionis suscipere debent: alioquin à iure suo, nisi causa iusta subsit, cecidisse intelligantur.

2 In consecratione autem Episcopi, hæc tria seruanda sunt. *Primo*, ut sacerdos sit. *Secundo*, ut consecratio die Dominico fiat. *Tertio vero*, ut ordinationi tres Episcopi intersint. Archiepiscopus enim ab omnibus prouinciæ suæ Episcopis consecratur, in sede Metropolitana. Consecratio autem, inter Epistolæ recitationem, & Euangelij celebrari solet, sicut etiam cæterorum omnium, præter Romanum Pontificem, qui vnus ante Hymnum Angelicum consecratur, & mox ipse incipit Missarum solennia, & perficit consecratus.

3 Ordinationi Episcopi debet interesse Metropolitanus, suosque Suffraganeos ad illum actum euocare: qui si omnes concurrant, bene est; si aliqui venire non possunt sui præsentiam per epistolam facere debent.

4 Quod si Metropolitanus, vel infirmitate, vel alia iusta causa ita præpediatur, ut suorum Suffraganeorum aliquem consecrare non valeat, alicui Episcoporum vires suas demandare poterit. Deficientibus autem Episcopis comprouincialibus, si vnum tantum remanere cõtigerit, bello aut aliquo alio casu reliquis sublati, aduocabit vicinæ prouinciæ Episcopos, & cum eis comprouinciales sibi met Episcopos ordinabit.

5 Congregatis igitur die Dominico, hora tertia diei Episcopis, consecratio noui Episcopi fit, vnctione capitis & manuum Chrismate, solennibusq; verbis, precibusq; additis, examinatione etiam præmissa, qualem Carthaginense Concilium Quartum præmonstrauit. Demum, fidelitas Summo Pontifici, secundum formam Gregoriani rescripti, iuramento firmatur. Et sic consecratus, debet Archiepiscopum suum visitare intra duos menses, si ipsa persona suæ consecrationi non aderat. Et si adire ipse non poterit, significabit ei de sua consecratione.

TITVLVS X.

De Authoritate, & Usu Pallij.

1 **P**allium est Metropolitanorum insigne ornamentum, quod de corpore B. Petri sumitur, pastoralis officij plenitudinem designans. Et dicitur sumi de corpore B. Petri, quia super altare B. Petri, ubi corpus eius situm est, benedicitur & consecratur.

2 Forma Pallij est, stolla quædam albi coloris, rotunda, quæ brachijs Archiepiscopi superposita clauditur ad

mo-

modum circuli : habetque quatuor cruces nigras , ante pectus primam , retro secundam , & super brachia duas , quæ significant quatuor affectionum mortificationem in Prælo.

3 Potestas conferendi Pallij soli Romano Pontifici cōpetit ; qui inprimis plenitudinē dignitatis in quatuor Principes Patriarchas , scilicet , Constantinopolitanum , Alexandrinum , Antiochenum , & Hierosolymitanum , elargitur , postea in alios inferiores . Sed & illi quatuor Principes Patriarchæ Sedis Apostolicæ autoritate , in alios Episcopos Metropolitanos in suis Diocæsis illud conferre possunt , recepto ab illis fidelitatis , & obedientiæ Sedis Apostolicæ Sacramento .

4 Itaque Archiepiscopus non prius plenam eius dignitatis administrationem consecutus dicitur , quam Pallium impetrarit , quia nec prius poterit , Concilium vocare , Basilicas dedicare , & Episcopos consecrare , quam illo insigni plenariæ potestatis decoratus fuerit . Quapropter prospicere debet , ut eius petitionem & receptionem non differat .

5 Eo verò Pallio utetur Primas ille , in quem fuerit collatum , in qualibet sibi creditæ provinciæ Ecclesia : sed non extra provinciam ; & non semper , sed certis duntaxat diebus . Romanus autem Pontifex semper dum sacra facit , & ubique Pallio uti potest , nullo dierum vel locorum habito discrimine .

6 Solet tamen Pontifex nonnunquam indulgere , ut Archiepiscopus Suffraganeos suos consecraturus , si ad ditionis suæ Ecclesias accedere non possit , in aliena etiam Ecclesia Pallio vestiatur : dummodo eius Ecclesiæ Episcopus hoc ei permittat .

7 Nomini aures alij quis Pallium suum commodet , personæ enim hæere debet ; eaq; defuncta simul sepulchro tradi . Quod si ad aliam sedem , seu ecclesiam fortè translatus fuerit , nouo Pallio exornandus erit , quo utatur vetere omisso ; quod debet remanere apud propriam

Ecclesiam, vel ut alij volunt, debet cum ambobus sepeliri.
 8 Volens aliquid palliando obijcere, debet iurare de
 calumnia, & intra duos menses obiecta probare: alioquin
 tenetur ad poenam talionis. Quod si contradictores ista
 reuerint facere, eorum obiectionibus nequaquam ob-
 stantibus ad ipsius traditionem Pallij procedendum erit.

TITVLVS XI.

De Vita & honestate Prælatorum.

Explicato ingressu Prælatorum ad dignitatem
 ecclesiasticam, consequens est, ut etiam tractemus
 de eorundem progressu, officio, & sancti-
 monia vite; hoc enim ab illis requiritur, ut quemadmo-
 dum præcellunt dignitate, ita etiam præcellant & pietate,
 innocentia, sanctitate. Quia in sua consecratione obli-
 gantur ad statum perfectionis, & nuncupantur columna
 ecclesiæ, ut possint antecellere statum Religionum ar-
 ctissimè viuentium. Hinc Apostolus scribens ad Thessa-
 lonicenses præcipit, ut non solum à malo, sed etiam à ma-
 li suspitione se abstineant.

2. Debet igitur Episcopus esse iuxta doctrinam Apo-
 stoli, irreprehensibilis, hoc est, sine crimine & scandalo,
 ut cunctum populum cui præest, conuersatione, & in-
 nocentia præcellere possit. Qualis enim erit ædificatio
 discipuli, si se magistro intelligat esse præstantiorem?
 Nam Episcopus instruere & admonere omnes debet. Ne-
 mô autem rectè monitoris personam suscipit, nisi qui mo-
 ribus suis, aliorum errata condemnat. Quod non solum
 de Episcopo, sed etiam de omnibus, qui domui Dei de-
 seruiunt intelligi oportet. Quæ enim in alijs membris
 Ecclesiæ vacant à culpa, sæpè in Sacerdotibus habeantur
 illicita.

3 Ab improborum quoque commercijs abstinebit Prælati: quia cum sancto sanctus eris, malorum verò confortia ut plurimum bonos corrumpunt. Habebit igitur secum honesti testimonij clericos, qui possint irreprehensibiles inueniri. Et si quando illos, siue etiam laicos inter se dissidere contigerit, ad pacem magis quam ad iudiciū compellat: inque illis corrigerendis plus agat beneuolentia, quam seueritas: plus charitas, quam potestas. Neque dominari magis, quam consulere subditis cupiat; ne quod prouisum est ad concordiam, tendat ad dissidiū.

4 Et quamuis Apostolus dicat, *Instruite in spiritu lenitatis*, intelligendum tamen est, Apostolum hæc non de correctione & iudicijs dixisse, sed de doctrina & prædicatione verbi. In corrigendo enim Prælati debet miscere seueritatem lenitati. Nam misericordiæ multum demitur, si seueritate omnino sit destituta. Ideoque rectoribus inesse debet iuste consulens misericordia, & pie seruans disciplina, ut nec in disciplinæ rigore benignitatem mansuetudinis, nec rursus in mansuetudine distractionem deserant disciplinæ: quoque seuerius castigare necesse est, non seruientis plectatur animo, sed medentis. Et hoc est quod Apostolus voluit scribens ad Timotheum, *Argue, obsecra, increpa cum patientia & doctrina*.

5 Præterea cauendum est, ne Prælati peruersè agentes, conuiuendo toleret. Culpam enim facientis habet, qui quod potest negligit emendare: & error, cui non resistitur, approbatur.

6 Imprimis autem orationi & prædicationi insistat. Nam præconis officium suscipit quisquis ad sacerdotiū accedit. Hinc est quod super Pastores primos, in linguarum specie Spiritus Sanctus infedit. Populam itaque Prælati prædicando doceat: sed illa doceat, quæ à Deo ipse didicerit, non quæ illi caro, vel humanus sensus suaserit. Eapropter sacris libris iugiter insistere illum oportet. Nec enim sufficit Prælati bona conuersatio, nisi addatur scientiæ doctrina. Est ergo proprium munus Episcoporum

doni cœlestis dispensatores esse non conuenit, id quod est deterius, mente debilitatos?

12 Sicut autem Episcopum nullo errore conuenit inuolui, ita nulla debet cupiditate corripi: & propterea lucri cupidus esse prohibetur, & alicui etiam honesto negotio (puta, medicina, chirurgia, aduocatione, tabellionatu, procuratione, aut mercimonio) vt sibi victum & necessaria quærat, operam dare. Nam & Dominus negotiatores de templo verberatos expulit; & Apostolo teste, *Nemo militatis Deo, implicat se negotijs secularibus.*

13 Pudicus quoque debet esse, & moribus & verbis pudorem præferens. Eapropter Moguntino Concilio statutum legitur, vt nullus Sacerdos foeminas, de quibus suspicio potest esse, retineat. Sed neque matrem, aut amitam, aut sororem retinebit; quia in illis, instigante diabolo, scelus perpetratum reperitur, aut in pedisse quis earum. Itaque domesticarum quoque personarum immoderatam familiaritatem vitabit.

14 Oportet item Episcopum, ceterosq; ecclesiasticis officijs mancipatos, per decentiam habitus extrinseci, morum intrinsecam honestatem indicare. Et ideo, si, præterquam ex causa vrgenti, (puta, terras infidelium, vel hæreticorum transundo) indumentis, præter ordinis ac officij decorem, præsertim publicè luxurietur, illorum impudentia varijs modis, non minus recentioribus, quàm antiquis Pontificum decretis coercetur.

15 In summa, cum pro populo Episcopi suffragatores ad Deum parentur, necesse est, vt omni genere virtutum eius gratiam habere nitantur: quia cum is qui displicet, ad intercedendum mittitur, irati animus ad deteriora prouocatur.



De Officio, & Potestate Ordinarij.

Videamus nuuc, quæ sint Prælatorum partes, & quæ potestas, & Ordinariorum in primis, id est eorum, vt Ostiensis docuit, qui suo iure, vel Põtificis beneficio iurisdictionem vniuersaliter exercere possunt: cuiusmodi sunt Legati apostolici, Patriarchæ, Primates, Metropolitæ, Episcopi. Item cuius collegiatæ Ecclesiæ Præfectus, quamuis Episcopo inferior, ei:q; subditus. Nam & is iurisdictionem in plebem suam habet, eiusq; excommunicationem in subditos contortam, etiam Episcopus seruare tenetur: nec potest eam auferre, nisi excommunicatus satisfecerit, & ipse Prælatu admonitus de relaxatione ab Episcopo fuerit.

2 Gubernacula verò episcopalia nonnisi maioribus populis, & frequentioribus ciuitatibus præsidere oportet, ne dignitas vilescat absque Clero numerosiore, & Diœcesi, cui dominetur cum imperio spirituali.

3 Horum igitur Ordinariorum, qui episcopali gradu sunt illustrati, officium, & potestas erit, in suis Diœcesibus adulteria, hæreses, & scelera inquirere, vlscisci, & iudicare, præsertim vbi officium Sanctæ Inquisitionis non est separatum. Et cum opus fuerit, manum quoque secularẽ sibi auxiliarem adlascient.

4 Item hæc sunt iura Episcoporum, in ecclesijs & facellis suæ Diœcesis canonicam obedientiam habere, ac institutionem, & destitutionem (cum Capituli tamen sui consilio) correctionem & reformationem, & censuram ecclesiasticam, & iurisdictionem causarum omnium ad forum ecclesiasticum de iure spectantium, Sacramentorum quorundam collationem, Synodum, & Synodatici, seu Cathedralici nomine (vbi vltus & consuetudo est) certam portionem, quartam decimationum, & mortuario-
rum

rum; visitandi etiam ius, & visitationis nomine procurationem moderatam, & charitatis subsidium.

5 Item possunt Episcopi suæ Diocesis Ecclesias vnire: Ecclesias, altariaq; sacrare, & post pollutionem ablucere, & purgare. Chrisma, Oleum Catechumenorum, & Infirmorum conficere, ad Ordines promouere, & literas dimissorias dare. Abbates, & Abbatissas, & Moniales benedicere, & sacrare Episcopos; aliosque sibi subditos Prælatos confirmare. Cum illegitimis benignè agere, vt ad minores ordines, simpliciaque beneficia promoueri possint. Causas matrimoniales cognoscere; hæ enim præcipuè Episcopo cognoscendæ referuntur. Publicas poenitentias iniungere, indulgentiarum literas concedere. Multaq; alia munia exercere.

6 Cum autem Episcopus in tota sua Diocesi iurisdictionem ordinariam habeat, dubium non est, quin quocunque in loco Diocesis non exempto possit per se, aut per alium, pro tribunali sedere, causas fori ecclesiastici audire; personas ecclesiasticas, si earum merita exposcant, capi iubere, & in carcerem detrudi; cæteraq; ad eius officium spectantia exercere.

7 Sanxit quoque sacrosancta Synodus Tridentina, vt nemo secularis Clericus, cuiusvis dignitatis, vel Clericus regularis cuiusvis Ordinis, & Societatis, extra monasterium degens, (cum autem de Regularibus seu Religiosis iura loquuntur, intellige etiam Societatis Iesu Clericos includi per Bullam Urbani VIII. anno Christi 1634. publicatam; nisi per expressum sint in casu aliquo exempti) etiam sui Ordinis priuilegij prætextu censeatur tutus, quominus, si deliquerit, ab Ordinario loci, tanquam super hoc à Sede Apostolica delegato, secundum canonicas sanctiones visitari, puniri, & corrigi valeat.

8 Archiepiscopus verò, & si in omnes prouinciæ suæ Suffraganeos habeat iurisdictionem, in suorum tamen Suffraganeorum subditos potestatem non habet; quibusdam exceptis articulis. Sic & Patriarcha non potest

de

de causis eorum cognoscere, qui Archiepiscopi sui, vel Episcopi sub ditione sunt: nisi appellatione ad eum legitime interposita: aut consuetudinis alicuius, vel priuilegij iure.

9 Si contingat varias linguas, & ritibus nationes, eiusdem tamen Christianæ religionis, & doctrinæ cultores, eandem ciuitatem, vel Diocesim incolere, Pontifices eorum locorum, viros idoneos conquirere debent, qui pro linguarum, & rituum varietate eis diuina officia celebrent, & sacramenta Ecclesiastica propinent, instructes eos verbo pariter, & exemplo.

10 Episcopis, qui se pontificijs quibusdam muneribus obeundis non esse idoneos sentiunt, puta, verbo Dei ad populum ferendo, Ecclesijs inuiscendis, reatibusq; subditorum audiendis, & poenis condignis obcrimina inuendis: vel qui aliqua iusta causa perpetuo impediti sunt, ægritudinis fortè, vel senij, vel alia: idoneos viros de Capitulo sui, vel maioris partis consilio, & assensu, auctoritate apostolica sibi adsciscunt, qui has partes eorum vice strenue obire possint, qui homines Coadiutores, vel Cooperatores appellantur, & de prouentibus Prælatorum, quibus cooperantur, sumptus moderatos capiant. Cuiusmodi virorum copia, ut ne vnquam desit, pro vsibus Ecclesiæ, multi his artibus, & disciplinis optimis præditi in Ecclesijs instituendi sunt.

11 Coadiutores verò Episcopis, alijsq; Prælati, non aliàs cum futura successione dari solent, nisi causa prius à Summo Pontifice cognita. Hinc generaliter sciendum est, neminem esse in officio, quod prætendit à Sede apostolica sibi collatum, facile accipiendum, qui apostolicos codicillos non ostendat: nisi, & qui eos receperint, & ipsi recepti poenas canonicas experiri velint.



TITVLVS XIII.

De Officio Archidiaconi.

Quoniam verò grauis, & lata est pastoralis officij cura, rectè constitutum est, vt aliqui in Ecclesia sint, qui vnà cum Episcopo onus ferant, & sui Prælati valeant subleuare sollicitudinem. Talis est Archidiaconus, qui maior post Episcopum, & eius à iure Vicarius constitutus est. Cuius vigilantia, & solertia, vsq; adeo in domo Domini excubare debet, vt *oculus Episcopi* non immerito meruerit appellari.

2 Archidiaconus itaque Cleri vniuersi curam habet, tam in vrbe, quam in parochijs: præst Archipresbytero, Primicerio, Custodi, Sacristæ, & vt iniuncti sui muneris sollicitudinem diligenter exequantur, dispiciet. Imperat Subdiaconis, & Leuitis: parochiarumq; sollicitudo & ordinatio ad ipsum perlinet. Iurgia singulorum cognoscit, & quæ corrigenda aut emendanda viderit, corrigere, & emendare tenetur: instaurandisq; Ecclesijs præest.

3 Quod si qua fuerint ita ardua, quæ per eum commode non possunt terminari, ad Episcopum suum deferret. Ipse Leuitas de eorum officio instruit, & iubet eos sacras vestes induere; omneq; officium ecclesiasticum ipse disponit. Lectiones, aut responsoria in matrice Ecclesia præscribit, vel audit, ita vt nemo Euangelium sacræue Epistolam, aut responsoria, aut aliam quamlibet lectionem in Ecclesia legere, aut canere possit, nisi prius ab Archidiacono exauditus. Acolythis quoque ipse officia diuidit, præcipiendo quis eorum candelabra, quis thuribulum gestare, & quod quisque minorum in Ecclesia munus obire debeat.

4 Qui ad sacros Ordines promouendi sunt, eius examini subijci debent. Eius quoque officij est, examinatio eorum qui sunt Ecclesijs præficiendi, quos etiam ipse eorum Episcopo sistere debet. Idem Prælatos in sede locat nam.

nam missio in corporalem beneficiorum, & officiorum possessionem, eius officij est. Non tamen aut animarum curam citra Episcopi mandatum committere potest, aut in aliquos sententiam excommunicationis promulgare; aut aliquem extero Episcopo sistere debet aut commendare ordinibus suscipiendis, aut in monasteria iurisdictionem habere; nisi consuetudine præscripserit.

5 Dicitur itaque Archidiaconus, quasi princeps ministerij, & administrationis iurisdictionis: & ideo non potest ad nutum Episcopi remoueri, quia in dignitate positus est primaria post ipsum, ante Præpositum, & Vicarium in spiritualibus.

6 Debet quoque Archidiaconus quolibet tertio anno, si Episcopus non poterit, vniuersam Diocesim circumire visitando, & cuncta, quæ ordinatione, vel emendatione, indigere viderit, secundum canonicas sanctiones corriget. Et si Episcopi autoritas accesserit, excommunicationis etiam sententiam feret.

TITVLVS XIV.

De Officio Archipresbyteri.

1 **A**rchidiaconus olim inferior ordine habebatur Archipresbytero, quia tantum Diaconus erat in dignitate tamen, & administratione propter curam fori contentiosi maior habebatur, cum Archipresbyter solum exerceret curam fori poenitentialis. Nunc postquam dignitas archidiaconalis deuenit iam ad Presbyteros, nemo est qui dubitet Archidiaconum præcellere Archipresbytero. Cæterum quia & hic Prælati sui curam circa spiritualia subleuat, non ab similes esse Archidiacono dicitur, præsertim cum tiara, quoque episcopali, ex permissione Sedis Apostolicæ, utitur.

2 v Sciendum autem est, quod Archipresbyter in alijs pro-

provincijs, præsertim Septentrionalibus, in Cathedralibus, & Collegiatis Ecclesijs, vocatur Præpositus qui in diuinis gerit vices Episcopi, sed quia non est in iurisdictionalibus, nec potest procedere contra Canonicum, vel alium delinquentem, quemadmodum Archidiaconus (nisi habeat talem iurisdictionem ex privilegio, vel consuetudine, aut præscriptione) ideo inferior Archidiacono dicitur esse, tamen cæteris Præsbyteris aut Canonicis eminet, ac præest.

3 Duplex autem est species Archipresbyterorum, alij urbani sunt, & alij rurales, seu exteri. *Urbani sunt*, qui Præfulis sui absentia, circa diuina in Cathedrali vicem sustinent, aut præsentis curam minuunt, vt officium, inchoando, celebrando, benedicendo in matutinis, quando legi debent lectiones, & cunctis providendo, quæ sacerdotum ministerio perfici debent. *Exteri sunt*, qui circa singulas plebes in oppidis aut villis constituti, nō solum vulgi sollicitudinē gerunt, verum etiam presbyterorū, qui per minores titulos gubernant plebem, vitam iūgi circumspectionē custodire debent, (& vulgo dicuntur in partibus Septentrionalibus, *Decani Rurales*) qui licet suis præsent plebibus, vt Episcopus matriçi præest Ecclesiæ, nihil tamen contra sui Præfulis ordinare decretum audire debēt.

4 In ciuitate vbi habetur Archipresbyter Collegiatam gubernans Ecclesiam, cura animarum dicitur pertinere ad omnes Canonicos, quibus ille potest præcipere vt administrent sacramenta, etiam sub pœna excommunicationis, cum ipse non valeat omnibus ministrare. Vnde si quis ex eius negligentia sine confessione moriatur, reus erit animæ illius.

5 Idem cæteris sacerdotibus pœnitentiam iniunget: horas dicendis officijs partiatur: sacrisq; diebus, aut ipse missam solennem dicet, aut alij hoc munus delegabit. Et quæ corrigenda viderit, Episcopo renunciabit.

6 Admonendi sunt autem ij, qui Præposituræ alicuius administrationem canonicè volunt obtinere, vt non so-

lum nomen, verum etiam ordinem habere studeant. Unde nisi, qui Archidiaconatum tenent, Diaconi; aut qui Archipresbyteratum, presbyteri infra annum fiant, amittent honorem, etiamsi iusta causa prohibente presbyteri, aut diaconi esse non potuerunt.

TITVLVS XV.

De Primicerio, & Custode.

Primicerius, qui & alio vocabulo à quibusdam appellatur Cantor, seu Præcentor, Archidiacono subest; quemadmodum etiam Archipresbyterum ei subesse diximus; curamque hanc præcipuam gerit, ut Diaconis docendi, reliquisque gradibus, & ordinibus Ecclesiasticis incumbat, & iuxta consuetudinem Diaconis præscribat lectiones, quæ ad nocturna officia Clericorum pertinent.

2 Eiusdem officium est præfigere, quæ hora signum Campanæ officiis celebrandis dari debeat, & ipsorum officiorum munia per Clericos diuidere.

3 Item ordinem, & modum canendi in Choro præfigere pro solemnitate, & tempore. Et si qua re Basilicis sanciendis opus esse viderit, Sacerdotem monere. Ipse Epistolas Episcopi pro diebus ieiuniorum Sacerdotibus, Parochis, per Ostiarios reddi curabit. Clericos, quorum errores cognouerit, idem coercebit: quos verò ipse coercere non valebit, eorum commissa Episcopo reteget.

4 Basilicarum ipse ponet custodes; & tabulam, quam matriculam vocant, ipse disponet. Eo autem absente, hunc curabit qui illi lege, vel eruditione proximus fuerit.

5 Custos verò Ecclesiæ is dicitur (qui & thesaurarius vocatur) cui ea, quæ Ecclesiæ competunt, custodienda traduntur; munimenta, & priuilegia, libri, registra, census; vasa & vestes sacræ, omniaque ornamenta quæ in Sacra-

cræ-

crario afferuantur. Hic Sacristam seu Vicecustodem constituit, atque Ostiarios Basilicarum; thus incendendum, & luminaria per eos præparat; curam Chrismatis suscipit conficiendi, & Baptisterij instruendi. Subest autem Archidiacono, vt & alij.

6 Vicecustos seu Sacrista hæc propria munera habet, vt horarum Canonicarum signa det tintinnabulorum pulsatione Archidiacono iubente. Pallia, vel linthea altaris, omniaq; Ecclesiæ utensilia, nitide ac decenter perpetua custodia seruire debet: parietes & pavementum, purgare sæpe sepius ostiarijs iubebit. Panis & vini ad Missæ sacrificium copiam suppeditabit. Eleemosynas, & prouentus diuersos Archidiacono consentiente presbyteris diuidet; & in omnibus se vigilem præstabit, ne qua negligentia aut socordia in Ecclesia Dei notari possit.

TITVLVS XVI.

De Officio Vicarij.

DVAE sunt species Vicariorum. Alij à iure constituti, qui proprio nomine deseruiunt Ecclesiæ, vt Archidiaconus, Archipresbyter, & alij de quibus supra egimus latius. Et alij constituti ab homine, vt sunt Vicarij Generales Episcoporum, Archiepiscoporum, Patriarcharum, in Spiritualibus. Et Vicarij foranei, vulgò Officiales, qui in diuersis prouincijs magnæ alicuius Diocesis (quales sunt in partibus Septentrionalibus, & præcipue in Polonia) vices Episcopi sui in spiritualibus gerunt. Itemq; Parochorum, & Canonicorum vicarij, qui sacramenta administrant populo, & in choro loco Canonicorum. (vt est vsus in Polonia) officium diuinum decantant. Quibus addas, & tertiam speciem vicariorum, qui à Sede Apostolica ad certam prouinciã regendam deputantur.

2 Cum enim frequenter eueniat Episcopos, aliosue inferiores Prælatos necessarijs causis impeditos, non posse officijs suis tam in diuinis celebrandis, ministerijs, quam in iure dicendo superesse, idcirco permittunt leges aliorum opera vti, & sibi legere viros idoneos, quibus tutò possint vices suas mandare, quos propterea vicarios vocant. Qui *vel sunt Perpetui*, apposti beneficijs vnitalijs Ecclesijs, vel Collegijs Religiosorū. *Vel temporales*, qui solummodò ad tempus, & voluntatem, aut obitum constituentis fiunt. Prout & officium vicarius Episcopi durat solummodò viuente Episcopo. Reuocatur autè translatione ipsius ad aliū Episcopatū: vel cessat obitu illius.

3 Licet per generalem officij commissionem vicario factam, causarum cognitio transferatur, potestas tamen Episcopalis, inquirendi, corrigendi, aut puniendi aliquorum excessus; seu aliquos à suis beneficijs, vel administrationibus amouendi; vel beneficia conferendi (nisi specialiter concessa sit) non transfertur.

4 Cum autem Episcopi, & sui Officialis Generalis idē sit auditorium, & subsellium, tunc à Vicario Generali non ad Episcopum, sed ad Archiepiscopum erit appellandum. Ab Officialibus verò foraneis, ad ipsum cui immediate subiacent Episcopum datur appellatio.

5 Habens curam animarum in diuersis Ecclesijs, non potest Vicarius esse: neque commendarius alicuius Parochi. Similiter & Laicus Vicarius aut Commendarius esse nequit: quia indecorum esset hominem laicum viros Ecclesiasticos iudicare, aut gubernare. Prout & Honoriana constitutione cauetur, vt Episcopus eum, qui perpetuam vicariam obtinet, per subtractionem prouentuum, vel ipsius vicariæ ablationem compellat, vt se in presbiterum promoueri faciat.



De Coadiutore.

Inter illos qui adiuuant Episcopum in sua curas pastoralis, connumeratur etiam Coadiutor. Accidit enim per sepe vt Episcopus senio, vel corporis valetudine impeditus, aut sanè mentis consilio destitutus super suum gregem excubias ducere non possit, ea propter vir prouidus, & honestus illi in Coadiutorem adiungendus est, per quem tam Episcopo, quam populo vtiliter consulatur. Cuius datio, cum de causis maioribus esse constet, ad Sedem Apostolicam, nulla obstante consuetudine, referenda est.

2 Duplex autem est Coadiutor, *Perpetuus scilicet*, cum futura successione, vt post cēsum, vel decessum Coadiutor conferatur beneficium Coadiutori. Et tales dari prohibentur, quia successionem, & quasi hereditatem petunt, non gloriam Dei. *Et Temporalis*, quia nulla spe futuræ successionis ad labores pro Episcopo obeundos datur legitime. Et talis cum cōsensu Episcopi, habet liberam potestatem in spiritualibus, & temporalibus.

3 Non solum Episcopis datur Coadiutor, sed etiam, si res exigat, inferioribus Prælati; si vel morbo aliquem contigerit impediri, vt ecclesiasticis ministris, vel nullo pacto, vel non nisi cū scandalo interesse possit. Ita tamen res temperanda erit, vt vtrique, coadiuto scilicet, & Coadiutori iuxta facultates Ecclesiæ, vitæ necessariae ministrentur.

4 Olim quibus cum Episcopis communis erat ministeriorum dispensatio, Corepiscopi, & quasi socij laborum vocabantur, quorum nunc vsus, & in Romana Sede, & in alijs Orbis Ecclesijs sublatus est.

TITVLVS XVIII.

De Translatione Episcopi.

HActenus de spiritualibus coniugij foedere egimus, quod inter Episcopum, & ecclesiam contrahitur, initiaturq; electione, vel postulatione; ratificatur confirmatione, & consummatur consecratione. Similiter vidimus de moribus Prælatorum, deq; vicarijs, & Coadiutoribus Episcoporum: nunc necesse est ut tractemus quibus modis Episcopus ab ecclesia remouetur, & sic quomodo tale coniugium præter mortem dissoluitur. Contigit autem id tribus modis, translatione, Renunciatione, & Depositione seu Degradatione: de quibus singulis videamus.

1. Antiquitus non licebat Prælati ecclesiæ transire ad alias ecclesias, tum propter obligationem personaliter seruiendi ecclesiæ, quàm in suam curam quis susceperat; tum ob vinculum matrimonij spiritualis per ingressu contractu. Nunc Translationes (quæ, & mutationes nuncupari possunt) institutæ sunt vtilitatis, & necessitatis gratia:

3. *Vtilitatis*, cum Episcopus ab ea ciuitate, cui præpositus est, in aliam transfertur, in qua magis proficere posse verisimiliter existimatur. Sic olim Princeps Apostolorum de Antiochena ciuitate se Romam transtulit, ut scilicet ibidem copiosius proficere posset.

4. *Necessitatis*, cum vrbe capta, ab hoste ecclesia deuastatur. Sed hoc casu, si ciuitatem, de qua effugerit Episcopus, ab hostibus liberari, & ad priorem statum contigerit reuocari, ad eam expulsus redire cogitur.

5. *Et itaque Translatio*, de sede in sedem facta commutatio: Vel aliter. Est ab vna ecclesia ad aliam ecclesiam, regulariter facta transitio. Id est, cum scitu Sedis Apostolicæ. Ad solum enim Romanū Pōntificem Episcopos transferre pertinet. Quod obtinet non solum si Episcopus est cōsecratus, verum etiam si tantum Canonice fuit electus,

& con-

& confirmatus. Cui, vt supra diximus, post electionem, & confirmationem inter personas eligentium, & electi coniugium fit spirituale contractum.

6 Quicumque autem auaritia ducti, aut ambitione impulsī, ecclesiæ suæ medioeritate despecta, ad maiorem sese plebem propria auctoritate transtulerint, etiamsi à populo fuerint attracti, à Cathedra debent repellī aliena, & carcere propria: vt nec illis præsideant, quos per superbiam spreuerunt; nec illis, quos ob auaritiā, vel ambitum concupuerunt.

7 Non absimilis iuris ratio obrinet in præbyteris, & cæteris infra Episcopalem dignitatem constitutis. Nam si vel qualibet causa propria quis auctoritate cum altero suum beneficium permutare voluit: vterque proprii beneficii iacturam faciet. Beneficiorum enim, & præbendarum permutationes generaliter fieri prohibentur, præsertim pactione præmissa, quæ circa spiritualia, vel spiritualibus annexa, semper labem Simoniacæ continet. Licet possit Episcopus de vno loco ad alium aliquos transferre, vt qui vno loco minus sint vtilēs, alibi se valeant vtilius exercere.

8 Debet autem permutatio esse libera, & sine fraude, vel alio pacto illicito facta. Si enim esset fraudulenta, vel metu, aut dolo facta, esset nulla. Et idem est de renūciatione, ac resignatione sentiendum. Ideirco si permutatio beneficiorum completa fuerit ex vna parte, & per alterum stat quo minus impleatur, restituitur pars ad suum beneficium, cum iura deceptis, non decipientibus subuenire debeant.

9 Permutatio fiat cum iusta causa, pro vtilitate, seu necessitate ecclesiæ principaliter, non personarum permutantium. Quod si aliqua beneficia ex causa permutationis ab aliquibus resignata, alijs quā ipsis permutare volentibus conferantur, nullius firmitatis erit collatio.

10 Quinimo, si in Diocesi aliqua, quidam forte auctoritate Apostolica beneficia proximo vacatura expectanti

stant: illi tamen, qui secundum formam iuris sua beneficia in eadem Diocesi ad Ordinarii collationem spectantia, liberè ac sine fraude in manibus Episcopi resignauerint, non nisi ex causa permutationis resignaturi, ab huiusmodi expectantibus circa faciendam permutationem minimè impediuntur,

TITVLVS XIX.

De Renunciatione.

Renunciatio est, rei vel iuris proprii spontanea, facta refutatio. Alienis siquidem rebus, quæ in sua facultate, & potestate non sunt, nemo renunciare potest. Ita, si coactus renunciasset, renunciatio esset nulla.

2 Cause verò propter quas Episcopus potest à Summo Pontifice cedendi licentiam postulare, sunt sex. Conscientia criminis. Debilitas corporis. Defectus scientiæ. Malitia plebis. Graue scandalum, & Irregularitas personæ; quas omnes causas Innocentius III. epistola sua ad Arelatensem Episcopum, dilucidè complexus est. Alias Prælati, qui Summo Pontifici immediatè subest, pro crimine quantumvis graui, non potest ab alio, quam ab ipso Summo Pontifice, Præfecturæ quam gerit, vacationem impetrare. Comprehenduntur autem supradictæ sex causæ his versibus.

Debilis, ignorans, male conscius, Irregularis

Quem mala plebs odit, dans scandala cedere potest.

3 Crimen conscientie est illud, propter quod ipsius officij executio post peractam poenitentiam impeditur, ut si homicida sit, vel Simoniacus, vel intrusus, adulter, aut concubinariarius, vel aliquod aliud peccatum committat quod ipso iure irrogat infamiam, & cum post monitionem non resipiscens sustinet excommunicationem.

per

per annum vel ultra. In alijs verò criminibus de quibus potest poenitere remanendo in officij administratione, non tenetur quis petere cessionem.

4. Non abimilis ratio in debilitate corporis obtinet: nam non quilibet, sed solum illa legitimam renunciandi præstat causam, per quam quis ad exequendum officium pastorale redditur impotens. Siue illa debilitas proveniat ex morbo accidentali, siue ex senectute. Non tamen omnibus debilibus permittitur officium, vel dignitatem suam arbitrio suo deponere; nam & senes, & valetudinarii, si Ecclesiæ sunt utiles, & necessarij, vacationem ab officio non impetrabunt.

5. Magnus quoque defectus scientiæ tribuit legitimam causam renunciandi: quia cum illa circa spiritualium administrationem sit potissimum necessaria, circa curam temporalium opportuna; Præsul, qui in vtrisque commissam sibi debet Ecclesiam regere, salubriter ei renunciat, si quomodo ipsam regere debeat ignoret. Quamquam autem desideranda sit eminens scientia in pastore, in eo tamen mediocris tolerari potest, quia imperfectam scientiæ potest supplere perfectio charitatis. Tenetur autem Episcopus addiscere cum potest, quia alios docere tenetur; ideoq; aliorum doctrina indigere non debet. Alias si non habet cōpetentē literaturā, remoueri potest.

6. Similiter malitia plebis iustam tribuit renunciandi causam, præsertim quando plebs tam duræ cervicis existit, ut apud ipsum amplius proficere non possit. Hoc fecisse leguntur etiam Apostoli ipsi, qui Iudæis incredulis & duræ cervicis dixerunt. *Ecce conuertimur ad gentes, quia verbi Dei vos indignos fecissis*, ut legitur in Actis cap. 13. Unde si quis a periculo mortis in discrimine versatur, dum Episcopatus sui administrationem strenuè gerere studet, ac in Ecclesia sua morari conatur; poterit missionem impetrare. Quamdiū autem est aliqua spes profectus, non potest Prælatas renunciare, quia iuxta D. Gregorij doctrinam, æquanimiter portandi sunt mali.

7 Item pro graui scandalo vitando, cum aliter sedari non potest, licet Episcopo petere cessionem, ne plus temporalem honorem, quam æternam videatur affectare salutem. Alioqui vtilius scandalum nasci permittitur, quàm vt veritas relinquatur. Quia veritas bonæ vitæ, vel iustitiæ nunquam deferenda est; veritas verò disciplinæ nonnunquam; puta, quando multitudo peccantium est in causa, non tamen volunt defendere malum, quod faciunt, vt sunt commestationes, ebrietates, fornicationes, & alia peccata. Si verò volunt defendere malum, quod faciunt, & illud excusare quasi ex auctoritate, tunc multitudini parcendum non est, propter scandalum.

8. *Est autem scandalum*, secundum Diuum Hieronymum Græcum verbum, quod offensionem, siue ruinam significat. Et definitur ab eo sic. Est dictum vel factum minus rectè, præbens occasionem ruinæ. Et quia peccatum contra charitatem est, qua Prælatus tenetur complecti subditos; & propter id debet renunciare Episcopatum, non exacerbare subditos temeritate sua.

9 Item ob Irregularitatem potest renunciari, puta, si sit bigamus, & non manifestauit impedimentum tempore suæ procreationis. Similiter, si de legitimo matris nonio non sit natus. Vnde imponi sibi debet pœnitentia, cum dispensatur. Tamen si culpabilis, & causa, id est, ipsa Irregularitas occulta est, dispensatur cum ipso propter vtilitatem Ecclesiæ, si suum laudabiliter impleuit officiũ.

10 Cæterum, ob alias causas renunciationem affectantes audiendi non sunt, dum fortè aliqui laboris angustias declinantes, ad orium, aduersus gloriosi Pontificis Martini exemplum, aspirare contendunt, qui dixit ad Deum. *Domine, si adhuc populo tuo sum necessarius, non recuso laborem.*

11 Quando autem aliquis Episcopus, humilitatis; & pœnitentiæ causa, Apostolica concessione, ab episcopali sede, ad monachalem descendit subiectionem, ille iam rursus, verante Constantinopolitano Concilio, non potest ad episcopalem dignitatem reuerti, quia ob huiusmo-

iustmodi ingressum dicitur mortuus mundo.

12 Sed si quis persecutionis rabie saeuente; vel præpeditus aduersa valetudine corporis, non potuit administrare Episcopatum, & propterea Sedis apostolicæ auctoritate factus fuit Monachus: persecutionis, vel egritudinis impedimento cessante, potest reuerti ad episcopalem dignitatem. Cum status Episcopalis sit altioris ordinis, quam sit status Religiosorum. Hinc & Monachus qui nunquam fuit Episcopus, benè potest esse Episcopus, quia ad altiorem, & perfectiorem gradum promouetur. Qui verò conuictus est de crimine, & ob id detrusus est in monasterium, ille non poterit amplius, redire ad Episcopatum.

13 Cæterum, qui humilitatis causa, transiit ad Monachatum de licentia Papæ, is licet per se non possit redire ad Episcopatum, poterit tamen de mandato Papæ. Sicque & ille, qui propter doctrinæ defectum locum regiminis deferens, auctoritate apostolica, ad orium se contulerat monachale, si per exercitium lectionis scientiæ reperit margaritam, proculdubio denuo vocatus ad Cathedram pastorem redire poterit.

14 Rursus, si quis cupiditate parentum, simoniace fuerit Episcopatum adeptus ignoranter, & hoc comperito de licentia superioris illum dimittens, obseruantiam elegerit regularem: Si fiat postea per poenitentiam aptus ad officium pastorale, licet ad primum reuerti non possit; alium tamen Episcopatum benè consequi potest.

15 Renunciatio autem ad eum fieri debet, ad quem spectat & confirmatio. Vnde Abbas, qui Romanæ immediate subditus est Ecclesiæ, nisi licentia à Romano Pontifice legitime impetrata, sui regiminis oneri renunciare minime poterit. Quod si Episcopo subiectus sit; cum eiusdem permissione locum suum licito iure poterit relinquere. Et hoc generale est in præbendis, & cæteris minoribus beneficijs, vt apud eum fieri debeat renunciatio, ad quem pertinere dignoscitur confirmatio. Ex quo ap-

parere potest, quod resignatio, facta laico, nullam iuris
obtinet firmitatem.

16 Papa etiam potest libere renunciare Papatui, in ma-
nibus eligentium, si se insufficientem ad regimen vniuer-
salis Ecclesiæ reperit. Licet pauci reperiantur, qui hoc
fecerunt.

17 Potest autem quis, non solum per semetipsum re-
signare, verum etiam per procuratorem. Nec intererit
vnus constituatur, an plures in solidum, vel coniunctim.
Et licet postea poenitentia ductus procuratorem reuoca-
re voluerit, si procurator iam renunciationem fecit, cessio
per eum facta iam tenebit. Nisi forte dolo malo factum
fuerit, quod ad procuratorem reuocatio antecessione
peruenire non poterit.

18 Qui verò impetrauit cedendi licentiam, & postea
poenitentia ductus renunciare non vult, talis Conciliorū
statutis ad cedendum compellitur, ne autoritas superio-
ris sit in contemptu, & illusione.

TITVLVS XX.

De Depositione seu Degradatione.

Vltimus modus quo Episcopus ab Ecclesia re-
mouetur, est Depositiō seu Degradatio, quæ
instituta est ad similitudinem exaurationis
militaris. Quando enim aliquis crimen contra dignita-
tem armatæ militiæ committit, tunc illi & ordo militaris,
& insignia militaria ob delictum detrahuntur. Sic cum
Episcopus de gradu deiecitur, coniugium inter illum, &
Ecclesiam dissoluitur; priuaturq; & dignitate episcopali,
& ordinibus sacerdotalibus.

2 Degradatio itaque est, omnibus gradibus, & ordinibus
spoliatio. Quæ licet videatur idem esse cum Depositiō-
ne, hanc tamen secundum proprietatem verbi differe-
tiam

tiam habet : quod degradatio proprie dicitur respectu Ordinum, depositio vero respectu honorum & dignitatum. Item, depositio proprie est verbalis, quæ non eximit Clericum à potestate iudicis ecclesiastici, et quæ iudex secularis puniatur cum solemnitate degradatio autem est actualis, quæ eximit Clericum à manibus iudicis ecclesiastici, & tradit curiæ seculari.

3. Ideo duplex est Degradatio, Verbalis, & Actualis. Verbalis degradatio est, cum ab eo qui auctoritatem habet, assistente certo Episcoporum numero, (puta duodecim) depositionis fertur sententia. Actualis vero, sine solemnitate, cum non solum fertur sententia, verum etiam ab eo, qui degradandus est, vestes, & singula insignia sui Ordinis gradatim auferuntur. Cuius ordo ac series, latissime Bonifacii VIII. responso, ex Concilio Carthagenensi secundo desumpta, ad Arelatensem Episcopum describitur.

4. Et hæc Degradatio, licet auferat omnia privilegia clericalia, tamen non aufert characterem Ordinis, nec votum continentie. Ideo degradatus non poterit contrahere matrimonium si erat in sacris; & multo minus depositus ab ordine.

5. Quod si degradandus est in minoribus tantum constitutus, ex forma Sacri Concilij Tridentini, proprii Episcopi sententia, absque ullorum Episcoporum interuentu, satis erit. Similiter in degradatione Sacerdotis, ob causam hæresis; solus Episcopus convocatis Abbatibus, & alijs Prælatibus, virisq; sue diocesis pietatis ac bonis artibus instructis, degradare poterit.

6. Clericus igitur ob grave flagitium degradatus, cum ab ecclesiastico foro fuerit projectus, seculari iuræ traditur puniendus. Unde celebranda erit talis degradatio seculari præsentate potestate; & cum perfecta fuerit, pronuntiandum ut secularis iudex degradatum, tanquam clericali privilegio exutum, in forum suum recipiat puniendum. Pro quo tamen Ecclesia debet intercedere, vel citra mortis periculum in eum sententia moderetur. Et si

impe-

impetrauerit, & degradatus poenæ superstes fuerit, ab administratione sui Ordinis debet abstinere: Officium autem dicere non solum non vetatur, verum etiam grauius peccat non dicendo.

7 Degradatio eiusmodi non solet fieri, nisi in tribus criminibus. Falsi commissi in literis Apostolicis, Hæresis, & parricidij Episcopi, vel Presbyteri. Assassini verò, & in alijs atrocissimis criminibus deprehensi, possunt puniri etiam ultimo supplicio à curia seculari, sine degradatione, tanquam incorrigibiles.

8 Quod si cingulo militiæ cœlestis exauctoratus, ausu temerario sibi dudum commissum, audebit in posterum attingere ministerium (tamen celebrando conficeret corpus Dominicum) etiam ab Ecclesia ex canone Apostolorum erit abscindendus.

TITVLVS XXI.

*De officio, & potestate Capituli
Sede Vacante.*

1 **C**oniugio spirituali inter Episcopum, & Ecclesiā dissoluto, morte vel translatione illius, aut renunciatione, depositioneue; eius munerum, partem subit Capitulum; omnisq; iurisdictio & potestas ordinaria, quæ Episcopo competebat, tam in spirituum, quam temporalium administratione, interim ad ipsum spectat.

2 Quocirca Sede vacante Capitulum electiones confirmat, vel infirmat; & oblatos sibi ab Ecclesiarum Patronis, tam Laicis, quam Clericis in Ecclesijs instituit. Iudices dat. Condit statuta. In omnibus illis casibus dispensat, quibus etiam Episcopus. Et potest vicinos Episcopos conuocare, qui Christiana, & Catechumenorum, Infir-

infirmorumq; oleum conficiant, vt de more quotannis fieri consuevit solenni Coenæ Dominicæ die Missa celebrata. Quiq; candidatos ad Ordines promoucant, Ecclesiæque Cœmeteria, altaria, calices cōsecrent & reconcilient. Confirmationis Sacramentum, cum sancto Chrysmate conferant: Abbatibus, Abbatissisque, campanis, & mappis benedicant; cæteraq; omnia quæ Episcopalis Ordinis sunt, exercçant.

3. Quin & Metropolitana Ecclesiæ Capitulo, dum ea Sedes vacat, potestas est, Suffraganeis eius prouinciæ mādare, vt aliquem Suffraganeū confirmatum cōsecrent.

4. Concedit etiam Capitulum Sede vacante, literas dimissorias. Et ius visitandæ Diocesis suæ habent.

5. Item Capitulum pensioni transactionis causa beneficio imponendæ author non minus fieri potest, quam idem ipse Episcopus posset.

6. Præterea potest beneficium eius qui in curia decesserit, Summi Pontificis largitioni seruatum, post mensem conferre, si illud Summus Pontifex non contulerit, quæ admodum & Episcopus posset. Sed & menses, quos Episcopus ad conferendum habet, Capitulum eosdem pariter Episcopo defuncto, aut aliter ecclesia vacante, præcipuos habet: adeò, vt non possit quis Literarum pontificiarum vi beneficium expectans, his mensibus vacans, beneficium assequi.

7. Potest etiam Capitulum Sede vacante, vicarium Episcopalis iurisdictionis creare, (vulgo administratorem vocant) & creatum arbitrio suo reuocare. Quem infra octo dies post mortem Episcopi constituere, vel existentē confirmare omnino tenentur: sin secus factum fuerit, ad Metropolitanam deputatio huiusmodi deuoluatur. Et si ecclesia ipsa metropolitana pro tunc vacans fuerit, vel exempta, cuius Capitulum in creando vicario negligens fuerit, liceat tunc temporis antiquiori Episcopo, ex Suffraganeis in Metropolitana, propinquiori autem Episcopo, in exempta, Oeconomum & Vicarium idoneos con-

pu.

stitueret; à quibus deinde Episcopus ad vacantem ecclesiam promotus rationem exigit officiorum, iurisdictionis, & administrationis. Et si deliquerint, poterit edes punire. Similiter eidem Episcopo promotus tenetur Capitulum de scripturis ad ecclesiam pertinentibus rationem reddere, si quæ ad Capitulum peruenerint.

8. Similiter fructuum percipiendorum munus, eidem Capitulo incumbit, Oeconomum vnum, vel plures assignando, qui rerum ecclesiasticarum, & prouentuum curam gerant, quorum rationem ei, ad quem pertinebit, sint reddituri.

9. Item, si ad Episcopum, & Capitulum communiter pertineat collatio præbendarum, defuncto Episcopo, vel à beneficiorum collatione suspensio, vel aliter vacanti Sedem suam relinquente, poterit Capitulum vacantes conferre præbendas, etiamsi Episcopus collationi tanquam Prælatus, non ut simplex dumtaxat Canonicus interesse potuisset. Et versa vice, idem poterit Episcopus, si contingerit Capitulum à collatione suspendi, vel singulariter ipsius Capituli vnumquemque excommunicationis vinculo innodari.

10. Cum verò ad solum Episcopum, præbendarum spectat collatio cum consilio Capituli sui, vel assensu; defuncto Episcopo, vel suspensio (nisi Episcopus in petenda suspensionis relaxatione sit in mora) Capitulum proculdubio eas non confert: quodammodo enim alienare dicitur & donare, qui beneficium confert; at ius alienandi Capitulo competere nemo dixerit. Adde, & quod, cum beneficiorum conferendorum potestas in fructu iurisdictionis Episcopalis sit, fructus successoribus seruandos nemo dubitat.

11. Sede autem vacante nihil nouari contra eam potest; & ideo prius vnita illi ecclesie dissociari non debet: & iudicium contra ecclesiam Sede vacante legitimo defensore carentem institutum non tenet.

TITVLVS XXII.

De officio, & potestate Legati.

1 **C**VM multa sæpe accendant, quæ ita ardua sunt, vt per locorum Ordinarios absolui non possint, sed supremi Pontificis potestatem auctoritatemq; desiderent, ipse autem Romanus Pontifex omnibus vbique præsto esse non possit, suam auctoritatem impertiturus; necessarium fuit, vt aliquis in prouincias latissima cum potestate mitteretur, qui Romani Pontificis gerens vicem ea administraret, quæ alioqui Sedis Apostolicæ potestate eguissent, eò factum est, vt Legati à Sede Apostolica in prouincias mittantur: quos, si qui nõ admitterint, aut impedierint, ipso facto in sententiam excommunicationis incidunt, eorumq; terræ ecclesiastico subiiciuntur interdicto, nulla cõsuetudine cõtraria attēta.

2 Atque hi *Legati triplicis generis sunt*. Nam aut Cardinalium è Collegio sunt, qui & propterea de latere Summi Pontificis Legati dicuntur; quod ab eius latere, qui hæc eos decet, cum in prouincias mittuntur abscedunt, nec frequenter curiam exeunt, nisi cum tali officio, & potestate legationis.

3 Aut sunt Cardinalibus inferiores, quibus ipsorummet ratione, & meritis id munus concessum est, qui *Legati Constituti* dicuntur.

4 Aut qui hoc legationis officium alij dignitatis suæ annexum habent, vnde & *Legati Nati* appellantur, quod vnà cum dignitate, (puta Archiepiscopatus) quam habent, id officium nascatur, vt eius speciei esse dicuntur, Archiepiscopus Eboracensis & Cantuariensis, in Angliā: Remensis in Francia: Pisanus in Italia: Gnesnensis in Polonia. Omnes enim hi, & si qui similes in prouincijs sui Archiepiscopatus, præter Archiepiscopalis dignitatis potestatem, hanc quoque Legati auctoritatem obtinent.

5 Atque omnes Legati, cuiuscunque ex supradictis

tribus speciebus sunt, ordinariam proculdubio iurisdictionem habent: quare nec cum Pontificis Romani vita, à quo Legati sunt, eorum iurisdictione expirabit. Et Legati quidem Cardinales ferè Proconsulibus comparari possunt: qui verò Legati Cardinalibus sunt inferiores, cæteris Præsilibus antiquorum Romanorum comparantur quibus certæ sunt decretæ prouinciæ regendæ.

6 Horum autem Legatorum omnium officium est, causas audire eorum, qui in prouincijs suis ad se accedunt, & de querelis ad se delatis cognoscere, & Concilium prouinciæ vocare.

7 Beneficia autem vacantia iure legationis conferre Legato Cardinali tantùm à iure permissa est potestas: alijs autem Legatis non: nisi nominatim à Summo Pontifice eis concedatur. Sed si beneficium, de quo conferendo agitur, in alicuius Laici patronatu sit, hoc neque Legatus à latere conferre potest. Quamuis tunc possit, cum sub patronatu Clerici est, ratione Ecclesiæ, quam Clericus ipse habet.

8 Possunt etiam Legati cuiuscunque generis sint, facere statuta in prouincia sibi commissæ, post depositum quoque officium viam nihilominus habitura. Et nemo dubitat posse etiam eos delegare, quorum tamen delegatorum iurisdictione vnà cum Legati officio, nisi citatione præmissa, perpetuata sit, extinguetur.

9 Indubitati quoque iuris est, posse Legatum à latere suæ prouinciæ beneficia, suæ collationi reseruare: quæ tamē reservationes suæ legationis auctoritate factæ, post legationis officij obitum, nullius erunt momenti; & processus super eis agitati, nihil virium tunc habebunt. Cuiusmodi sunt (exempli gratia) decretæ super hisce reservationibus interpositæ, nec non denuntiationes, & inhibitiones per eum, vel per executores ab eo datos factæ, dummodò ad ipsorum beneficiorum collationem nondum ventum sit. Et hæc quidem reservationes strictè procedunt; quare nec in eadem ecclesiâ collegiæ, vel cathedra

cathedrali, nec beneficiorum, quæ ad eiusdem pertinent iurisdictionem, duas eodem tempore reservationes Legatus, vel habere, vel facere potest.

10 Item potest Legatus Cardinalis quoscumq; etiam propter manuum in Clericos iniunctionem excommunicatos absoluerè, tam in prouincia illi decreta, quàm extrà: tam subditos, quàm extraneos, & aliunde profectos, dum ipse Legatus extra urbem Romanam agit. Nec mirus hoc ei licebit, quamuis iniuria, propter quam excommunicationem incurrit, grauis fuisset, vt celeberrimis interpretum sententijs receptum est. Grauemq; iniuriam asstiment, *vel ex persona*, cui illata est, vt si in Episcopum, vel Abbatem sit manus iniecta: *vel ex re ipsa*, vt si membri mutilatio, vel maxima sanguinis effusio facta fuerit; *vel ex loco*, vt si loco publico inflicta sit, in ecclesia, in tribunali. Sed hæc tamen postremo loco narrata iniuriæ enormitas, alijs superioribus non videtur cõparanda.

11 Sed ea potestas excommunicatos absoluendi, non ita laxata est alijs Legatis, qui à Pontificis Maximi latere non sunt profecti. Nam illi quidem, quibus non dignitatis quam habent connexitate, sed sua ipsorum contemplatione Legatos esse datum est, prouinciæ suæ homines sibi subditos, dum in ea morantur, absoluendi ius habet, & si crimen alibi contraxissent; sed & non subditos, si in sua prouincia excommunicationis in pœnam inciderint, non minus absoluent. Eos verò, qui neque in sua prouincia deliquerunt, nec in ea morantur, nec aliqua ratione sibi subiecti sunt, dubium non est, quin absoluerè non possint. Imò etiam neque proprios subditos absolunt, dum extra prouinciã agunt.

12 Legati verò, qui legationis officium dignitati suæ, Episcopatus fortè, vel Archiepiscopatus annexum habet, ideoq; *Legati Nati* appellantur, nullo casu huiusmodi excommunicatos expiandi authoritatem habent, quamuis sibi suppositi essent, iurisdictionisq; suæ oras incoherent, & ibi delictum excommunicatione dignum patrassent.

Nam cum horum legatio perpetua sit, sicut & dignitas cui inhæret, si eis excommunicatos huiusmodi absoluedi ius potestasque esset, leue esset mediis fidijs priuilegium Clericis eorum locorum à iure communi concessum, quando tam prompta & facilis esset perpetuò delinquentis indulgentia, dempto ei Romani itineris labore.

13 Illud tamen certum est, Legatum, qui plurium locorum iurisdictionem habet, posse in omnibus locis officium suum exercere, & loci vnius negotia, moram alibi trahentem explicare.

14 Legati Cardinales illis quoque ius dicere possunt, qui Ordinariorum iurisdictioni proprijs priuilegijs subtrahiti sunt, quos *exemptos* vocant. Et cum legati Cardinales in sibi decreta prouincia existunt, minoris Legati officium ibi interea cessat, quamuis dignitati coherens.

15 Sed neque causæ alij specialiter à Summo Pontifice delegate se ingerere potest, nisi vt sententiã iustè latam confirmet, ac executioni demandet. Neque ex generali legationis potestate, quamuis à latere Summi Pontificis sit, Episcopos transferre, vel ecclesiam cathedrali alteri item Cathedrali subijcere. Nec duos Episcopatus vnire, vñumue in duos partiti potest. Nec Cathedrales, vel regulares, aut alias collegiatas ecclesias, aut vllas cathedralium Ecclesiarum dignitates, quæ primæ post Episcopatum in ipsis ecclesijs sint, & ex electione conferri soleant, vel conferre, vel reservare potest.

16 Nec potest Legatus alicui, vel generaliter, vel nominatim concedere, vt ille possit beneficia intra suæ legationis fines sita, in suis manibus canonicè resignata, cui voluerit conferre. Nec valet collatio beneficij per cum facta illi, qui aliud beneficium habebat, de quo nullam mentionem fecit. Quod in quibuslibet alijs habentibus conferendi potestatem contra est.

17 Item, cum Legatus causæ susceptam excommunicationem ad Sedem Apostolicam derulerit, amplius ipse de eadem examinationem sumere prohibetur.

TITVLVS XXIII.

De officio, & potestate Iudicis delegati.

Solent nonnunquam Summi Pontifices, eorumque delegati, aut alij ordinarij, cum causas ad se spectantes, vel delatas, ipsi vel cognoscere, vel dirimere nolunt, aut non possunt, alteri vices suas mandare, qui ad iudicium vocet, (quod tamen citationes, mandandius, non alij delegato quàm Summi Pontificis permiffum est) causam cognoscat, decidat, exequatur: aut vnum, vel plura ex his faciat. Potest enim iure nostro à Summo Pontifice delegatus, etiam causam media alteri subdelegare, quamuis sibi sententiam referuet. Etsi diuersum Cæsareis Constitutionibus caueatur, quæ neminem ab Imperatore delegatum permittunt causæ media, nisi cum sententiæ etiam ferendæ potestate alij demandare.

2 Delegare autem possunt, vt diximus, Ordinarij, & Delegati Summi Pontificis: sed non omnibus tamen facta huiusmodi mandata valebunt, nam præterquàm quod peritum cum esse oportet, cui delegatur, ætatisq; legitimæ, id est maiorem viginti annis, cui ab inferiore Principis facta sit delegatio, (nam à Principe etiam minor viginti annis iudex dari potest) exigitur præterea, vt aliqua in dignitate sit, vel personatu constitutus, aut saltem ecclesiæ aliquius cathedralis Canonicus, qui à Summo Pontifice, vel eius Legatis delegatur.

3 Principalis etiam Officialis Episcopi, & Religiosus conuentualem obtinens Prioratû, quamuis ad eum Prioratum non consueuerit per electionem assumi, à Sede Apostolica, vel eius Legato, delegari possunt. Sed Officialis foraneus, aut Religiosus monasterij sui Prior claustralis, delegari non possunt. Episcopus verò etiam simplici Clerico delegare potest. Et delegatio facta dignitati, etiam ad successorem eius, cui primum facta fuerit, tran-

transibit. Vni tamen personæ facta delegatio, ad alias personas prorogari non potest.

4 Sciendum est, quod quamuis actor Iudicem habere recusans in rei conuenti ciuitate, vel Diœcesi, vbi actor & reus diuersarum prouinciarum sunt, non tamen vtra vnius diei iter eum trahere extra ipsius Diœcesim debet. Quamuis olim vsq; ad duorū dierū iter trahere eū posset.

5 Sin actor, & reus, eiusdem fuerint ciuitatis, vel Diœcesis, non erit dandus extra ipsam Diœcesim delegatus, nisi infra scriptis casibus; quibus tamen casibus pariter ultra vnius diei iter degenti personæ delegatio facienda non erit. Hi casus sunt, vbi Episcopus vel eius Capitulum, aut vniuersitas ciuitatis, villæ, aut castri, ab aliquo suæ Diœcesis conuenitur, vel eum conuenit. Item vbi actor eam ciuitatem, vel Diœcesim ingredi non audet, vel aduersarij potentiam merito perhorrescit: dum tamen eum metum saltem proprio iuramento prober.

6 Synodus quoque Tridentina sub Pio IV. constituit, vt in singulis Concilijs prouincialibus, aut Diœcesanis, aliquot personæ eligantur, quæ qualitates habeant supradictas iuxta narratam modo Constitutionem, quæ Bonifacij VIII. fuit, vt præter locorum Ordinarios, his etiam posthac causæ ecclesiasticæ, & spirituales, & ad forum ecclesiasticum pertinentes, in partibus delegandæ committantur. Et si aliquam interim ex designatis mori contigerit, substituat loci Ordinarius, cum consilio Capituli alium in locum eius, vsque ad futuram prouincialem, aut diœcesanam Synodum; ita, vt habeat quæque Diœcesis quatuor saltem, aut etiam plures probatas personas, ac vt supra qualificatas, quibus huiusmodi causæ à quolibet Legato, vel Nuntio, atque etiam à Sede Apostolica committantur. Alioquin post designationem factam, quam statim Episcopi ad Summum Pontificem transmittant, delegationes quæcunq; aliorum iudicum, alijs quam his factæ, subreptitiæ censeantur.

7 Non tantum vnus, sed & plures ad eandem causam dari

dati iudices possunt : at in pluribus iudicibus dandis diuersæ formæ in usu esse consueuerunt . Nam aut simpliciter causa omnibus simul committitur ; quo casu , si vnus ; vel aliqui ex ipsis siue alijs sententiam ferant , nullius momenti erit sic prolata sententia . Et vno ex hac forma Delegatis rebus humanis exempto , vel infamia aliqua notato , vel propter suspicionem remoto , omnium officium expirabit , cum nemo eorum in solidum iudex sit , sed loco vnus omnes censeantur , simulque omnes iudicare iussi sint . Non prohibetur tamen is , qui ex eis fuerit impeditus , alteri subdelegare , quem subdelegatum si collega non admiserit , processus irritus fiet .

8 Aut delegatio pluribus fit cum clausula illa , vt si omnes interesse nequuerint , duos nihilominus procedât : quod cum sit , necesse est omnes simul procedere , si nullû subsit impedimentum , quo aliquis eorum apocetur . Sed si vnus , vel aliqui eorum sint impediti , vel nolint interesse , oportet in primis horum impedimentum alijs qui expliciti sunt , & qui procedere volunt , notum esse , vel de eorum voluntate constare , vt illi procedere possint . Neque enim valerent acta per eos hoc non obseruato . Pontificis quidem rescriptum eum casum exprimens quo nō possit delegatus interesse , eum quoque ad casum extenditur , quo nolit . Quamuis olim alter casus alterum non comprehenderet ; & non solum de impotentia facti , sed etiam de impotentia iuris intelligitur . Vt si aliquem eorum seruum , vel infamem , alioue impedimento legitimo detentum esse constiterit : impotentia autem facti dicitur , vt si constiterit eum casu mortis occumbere , aut inenitabilis necessitatis articulo impediri , quominus valeat interesse .

9 Quin etiam , si is qui impeditus est , alteri quamuis extraneo , id est , ei qui ex collegis non sit , vices suas subdelegauerit , non poterunt alij hunc à suo collega datum substitutum recusare ; nisi is qui subdelegauit , perpetuo vel ineluctabili impedimento impeditus sit . Vel nisi de-
lega-

legatio hoc modo facta esset, vt alijs impeditis, is qui nūc subdelegauit, ipse potissimum procederet; sicq; solus ipse, qui subdelegauit, non etiam alij collega, sine alijs procedere dignus habitus sit. Quocasu is, qui alijs praelatus est, subdelegare quidem potest, sed ab alijs subdelegarum collegis ipse admittere cogendus non est. Vel nisi in delegationis rescripto, appellationis spes omnis sublata sit.

10 Aut denique hoc modo (quæ frequentissimè quidem forma in vſu est) plures delegantur, vt omnes, aut duo, vel vnus procedat: sicq; omittitur illa conditio. *Si omnes non possunt, &c.* Sed facultas simpliciter conceditur cuius ex Delegatis procedendi. Quorum, si quis alios præuenit incipiens de negotio cognoscere, alijs dempta erit potestas interea de eodem se impediendi: nisi is qui præuenit, aliqua iusta causa postmodum impeditus fuerit, causam finire: vel, nisi dolose procedere detrectaret. His enim casibus, alijs fieret locus, nec tenerentur à collega subdelegatum admittere. Sed si is, qui alios præuenit, iurisdictionem suam ita stabilierit, vt Delegatis morte expirare non possit, puta, quia partes iam ad iudicium vocasset, hoc alijs quoque collegis vtile erit: nam etsi hunc mori contingat, poterunt nihilominus alij etiam mandatore mortuo hoc muneris suscipere, quasi à collega sibi traditum, & perpetuum; quamuis ipsi, dum mandator in humanis esset, nihil omnino in hoc iudicio egissent.

11 Delegatus iudex hoc diligenter obseruare debet, ne fines mandati egrediatur: sin nulla in mandato alia forma præscripta sit, iuris formam seruabit.

12 Si delegatus à Summo Pontifice in alium hoc munus transferre velit, isq; munere iniuncto fungi detrectet, poterit eum ad suscipiendum compellere: nisi ipse malitiosè exonerare se studeat. Verum in eo compellendo gradus, & dignitatis rationem habebit: alio enim modo ager cum viro sublimi in loco posito, quàm cum cæteris, qui etsi dignitatem habeant, non tamen magnopere

alios

alios excellunt. Nani (exempli gratia) si Episcopo delegare quis velit, non debet cum confestim his modis cogere, quibus alium inferiorem posset, sed modestia eum co utetur. Supremi Ordinis rationem habens. Quare ei primo ecclesiæ ingressum interdicet, vel Sacerdotalis officij executionem. Post etiam ab officio suspendet. Et demum, si pertinaci animo perseverauerit, excommunicationem quoque irrogabit. Quod si iam ab initio admittendum contumacem se ostenderit, iam tum licebit contra eum ecclesiastica censura uti, quamvis ipse delegatus, qui subdelegare vult, Episcopus non sit.

13 Hinc apparet quanta sit iudicis delegati potestas, in causa ei mandata per Summum Pontificem, cum etiam etiam illis imperandi ius habeat, qui extra causam ipso essent superiores; & cum Episcopos, aliosq. sibi minime subiectos, & quorum causa minime sibi mandata sit, possit vel Interdicti, vel Suspensionis, aliaue censura compellere. Eiusq. potestas etiam contra extraneos officium suum impedire enitentes exerceri potest: quod & ipsius subdelegato permissum est. Atque eo ipso, quo alicui causa committitur, super omnibus, quæ ad causam ipsam pertinere noscuntur, plena eidem tribuitur potestas, quavis delegationis literæ nequaquam hoc contineant, ut partes compellere, & seueritate ecclesiastica contumaces coercere possit. Atque etiam ubi nulla à iure poena statuta est, arbitrio suo pro delicti, & causæ qualitate poenam statuere in eos, qui in causis delegatis iudicio suo parere contempserint.

14 Potest Delegatus mandatum suum, quo totam causam alij delegauerat, arbitrio suo reuocare, dum res adhuc integra sit: id est, si ille iurisdictione vsus hactenus non sit: & illo rebus humanis exempto causam resumere poterit, cum iurdictio, ex qua, ipsa vsus non est, non censeatur in eum efficaciter transiisse.

15 Si Delegatus (quoties eum abesse contigerit) alicui vices suas commiserit, poterit Subdelegatus eo rebus hu-

manis exempto (cum & tunc censeatur abesse) commissum sibi negotium libere diffinire, modò illo viuente iurisdictione uti coeperit, quod non minus licebit, si vices sub ea commiserit, donec duxerit reuocandas.

16 Delegatorum à Summo Pontifice potestas in sententia exequenda, vsque ad annum post latam sententiã viget. Possunt etiam, si eis videatur, id onus sententiæ executioni mittendæ, in Ordinarium transferre. Cum verò iudicis delegati sententia executionem fuerit sortita, eius finietur iurdictio.

17 Sed & alijs modis iurdictio delegata finitur, veluti, si lapsa sit dies, ad quam causa ex mandato forma terminari deberat: nisi à partibus prorogata sit. Item si re integra moriatur is, contra quem fuerant litteræ impetratæ: vel is, qui ipsas litteras impetrauerat, vel iudex, cui fuerat delegatio facta: vel is qui delegauit. Item per contrarium rescriptum posterius, de priorè expressum mentionem faciens: alijsq; modis, qui ex voluminibus & interpretibus Decretalium Epistolarum peti possunt.

18 Hoc demum neminem præterire volumus, non facile alicui fidem esse adhibendam, et si asserat se Delegatum esse, nisi hoc ipse probet. Quapropter, si quis tanquam à Sede Apostolica Delegatus mihi iniungat, ut palam fieri curem aliquem, puta Titium esse excommunicatum, potero ego hoc mandati munus effugere, nisi ille demum dato Apostolico fidem faciat.

TITVLVS XXIV.

De Officio Conseruatorum.

Iuxta Delegatorum tractatum non erit ab re, etiã de Conseruatoribus aliqua dicere, quibus à Summo Pontifice mandatur, ut aliquos à manifestis iniurijs defendant: & hi quidem ad ea, quæ iudicij indi-

ginem desiderant, suam potestatem non extendunt, nisi
 hac potestatem à Summo Pontifice nominatim accē-
 perint, vt frequenter hodie in huiusmodi conseruatoris
 literis fieri videmus. Nec tamen hi Conseruatores De-
 legatorum ē numero censendi sunt, quamuis Delegatis
 comparētur in multis, in multis tamen inter se differunt.
 12 Conseruator enim dari non potest, nisi qui dignita-
 tem aut personatum habeat in ecclesia Cathedrali, vel
 Collegiata, puta, Episcopus, Abbas, Archipresbyter, &
 similes. Sed nec desuerunt, qui etiam Officialem Epi-
 scopi Conseruatorem fieri posse crediderint, quāuis
 declarationem Summi Pontificis, vt res certior fiat exor-
 prarent. Quia non vbiq̃ue ex Canonicis cathedralibus
 fieri solent Officiales generales Episcoporum. Nec suffi-
 cit Cathedralis ecclesie quēm simplicem Canonicum es-
 se, vt Conseruator fieri possit: & tamen ecclesie Cathe-
 dralis Canonicus delegari ad causas potest. *pon hoc*
 13 Item non potest quis Conseruator sui Conseruatoris
 fieri, vel eius, cuius ipse iurisdictioni ordinatæ subie-
 ctus est, nisi forte Regis aut Regine: & tamen mandatum
 ad causas, de quo præcedenti titulo tractauimus, etiam
 subdito eius de cuius causa agitur, fieri potest. *omnino in*
 14 His adde, quod non permittitur Conseruatori extra
 ciuitatem, aut Diocesim, in qua fuerit deputatus, con-
 tra aliquem procedere, aut, aliquem extra locum itineris
 vnius diei remotioris protrahere. Quod tamen Dele-
 gato partium consensum habenti non denegatur. *pon hoc*
 15 Item Conseruator vices suas, citationibus, & senten-
 tiarum denuntiationibus duntaxat exceptis, hæc enim
 etiam per alios valet exercere / nulli committere potest,
 nisi hoc ei competat ex beneficioliterarum. Quo tamen
 casu non nisi intra ciuitatem, vel Diocesim in qua de-
 putatus fuerit, hoc ei facere licet. At supra docuimus,
 Delegatum à Summo Pontifice totam causam, vel par-
 tem alij demandare posse. Constat porro Conseruato-
 rem ad futura, non autem Delegatum dari. *pon hoc*

6 Sed nec ea levis inter hæc est differentia. Quod, si Conseruatores alij, quàm manifestis iniurijs, & violentijs scienter se immiscere non dubitarint: seu ad alia, quæ iudicalem indaginem exigunt, suam potestatem extendere, eo ipso per annum vnum ab officio sunt suspensi. Ac pars, quæ hoc fieri procurauerit, sententiam excommunicationis incurrit, à qua absolui non potest, nisi ei, quem sic indebitè fatigauerit, prius de expensis integrè satisfecerit. Quæ tamen poena Delegato potestatis suæ metas excedenti, imposita non reperitur: quod ea ratione factum est, vt Conseruatores limites sibi traditæ potestatis (quos frequenter excedunt) metu poenæ diligenter obseruent. Sed cum hodie, vt diximus, consuecant frè semper Conseruatores Pontificijs rescriptis dari, etiam cum potestate se immiscendi his, quæ iudicij indaginem respiciunt, non frequenter supradictæ poenæ fiet locus.

7 Sed neque Conseruatorum negotium Sancta Synodus Tridentina sine debita animaduersione reliquit, dum constituit, vt Conseruatorie literæ cum quibuscumque clausulis, aut decretis, quorumcunque iudicium deputatione, quocumque prætextu aut colore concessæ, nentis ni omnino, cuiuscumque dignitatis, & conditionis sit, etiam si Capitulum fuerit, suffragentur ad hbc, vt coram suo Episcopo, siue alio superiore ordinatio in criminalibus, & mixtis causis accusati, & conueniri, ac contra eum inquiri, & procedi non possit: aut quominus, si qua iura ei ex cessione competierint, super illis libere valeat apud iudicem Ordinarium conueniri. In civilibus etiam causis, si ipse actor extiterit, abiquem ei apud suos Conseruatores iudices in iudicium trahere minime liceat, & magis.

8 Quod si in his causis in quibus ipse reus fuerit, contigerit, vt electus ab eo Conseruatione ab actoris suspectus esse dicatur: aut si qua inter ipsos iudices, Conseruatorum, & Ordinarium controuersia super competentia iurisdictionis orta fuerit, nequaquam in causa procedatur, donec per arbitros in forma iuria electos super suspicio-

ne,

ne, aut iurisdictionis competentia fuerit iudicatum: familiaribus verò eius, qui huiusmodi literis conseruato-
rijs tueri se solent, nihil illæ proſint, præterquam duo-
bus dūtaxat, si tamē illi proprijs eius sumptibus vixerint.

9 Nemo etiam similium literarum beneficio ultra
quinquennium gaudere possit, ac statuit, vt non liceat
Conseruatoribus iudicibus vllum habere tribunal ere-
ctum. Vniuersitates autem generales, & Collegia Do-
ctorum seu Scholarium, & Regularia loca, nec non Ho-
spitalia actu hospitalitatem exercentia, ac vniuersitarum,
collegiorum, locorum, & hospitalium huiusmodi per-
sonæ, in prædicto canone minimè comprehensæ, sed
exemptæ omnino sint, & esse intelligantur.

10 Officium autem quoruncunque Conseruatorum,
ipſo iure quo ad non cœpta negotia per obitum conce-
dētis expirat.

Sed iam descendamus ad Sacerdotes in inferiore
gradu constitutos, & alios consequenter, qui licet Sacer-
dotes non sint, in sacris tamen constituti reperiuntur,
vel humiliora in domo Dei ministeria peragunt, eorumque

LIBER SECVNDVS

De Personis Ecclesiasticis in inferiori gradu

constitutis; eorumque officijs.

TITVLVS I.

De Sacerdotibus, seu Presbyteris.



Astēnus locuti sumus de Sacerdotibus al-
tioris gradus, pūta Episcopis, & Summo
Pontifice, eorumque delegatis: nunc descen-
damus ad Sacerdotes in inferiore gradu
constitutos, subſequenter poſtea dicturi de ijs, qui licet Sa-

Sa-

Sacerdotes non sint, in sacris tamen constituti reperiuntur: ac demum de his, qui circa humilia in domo Dei necessarium ministerium exhibent, qui in minoribus Ordinibus dicuntur constituti.

2. Sacerdotum in duas classes diuisio, sumpsit originem tam à Testamento Veteri, quam Nouo. *In Veteri*, Moyses ex præcepto Domini, Aaron in Summum Pontificem, filios verò eius inunxit in minores Sacerdotes. *In Novo*, Christus Dominus duodecim Apostolos tanquam maiores Sacerdotes, sepruaginta duos, quasi minores instituit. Petrum verò quasi Summum Sacerdotem elegit, dum ei facultatem confirmandi fratres tradidit, & præ omnibus clauēs Regni cœlorum tribuit.

3. Appellatione verò Sacerdotum, veniunt etiam Episcopi: sed dignitate, gradu, & officio, in tantum differunt, vt degradatus ab Ordine episcopali, non censetur degradatus ab ordine sacerdotali. Cum enim multi olim in singulis ecclesijs presbyteri constituti essent, in remedium Schismatis factum est, vt vnus eligeretur, qui cæteris esset præponendus, & Episcopus appellaretur, per sonam Apostoli repræsentans. Hinc tantus presbyterorum erga Episcopos creuit honor, vt illis tanquam filij cœperint obedire. Nec iam pro sacerdotibus habentur, qui nullius Episcopi disciplina, & prouidentia gubernantur.

4. *Est itaq; Sacerdos*, vir autoritate diuina (nempe ex Christi institutione) firmiter deputatus cultui veri Dei, ad sacrificia offerenda, & ministranda fidelibus Sacramenta. Qui enim ab Episcopis non sunt consecrati ex diuina institutione, & ordinatione, illi non sunt veri ministri, nec sacerdotes, sed latrones, & fures, vt eos vocat ipse Saluator.

5. *Dicitur autem Sacerdos*, à sacris, quia dedicatus est ad sacrificia facienda, & offerenda pro populo. Atque sic intelligitur Sacerdos, quasi sacra dans, & sacra docens: quia tenetur Sacramenta fidelibus ministrare, & docere in rebus necessarijs ad salutem. Vel vocatur sacerdos, quasi

quasi sacer dux, qui ducere debet per viam mandatorum Dei, & præire exemplo, vt sic perueniat cum grege sibi commisso ad montem collium æternorū, & portū salutis.

6 Presbyteri verò nomen, quanquam à senio, & senectute sit sumptum, magis tamen sapientiæ indicat maturitatem, quàm corporis canitiem. Presbyter enim Græcè, senior Latine interpretatur. Vel presbyter, quasi præbens iter: quia talis esse debet moribus, & vita, vt sit eisdem populo exemplum bonorum operum, in doctrina, integritate, & grauitate. Et vt iram Dei placare possit orationibus suis, & placabilem reddere populo suo, vt Moyses, atque alij Sancti fecerunt.

7 Episcopi igitur, ac Presbyteri non penitus est ab similis circa sacra ministeriorum dispensatio. Illorum enim quæ gerere potest Episcopus, quædam presbyter suo iure, quædam illius permissione exequitur; quædam verò nullo pacto potest attingere. *Proprio iure presbyter*, Domini corporis, ac sanguinis consecrationem, etiam Episcopo præseente celebrat, infantes baptizat, sanctificato oleo inungit, benedicit, & de occultis peccatis poenitentes, vel in extremis agentes, ad gratiam reconciliationis admittendi potestatem habet. *Episcopo verò permittente*, aut vltima cogente necessitate, & baptizatos sacro linire chrismate, & virgines Deo dicare presbyteris conceditur.

8 Verùm ecclesias erigere, consecrare, reconciliare, sacrum chrisma conficere, clericos ordinare, excommunicare, poenitentes publice reconciliare, vt supra docuimus, solis Episcopis reseruatur. Vnde dicere Episcopum non differre à Presbytero, inter hæretica dogmata numerat S. August. in lib. de Hæresibus.

TITVLVS II.

De ijs, qui sunt in sacris constituti.

1 **I**N sacris constituti sunt. Diaconi, & Subdiaconi, qui assistere, & ministrare tenentur, celebrantibus maiori-

ioribus, puta, Episcopo aut Sacerdoti. Hinc Diaconus Græcè, minister dicitur Latine, quia est Sacerdotis celebrantis immediatus minister. Subdiaconus verò, vice-minister, quia ministrat sacerdoti medio Diacono.

2. Diaconi officium est, Episcopum prædicantem ab infidijs custodire: Sacerdotibus celebrantibus assistere: & Evangelium ad populum decantare. Sed nec baptizare præsentem Episcopo, aut presbytero potest; nec Dominici corporis Eucharistiam populo erogare; nisi cum ad id extrema necessitas compellat, Episcopo aut presbytero longius fortasse constituto.

3. Subdiaconi officium est, necessaria ad consecrationem præparare in vasis sacris: Epistolam in missa decantare, & oblationes populi suscipere, supraq; altare ponere.

4. Nemo autem ad subdiaconatum ordinari potest, ante vigesimum tertium annum: sicut nec ad presbyteratum, ante vigesimum quintum. Vt autem mundi sint, qui sacra tractant, ideo æqualiter omnes tenentur in his tribus Ordinibus maioribus constituti ad castitatem, Presbyter, Diaconus, & Subdiaconus.

5. Cumq; à multis, an in Episcopum Subdiaconus eligi valeret hæsitaretur; nouissimè post Urbanum II. Innocentij III. processit constitutio, quæ, vt is quoque tanquam in sacris constitutus, in Episcopum libere eligi valeat, declarauit, ac statuit.

—

—

TITVLVS III.

—

De his, qui sunt in minoribus Ordinibus

constituti.

—

—

1. S Y N T. in Ecclesia Dei præter sacros Ordines

maiores, alij etiam minores Ordines, qui sine sa-

cramentali vñctione, sola Episcopi benedictione,

cum quadam vasorum, vel indumentorum distributione

præ-

—

—

—

—

—

—

—

præstantur, vt sunt *Acolytus*, *Exorcista*, *Lector*, *Ostiarus*. Prima verò tonsura, quæ confertur ante ordines, est corona Clericalis, qua deputatur homo ad cultum, & seruitium Dei, & non censetur inter Ordines, sed est dispositio quædam, & præparatio initiati ad Ordines. Nihilominus tamen prima tonsura initiatus adscribitur militiæ Dei, & consequenter fit de foro Ecclesiastico, si incedit in habitu, & tonsura, & alicui Ecclesiæ ex mandato Episcopi inferuit: vel in seminario Clericorum, aut aliqua Schola, quasi in via ad suscipiendos Maiores Ordines versatur.

2. *Ostiarus* est idem quod, & *Ianitor*, qui ianuis templi præficitur. Ad eum pertinent clauēs Ecclesiæ, vt claudat, & aperiat templum Dei, & omnia quæ sunt intus extrag; custodiat, fideles recipiat, excommunicatos, hereticos, & infideles prouido iudicio repellat. Idē pulsare debet campanas ad conuocandos fideles ad Ecclesiā.

3. *Lectoratus* est spiritualis potestas, qua *Lector* potest ex officio suo lectiones scripturæ sacræ in Ecclesiam pronunciare; & ea quæ Prophetæ vaticinati sunt, populis prædicare.

4. *Exorcistatus* est spiritualis potestas, qua *Exorcista* potest manus super energumēnos, & catechumēnos imponere, arctando dæmones per adiurationem, ne dominantur in corporibus obsessorum.

5. *Acolytatus* est potestas, per quam hoc Ordine insignitus potest ex officio porrare vireolos cum vino, & aqua ad sacrificium Missæ. Ad eum quoque luminum præparatio spectat: qui & cereum, à quo nomen quod ducit, deferre debet, quando legendū est Euangeliū.

6. Est & *Psalmista*; id est, *Cantor*, qui absque scientia Episcopi, presbytero solum iubente, officium suscipit cantandi, qui & ipse, licet apud antiquos dubitatum fuerit, inter minores Ordines, sicut & Primæ Tonsuræ Clericus, cœptus est adnumerari. Prout & Conuersi in Monasterijs, Templarij, Hospitalarij: quos si quis pulsaue-

L

rit

rit, excommunicationi obnoxius erit non minus, quam si Clerico eam iniuriam intulisset.

7 Horum autem & sacrorum valde dispar est conditio; siquidem illis ita est continentia imperata, ut nunquam ad matrimonium aspirare valeant; his autem, si ad superiores Ordines prouehi noluerint, matrimonium contrahere minimè interdicitur. Sed eo casu non solum ad sacros Ordines, & Ecclesiasticas dignitates, & administrationes admittendi non sunt; sed etiam beneficijs, quicumque forte habuerint, priuandi erunt. Nam nec ea sine prauo exemplo, & graui scandalo possunt tenere: & tales communiter bona Ecclesiastica dilapidare solent.

TITVLVS IV.

De ijs rebus, quæ tam Maiorum quàm Minorum Ordinum sunt communia.

1 **V**idimus hætenus de omnibus, tam maioribus quàm minoribus Ordinibus; sequitur nunc videre, quid inter se commune habeant, ut seruetur ordo in Ecclesia, & pax inter Clerum, charitate inuicem, & obseruantia deuinctum, euitenturq; scandala inter fideles, & eos qui nobiscum non sunt.

2 Meminerint igitur Prælati se in inferiores suos politicam potius retinere potestatem, quàm despoticum dominium, quos iussit Apostolus imperare cum omni mansuetudine, ut non solum præsent, verum etiam prosint. Quapropter honorent, & diligant Clericos, non tanquam subditis dominantur. Minores verò monendi sunt, ut maioribus qui eos ordine præcedunt, & officio, reuerentiam, & obedientiam exhibeant; nec per temeritatem alter alterius partes sibi vendicet.

3 Ordinatores verò debent instruere ordinandos in diui-

diuinis: atque ideo sub grauis ultionis cōminatione Conciliorum præcipitur Episcopis, vt promouendos in Sacerdotes per se ipsos, vel alios idoneos viros (puta Archidiaconum, cuius hoc munus est) super diuinis officijs, Ecclesiasticisq; Sacramentis diligenter examinent, instruant, & informent. Præcedatque ordinationem diligens scrutinium in præsentia peritorum sacerdotum, de recta conuersatione ordinandorum, vt non nisi testimonio clarorum virorum, præsertim Ecclesiasticorū probati admittantur ad Ordines. Inquirant diligenter genus ordinandorum, patriam, ætatem, locum vbi ordinati sunt: tum si litteras callent, si instructi in lege Dei sunt, & ante omnia si fidem Catholicam firmiter tenent, & Confirmationis Sacramentum susceperunt. Alioquin Episcopus promouens indignum peccat mortaliter.

4 Idem & in beneficiorum collationibus obseruandū erit: à suo prius Archidiacono examinari debent, quam Ecclesiasticis beneficijs præficiantur, & per ipsum postmodum Episcopo præsentandi sunt. Quia si cæcus cæcum ducet, ambo in foueam delabentur.

5 Ipsi verò, quibus talis cura examinandi committitur, cauere debent, ne aut cuiusquam gratia, aut cuiuscunque muneris cupiditate illecti à vero deuiant, vt indignum, & minus idoneum, aut non examinatum ad sacros gradus suscipiendos Episcopo præsentent. Quod si aliter fecerint, & qui indignè accesserit, ab altari remouebitur, & qui donum S. Spiritus vendere conati sunt, coram Deo iam, condemnati, Ecclesiastica dignitate carebunt.

6 Cætera præterea tempora statuta sunt, extra quæ nefas sit Ordinibus quempiam aggregari. Examinati ergo & probati debent Sabbato præsentari Episcopo, vt eos in quatuor temporibus promoueat: nisi adsit licentia Summi Pontificis, extra statuta tempora ordinandi. Tunc secundum diuersitatem Ordinum, temporis quoque seruabit diuersitatem Episcopus: quia nec vna, nec duabus continuato ieiunio duo sacri Ordines conferri de-

beant. Minores tamen Ordines, omnes simul, & quibuslibet festis diebus conferri possunt.

7 Per saluum verò si promotus fuerit quis solemniter, Ordine prætermisso repetito, ex misericordia dispensantis, ministrare permittendus est: sed prius iniuncta, poenitentia peracta.

8 Quod si furtivè quis ad sacros Ordines irreperit, contra prohibitionem Prælati, non potest ad Sacerdotalem Ordinem promoueri, nisi Regulari habitu suscepto poenitentiam egerit, & laudabilem aliquandiu duxerit vitam; quo casu secum misericorditer dispensari poterit. Alioqui nulla præcedente inhibitione, condigna satisfactione imposita, pro suo arbitrio cum illo poterit Episcopus dispensare.

9 Quod si is, qui nullum adhuc penitus attigit Ordinem, diuinum aliquod officium exercuerit, & ab Ecclesia erit abijciendus, & nunquam ordinandus. Et Diaconus, qui missarum celebrationem usurpare non dum sibi manu ab Episcopo imposita præsumpsit, ad Sacerdotis officium non poterit promoueri. Et à Diaconatu biennio, vel triennio Episcopi arbitrio suspendetur.

10 Si verò quis non baptizatus Ordines susceperet, debet baptizari, & iterum ordinari. Cum enim baptismus omnium Sacramentorum ianua sit, & fundamentum, superædificari non potuit, ubi fundamentum defuit.

11 Illud quoque omittendum non est, quod inter minores, & sacros Ordines illa est differentia, quia Maiores ab Episcopis, minores verò etiam ab alijs minoribus Prælati quandoque conferuntur, ut latius titulo sequenti patebit.



TITVLVS V.

*De his, qui potestatem habent ordinandi,
& litteras dimissorias seu Com-
mendatitias dandi.*

Ordines supradictos assignandi potestas penes Episcopos est, qui statuto Sacrosanctæ Trid. Synodi Minores Ordines nonnisi his conferre debent, qui linguam Latinam intelligant, & in rebus necessarijs ad statum Clericalem spectantibus sint benè edocti. Qui ad Maiores Ordines postea promouendi, bonum à Parocho, & à Magistro Scholæ in qua educantur testimonium habere debent. Parochusq; nominibus eorum publicè in ecclesia propositis, de ipsorum natalibus, ætate, moribus & vita, à fide dignis diligenter inquirat; & litteras testimoniales, ipsam inquisitionem factam continentes, ad Episcopum, aut Examinatores ordinandorum transmittat.

2 Addit insuper eadem Synodus Oecumenica, vt Subdiaconi, & Diaconi, si per annum saltè in suo officio non sint versati, ad altiore gradum (nisi aliud Episcopo videatur) ascendere non permittantur. At, qui ad Presbyteratus Ordinem assumendi sunt, non modo oportet eos in Diaconatu ad minus per annum integrum ministrasse, sed etiam aptos esse decet ad populum docendum ea, quæ scire omnibus necessarium ad salutem, & ad Sacramenta ministranda.

3 Cauere quoque sibi debent Episcopi, ne in alienam messem falcem immittant, alienos subditos ad Ordines promouere sibi arrogantes, licentia ab eorum Episcopis non habita. Nam si hoc adniserint, totum annum ad Ordines quempiam cooprandi potestate priuari erunt. Sicut enim alienum parochianum Episcopus iudicare, & excommunicare non potest, ita & ordinare non valet.

4 Qua-

4 Quapropter alterius ciuitatem adire Episcopus non præsumat, nisi ab eo vocatus, cuius iuris ea ciuitas esse cognoscitur, vt quicquam ibi disponat, ordinet, vel iudicet. Ideo Sacrosancta Synodus Tridentina constituit, vt nulli Episcopo liceat cuiusvis priuilegij prætextu Pontificalia in alterius Diocesi exercere, nisi de Ordinarij eius loci expressa licentia, & in personas eidem Ordinario subiectas tantum. Et si secus factum fuerit, Episcopus ab exercitio Pontificalium; & sic ordinati, ab executione Ordinum sint ipso iure suspensi.

5 Item nemo Episcoporum, qui titulares vocantur, etiam si in loco nullius Diocesis, etiam exempto, aut aliquo Monasterio cuiusvis ordinis resederint, aut moram traxerint, vigore cuiusvis priuilegij sibi de promouendo quoscumque ad se venientes pro tempore concessi, a literis subditum etiam prætextu familiaritatis, continuæ commensalitatæ suæ, absque sui proprij Prælati expresso consensu aut literis dimissorijs, ad aliquos sacros aut minores Ordines, vel primam tonsuram promouere seu ordinare valeat. Et vt contrafaciens ab exercitio Pontificalium per annum, taliter quoque promotus ab executione Ordinum siq. susceptorum, donec suo Prælato visum fuerit, ipso iure sint suspensi.

6 Episcopi, qui conferendi Ordines ius habent, per semetipsos eos conferant. Quod si ægritudine fuerint impediti, subditos suos non aliter, quam probatos iam, & examinatos ad alium Episcopum ordinandos dimittant.

7 Si quis ab alio, quam à proprio Episcopo promoueri petat, nullatenus id ei; etiam cuiusvis generalis aut specialis rescripti, vel priuilegij prætextu, etiam statutis temporibus permittatur: nisi probitas, ac mores Ordinarij sui testimonio commendentur. Si secus fiat, ordinans à collatione ordinum per annum, & ordinatus à susceptorum Ordinum executione, quamdiu proprio Ordinario videbitur expedire, sit suspensus.

8 Sed neque familiarum suorum, sibi non subditum Episcopo-

scopus ordinare potest, nisi per triennium secum fuerit commoratus; & nisi beneficium quacumque fraude cessante statim re ipsa illi conferat, consuetudine quacumque etiam immemorabili non obstante. Episcopo autem quis tribus modis subesse potest, videlicet, origine, beneficio, & domicilio.

9 Ceterum alij Prælati Episcopis inferiores, tam Religiosi, quam Sæculares, puta, Abbates, Archipresbyteri, Archidiaconi, non possunt Clericis, subditis suis potestatem facere, alienos Episcopos ad eundem, vtab eis ad Ordines promoucantur: nisi hoc privilegium specialiter à Summo Pontifice eis concessum sit.

10 Nec Officiales Episcopi, litteras commendatitias dandi ius habent, nisi mandato specialia à Pontifice hoc iuris consecuti sint: vel nisi Episcopus in oris agat longinquis. Tunc enim cum Episcopus longe abest, Vicarius ipsius in spiritualibus Generalis litteras commendatitias dare potest.

11 At si Sedes Episcopalis vacet, Capitulum, vel is, ad quem spiritualium devoluta fuerit administratio, huiusmodi litteras concedent: idque habentibus tantum beneficia curata. Si secus fiat, Capitulum contrauentus Ecclesiastico subiaceat interdicto: & sic ordinati si in minoribus Ordinibus constituti fuerint, nullo privilegio Clericali præferuntur in criminalibus quæcantur: in maioribus vero ab executione Ordinum ad beneplacitum futuri Prælati sint ipso iure suspensi.

12 Item sedit Concil. Trid. vi facultates de promovendo à quocumque, non suffragentur nisi habentibus legitimam causam, ob quam à proprijs Episcopis ordinari non possint, in litteris exprimendam. Et tunc non ordinantur nisi ab Episcopo in sua Diocesi residente, aut pro eopôtentialia exercenté, & diligenti prævio examine.

13 Sciendum verò est, quod Episcopus ille, qui Episcopatu renunciauit, potest rogatus Ordinis conferre, si tantum loco renunciauit. Sed si dignitati quoque, non

po-

potest maiores conferre, sed tantum minores. Ab eo verò qui renunciat loco, & Ordini Episcopali, sacri Ordines non sunt recipiendi. Si verò quis scienter receperit, quia indignum se fecit, officij non habebit executionem: si autem non scienter, propius Episcopus poterit cum illo dispensare. Nisi crassa, & supina fuerit ignorantia; quo casu vni Romano Pontifici ius dispensandi erit.

14 Abbas sacerdos si ius habeat deferendi mitram, potest conferre Ordines minores suis subditis Regularibus tantum; Subdito autem suo in temporalibus, non potest: nisi cum licentia, & dimissorialibus literis proprii Episcopi. Et idem esset quo ad alios Regulares ei non subditos, respectu suorum Prælatorum, quorum similiter dimissorias habere deberent: præhabita semper facultate, & consensu Episcopi illius loci, in cuius Diocesi Abbas alienum subditum in prædictis casibus ordinare vellet.

15 Præfati verò locorum non exemptorum, eorumque loci, ab Episcopis promoveri possunt, quorum in Diocesi sedent, quamdiu ibi morantur; quamvis inde oriundi non sint.

16 Græci quoque à Latinis, & versa vice, ubi eorum ritus differunt, ad Ordines prouehi non possunt, ne rituum fiant commixtiones. Sed Episcopus, qui varios linguis, & ritibus populos regit, viros idoneos præficiat, qui iuxta eorum ritus, eis Sacramenta ecclesiastica propinent, & diuina officia celebrent.

17 At si quis Transalpinus ab Italo Episcopo Ordinum consociationem postulet, non debet cum Episcopus promouere, nisi vel à Summo Pontifice specialem licentiam habuerit: vel Episcopi cui ille subest, litteras patentes legerit, quæ causam ad hoc idoneam testentur, quare, ipse noluerit, aut non potuerit ad Ordines petitos admittere.

18 Hæretici demum, excommunicati, & depositi, vera Sacramenta, verosque Ordines conferunt, si intentionem habeant, & si traditam ab ecclesia formam, ritusque præ-

fieri-

scriptos conferendo seruarint : quamuis Ordinati eos , qui sibi manus imposuerunt , ab Ecclesia præcisos esse non ignorarent . Quos tamen sic collatos Ordines executio nequaquam sequetur ; nec cum scientibus erit dispensandum . Et multò minus , si illi , qui Ordines contulerunt , extremam manus impositionem , dum scilicet in Episcopalem Ordinem cooptantur , extra Ecclesiam Catholicam acceperint . Quemadmodum nec infra scriptis quoque casibus executionem accipient , nec dispensatione digni erunt , etiamsi extremam manus impositionem eorum collator in Ecclesia acceperit , vtrumque iterata vnctione maculati sunt , vel simoniace à Simoniao ordinati , vel rursus baptizati : vel cum in Fidei nostræ perniciem , ad eamque euertendam , & in contemptum Ecclesiæ hæreticis adhæserunt , & ab eis ordinari voluerunt . Magna tamen est in supradictis omnibus , Summi Pontificis potestas .

19. Non omittendum est , eum qui à Summo Pontifice ad aliquem Ordinem euectus sit , non posse ad sublimiores Ordines ab alio pariter , quàm à Summo Pontifice promoueri , licentia ipsius Summi Pontificis non impetrata . Non ideo tamen Ordinarij subtrahitur potestas .

T I T V L V S VI.

De his , qui ad Ordines promoueri non possunt .

1. **Q**uoniam præcaueri debet , quod vel infirmari , vel vituperari potest , ideo sciendum est , non quemlibet hominem aptum esse ad suscipiendos Ordines , idque quatuor ob causas . Aut enim quis promoueri impeditur ratione subiectionis , aut ratione delicti patrati , aut suspitione futuri lapsus , aut ob corporis læsionem .

M

Ratio-

2 *Ratione subiectionis* promoueri non possunt serui ; nisi à Dominis libertatem consecuti fuerint. Liber enim esse debet , qui diuinæ aggregandus est militiæ . Quapropter non solum serui , sed nec qui retento obsequio manumissi sunt , cùm adhuc seruitutem quandam seruire videantur , sunt ad Clericatus Ordinem promouendi . Quod si contra factum fuerit , tàm Ordinantis , tàm eius , qui sacro præinctus est cingulo , canonicis poenis coercenda est audacia . Si tamen seruus sciente Domino fuerit ordinatus , ex hoc liber erit , & ingenuus .

3 Si verò nesciente Domino seruus ordinetur ad minores , tunc redigitur in pristinam seruitutem . Si Subdiaconus , vel Diaconus sit ordinatus , vel etiam Sacerdos , & id euenerit sciente Episcopo , vel Præsentatoribus : tunc Episcopus , vel Præsentatores tenentur Domino restituere pretium serui : vel ipsemet Ordinatus tenetur substituere alium seruum loco sui , vel dare pretium sue redemptionis , quando nec Episcopus , nec Præsentatores id scierint .

4 Qui matre ingenua editus est , etsi patrem habeat seruum , cum seruus ipse non sit , ab Ordinibus non arceatur .

5 Quod si quis Ecclesiæ seruili conditione obnoxius , ab eadem manumittatur , vt insignitus Ordine Clericali , in ea perpetuò seruiat , in diuinis liber factus , & ordinatus , ad aliam Ecclesiam transferri non poterit . Sed si absolute missus fuerit liber , ad aliam transcundi non erit licentia deneganda .

6 Monachi non ordinantur , nisi licentia sui Abbatis . Qui si licentiam Monacho concesserit , vt possit consentire prouisioni de se factæ , quia ambitionis vitio viam parat , talis licentia nullius firmitatis existet . Poterit autem Monachus cum licentia sui Abbatis ordinari , non solum ab illo Præfato , in cuius Diocesi constitutum est Monasterium ; verùm etiam eius Diocesis , in qua natus est .

7. Pari ratione constitutum est, ne quis alienæ Diocesis virum præter proprii Superioris licentiam ordinare audeat. Si tamen quis beneficium obtineat prius ab alio Episcopo; tunc enim cum ratione beneficii incipiat esse subditus conferentis; poterit ab eodem ordinari securè.

8. *Patrati delicti ratione* quis ordinari prohibetur, ut cum homicidium, aut aliud capitale crimen, facto, vel præcepto, aut consilio perpetraverit, & per surreptionem promotus, deijciendus erit, dicente Domino. *Si quis per industriam, aut per insidias hominem occiderit ab Altari meo euellens eum.* Quod de eo homicida intelligendū est, qui voluntate committit homicidium. Cæterum si qui necessitate maxima arctati, effugere nullo pacto valentes, homicidium in defensione vitæ suæ admiserint, nullam ex hoc irregularitatem incurrunt.

9. Fortuitum homicidium commissum, dum dabantur opera rei illicitæ, impedit à suscipiendis Ordinibus. Bello autem contra infideles sese immiscens, volensque Christiani nominis hostem interficere, si homicidium commisit, nec ad sacros Ordines promouendus est, nec promotus ad altiores ascendere potest, sed in suo inferiore ex dispensatione sustinendus erit. Sed & licitæ rei operam dans, si ex negligentia homicidium commisit, irregularitatem incurrit. Vndè qui puerum intuitu disciplina percussit, ut ex percussione in infirmitatem incidere, & postea expirauerit, ab omni ministerio Altaris excludendus erit.

10. Diuersum statuitur de eo, qui mero casu homicidium commisit, nimirum, pulsante aliquo campanas, ut populus conueniret ad Diuina, tintinabulum cadit, & puerum occidit: cum ipse culpæ penitus expers fuerit, nullam incurrisse noscitur irregularitatem. Similiter infantes minores septennio, furiosi, dormientes, si hominem mutilent, vel occidant, nullam ex hoc irregularitatem contrahunt.

11 Medicus laicus, qui adhibuit ægrotantibus debitam diligentiam, licet ad manus suas aliqui mortui sunt, non propterea efficitur irregularis.

12 Clerici de iniurijs sibi illatis apud Iudicem conquerentes, protestantes autem quod ad vindictam, seu sanguinis poenam non intendunt, nullam ineurrunt irregularitatem, si Iudex iustitia exigente mortem delinquentibus inferat. Alioquin, si conqueri non auderent, daretur plerisque materia trucidandi eos, & ipsorum bona passim inuadendi.

13 Publicè Pœnitentes non possunt promoueri etiã ad minores Ordines. Et Episcopus ordinans scienter pœnitentem publicum, per annum à celebratione suspensus est. Publica autem pœnitentia non imponitur, nisi pro enormi crimine, quod totam Ciuitatem commouet; & semel tantùm in Ecclesia conceditur. Placuit tamen Toletano Concilio, si necessitas, aut vsus exegerit, inter Ostiarios, vel Lectores, huiusmodi pœnitentes posse collocari. Quos etiam vel facti euidentia, vel Iudicis sententia, vel propria ipsorum confessio palam facit graui cuiuspiam crimini esse obnoxios, veluti adulterio, periurio, falso testimonio; tales nullo modo promoueri possunt. Sicut & illi, qui in facinorosos homines gladij ius exercent, vel exercentibus consulunt, & iudicijs criminalibus assident.

14 Qui negotijs & officijs sæcularibus seruiunt, quales sunt Procuratores, Actores, Tutores pupillorum, Artifices, Negoriatores; si post deposita onera, & reddita ratiocinia, eorum vita deprehensa fuerit inculcata, omnibus possunt Ordinibus honestari. Similiter obligatum ex causa mutui ab ordinando non repelli.

15 Sed qui negotiando vsuras exercuit, is non potest ordinari, & ordinatus est deponendus. Mens enim auida, nec abstinere nouit vetitis, nec gaudere concessis.

16 Simoniaci, seditosi, & iniuriarum pertinaces vltò.

vtiores ordinari non possunt . sed fur occultus post re-
stitutionem , & poenitentiam , si idoneus fuerit , nec su-
per furto manifesta respersus sit infamia ; ad sacros Or-
dines promoueri potest .

17 Si quis in ægritudine constitutus baptizatus fue-
rit , quia fides eius non ex voluntate , sed ex necessitate
videtur esse , ac propterea , vel de fide eius , vel conti-
nentia sit suspicio , ordinari non debet : nisi fortè po-
stea ipsius studium , & fides emicuerit , & hominum
raritas id exegerit . Pueri verò ab hæreticis etiam ba-
ptizati promouentur . scienter autem rebaptizatis , ad
Ordines promoueri permittendum non erit .

18 Filij Presbyterorum ex fornicatione suscepti , nō
possunt ordinari ; nisi fiant Monachi , vel in Congre-
gatione Canonica regulariter viuentes : nullo tamen
modo ad præfecturas admittantur . Sed bene possunt
ordinari , nati ex legitimo matrimonio ante Ordines sus-
cepto . Græcorum verò sacerdotum filij legitimi sunt ,
etiam post Ordines sacros suscepti ex vxore ante ducta ,
& possunt ad Ordines promoueri .

19 Item repellendi sunt , bigamus , poligamus , & qui
vxorem viduam , quam per adulterium primò cogno-
uerat , vel eiectam à marito , vel meretricem , vel ancil-
lam duxerit , Qui verò honestam viduam ante minimè
cognitam ; is impediri non debet à Sacerdotio , sicut &
monogamus .

20 Fornicatus cum pluribus concubinis , non in-
currit irregularitatem bigamiæ : sed cum eo , tanquam
simpliciter fornicatus sit , quo ad executionem sacerdo-
talis officij , per Episcopum dispensari poterit .

21 Corpore vitiatu notabiliter ordinari , non potest :
modica verò læsio non impedit ordinandum , si potest
sine scandalo celebrare . Qui verò caret aliquo mem-
bro corporis ad vsum Ordinum necessario , vel defectū
aliquem corporis deformem habet , aut oculo priuatus
est , irregularis erit . Ceterum , si sacerdotali in Ordine
consti-

constituto, tale quid acciderit; vel ex verbo, vel ab hoste; irregularis non erit.

22 Idem iuris est de eo, cui vel vi, vel in cunabulis, vel de Medicorum consilio; metu imminentis periculi, virilia fuerint amputata. Quod si volentes, & carnali vitio repugnare fortè cupientes, seipsos absciderint, quia sic homicidæ sunt, ad Clerum peruenire non possunt. Corpore enim vitiiati, non casu, sed propria voluntate sunt intelligendi; & sicut in illis veniam casus impetrat, ita vindictam in ijs voluntas postulat.

23 Is quoque, qui in furorem aliquando versus insanivit, aut quolibet modo vexationis incursum effertur, aut quod propè furorem accedit, in scenam luserit; vel afflictione diabolica vexatus fuerit, ordinari non poterit. Clerici etiam qui in adolescentia à Dæmonibus cognoscuntur obsessi, ad superiorem gradum ascendere non possunt.

TITVLVS VII.

De Votis, & Castitate Clericorum.

1 **V**otum est, alicuius boni operis cum deliberatione Deo facta promissio, vt B. Thomas de Aquino censuit. Vel, vt alij. Est propositi supererogantis promissio Deo facta propter bonum finem, ex deliberatione firmata.

2 Quapropter sciendum est, non ideo adstringi aliquem Voto, quòd tantùm animo conceperit, se aliquam operam Deo acceptam operaturum, nisi etiam id firmo, certoquè animo stabilierit; quare etsi quis cum animo agitare de Religionis habitu suscipiendo, verba huius sententia edidisset. *Non diù hic commorabor; voti reus non propterea est censendus; tunc enim duntaxat initiatum est votum; nondum autem confirmatum.*

matum. At si deliberatio matura præcessisset, dehinc in ea fixus perstitisset, tunc utique etiam confirmatum dici posset. Cum verò præterea etiam verba profert, quibus fixam animi sui deliberationem aperit, consummatum iam votum dicitur.

3 Intelligendum tamen, nisi ulterius sit processum, hoc votum simplex adhuc erit, non solenne; Nam quamdiu ad aliquam solennitatem ventum non sit, quæ voti executioni ipsius per solennitates aliquas ei rei necessarias initium datur, tunc iam solenne effectum dici potest. Veluti, si quis vouerit, se Religionem probatam ingressurum, suscepitque sacram vestem, quæ professorum propria est, & oras ante Altare Deo vouerit; vel si expressè in manibus Prælati Religionem, & Regulam professus sit: vel sacros Ordines acceperit, qui eis se deuouerat: his & similibus modis solenne effectum dicitur. Ante verò, quam ad huius generis solennitates ventum sit, quamuis expressa pollicitatio clarè pronuntiata sit, simplex appellatur.

4 Quod tamen Votum simplex non minus Deo obligat, quam solenne, etsi in alijs quibusdam differant; veluti in eo, quod Votum solenne non solum matrimonium contrahi impedit, sed etiam contractum dirimit; quam vim simplex Votum non habet: contrahendum enim duntaxat impedire solet.

5 Et hinc adeo castitas in Clericis commendatur, ut non solum secundum supradicta, abstinere à libidine etiam in laicis damnata pontificijs Legibus iubeantur, sed ipsi etiam matrimonio alioqui sancto, & à Deo instituto, aliqui eorum aspirare prohibeatur.

6 Quare Episcopus, Presbyter, Diaconus, & Subdiaconus, etsi irregularitatem etiam contraxerint, ad matrimonium tamen accedere prohibentur. At si matrimonium de facto contraxerint, nulla habita irregularitatis ratione separabuntur. Hinc & Alexander III.

olim

olim Cenomanensem Episcopum rescripto suo commendauit, quod compulisset Subdiaconum eam abiurare, quam sibi in coniugium copulauerat. Iussitque eum Subdiaconum prohiberi in Subdiaconatu ministrare & ad maiores Ordines promoueri: sed in minoribus tantum Ordinibus eum ministrare concessit. Et Religionem ingredi volentem, & laudabilem sui ipsius conuersationem præstantem, ad Maiores quoque Ordines promoueri permisit.

7 Potest tamen Episcopus Sacerdoti, qui post nuptias, vel contubernia verius contracta, eaque dimissa diu se continuerit, & poenitentia acta bonum sui ipsius specimen præbuerit, officium ademptum, & executionem restituere. Vel Diacono eadem præstanti, Diaconatus officium reddere, & ad Presbyteratus etiam Ordinem eum admittere.

8 Qui verò est intra minores Ordines Clericus, nuptiarum incapax non est: verum beneficio quod habet spoliatur. Recipit tamen expensas, quas in rem illius Ecclesiæ irrogat. Nec prodest Clerico, quod beneficium ei sit collatum post nuptias ab eo contractas, ut retinere illud possit: nam etsi ipse idem, qui ea beneficia post initum matrimonium sciens, contulit Episcopus, auferre illa non possit, Prælati tamen, cui ille Episcopus subest, illa adimere, etiam appellatione remota poterit.

9 Item, hi Clerici vxorari amittunt priuilegium, quo rerum suarum immunitate potiebantur: saluum tamen eis remanet priuilegium, nè sub Iudice laico conueniri possint; neque citra excommunicationis poenam manus iniuriosas quis in eos inferat: dummodò Clericorum in habitu incedant, vestibus Clericalibus vtentes, & tonsuram gestantes. Et vxor quam habet hic Clericus, prima, vnaque, & nupta fuerit, & virgo, quemadmodum Bonifacius VIII. constituit, & Sacrosancta Synodus Tridentina disposuit; & ille ipse

ali-

alicuius Ecclesiæ seruitio , vel ministerio ab Episcopo deputatus fuerit .

10 Sed , sicut Clericus à matrimonio repellitur , secundum proximè supra à nobis dicta , ita è conuerso , dum quis iugo vxorio adhuc premitur , neque ad beneficia , neque ad Ecclesiasticas administrationes , sed nec ad Ecclesiasticos Ordines accessum habet ; nisi fortè castitatem vouerit , cum vxoris consensum haberet . Vel nisi , cum adolescens vxor esset , Religionem ingressa fuisset , & eam vnam eandemque virginem habuisset vxorem . Atque ex his vnusquisque iudicio assequi potest , quanto maiore ratione Clerici coniugati à dignitatibus Ecclesiasticis summoueantur : vel qui dignitatibus Ecclesiasticis aucti sunt , à matrimonijs repellantur .

TITVLVS VIII.

De Vita , & honestate Clericorum :

1 **D**iximus libro superiore , de vita , & honestate Prælatorum , qui lux mundi , & sol terræ sunt à Salvatore nostro appellati ; tenenturque sanctitate sua , & Clero inferiori , & fidelibus omnibus præluere : Nunc dicendum est de probitate , & sanctimonia vniuersi Cleri , in inferiore gradu constituti , quibus congruit , vt quemadmodum in sortem Domini sunt vocati , & à populo officijs , & ordinibus diuisi , ita summa ope nitantur , & studeant vitæ innocentia , bonitate , & integritate morum cæteris præstare , quo & documento eis sint disciplinæ Christianæ , & ipsi lucernas suas ardentes palam manibus præferentes , olei copiam nunquam non habeant .

2. Curare igitur debent , vt grauitatem in actibus , sermonibus , vestibus , moribus , & omni denique vita
N præse-

præferant. Quod ut facilius præstent, Innocentius III. sanxit, ne Clerici officia, & commercia secularia exercent: minus ioculatoribus, & histrionibus operam ne impendant: tabernas, commessationes, atque ebrietatem fugiant: aleis, & taxillis ne ludant, neque ludentibus intersint: cauponationem aut propinationes non exercent; nec publica telonia, aut contributiones Reipubl. redimant, aut ipsi extorqueant. Mercaturam minimè exercent; choreas & saltationes non faciant; laruati non incedunt: luxuriam atque lasciuiam quam maximè vitent; nec in domibus suis suspectas foeminas foueant, imò nec consanguineas iuuenes, etiam proximo affinitatis gradu, aut sorores germanas. Coronam & tonsuram in capite ferant: seque in officiis Ecclesiasticis tantum, alijsque honestis, & vtilibus studiis, maximè verò in lectione sacræ Scripturæ exercent. Quod sanctius etiam postea firmatum est per Leonem X. in Concilio Lateranensi.

3 Clemenos quoque Quintus, in Concilio Viennensi, poenas sanxit aduersus eos Clericos, qui decori sui metas non seruantes, vestibus nimium mollibus, vel superbiæ, aut leuitatis aliquod indicium præbentibus, aut ceteris corporis ornatibus vsi fuerint. Sed vtantur vestibus secundum formam Innocentij exactissimè præfinitam; neque effusa prolixitate nimium luxuriantibus, neque angusta supra modum breuitate sordescuntibus. Quod si verò aliqui prohibitas vestes gestauerint, beneficia habentibus simplicia, fructus semestres adimit: quibus verò cura animarum incumbit, anni vnus fructuum iactura suorum beneficiorum multari iussit.

4 Quam Clementis Constitutionem Tridentina Synodus innouando, atque ampliando, constituit, ut omnes Ecclesiasticæ personæ, quantumcunque exemptæ, quæ aut in sacris fuerint, aut dignitates, personatus, officia, aut beneficia qualiacunque Ecclesiastica obtinuerint, si postquam ab Episcopo suo etiam per edictum publicum moniti

moniti fuerint, honestum habitum clericalem, illorum Ordini, & dignitati conuenientem, & iuxta ipsius Episcopi ordinationem, & mandatum non detulerint, per suspensionem ab Ordinibus, ac officio, & beneficio, ac fructibus, redditibus, & prouentibus ipsorum beneficiorum: Nec non, si semel correpti denuò in hoc deliquerint, etiam per priuationem beneficiorum, & officiorum huiusmodi coerceri possint, & debeant.

5 Item, prohibentur Clerici causa lucri negotiari, piscationes, aucupia, & venationes exercere: & Monachi suo nomine conductas possessiones tenere. Præterea Clerici sacriati prohibentur procuratores, spenditores, & causarum actores, aut ministri in iudicio seculari, laicorum esse. Quemadmodum etiam prohibentur gubernationes Oppidorum, procurationes Villarum, Prædiorum, aut quaslibet iurisdictiones seculares, hominum secularium vice, & nomine suscipere, & exercere: Nisi ab Ecclesiastico ministerio velint esse alio: ac Religiosi Clerici seuerius etiam puniri velint.

6 Cuiusvis autem Ordinis Clericus, quamvis nondum sacer effectus, sanguinis iudicium ad mortem, vel membri mutilationem inferendam exercens, honore priuatur & loco. Et non modo sanguinis sententiam dictare, aut proferre, aut sanguinis vindictam exercere debet, sed neque vbi exerceatur interesse, aut litteras dictare, aut scribere in sanguineam ultionem mittendas, nec viris sanguinum vllis tanquam eorum Dux præfici potest.

7 Item sacer Clericus à chirurgicæ artis exercitio repellitur, qua adustio, vel incisio aliqua irroganda sit; aliisque artibus, quibus similia officia inesse necessarium sit.

8 Arma quoque portantes Clerici, & vsurarij excommunicantur. Et Clericus percussor, qui se non corrigit, deponendus est. Episcopus autem, cuius mandato mulier seuerè nimium flagris, seu fustibus ob de-

lictum cæsa fuerit, duobus mensibus à Missarum administratione, Gregorij Magni rescripto suspensus fuit.

9 Venationes item & aucupia, prout supra diximus, non modo cum sclopetis, sagittis, bipennibus, lanceis, aliisque armis prohibitis, & canibus venaticis, sed etiam cum accipitribus, falconibus, huiusmodique avibus ad prædam natis, à Clericis omnibus aliena esse debent.

10 Religiosis verò Clericis adeò negocia humana sunt interdicta, vt Alexander III. olim edixerit, vt nullo Religioso post factam professionem, ad Physicam, vel Leges sæculares legendas exire liceat; pœna etiam excommunicationis, præter alias pœnas, transgressoriibus addita.

11 Quam Alexandri Constitutionem, Honorius III. postea sic declaravit, siuè extendit, vt eius violator ipso iure ex Canone latæ sententiæ excommunicationi censetur obnoxius: atque vt Archidiaconos, Decanos, Plebanos, Præpositos, Cantores, & alios Clericos personatus habentes, & presbyteros complectatur. Ne humanarum rerum, litterarumque illecebris capri, Theologiæ, atque sacrorum Canonum studia omittant, quibus eos omni cura vacare convenit; cum infectas Philosophiæ, & Poësis radices, & aliunde ortas pestes, per diuinorum scientiam sanare, & purgare debeant.

12 Demum Sacrosancta Tridentina Synodus constituit, vt quæ aliàs à Summis Pontificibus, & à Sacris Concilijs, de Clericorum vita, honestate, cultu, doctrinaque retinenda; ac simul de luxu, commensationibus, choreis, aleis, lusibus, ac quibuscunque criminibus, nec non secularibus negocijs fugiendis; copiosè, ac salubriter sancita fuerunt, eadem in posterum iisdem pœnis, vel maioribus, arbitrio Ordinarij imponendis obseruentur. Nec appellatio excusationem hanc, quæ ad morum correctionem pertinet, suspendat. Si qua verò ex his in desuetudinem abiisse compererint, ea quam-

quamprimum in vſam reuocari, & ab omnibus accuratè custodiri ſtudeant, non obſtantibus conſuetudinibus quibuſcumque.

13 Iam verò ex ſupradictis nemo non iudicare poteſt, quam deforme exiſtimetur in Clerico incontinentiæ, & fornicationis vitium, cùm ſupradicta, quorum multo minora ſunt flagitia, tam acerbam vindictam expectent. Quare Clericus fornicator poteſt ab officio ſuſpendi, ſi ita Iudici videbitur. Quod ſi verò Clericus ſuſpenſus contempta ſuſpenſione diuina celebrare auſus fuerit, & in vetere flagitio perſeuerare, non beneficijs Eccleſiaſticis tantùm exuetur, ſed etiam perpetuò deponetur. Quæ poena etiam Prælatos manet, qui huiusmodi ſubditorum Clericorum vitia æquo animo tulerint, nec in eos animaduernerint.

14 Et Clericus concubinam palam habens, ipſo iure ab officio eſt ſuſpenſus, nec partem ab Eccleſia ſuſcipere poteſt, & concubinam dimittere recuſans, interdicto, ſuſpenſione, ac demum excommunicatione punietur. Olim verò ſimplex fornicatio iuſta cauſa Clerico deponendo exiſtimabatur.

15 Hinc prohibentur Clerici mulieres domi habere, quæ incontinentiæ ſuſpitionem præbere poſſint, vt amitæ, ſorores, cognatæ, & affines, earumque pedifſequæ. Sed egentibus illis in domo longè à ſua conuerſatione poſita neceſſaria ſubminiſtrent. Et Clericus ſine manifeſta, & probabili cauſa, ad ſanctimonialium cœnobias frequenter accedens, per Episcopum arceri debet; ſequæ non corrigens Eccleſiaſtico officio priuari.

16 Episcopi quoque, ſi ab huiusmodi crimine non abſtinuerint, & à Synodo Prouinciali admoniti ſe non emendauerint, ipſo facto ſint ſuſpenſi. Et ſi perſeuerent, etiam ad Sanctiſſimum Romanum Pontificem ab eadē Synodo deferantur, qui pro qualitate culpæ, etiam per priuationem, ſi opus fuerit, in eos animaduertet.

TITVLVS IX.

De Regularibus, & Monachis.

1 **Q**uoniam in Ecclesia Dei præter Leuitas, & Sacerdotes, sunt etiam alij, qui non minus in laicaru, quàm in clericatu constituti Domino deferuiunt, vt sunt Regulares, & Monachi; restat vt de his quoque pauca subiiciamus. Quorum, cum eadem ferè iura sint, quicquid de Monachis dicitur, idem intelligendum est, & de cæteris Regularibus. Nam similitum eadem est disciplina, vt inquit Philosophi, atque Iureconsulti.

2 Et quidem Regulares dicuntur omnes illi, qui Regulam aliquam ab Ecclesia approbatam, & tria substantialia vota, paupertatem videlicet, castitatem, & obedientiam profitentur. Et in hoc Monachi cum Regularibus conueniunt; istoque respectu aliquando Monachorum appellatione omnes Regulares continentur. Quo ad cætera verò, laxiorem quandam, quàm Monachi Regulam habent, certumque modum viuendi, ac vestiendi, secundum maiorem, & minorem perfectionem.

3 *Sunt autem quatuor Regule ab Ecclesia approbate. S. Basilij, S. Benedicti, S. Augustini, & S. Francisci, sub quibus militant omnes ferè Monachi, & Religiosi; exceptis Charrusianis, Iesuitis, & Minimis; qui pro Regula suis Constitutionibus reguntur.*

4 Sed Monachi propriè à Latinis solitarij possunt dici, quod antiquitus remoti à populo, in montibus, aut syluis solitariam ducerent vitam, dicebanturque Eremitæ, seu Anachoretæ. Ducit itaque etymologiam Monachus, à Græco verbo monos, quod Latine sonat vnus, vel solus. Et differunt à Conuersis, & Oblatis per hoc ipsum, quod ad Ordines promouentur. Nam *Conuersi sunt*, qui offerunt se, & sua, mutando habitum,

bitum, & profitendo; laici tamen sunt, quia non promouentur ad Ordines. *Oblati verò sunt*, qui se, & sua offerunt Monasterio, habitu non mutato, & absque professione Regulæ viuunt, licet eam voluntariè obseruent.

5 *Fiunt autem Monachi ex triplici capite præcipuè.* Aut ex paterna deuotione, aut ex propria professione, aut ex voti emissionem. Nemo tamen debet cogi ad intrandum Religionem, neque à patre, neque ab alijs; licet benè possit induci suauiter persuadendo: sed non violenter, aut simoniacè, aut mendacijs aliquibus.

6 *Ex paterna deuotione Monachus quis efficitur*, cum pater filios impuberes Monasterio offert. Quo casu si impuberes sacram tonsuram, vel velamina susceperint, sextodecimo ætatis anno, moneri debent, & inquiri, vtrum in ipso habitu permanere cupiant. Si permansuros se professi fuerint; vel professionem à se prius factam ratam habuerint, vltèrius poenitendi locum non habebunt. Si verò ad sæcularem habitum reuertimauerint, redeundi licentia concedenda erit: quia satis inutile est, vt coacta seruitia Domino præstentur. Quæ etiam ratione constitutum est, ne quis inuitus ordinari debeat.

7 Quod si impubes præter parentum voluntatem tonsuram accepit monachalem: parentes id factum irritare valent. Sed si intra annum ad proprium Episcopum, vel alium competentem Iudicem non reclamauerint, reuocare amplius non poterunt. Si verò in grandiori ætate adolèscentes seruire Deo elegerint, non est potestas parentibus prohibendi.

8 *Propria professione Monachus efficitur quis*, aut expressè, aut tacitè. *Expressè*, vt si quis post annum probationis habitum suscipiens monachalem, Regulis Monasterij obstringi se velle profitetur. Si tamen ante tempus probationis regulariter præfinitum, is conuerti desiderat, habitum recipit, & professionem emittit, Abbate per se, vel per alium professionem recipiente, regulari

gulari obseruantia obligatur, & verè Monachus est censendus.

9 Quemadmodum autem discretus Abbas, ex causa ante probationis tempus professionem recipere potest; ita ex causa interdum post annum potest eam differre. Vnde si quis incognitus Monasterium ingredi voluerit, ante triennium monachalis habitus concedendus non est: ne si fortè post annum statim præstetur, postea seruus, aut maritatus, aliàsue inhabilis ad Monasterium deprehendatur. Quod si seruus per triennium in Monasterio commoratus, postea Monachus effectus fuerit, ex hoc liber etiam efficietur.

10 Quinimò, si prius ignorante Domino ad sacra ministeria ordinatus Monachus fieri elegerit, iugum seruitutis euadet: aliàs intra vnus anni spatium Domino, & seruilem formam probare, & seruitium suum absque villo impedimento recipere licebit.

11 Prædicatores tamen, & Minores, alijque Mendicantium Ordines omnes, ante annum probationis elapsum, neminem ad professionem admittere debent. Quod si forte contra fecerint, & is qui sic receptus fuerit, eorundem Ordini minimè alligabitur; & receptores à receptione ad professionem quorumlibet suspensi, tam excommunicationi, quàm alijs pœnis grauioribus subijciendi erunt.

12 *Tacitè verò proficitur quis*, cum vltra tempus probationis in Monasterio permanet, & habitum desert, qui profitentibus tantùm datur. Hinc Doctores dicunt, quod si quis expleto anno probationis, per triduum habitum monachalem intra Monasterium portauerit, iam ipso facto professionem fecisse præsumitur.

13 Vtrum autem quis expressè professus fuerit, an tacitè, interdum multum interest. Expressa enim professio, etiam sæculari habitu non mutato, illi Religioni præcisè obligat, quam quis professus fuerit. Tacitè verò facta infra probationis annum, per habitus qui
profi-

proficientibus tantum datur susceptionem, non illi specialiter, cuius est susceptus habitus, sed generali Religioni recipientem obligat: dum tamen legitimæ sit ætatis, ac sciens, & prudens triduo in eius habitus delatione perseverauerit.

14 Qui vitam regularem vouit, Monasterium ingredi debet, non obstante quod fuerit Prælatum consecutus, quia votum à principio est voluntatis, sed ipsum obseruare est necessitatis. Debet igitur Prælatum dimittere, & Monasterium ingredi; licet postea canonicè electus Episcopatum recipere possit.

15 Et quia in proposito ingrediendi Religionem, votum est simplex: solenne verò est, quando quis per professionem tacitam, vel expressam, comprobauit illud quod vouerat Deo: Idcirco faciens votum de certa Religione intranda, si aliam laxiorem ingrediatur, & in eadem profiteatur, per solenne votum professionis, derogat voto priori simplici, quod animo tantum conceperat, & iã debet remanere in ea Religione in qua professus est: Sed nihilominus pro voto nõ completo poenitentiam impositam peragere debet.

16 Is igitur, qui in legitima ætate constitutus, habitum semel induit spontè, religiosum propositum vltro susceptum, deserere non poterit; sed proprio Superiori obediens in castitate in propriis deget Monasterio.

17 Sed nec aliquid proprium possidere debet: & si quid habet, totum in continenti resignabit. Nam abdicatio proprietatis, adeo est annexa Regulæ monachali, vt contra eam, nec Summus Pontifex possit licentiam indulgere. Et si proprietas apud quenquam inuenta fuerit in morte, is est Christiana sepultura priuandus, & sepultus exhumandus; prout etiam B. Gregorius se fecisse narrat. Quod si quispiam Monachus proprietatem aliquam fuerit deprehensus habere, monitione regulari præmissa de Monasterio expellendus est, quemadmodum Innocentius III. olim constituit. Gregorius verò IX.

O

post-

posteriori Constitutione , intra archi Monasterij septuagintulo includi religiosum iubet .

18 Potest tamen Monachus ad aliam strictiorem Religionem transire, cui suus Superior nullo obstante privilegio, debet sine difficultate omnimodiam indulgere, ne videatur propositum impedire . Transire autem de vna Religione in aliam debet, aut zelo perfectioris Religionis à debita perfectione, & tunc requiritur Superioris iudicium : aut propter infirmitatem, seu debilitatem , & tunc necessaria est dispensatio : sed quia modo data sunt multa privilegia Religiosis , ideò non est facile sine licentia Papæ, de vna Religione transire in aliam, ne incidat in excommunicationem Bullæ Martinus V. & Sixtus IV.

19 Monachus verò electus in Papam, potest invito Superiore acceptare Papatum , cum talis electio credi debeat inspirata divinitus .

20 Mendicantibus verò approbatis, qui pretextu arctioris ducendæ vitæ ad Monasterium confugiant, Martinus IV. omnino vetuit ad aliam Religionem transire, excepto Ordine Carthusiensis, sine speciali Sedis Apostolicæ concessione, tam recipientibus, quam receptis ipso facto excommunicationis poenam incursum.

21 Fugitivos verò debent Abbates sollicitè perquirere, ut ad Monasterium, & frugem melioris vitæ reuertantur , opportunis remedijs providere : Nec Ordinarios, qui eorum suppleant negligentiam, expectare . Qui verò habitu, & nomine fingunt se Monachos esse, & non sunt, corrigi debent, ut veri Monachi sint, vel veri Clerici .

22 Singuli quoque Monachi per villas , & oppida non debent discurrere : nec per quascunque Parochiales Ecclesias disponi . Quod in Regularibus, cum Regulæ inserviant laxiori, specialiter cautum non invenitur , ideòque illis cum minori difficultate Parochialibus Ecclesijs præesse permittitur .

23. Beneficium autem illius, qui Religionem ingreditur, non est intra probationis aenum alicui conferendum, nisi, vel ipsiusmet accesserit assensus; vel manifestis indicijs colligatur, decreuisse eum vitam absolute mutare: vel professionem expressam ediderit: vel demum professorum habitum sciens susceperit. Sed interim alius ei beneficio minister dabitur, assignata ei congrua de illius prouentibus portio.

24. At regularia beneficia in titulum Regularibus professis prouideri consueta, cum per obitum, vel resignationem, vel aliâ illa in titulum obtinentis vacare contigerit, Religiosis tantum illius Ordinis, vel his qui habitum omnino suscipere, & professionem emittere teneantur, & non alijs conferri debent, vt sacrosancta Synodo Tridentina statutum est.

25. Sanxit etiam eadem Synodus sub Pio IV. vt nulla renuntiatio, aut obligatio ante professionem facta, etiam cum iuramento, vel in fauorem cuiuscunque cause piae valeat, nisi cum licentia Episcopi, seu eius Vicarij fiat intra duos menses proximos ante professionem: ac non aliâs intelligatur effectum suum sortiri, nisi professione secuta. Aliiter verò facta, quamuis cum huius fauoris expressa renuntiatione, etiam iurata, sit irrita, & nullius effectus.

26. Hoc etiam prouidendum est, ne quis in diuersis Monasterijs locum Monachi habere presumat. Nec vt vnus Abbas pluribus Monasterijs præsideat. Item ne cui Monacho, de Monasterio in Monasterium migrare permittatur; sed Monasterium suum deferens, ad illud competenti coercionem redire compellendus est.

27. Sed quia Regulares de vno ad alium Ordinem translati, facili à suo Superiore licentiam standi extra Monasterium obtinere solebant; ex quo vagandi, & apostatandi occasio tribuebatur: propterea eadem Synodus Tridentina decreuit, vt nemo cuiusque Ordinis Prælati, vel Superior, vigore cuiuscunque facultatis; aliquem

ad habitum, & professionem admittere possit, nisi in Ordine ipso, ad quem transfertur, sub sui Superioris obedientia in clauistro perpetuò maneat. At taliter transfatus, etiam si Canonorum Regularium fuerit, ad beneficia secularia etiam curata incapax omnino existat.

28 Mendicantes verò, qui non ad Mendicantium Ordines, etiam auctoritate Apostolica transferunt, iuxta Clementis V. Constitutionem, à Prioratus administrationibus, officijs, vicariatibus, & alijs præminentijs, quoquo nomine vocentur, repelli debent. Nec locum, aut vocem in Capitulo eis concedi oportet, etiam si hoc eis à Collegijs liberè permitteretur.

29 Ut autem inuiolabiliter monastica disciplina custodiatur, de congregatione Monachorum Abbas eligendus est (Clericus ergò secularis non eligitur in Abbate) quem ordo vitæ, & meritum magis poposcerit ordinari. Qui cautus sit in regimine, humilis, & discretus: & cui Monachi cum omni obedientia, & deuotione subiaceant.

30 Et propterea, sicut in Magistrum assumi non potest, qui nusquam discipulus fuit; ita & in Superiorem præficiendus non est, qui subesse non nouit, regularemque Prælaturam non assumat, qui primo professus non fuit. Quanquam ad Episcopalem dignitatem talis in secularibus, vel regularibus Ecclesijs eligi minimè prohibeatur.

31 Quod si in aliqua Congregatione non reperiatur idoneus, qui possit in Abbatem eligi, tunc sumendus erit de alio Monasterio: & qui in alio Monasterio Abbas constitutus, iam amplius non habebit vocem in primo Monasterio, etiam si ex consensu Capituli hoc sibi reseruauerit.

32 Visitatores quoque in Capitulo creandi sunt, secundum formam Generalis Concilij, qui visitationis officium exequantur, & omnia quæ Viennensi Concilio constituta sunt, fideliter obseruari faciant, & de statu Monasteriorum, & obseruantijs regularibus diligenter inquirant.

inquirant; & tam in spiritualibus, quam in temporalibus corrigant, & reformat, quæ viderint corrigenda, & omnia secundum Honorianæ constitutionis formam prosequantur.

33. Nouissime sciendum est, nemini licere nouam Religionem instituere, sed quicumque ad Religionem sese conuertere voluerit, vnâ ex olim institutis; & ab Ecclesia receptis assumat. Et consequenter, qui voluerint religiosam domum fundare, ex Religionibus veteribus Regulam, & Institutionem accipere debent, ne temere recedatur ab eo, quod diu bonum iudicatum fuit. Qui autem cogitata sua, & inuentiones sanctorum Patrum Constitutionibus anteponunt, illi errorum Magistri sunt, quia veritatis discipuli esse noluerunt.

T I T V L V S X.

De Sanctimonialibus.

Prouidit etiam Sacrosancta Synodus Tridentina, sub Pio IV. libertati professionis virginum Deo dicandarum, ne habitum suscipiant ante annum duodecimum expletum, ne uè seductæ, aut coactæ professionem emittant. Propterea sine scitu, & examine Episcopi professionem facere non debent. Quod si Præfecta certiozem Episcopum non fecerit ante mensem de eius professione, quamdiù Episcopo videbitur ab officio suspensa sit.

2. Eadem sacrosancta Synodus anathemati subijcit omnes, & singulas personas, cuiuscunque qualitatis, vel conditionis fuerint, tam Clericos, quam Laicos, seculares, vel regulares, atque etiam qualibet dignitate fungentes, si quomocunque cocgerint aliquam virginem, vel viduam, aut aliam quamcunque mulierem inuitam, præter-

terquam in casibus à iure expressis, ad ingrediendum Monasterium, vel ad suscipiendum habitum cuiuscunque Religionis, vel ad emittendum professionem: quique consilium, auxilium, vel fauorem dederint. Quique scientes eam non spontè ingredi Monasterium, aut habitum suscipere, aut professionem emittere, quoquo modo eidem actui, vel præsentiam, vel authoritatè interposuerint.

3 Simili quoque anathemati subiecit eos, qui sanctarum virginum, vel aliarum mulierum voluntatem veli accipiendi, vel voti emittendi, quoquo modo sine iusta causa impederint. Decreuitque vt omnia & singula, quæ ante professionem, vel in ipsa professione fieri oportet, seruentur non solum in Monasterijs subiectis Episcopo, sed & in alijs quibuscunque. Ab his tamen exceptis mulieres, quæ Pœnitentes, aut Conuertitæ appellantur; in eis enim constitutiones ipsarum seruari vult.

4 Hoc quoque circa Sanctimonialia eadem Synodo statutum fuit, vt earum Monasteria Sanctæ Sedis Apostolicæ immediatè subiecta, etiam sub nomine Capitulorum Sancti Petri, vel Sancti Ioannis, vel alijs quomodocunque nuncupentur, ab Episcopis tanquam Apostolicæ Sedis delegatis gubernentur, non obstantibus quibuscunque. Quæ verò à Deputatis in Capitulis Generalibus, vel ab alijs Regularibus reguntur, sub eorum cura, & custodia relinquantur.

5 Item sanxit, vt Sanctimonialia earum Constitutionibus admonerentur, quò saltem semel singulis mensibus confessionem peccatorum faciant; & sacrosanctam Eucharistiam suscipiant. Arguè vt præter ordinarium Confessorem, alias extraordinarius ab Episcopo, & alijs Superioribus, bis aut ter in anno offeratur, qui omnium confessiones audire debeat.

6 Id quoque in mulieribus Religiosis præcipuum statutum est, vt hæ cuiuscunque Religionis, vel Ordinis

nis sint; tacite, vel expresse professæ, intra claustra sui Monasterij perpetuò permaneant, nec quacumque ratione, vel causa egredi possint: nisi tanto morbo laborant, ut manifestum sit, non posse eas cum alijs, citè periculum, vel scandalum commorari. Nec cuiquam, etsi aliqui honestæ personæ, accessus, vel ingressus ad eas pateat, nisi rationabilis causa subsit, ac Prælati venia intercedat.

7. Prohibentur præterea per seipsas litigare; sed si tem exercere volentes, procuratores constituere debent quemadmodum etiam in prosequendo electionis negotio apud Sedem Apostolicam: siue illud electarum nomine agatur, siue eligentium: aut earum, quæ ab electione appellant, vel contra eam opponunt, non debent ad ipsam Sedem ipsæ accedere, sed procuratores mittere.

8. Præcepit quoque sacrosancta Synodus Episcopis, ut in omnibus Monasterijs sibi subiectis ordinaria; in alijs verò Sedis Apostolicæ autoritate, clausuram Sanctimonialium, ubi violata fuerit, diligenter restitui; & ubi inuiolata est, conseruari maxime procurent. Desernens etiam, ut nemini Sanctimonialium liceat post professionem exire à Monasterio, etiam ad breue tempus quocumque prætextu: nisi ex aliqua legitima causa ab Episcopo approbanda, indultis quibuscumque, & priuilegijs non obstantibus.

9. Ingredi autem intra septa Monasterij nemini liceat, cuiuscunque generis, aut conditionis, sexus, vel ætatis fuerit, sine Episcopi, vel Superioris licetia in scriptis obtenta, sub excommunicationis poena, ipso facto incurrenda. Dare autem tantum Episcopus, vel Superior licentiam debet in casibus necessarijs: neque alijs villo modo possit, etiam vigore cuiuscunque facultatis, vel indulti hactenus concessi, vel in posterum concedendi.

10. De electione autem Abbatissæ, animaduertendū est,

est, quod debet esse triginta annorum, quæ octo ab his post expressam professionem laudabiliter vixerit; & sic virgo. Quia vidua Abbatissa esse nequit, quantumcunque castè vixerit in Monasterio. Similiter nec illegitimè nata, patiensque defectum in natalibus.


34 Et quia Monasteria Sanctimonialium extra mœnia Urbis, vel Oppidi constituta, malorum hominum prædæ, & alijs facinoribus, sine ulla sæpè custodia sunt exposita; præceptum est eadem Synodo Episcopis, & alijs Superioribus, ut curent, si ita videbitur expedire, ut Sanctimoniales ex eis ad noua, vel antiqua Monasteria intra Vrbes, vel Oppida frequentia reducantur. Inuocato etiam auxilio, si opus fuerit, brachij secularis; impediensque, vel non obediens per censuras Ecclesiasticas parere compellant.

LIBER TERTIVS.

De rebus Ecclesiasticis Spiritualibus,
& earum administratione.

TITVLVS I.

De Rerum diuisione.

1 UPERIORIBVS libris, de iure personarum Ecclesiasticarum, altioris nimirum, & inferioris ordinis, exposuimus; modo videndum est de rebus Ecclesiasticis; illarumque tractatione, tam respectu animæ, quàm respectu corporis, quia ex his duabus rebus, homo terrenus compositus est.

2 Res itaque Ecclesiasticæ, aut Spirituales sunt,
aut

aut Temporales. *Spirituales sunt*, quæ spiritum deferunt, atque animæ causa institutæ sunt, vt Sacramenta Ecclesiæ, Altaria, & his similia. *Temporales sunt*, quæ corporis gratia pro Ecclesiasticis ministerijs, sacrorumque ministrorum vsu sunt comparatæ, vt sunt prædia, villæ, domus, ciuitates, & fructus decimales.

3. Rursus Spiritualium rerum, quædam sunt incorporales: quædam verò corporales. *Incorporales sunt*, quæ neque tangi, neque vllò sensu corporeo percipi possunt: quales sunt virtutes, & dona Dei, aut quæ in iure consistunt. *Corporales sunt*; quæ & cerni, & tangi, & humanis sensibus percipi possunt. Harum autem quædam sunt Sacramenta, quædam res sacræ, quædam sanctæ, quædam verò religiosæ.

4. Et quia spiritualia incorporalia à Theologis tractantur, nos spiritualia corporalia, vel quæ per corporalia recipiuntur, hic diligenti trutina examinabimus. Primumque de Sacramentis, deque rebus sacris, sanctis, atque religiosis tractabimus; postea de rebus temporalibus, atque illarum administratione agemus.

T I T V L V S I I.

De Sacramentis in genere.

Sacramentum est, inuisibilis gratiæ visibile signum, ad nostram iustificationem institutum. Vel *Sacramentum est*, corporeum quoddam elementum, extrinsecus cum sensu infictum, inuisibilia, & incorporalia propter similitudinem referens, & propter institutionem significans. Idèque dicuntur sacramenta, quia in eis aliud videtur, aliud intelligitur. Quod cernitur, speciem habet corpoream; quod percipitur, fructum habet spirituale. Vnde à secretis virtutibus;

vel à sacris Sacramenta dicantur, quia sub regmento corporalium rerum, diuina virtus secretius salutem eorundem Sacramentorum operatur.

2. Sunt autem hæc septem infra scripta Ecclesiæ Sacramenta, secundum septem diuersitates hominum in Ecclesia instituta. Primum est Sacramentum intransitū in Ecclesiam. *Baptismus*. Secundum pugnantium cum hostibus salutis animarum, *Confirmatio*. Tertium vires resumentium in pugna, *Eucharistia*. Quartum, resurgentium à labe, *Pœnitentia*. Quintum est executium, *Extrema Vnctio*. Sextum ministrantium circa salutem, *Orda*. Septimum nouos milites introducentium in Ecclesiam, *Matrimonium*.

3. Cautum autem est sacrosanctæ Synodi Tridentinæ Canonibus, vt si quis dixerit esse plura, vel pauciora, quam septem enumerata Sacramenta: aut etiam aliquod horum septem, non esse verè, & propriè sacramentum, seu non fuisse omnia à Iesu Christo Domino nostro instituta, anathema sit.

4. similiter, qui dixerit ea ipsa legis Sacramenta, à Sacramentis antiquæ legis non differre, nisi quia ceremoniæ sunt aliæ, & alii ritus externi: Ac etiam, si quis dixerit hæc septem Sacramenta, ita esse inter se paria, vt nulla ratione aliud sit alio dignius. Vel Sacramenta nouæ legis propter solam fidem nutriendam instituta esse. Vel non continere gratiam quam significant: aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, vel iustitiæ, & notæ quædã Christianæ professionis, quibus apud homines discernuntur fideles ab infidelibus, anathema sit.

5. Horum verò Sacramentorum hæc summa diuisio est, quod aut sunt necessaria, aut voluntaria. *Necessaria sunt*, quæ sine interitu salutis æternæ prætermitti, & contemni non possunt, vt sunt Baptismus, Confirmatio, Pœnitentia, Eucharistia, Extrema vñctio: quæ omnia ad

ad particularem cuiusque profectum sunt principaliter instituta. *Voluntaria sunt*, quæ sine dispendio salutis, pro cuiusque arbitrio recipi possunt, & refutari, qualia sunt Ordo sacer, & Matrimonium: & hæc ad totius Ecclesiæ profectum, & subsidium principaliter pertinet.

6 Rursus necessariorum Sacramentorum, quædam ad ingressum Ecclesiæ sunt comparata, ut Baptismus: quædam ad progressum in Ecclesia, ut Confirmatio, Pœnitentia, Eucharistia: & quædam ad egressum ab Ecclesia, ut Extrema unctio.

7 Item Sacramentorum quædam characterem, seu signum quoddam spirituale, & indelebile in anima imprimunt, & iterari non possunt, ut Baptismus, Confirmatio, & Ordo: quædam verò nullum characterem imprimunt, iterariq; minimè prohibentur, ut Eucharistia, Unctio, Pœnitentia, & Matrimonium.

8 Constant autem Sacramenta, elemento, & verbo. Elementum hic accipimus, quidquid sub visibili natura, inuisibilem gratiam designat, & cōtinet. Verba sunt, quæ formæ visibilis efficaciam exprimunt. Ergo accedente verbo ad elementum, Sacramentum fiet.

9 Et dicuntur Ecclesiæ Sacramenta, propterea (quævis illa ipse Christus instituit, non Ecclesia) quia per ea Ecclesia sanctificatur, cœlestique Sponso matrimonij foedere coniungitur: tum quia illa ministrat, & illorū dispensationem sibi creditam habet.

10 Ergo qui baptizat, qui absoluit, & in singulis Sacramentis diuinitus operatur Dominus est: ministri verò Ecclesiæ in conficiendis sacris mysterijs, vel dispensandis, præter nudum ministerium nihil sibi vindicare valent, cum non propriam, sed eius qui Sacramenta instituit personam referant, nec vlla ex ipsis sanctificandi virtus emanet. Vnde quanquam eos inculparos esse deceat, si tamen mali sint, vel à Catholica communione seiuncti, nihilominus & conficere Sacramenta & dispensare poterunt. Veluti enim per lapideos canales ad

quæque eius materia, atque forma.

TITVLVS III.

De Baptismo, & eius effectu.

Baptismus est Sacramentum regenerationis, per quam in verbo vitæ homo renascitur ex aqua, & Spiritu Sancto, & fit Filius Dei adoptivus, secundum illud Ioannis. *Dedit eis potestatem filios Dei fieri.* Vel: Baptismus est; exterior hominum ablutio, cum certa forma verborum, originarium peccatum delens. cuius figura in veteri Testamento erat Circumcisio, in Fidei, iustitiæque signaculum instituta: sed longè maiorem utilitatem adfert nobis Baptismus: quia licet Circumcisio culpâ ingentem populo Dei remittebat, Cœlum attamen circumcisis occlusum tenebat. Modo vero post Baptismum regeneratus ianuam cœlestem sibi reſeratam inuenit. Quin etiam, & propria voluntate labem contractam in adultis præter originariam delet. Dicere attamen, peccata, quæ post Baptismum fiunt, sola recordatione, & fide suscepti Baptismi, vel dimitti, vel diminui, & fieri venialia, anathema esset, ex Tridentinæ Synodi constitutione.

2 Dicitur Baptismus à nomine Græco, quod Latine significat immersionem in aquam, seu ablutionem: tam exteriorem corporis, quàm interiorem animæ, quæ fit per Spiritum Sanctum. Nam aqua, & verba nil prodesſent baptizato, nisi Spiritus Sanctus baptizaret interius. Vnde: & duplex paternitas, & filiatio reperitur in Baptismo: vna exterior, in qua baptizans, est pater: alia interior, in qua Spiritus Sanctus est pater. Et idè omnes Christiani dicuntur filij Dei, & inter se sunt fratres spirituales, quia habent eundem patrem spiritua-
secun-

secunda natiuitate. Per ipsam verò immersionem, in aquam, repræsentatur sepultura Christi, cui secundum Apostolum consepelimur per Baptismum. Hinc à Patribus vocatur principium primum mandatorum, quia est ianua, qua ingreditur in societatem Christianæ vitæ, & omnium Sacramentorum. Sæpe aliàs vocatur Sacramentum Fidei, ac illuminationis: quia in ipso baptizati profitentur Fidem, & per illam illuminantur. Vocatur etiam purgatio, sepultura, plātatio, ac Crux Christi; quia per ipsum expurgatur baptizatus à peccato, illiq; moritur, & complantatur Christo, eiusque Cruci.

3. Triplex est autem Baptismus. Fluminis, Flaminis, & sanguinis. *Fluminis Baptismus*, verè, & propriè sacramentum est, de quo Ecclesia dicit: *Confiteor. unum Baptisma in remissionem peccatorum*. Flaminis verò, & Sanguinis dicuntur Baptismi in ordine ad Baptismum fluminis, quatenus eius vicem supplere possunt, & producere eius spirituales effectum: nempe remissionem peccatorum, cum infusione gratiæ iustificantis. At non suppleant vicem, & obligationem suscipiendi verum Baptismum fluminis, data commoditate illum suscipiendi. Et sic qui scit necessarium esse Baptismum ad salutem, tenetur habere voluntatem se ipsa suscipiendi Baptismi, & adimplere præceptum Christi. Qui verò hoc nescit, satis est habere voluntatem seruandi totam legem diuinam, & quærendi remedia, quæ à Deo ordinata sunt ad consequendam salutem, & peccata delenda. Quia virtualiter habet propositum suscipiendi Baptismum, prout colligitur ex Actibus Apostolorum, ex facto Cornelij Centurionis.

4. Baptismus itaque Fluminis fit aqua naturali, nèpè per ipsam immersionem, adhibita certa forma verborum, per quam interior animæ ablutio à sordibus originalis peccati Spiritus Sanctus operatione efficitur. Flaminis verò Baptismus fit per Spiritum Sanctum, cum quis habet intentionem suscipiendi Baptismum. sed cōmodi-

moditatem non habet se baptizandi. Et proinde requiritur, quod si hic talis habeat peccatum mortale, ut faciat veram peccatorum suorum contritionem, quia sola attritio non sufficit. Sanguinis verò Baptismus fit, cum quis non habens occasionem baptizandi Baptismo fluminis, qui verè characterem animæ imprimit, subit lætus pro Christi nomine Martyrij Sacramentum.

5. Item Baptismus Fluminis diuiditur in Solemnem, & simplicem. *Solemnis*, multas cœremonias exigit præter verbum Dei, & aquam: nam & Catechismos, & Exorcismos, & Exufflationes, & Vnctiones, & salis, saliuæ, &que leuigationes, & multas preces, multasque alias solennitates desiderat: *Simplex* autem in casu necessario in usu esse solet, cum quis vitæ in discrimine est, qui baptizandus est; proptereaque sine solennitatibus prædictis absolvitur. Sed solum immersione trina in fonte contentus est, cum prolatione sollemnium verborum. *Ego te baptizo, in nomine Patris, & Filij, & Spiritus Sancti. Amen.*

6. Materia Baptismi est aqua naturalis, Non rosea, aut decocta cum herbis; non lixiuium, aut iusculum aliquod. Forma verò, verba à Christo Domino instituta. *Baptizantes eos in nomine Patris, & Filij, et Spiritus Sancti.* Non in nomine Genitoris, Geniti, & Proccedentis ab utroque. Non in nomine sanctiss. Trinitatis, aut Iesu Christi; quia & Baptismus non valeret, & Sacerdos sic baptizans depositionem promereretur.

7. Baptizandi autem cura, ad solos Sacerdotes pertinet; eiusque ministerium, nec ipsis Diaconibus exple re permittitur absque Episcopo, vel Presbytero, Nisi his absentibus vltima languoris baptizandi cogat necessitas. Quo casu, & laicis fidelibus, atque ipsis mulieribus baptizare permittitur. Quod si Diaconus, vel Laicus baptizasset non instante necessitate Baptismus quidem valet, sed vsurpatores alieni muneris puniendi erunt. Presbyter verò, cuius negligentia commissum est, ut quis sine baptismate ex humanis exceslerit, deponendus erit, siue

sive in provincia propria sit, sive in aliena; sive ubi cumque inuentus fuerit in hoc deliquisse.

8. Sed & si qui ab hæreticis, sive schismaticis, vel etiã à paganis, aut alijs à facinorosis baptizati fuerint; non sunt denudò rebaptizandi, si hoc fecerunt cum intentione faciendi id quod facit Ecclesia; & debita materia; atque forma adhibita fuit. Cum non dignitate, miniq; fidei, sed virtute verbi Divini, & Spiritus sancti; Baptismus constet. Sed si de aliquo tamen ambigatur, an sit baptizatus nec ne; poterit ei Baptismus huiusmodi verbi conferri. *Si baptizatus es, te non rebaptizas; sed si nondum baptizatus es, ego te baptizo in nomine Patris, etc.* Et ceteri, quoties non inveniuntur certissimi testes, qui infantes baptizatos sine dubitatione testentur; neque ipsi super ætatem idonei de traditis sibi Sacramentis respondere, absque ullo scrupulo baptizandi sunt, ne ista trepidatio eos faciat Sacramentorum purgatione priuari.

9. Nemo autem seipsum baptizare potest, etiã in mortis articulo constitutus, quamvis, si statim decesserit, non propter fidei sacramentum, sed sacramenti fidem, saluus fiet.

10. Sacrosancta itaq; synodus Tridentina, anathematizavit omnes, qui dixerint, parvulos, eò quod actum credendi non habent, suscepto Baptismo inter fideles computandos non esse; ac propterea, cum ad annos discretionis pervenerint, esse rebaptizandos; aut præstare omitti eorum baptismum, quã eos non actu proprio credentes baptizati in sola Fide Ecclesiæ. Vel qui dixerint, neminem esse baptizandum, nisi ea ætate; Christus baptizatus est; vel in ipso mortis articulo, vel huiusmodi parvulos baptizatos, cum adoluerint interrogandos esse, an ratum habere velint, quod Patres eorum nomine, dum baptizarentur, polliciti sunt. & ubi se non responderint, suo esse arbitrio relinquendos, nec alia interim poena ad Christianam vitam cogendos, nisi ut ab Euchariſtiã, aliorumque Sacramentorum

per-

perceptione arceantur, donec resipiscant.

11 Paruuli igitur alio proficiente baptizandi sunt, quia ahuc loqui vel credere nesciunt: sicut etiam ægri, muti, & surdi, quorum vice alius proficetur, ut pro eis respondeat, dum baptizantur. Dormiens quoque, & amens, si ante somnum, & amentiam habuerunt propositum baptizandi, in necessitatis articulo baptizari possunt. sed & si quis non sponte, dum tamen non omnino coactus, Baptismatis susciperet sacramentum, Christianitatis suscipit characterem, & ad Fidei Christianæ observantiam cogendus est. Ille verò qui nunquam consentit, sed penitus contradicit, nec rem, nec characterem Sacramenti suscipit.

12 Is quoque, cuius mater, vel prægnans, vel in ipsa hora qua parturit, mortis urgente periculo, Baptismatis gratiam receperit, baptizari poterit, nec propterea bis baptizatus reputabitur. Cum utique ad maternum corpus, cum esset in utero, pertineret, nec ibi regeneratio reperiri possit, ubi generatio non præcesserit; nec in hoc infanti, qui nascitur, aliquid mater participat, cum vniuscuiusque voluntas in confessione sit attendenda.

13 Quod si quis sciens, & prudens iterum baptizari sustinuerit, arctissimæ poenitiæ subiiciendus erit; quod si ignoranter, nulla quidem imponenda erit poenitentia; sed nisi magna cogat necessitas, ordinari non poterit. Illi verò qui in homine iam baptizato, cœleste lauacrum iterare ausi fuerint, excommunicationis mucrone percussi, ab omni officio, & beneficio ecclesiastico depellantur.

14 Illud quoque observandum est, ne quis in privatis domibus, sed duntaxat in Ecclesijs, in quibus sunt ad hoc fontes specialiter deputati, aliquos audeat baptizare; nisi Regum, vel Principum liberos; vel talis necessitas emergerit, propter quam ad Ecclesiam absq; periculo accessus haberi nequeat.

De Sacramento Chrismatis .

Post Baptismum, qui transitur ex hoc mundo sufficit ad salutem , Confirmatio quoque est Christiano adhibenda, qua vndeunque munitus sit tãquam duplici thorace aduersus maligni hostis insidias . Spiritus Sanctus enim, qui super aquas Baptismi salutifero descendit lapsu, in fonte plenitudinem tribuit ad innocentiam, in Confirmatione verò robur , & augmentũ præstat ad gratiam, qua nutriatur, & crescat , & confirmetur in Fide ex bonis operibus .

2 *Est itaque Confirmatio Sacramentum, quo fides, gratia, & vita spiritualis inchoata in Baptismo cõfirmatur, augetur, atque perficitur . Et differt à Baptismo dupliciter . Primo ratione finis, quia finis Baptismi est natiuitas spiritualis; finis verò Confirmationis est augmentum, & perfectio talis vitæ . Secundo, ratione effectus , quia effectus Baptismi est gratia, illuminans baptizatũ in Fide . Effectus verò Confirmationis est, gratia confirmans illum, vt nullo peccatorum, suppliciorum, ac mortis periculo, vel metu, à veræ Fidei confessione deterreatur.*

3 Dicitur autem Chrismatis Sacramentum Confirmatio, quia baptizatum confirmat in gratia, vt sit perfectus miles Christi, & fortis ad pugnam contra demones, & vitia . Et propterea à Patribus hoc sacramentum dicitur *Signaculum Dominicum*, vel signum Christi, quia in collatione huius Sacramenti hodie ex Apostolorum institutione Chrisma adhibetur eum impressione signi Sanctæ Crucis in fronte (quod olim impositione manuum duntaxat celebrabatur) vt externo signo intima vinctio, quam Spiritus Sanctus efficit , significetur septiformis gratiæ donum, *Sapientiæ videlicet, Intellectus, Consilij, Fortitudinis, Scientiæ, Pietatis, & Timoris Domini .*

4 synodus igitur Tridentina meritò anathemate per-

percutit omnes, qui dixerint, Confirmationem baptizatorum ociosam ceremoniam esse, & non potius verum, & proprium Sacramentum: aut olim nihil aliud fuisse, quàm Catechesin quandam, qua adolescentiæ proximi Fidei suæ rationem coram Ecclesia exponebant. Vel iniurios esse eos Spiritui sancto, qui sacro Confirmationis Chrismati virtutem aliquam tribuunt.

5 Materia huius Sacramenti est, Chrisma confectum ex oleo oliuarum (quod nitorem significat conscientiæ) & balsamo (quod odorem denotat bonæ famæ) per Episcopum benedicto. Forma verò huius Sacramenti, sunt verba prolata à ministro, scilicet. *Signo te signo Crucis, et confirmo te Chrismate salutis, in nomine Patris, et Filij, et Spiritus Sancti, Amen.* Quapropter omnis alia forma dissimilis vitiat hoc Sacramentum, prout dictum est de forma Baptismi.

6 Vnde cum ceteras vñctiones simplex Sacerdos, vel Presbyter valeat exhibere, hanc non nisi Summus Sacerdos, hoc est Episcopus conferre debet: alioqui nulla excusante consuetudine Chrismatio irrita habebitur, & vacua; nec inter Ecclesiastica Sacramenta reputabitur. Cum manum imposuisse, præter Apostolos, quorū hodie vicem sustinent Episcopi, nulli alij legantur.

7 Accedent igitur omnes homines baptizati, cuiuscunque sint ætatis, ad hoc Sacramentum Cōfirmationis, modo sint capaces rationis, vt Paracletum Sanctum recipiant. Nec ante septennium pueris conferri potest hæc Chrismatis inunctio, quia nondum sciunt per rationem, quod hoc Sacramentum sit institutum ad conferendum robur, ad pugnandum contra hostes, nempe demonem, carnem, & mundum. Bene tamen potest conferri amentibus, & agonizantibus, licet non sint vndeque apti ad pugnam, quia carent vsu rationis: attamen apti sunt suo modo, vt per characterem consignentur in milites Christi, & perfectionem, seu augmentum gratiæ habitualis recipiant.

Q 2

Non-

8. Nonnisi ieiunis, & à ieiunis Episcopis ex honestate hoc Sacramentum conferendum est: exceptis infirmis, & in tenui discrimine lethi positis, vel qualibet causa impeditis, nulla de ieiunio habita ratione manus imponi poterit, modo sint in gratia positi.

9. In fine datur pax confirmato, & leuiter in maxilla cæditur, vt intelligat se gratiæ celestis plenitudinem, & pacem, quæ exuberat omnem sensum, consecutum esse pacemque per victoriam, & victoriam per prælium obtineri: & quod non coronatur, nisi qui legitimè certauerit.

10. Illud est commune tam his, qui baptizandi sunt, quam etiam illis, qui Confirmationis munus accipere debent, vt aliquem in patrinum habeant, qui eisdem in Religione Christiana, & Fide Dominica instituat, & pro eis apud Deum quasi fideiussor existat. Ex quo patet, quod is qui Christianus non est, puerum offerre non poterit, quia non poterit eum docere in his, quæ Fidei sunt, nec potest pro eo oblesse, cum ipse Fidem nostram non teneat. similiter & in Cathéchismo patrini debent interuenire.

11. Ad hoc autem vt contrahatur compaternitas, seu cognatio spiritalis inter patrinum, & confirmatum, patrem, & matrem confirmandi, seu baptizandi; necessarium est, vt patrinus tangat personam baptizaram, ac confirmatam, siue suscipiat in vlnas suas. Et si plures patrini eidem actui interuenerint, non contrahitur cognatio spiritalis cum alijs, quia de præcepto Ecclesiæ vnus tantum debet esse patrinus; idemque confirmatus ipse.

12. Parentes verò proprios filios, vel Abbates, vel Monachi alienos de sacro fonte suscipere, aut in Confirmatione tenere non debent.

13. Sciendum denique, quod nec Baptismus, nec Chrisma possunt iterari, eo quod ambo characterem imprimant. Potest autem vtrumque ob imminens pericu-

riculum tempore Interdicti conferri, & pro vtroque
Chrisma confici, vt infra suo loco dicetur.

T I T V L V S V.

De Pœnitentijs, & Remissionibus.

E T si homo per Baptismum renatus ad vitam, habeat augmentum gratiæ ad pugnam per sacramentum Confirmationis, quia tamen habens in se fomitem à natura ad peccandum, sæpius in graua crimina labitur; quibus ne opprimatur, idèò Christus Dominus instituit Sacramentum Pœnitentiæ, vt sit nobis tanquam secunda tabula in naufragio, cuius ope à lapsu nos erigere possimus, si nostra vulnera criminibus contracta Medico spiritali nudauerimus.

2 *Pœnitentia itaque est*, Sacramentum, quod contritione cordis, confessione oris, & satisfactione operis concurrentibus, peccatorum operatur remissionem. Cum enim homo dolet pro peccato commisso, quo offenderat Maiestatem Diuinam, & odio illud habet cum proposito efficaci, amplius non peccandi, consequitur per absolutionem Sacerdotis, cui soluendi, & ligandi potestas diuinitus data est, veniam delictorum suorum, & reconciliatur Deo Redemptori suo.

3 Sunt autem duæ Species Pœnitentiæ in Ecclesia Catholica. Alia publicæ, & alia priuata. *Publica Pœnitentia est*, quæ à Iudice Ecclesiastico in foro Ecclesiæ imponitur, vt videlicet humi iaceat quis cernuus in templo, dum diuina officia solemniter peraguntur. Vel, vt nudis pedibus cum candela accensa in manu, stet per totum officium ante fores templi. Vel quid simile. Et hoc idèò constitutum est, vt qui publicè peccando proximo suo scandalum præbuerint, publicam etiam pœnitentiam, à proprijs sibi Sacerdotibus impositam pera-

peragentes, emendationis exemplum præbeant. Solennis verò poenitentia, quam olim Episcopus in capite ieiunij, seruata certa rerum serie delinquentibus imponere solebat, hodie iam in vsu esse desijt.

4 *Priusata verò Pœnitentia est, quæ in occulto fit, cum sacerdos legitimè sua peccata confitentem, cum iusto dolore, & proposito satisfaciendi absoluit ab eis. Statutum est enim ab Ecclesia, vt omnis fidelis, quam primū sapere cœperit, omnia sua peccata proprio Sacerdoti confiteatur, & iniunctam sibi pœnitentiam, proprijs viribus adimplere studeat, suscipiens reuerenter ad minus, singulis annis in Paschate Eucharistiæ Sacramentum. Nisi forte de Sacerdotis consilio, ex causa duxerit abstinendum. Alioqui & viuens ab ingressu Ecclesiæ arcebitur, & moriens Christiana carebit sepultura.*

5 *Constat igitur Pœnitentiæ Sacramentum tribus partibus, Contritione, Confessione, & Satisfactione. Contritio nihil aliud est, quam dolor pro peccatis voluntariè assumptus, cum proposito amplius ad ea non redeundi, & pro commissis satisfaciendi. Confessio verò est, legitima cum preparatione peccatorum coram proprio sacerdote facta declaratio. Satisfactio demum, prompta impositæ pœnitentiæ executio, atque illatæ proximo iniuriæ compensatio. Non enim sufficit mores in melius commutare, & à præteritis malis recedere, nisi etiâ de his, quæ facta sunt, Deo satisfaciat per contriti cordis sacrificium, cooperantibus eleemosynis, orationibus, & ieiunijs.*

6 *Tribus autem de casibus, potest quis confiteri nō proprio Sacerdoti. Primo, si obtineat licentiam ab eodem, vel ab Episcopo suo. Secundo, si veritus imperitiam proprij Sacerdotis; vel mores eius suspectos habens, adierit Regulares, generalem audiendi cōfessiones potestatem habentes, & à loci Ordinario approbatos. Et Tertio. Si pœnitendi vrgeat necessitas, nec desideranti locus, aut tempus proprium Sacerdotem offerat. Vel si pro-*

si proprius soluendi facultatem non habeat : aut hæreticus sit; aut sollicitator ad malum ; aut pronus ad reuelandum .

7 Sed siue proprius Sacerdos, siue alius pœnitentē audiat, cauebit omninò, ne aut verbo, aut nutu , aut signo, alioue quouis modo confitentem prodat . Qui verò peccatum in pœnitentiali iudicio sibi detectum reuelare ausus fuerit , non solum à sacerdotali officio deponendus erit, verùm etiam ad agendum perpetuò pœnitentiam in arctum Monasterium detrudendus .

8 Illud etiam animaduertere sacerdotem oportet , ne quem scilicet ab his criminibus absolviendo liberare tenet, quorum absolutio , aut Apostolico, aut proprio Episcopo est referuata . Vt puta, si pœnitens Clericum enormiter læserit, Ecclesiam combusserit, vel fregerit ; aut scripturas publicas falsificauerit ; Cardinalem , vel Episcopum infecutus fuerit : cum Moniali rem habuerit, & in alijs casibus.

9 Sunt autem casus Papæ referuati omnes illi , qui fiunt contra Ius Canonicum : hoc est, contra Constitutiones Summorum Pontificum ; Sacrorum Conciliorum Generalium ; contra omnes Bullas Pontificias ; sed maximè Bullam Cœnæ Domini . Item casus violationis immunitatis Ecclesiasticæ : violationis clausuræ Monialium ad malum finem : prouocantium , & pugnantium in duello : Simonix realis , vel confidentialis scienter contractæ : percussionis Clerici , &c.

10 Episcopo verò referuantur peccata, ex proposito , seu mala intentione facta , vt homicidium voluntarium, mutilatio , & abscissio membri, blasphemia publica in Deum , & Sanctos eius, periurium , falsum testimonium, rapina, furtum in Ecclesia rerum sacrarum, diuinatio, sortilegium magia, incantationes, veneficia, inuocationes demonum, abusus Sacramentorum, incendiū , & absolutio quarundam censurarum, & irregularitatum, dum adest legitimum impedimentum , quo minus pœnitens

niten s adire possit sedem Apostolicam .

11 Concessa igitur facultas ab Episcopo alicui confessario absoluedi à casibus Episcopalibus , non continet in se ex proprietate sermonis absolutionem à censuris, & irregularitate, nec commutationem, aut dispensationem votorum, aut iuramentorū . Sed vt ambiguitatē tollât tam in edicto reservationis casuum , quàm in licentijs quas Confessarijs Episcopi concedunt, exprimere debent, quos casus concedunt, & quos sibi reservant. Cum in generali concessione illa minimè veniant , quæ non esset quis verisimiliter in specie concessurus .

12 Medicos etiam admonere oportet ex Constitutione Pij V. vt cum eos ad infirmos vocari contigerit, ipsos ante omnia moneant, & inducant, vt Medicos vocent animarum ; vt postquam fuerit ægrotanti de spirituali salute prouisum, ad corporalis medicinæ remediū salubrius procedatur . Si quis autem Medicorum secus fecerit, ab Ecclesiæ ingressu arcebitur, donec pro transgressione huiusmodi satisfecerit .

13 Si quis autem in infirmitate constitutus pœnitentiam petierit, & dum ad eum inuitatus sacerdos properat, morbo oppressus obmutuerit , vel in phrenesim conuersus fuerit, & pœnitentiam moriturus, & per manus impositionem reconciliationem accipere poterit, nec sepultura ecclesiastica priuandus est. Ecclesia enim tanquam pia mater , omnibus fidelibus in quouis statu cōstitutis, piè vult subuenire. Secus tamē in his, qui se ipsos cōfodiunt, vel occidūt, & impœnitētes moriuntur .

14 Vltimo verò supplicio damnatis pœnitentiæ Sacramentum, si petunt, non solum negari non debet, verum etiam censura Ecclesiastica ab Ordinarijs locorum coercendi sunt, quicumque aduersarentur, quominus id consequantur: quod ipsum , & de Eucharistia quoque intelligendum erit . Cum quibuscumque pœnitentia non negatur, viaticū quoque , quod verè pœnitentibus exhibetur, intelligatur esse concessum .

TITV.

TITVLVS VI.

De Sacramento Eucharistiæ.

1 **E**ucharistia est, Sacramentum Corporis, & Sanguinis Christi, sub speciebus panis, & vini institutum, ad spiritualement hominis refectionem. Vbi enim homo pœnitentiæ ope à lapsu exurrexerit in Domino, tùm verò ei cauendum est, vt in bono perseueret, accrescat, hoc cibo salutari refectus, donec perueniat in vitam æternam.

2 Dicitur autem Eucharistia Græcè, quasi bonam gratiam significans Latinè, quod contineat in se Christum, qui est Fons, & Author omnis gratiæ, & præsignificat nobis vitam æternam, quæ dicitur gratia Dei.

3 Item dicitur hoc Sacramentum, *Gratiarum actio*, tùm quia Christus in eius institutione gratias egit Deo; tùm etiã, quia in hoc Sacramento, quotidie Deo aguntur gratiæ pro omnibus beneficijs ab eo receptis; & præcipuè, pro eius institutione.

4 Vocatur etiam, & *Sacrificium*, quia repræsentat nobis sacrificium illud Christi Domini, in Cruce pro peccatis totius mundi peractum: & quia in ipso immolatur quotidie Christus Dominus, & offertur Deo Patri, ac toti Sanctissimæ Trinitati pro omnibus viujs, & defunctis.

5 Vocatur quoque *Communio*, quia per hoc sacramentum homo communicat, & participat de corpore, & sanguine Christi. Et quidem circa prima Fidei cunabula, frequentissima erat apud fideles, huius sanctissimi Viatici susceptio, sed cum postea paulatim tepesciente charitate, rarius homines communicarent, constitutum fuit, vt nisi quis maioribus fortasse criminibus impediretur, tribus saltem vicibus in anno communicare deberet. Donec refrigescente penitus Religionis ardore, cò tandem ventum est, vt semel sal-

die labimur, ita quotidie etiam Sacerdotes pro Populo, hanc oblationem Deo facerent. In quo tamen illud cauendum est, vt Sacerdos, quamcumque præfugeat dignitate, amplius quàm semel in die celebret. Nisi aut aliter facien dum Domini Natiuitas suadeat, aut vrgens, cogat necessitas: de qua disponere debent Sedis Apostolicæ Præsides.

10 Nemo autem hoc Sacramentum facere potest, nisi Sacerdos, qui ritè sit ordinatus, secundum clauces Ecclesiæ, quas concessit Apostolis, eorumque Successoribus Christus. Sed quilibet Sacerdos tenetur seruare ritum, quem profitetur: & proinde si Latinus consecraret in pane fermentato, peccaret grauiter, & puniri pòsset, tanquam transgressor legis. Sic etiam Græcus ad euitandum scandalum sui Populi, tenetur celebrare in fermentato.

11 Sed nec ab omnibus, nec passim omnibus, tantum sacramentum exhiberi decet: nam veluti solus Sacerdos illud conficit; ita etiam nemo præter eum populo distribuere debet. Quamuis olim præsentibus Præsbytero, Diaconus vrgente necessitate Populo erogare poterat. Immo, & Sacerdotes, si qua criminali macula sese infectos esse sentiant, ab huiusmodi exhibitione abstinere debent.

12 Si Sacerdos peccato mortali, vel minori excommunicatione illigatus celebret, & Sacramenta consecrat, licèt grauiter peccet, nullam tamen Irregularitatis notam incurrit. Et Sacramenta ab eo collata virtutis effectum non carent, cum non à collatione, sed à participatione, quæ in sola perceptione consistit, videatur esse remotus.

13 Et quamuis nullus ab Altari sit arcendus, secularibus tamen, atque histrionibus, & meretricibus publicis, ceterisque personis huiusmodi, quamdiu tam detestandas artes exercuerint, sacra Communio deneganda erit. Nec enim Evangelicæ disciplinæ congruit,

ut pudor, & honor Ecclesiæ, tam turpi, & infami cōtagione fœdetur. Accedentem tamen ad communionem in manifesto, quamvis sacerdos sciat esse impœnitentem, non debet negando prodere: nam & Dominus noster Iudam impœnitentem communicauit. Quod si impœnitens in occulto peteret Sacramentū, sacerdos conscius denegare debet.

14 Caueat verò Sacerdos, ne dum Missam celebrat, & Sacramenti mysterium facere simulat, suppressis verbis solemnibus, quibus Sacramentum conficitur, panem, & vinum inanè tantummodò sumat, dum fortè veretur Missam celebrare, quod se sciat letali crimini obnoxium, & eam tamen propter aliquam necessitatem intermittere non potest. Nam etsi leuis non sit eius noxa, qui criminis grauis sibi conscius Sacramento impudenter sese ingerit, longè tamen grauius crimen illius existimandum est, qui prædicto modo aliud agere, aliud simulare non formidauit: ille enim Deum solū, hic & Deum, & Populum lædit, & quod in se est, ludit.

15 [Constat autem Eucharistiæ Sacramentum visibili forma, veritate corporis, & virtute spiritali. Forma visibilis est panis, & vini. Vinum verò hoc loco intelligimus aqua permixtum: nec enim in calice Domini, aut vinum solū, aut aqua sola offerri debet, cum vtrumque ex latere illius profluxisse legatur. Plustamen vini, quàm aquæ ponendum est, ut aqua conuertatur in substantiam vini. Sicut igitur ante consecrationem panis est & vinum, quod natura formauit: ita post consecrationem vera est Christi caro, & sanguis, quem benedictio consecrauit.

16 In hoc autem Sacramento contigit olim dubitari, vtrum Laici, vel etiam Clerici non conficientes id, sub vtraque specie panis, & vini sumere debeant, an verò alterius speciei communio eis ad salutem sufficiat? Sed nouissimè Sacrosancta Synodus Tridentina

tina sub Pio IV. dilucidè diffinuit, nullo Diuino præcepto Laicos, & Clericos non conficientes obligari ad Eucharistiæ Sacramentum sub vtraque specie sumendum, quamuis ab initio Christianæ Religionis non infrequens vtriusque speciei vsus fuisset. Sed sufficere ad salutem sub altera tantùm specie communicare. Contrarium verò dicentes anathemati subiectos esse.

17 Hoc etiam docuit eadem Synodus, paruulos vsu rationis carentes, nulla obligari necessitate ad sacramentalem Eucharistiæ Communionem. Ratione verò pollentes, eam non nisi ieiunio stomacho regulariter suscipi debere. Et coniugatos, qui eam susceperint, tribus saltem diebus ante & post, à propria vxore continere.

18 Presbyter curet sacram Eucharistiam, ad omnem ægri, cuiusque repentinam necessitatem semper paratam habere, nec sine ea ægros mori contingat. Et diligenter obseruetur, vt in cunctis Ecclesijs Christma, & Eucharistia, sub fida custodia clauibus obsignata seruentur, ne ad illa queat temeraria manus extendi, ad aliqua nefanda patranda. Si verò is, ad què spectat custodia, noctis, diesque stertens ea incautè reliquerit, tribus mensibus ab officio suspendendus erit: at si propter eius negligentiam aliquod nefas inde contigerit, grauiori etiam subdendus erit ultioni.

19 Hunc autem morem asseruandi in sacrario Sanctam Eucharistiam, & deferendi ipsam ad infirmos, iam à tempore Nicæni Concilij receptum, & multis in Concilijs præceptum summa æquitate, & cum ratione coniunctum, ac vetustissimo Catholicæ Ecclesiæ more obseruatum, eadè Sancta Synodus sub Iulio III. retinendum omninò statuit, tanquam salutarem, & necessarium. Decernens insuper, si quis dixerit, non licere sacram Eucharistiam in Sacrario seruari, sed statim post consecrationem adstantibus necessario distri-

tribuendam : aut non licerè, vt illa ad infirmos honorificè deferatur, anathema sit.

TITVLVS VII.

De Extrema Vnctione.

1 **E***xtrema Vnctio est Sacramentum nouæ Legis à Christo Domino institutum (vt apud Diuū Marcum insinuatum est, & per Iacobum Apostolum fidelibus commendatum) vt sacra Vnctione, & Oratione Sacerdotis, in certis partibus corporis, infirmi probabiliter periclitantis de vita, corporis, & animæ efficiatur salus.*

2 Materia huius Sacramenti Oleum oliuarum cōsecratum, vel benedictum ab Episcopo. Forma verò, illa verba Sacerdotis, quæ ad singulas vnctiones quinque sensuum profert, videlicet. *Per istam sanctam Vnctionem, & suam piissimam misericordiam, indulgeat tibi Dominus, quicquid per visum, (per auditum, per odoratū, per tactum, &c.) peccasti, &c. vt in Rituali Ecclesiastico.*

3 Sunt autem vnctionis duæ species. *Exterior*, quæ materialis, & visibilis est. *Et interior*, quæ spiritualis est, & inuisibilis. Exteriore visibiliter inungitur corpus. Interiore inuisibiliter Spiritus Sancti gratia, cor inungitur : Ac propterea datur infirmis eo tempore, quo sunt compotes, & possunt cognoscere quid circa eos agatur, vt ad deuotionem, & fiduciam valeant per hoc Sacramentum excitari. Perpetuò verò amentibus dari non potest ; quia sicut non sunt capaces pœnitentiæ, ita nec Extremæ Vnctionis, quæ est Sacramentum consummatorium Pœnitentiæ.

4 Minister huius Sacramenti est Presbyter, vel Episcopus ; qui infirmos, si post hanc susceptam vnctionem conualuerint, iterùm huius Sacramenti subsidio iuuare poterunt ; cum in aliud simile vitæ discrimen

men inciderint. Cùm enim duo sunt huius Vnctionis effectus, sanitas animæ, & sanitas corporis. Prima est principalis, secunda accessoria. Inde est, quod ex hoc Sacramento non semper corporis sanatio: quia illa non conceditur, nisi quatenus conferat spiritali sanitati.

5 Religiosi, qui Clericis, aut Laicis Sacramentum hoc Extremæ Vnctionis ministrare, non habita Parochi Presbyteri licentia speciali, ausi fuerint, excommunicationis sententiam ipso facto incurrunt, per Sedem Apostolicam duntaxat absoluedi: quos etiam locorum Ordinarij, postquam de hoc eis constiterit, curare debent pro excommunicatis publicari, donec de absolutione ipsorum eis fuerit facta fides; nullo Religiosis eisdem super hoc exemptionis Priuilegio, vel alio suffragante.

6 Religiosi tamen illi, quibus est à Sede Apostolica concessum, vt familiaribus suis domesticis, aut pauperibus in Hospitalibus suis degentibus, Sacramenta Ecclesiastica ministrare possint, à prædictis nõ comprehenduntur.

7 Sciendum verò est, quod tantùm Sacramentum absque ingenti scelere, & absque ipsius Spiritus Sancti iniuria contemni non posset. Quæ omnia Sancta etiam Synodus Tridentina declarauit, nouissime sub Pio IV. anathema etiam iniungens his, qui contrarium dixerint.

TITVLVS VIII.

De Sacramento Ordinis.

1 **P**ostquam hucusque de ijs Sacramentis, quæ quoquo modo necessitatis sunt, videlicet Baptismus ad ingressum; Confirmatio, Pœnitentia, & Eucharistia, ad progressum; atque demùm Extrema Vnctio ad egressum ex hoc mundo, tractatū habui.

habuimus, reliquum nunc est, vt de ijs quoque loquamur, quæ dignitatis sunt, & voluptatis; hoc est, de Sacramento Ordinis, & Matrimonij, quæ sunt Sacramenta voluntaria, quia nemo ad ea directè cogi potest.

2 *Ordo igitur est Sacramentum*, quo potestas spiritalis significatur, & traditur Ordinato ad conficiendum sacrosanctum Christi corpus. Vel, est habitudo legitima administrantium sacramenta, cuique ratione sui ministerij conueniens. Quamuis enim Christiani omnes sint Sacerdotes, vt spirituales hostias, id est, semetipsos Deo offerre, & nomen eius laudare, & vtiliter inuocare in omni loco possint, non omnes tamen sunt Ecclesiæ ministri; sed iam inde ab Ecclesiæ initio, selecti sunt quidam, qui muneribus Ecclesiasticis fungerentur; de quorum speciebus, differentiis, & gradibus, satis libris superioribus dictum est.

3 Cùm itaque Scripturæ testimonio, Apostolica traditione, & Patrum vnanimi consensu perspicuum sit, per sacram Ordinationem, quæ verbis, & signis exterioribus conficitur, gratiam conferri Ordinatis, dubitare nemo debet Ordinem esse verè, & propriè vnum ex septem sanctæ Ecclesiæ sacramentis. Quique dixerint non esse in Nouo Testamento sacerdotium, visibile, & externum; vel non esse potestatem aliquā consecrandi, & offerendi verum corpus, & sanguinem Domini, & peccata remittendi, & retinendi, sed officium tantum, & nudum ministerium prædicandi Euangelium; vel eos, qui non prædicant, prorsus non esse Sacerdotes, anathema esse Sacrosancta Synodus Tridentina decernit.

4 Item qui dixerit, præter Sacerdotium non esse in Ecclesia Catholica alios Ordines maiores, et minores, per quos velut per gradus quosdam in Sacerdotium tendatur. Vel, qui dixerit Ordinem, siue sacræ Ordinationem, non esse verè, & propriè Sacramentum à Christo Domino institutum; sed esse figmentum quod-

quoddam humanum, excogitatum à viris rerum Ecclesiasticarum imperitis; aut esse tantum ritum quendam eligendi ministros verbi Dei, & sacramentorum. Vel, qui dixerit, per sacram Ordinationem non dari Spiritum sanctum, ac proinde frustra Episcopos dicere. *Accipite Spiritum Sanctum*; aut per eam non imprimi characterem. Vel eum, qui Sacerdos semel fuit, laicum rursus fieri posse. Anathema esto.

5 Item prædictæ anathematis poenæ subijcit eos, qui dixerint, sacram Vnctionem, qua Ecclesia in sancta ordinatione utitur, non tantum non requiri, sed contemnendam, & perniciosam esse; similiter & alias Ordinis ceremonias.

6 Similiter qui dixerint in Ecclesia Catholica non esse Hierarchiam, Diuina ordinatione institutam, quæ constat ex Episcopis, Presbyteris, & Ministris. Vel Episcopos non esse Presbyteris superiores. Vel non habere potestatem confirmandi, & ordinandi. Vel eam quam habent, illi esse cum Presbyteris communem. Vel Ordines ab ipsis collatos, sine Populi, vel potestatis sæcularis consensu, aut vocatione, irritos esse. Aut eos, qui ab Ecclesiastica, & Canonica potestate rite ordinati, nec missi sunt, sed aliunde veniunt, legitimos esse verbi, & Sacramentorum ministros. Vel si quis dixerit Episcopos, qui authoritate Romani Pontificis assumuntur, non esse legitimos, ac veros Episcopos, sed figmentum humanum; eadem Sancta Synodus anathematizat.

7 Igitur hoc Sacramentum Ordinis, verbis Christi Domini innititur, pluribus locis repetitis, & duplicem potestatem confert. *Ordinis videlicet, & Iurisdictionis*. Sub quarum altera cadit verbi Diuini ministerium, administratio Sacramentorum, & Ecclesiarum ordinatio ad ædificationem: sub altera potestas excommunicandi, & poenitentes absoluedi, ac etiam peccata retinendi.

8 solus autem Episcopus huius Sacramenti minister est: licet Abbates quoque cōsecrari habeant facultatem à iure, primam tonsuram, Ordinesque minores conferendi. Episcopi verò proprii titulares, etiam si sint hæretici, degradati, depositi, interdicti, excommunicati, suspensi, Irregulares, si de facto ordinare attentauerint, licet mortaliter peccent, Ordines tamen collati valent.

9 Episcopus de iure, sexies per annum, potest Ordines temporibus assignatis conferre, ex dispensatione verò Papæ, quoties acciderit, aut opus fuerit. Sed Ordines minores, potest qualibet Dominica, & quolibet Festo conferre.

10 Ordinati autem in duplici solent esse differentia. Quidam beneficiati: & quidam nullum beneficium habentes. Beneficiati quoque alij simplices: alij curam animarum habentes, (& hi intra vnum annum possunt esse sacerdotes,) qui licet tantum in minoribus Ordinibus sint, tenentur nihilominus castitatem Ordini annexam seruare; horas Canonicas recitare; & habitum Clericalem deferre. Qui verò in minoribus sunt, & nullum beneficium possident, sicut ad vota matrimonij licite transire poterunt, sic & ad pensum Horarū non obligantur. Sed in maioribus constituti, omnes ratione Ordinis tenentur Horas canonicas recitare, quamuis nullum beneficium possideant Ecclesiasticum.

TITVLVS IX.

De Sacramento Matrimonij.

1 **M**atrimonium est, viri & mulieris maritalis coniunctio, inter legitimas personas indiuicam vitæ consuetudinem retinens. Diciturque Matrimonium, quasi matris munium, quia foemina nubit, vt mater fiat, & matris officio fungatur,

gatur, rectè educando filios, filiasue.

2 Vocatur etiam coniugium, à coniungendo; quia legitimata mulier, cum viro legitimato (id est, non habente impedimentum aliquod dirimens, quia sic non esset matrimonium) quasi vno iugo adstringuntur, vt simul liberorum, & domus curam gerant, & sint animo semper coniuncti.

3 Dicitur adhuc & consortium, quia maritus, & vxor eandem sortem sequuntur, & omnis vitæ consortium ita retinent, vt dicantur duo in carne vna, ob indissolubilitatem matrimonij, quod sola morte tantum soluitur.

4 Dicitur demum & Connubium, quia simul nupti sunt, vt in filiis speciem humanam per naturalem provisionem conseruare possint. Et puellæ, quæ nubebant olim, pudoris gratia se velabant; quo significabatur, quod viris obediens, & subiecta esse oportet.

5 Vocatur verò Matrimonium Sacramentum, duplici de causa. *Primo*, quia significat charitatem indissolubilem, quæ fit in Spiritu inter Deum, & animam iustam. *Secundo*, quia designat vnionem indissolubilem Christi Domini cum Ecclesia, per Incarnationis mysterium contractam. Ideò inter infideles, quia non sunt baptizati, non dicitur Matrimonium Sacramentum, sed tantum contractus moralis. Qui si conuerterentur ad Fidem, Matrimonium illorum efficeretur Sacramentum, & conferret ipsis gratiam: nec opus esset, vt iterum contraheretur coram Parocho. Hinc sacrosancta Synodus Tridentina, anathemati subijcit eos, qui dixerint, Matrimonium non esse vnum verè, & propriè ex septem legis Euangelicæ Sacramentis, à Christo Domino institutum, sed ab hominibus in Ecclesiam inuectum, neque gratiam conferre. Vel licere Christianis plures simul habere vxores, & hoc nulla lege Diuina esse prohibitum. Vel propter hæresim, aut molestam cohabitationem, aut affectatam

absentiam à coniuge dissolui posse matrimonij vinculum.

6 Item anathema sit, qui dixerit Ecclesiam errare, cum docet iuxta Euangelicam, & Apostolicam doctrinam, propter adulterium alterius coniugum, Matrimonium non posse dissolui, (sed duntaxat thori, mensæque consuetudo separatur) & vtrumque, vel etiam innocentem, qui causam adulterio non dedit, non posse altera coniuge viuente, aliud matrimonium contrahere: moecharique eum, qui dimissa adultera aliam duxerit, & eam, quæ dimisso adultero alij nupsit.

7 Sed quia Matrimonium bifariam considerari potest, primo *ut futurum*, & hinc dantur sponsalia per quæ initiatur: secundo, *ut præsens*: idque similiter duplici modo. Vel respectu perfectionis intrinsecæ, & sic datur consensus de præsentī, per quod Matrimonium ratificatur. Vel respectu perfectionis extrinsecæ, & hinc requiritur copula, per quam Matrimonium consummatur. Idcirco de singulis partibus distinctius agendum est.

T I T V L V S X.

De Sponsalibus.

1 **S**ponsalia sunt, mentio & repromissio futurarum nuptiarum. Et dicta sunt, à verbo *Spondeo*: quod per ea sibi inuicem se futuros coniuges, viri & mulieres spondent. Spondere autem, est spontè promittere. Vnde ad validitatem contractus sponsaliorum, requiritur spontanea promissio.

2 Contrahuntur autem sponsalia variis modis, vt putata, Re, Verbis, Litteris, & Consensu. Re contrahuntur, per nudam subharrationem, seu anuli immis-

sio.

fionem. Verbis verò, vt si inter virum, & mulierem promissio super futuro matrimonio intercefferit, veluti altero alteri vicē mutua dicente. *Ego te accipiam in meum maritum. Et ego te in meam uxorem*. Siue in hunc sensum verba similia protulerint.

3 Literis sponsalia fiunt, vt cum absentes inter se de futuris nuptijs per epistolam paciscuntur: quod ipsi & per Nuncium, vel Procuratorem fieri poterit. Procurator tamen ad hoc specialiter constitutus, ob magnū, quod ex facto tam arduo posset periculum imminere, alium substituere non poterit; nisi hoc ei specialiter commissum fuerit.

4 Consensu denique contrahuntur sponsalia, vt cū pubes, & impubes; vel duo impuberes non proximi pubertati, & in quibus ætatem prudentia non supplet, Matrimonium per verba contrahunt de presenti. Licet enim verba in præsens Matrimonium sonent, iuris tamen interpretatione in sponsalia de futuro resoluntur. Quo casu dicta sponsalia, licet contrahentes Matrimonium celebrare intenderent, coniugium, quod ab initio ætate impediēte, vt Matrimonium non requit, per aduentum pubertatis minimè conualescit, nisi per carnis copulam subsequutam, vel alium modum, contrahentes cum eiusdem perseuerantia voluntatis, ad pubertatis tempora peruenisse euidenter constiterit.

5 Hinc sciendum, in duplici differentia sponsalia esse: quædam enim per verba de futuro: quædam autē per verba de presenti. *Sponsalia de futuro sunt*, futurarum Nuptiarum mutua, vel reciproca promissio, (quia ad hoc vt sponsalia dicantur, vtrique pars promittat oportet) *De presenti verò*, quando per verba, Matrimonij Sacramentum conficitur, sed nondum est copula sequuta. Vxor enim, vel coniunx illa appellatur, quæ iam à viro suo est cognita.

6 Rursus contrahuntur sponsalia triplici modo. Aut pure, aut adiecta die, aut sub conditione. *Purè contra-*

Et sponsalia dicuntur. Vt cum vir, & mulier se inuicem futuros coniuges pollicentur. Et tales, si postea Matrimonium contrahere nollent, Ecclesiastica censura (nisi obftet rationalis aliqua causa) vt se inuicem recipiant, & mutua coniugali affectione pertractent, compelli possunt.

7 *Sponsalia in diem dicuntur*, cum quis intra certum temporis spacium aliquam se ducturum in vxorem conuenit. In qua specie si per eum non steterit, quo minus intra præfixum terminum cum eadem Matrimonium contraheret, libere ad nuptias alterius transire poterit.

8 *Sub conditione celebrantur sponsalia*, cum quis, si quid fiat, vel contigerit, nuptias se contracturum pollicetur: veluti si dictum fuerit. *Ego te in vxorem accipiam, si Pater meus consenserit.* Qua conditione deficiente, ad Matrimonium compelli non poterit. Nisi consensus de præfenti, aut carnalis sit inter eos coniunctio sequuta, cum his casibus à conditionibus recessum videatur.

9 *Hoc tamen de his conditionibus intelligere oportet*, quæ honestæ sunt, & canonicis institutis non contrariæ. Nam si turpes sint, aut impossibiles, ob fauorem Matrimonij debent pro non adiectis cènseri. Si autem non solum turpes sint, sed etiam contra substantiam, vel naturam coniugij: puta si alter dicat alteri. *Tecum contrabo, si generationem prolis euitaueris. Vel, donec aliam bonore, vel facultatibus digniorem inueniam: aut si pro quaestu adulterandam te tradideris.* Matrimonialis contractus quātuncunque sit fauorabilis, omni carebit effectu.

10 *Sponsalia verò inter minores septennio celebrata*, nullius roboris efficaciam sortiuntur. Ideòque, si infantes, vel vnus maior septennio, alter minor, sponsalia contraxerint, ipsi, vel parentes pro eis, nisi per cohabitationem eorum mutuam, siue alias verbo, vel factò, eisdem in eadem voluntate factos maiores perdurare liquido appareat, sponsalia huiusmodi, quæ ab initio nulla erant, per lapsum dicti temporis minimè conualescunt.

scunt. Et idè cum sit nulla, ratione defectus consensus, publicæ honestatis iustitiam non inducunt. Si tamen cum ea, quam nondum septennem domū quis traduxerit, copula intercesserit, aliud statuendum erit; hoc est, induceretur iam publicæ honestatis iustitia. Et per consummationem culpæ, sponsalia de futuro transirent in Matrimonium.

11 Initiatum igitur sponsalibus Matrimonium fide consensus ratificari debet. Quod si qui de contrahendo Matrimonio fidem sibi dederunt, se inuicem admittere, omninò voluerint, instar eorum, qui societatem interpositione fidei contrahunt, & postea eandem sibi remittunt, dissolutio tolerari poterit: cum coactio difficiles soleat exitus frequenter habere.

12 Non sunt tamen audiendi impuberes volentes dissolvere sponsalia, sed expectandum est tempus pubertatis. Si verò alteruter istorum ad pubertatis annos peruenierit, infra eosdem annos altero existente, cum sponsalia contraherentur, si is qui minoris est ætatis, ad pubertatis annos perueniens reclamauerit, nec in alterum consentire voluerit, iudicio Ecclesiæ separari poterunt.

13 Mulier quoque, quæ nobiles annos attingens, ei qui nondum Matrimonio erat aptus, nupsit, cum in eum semel consenserit, amplius dissentire non poterit: nisi ipse cui nupsit, postquam ad legitimam ætatem peruenierit, in eam suum negauerit præstare consensum. Quæ tamen de his dicta intelliguntur, quæ spontè cum minoribus sponsalia contraxerint. Nam si quæ coacta cum impubere sponsalia contraxerit, & domum traducta fuerit, licèt aliquandiu ibi inuita permanserit, si puerum usque ad annum decimumquartum minimè expectandum duxerit, ei alium sibi virum accipiendi libera concedenda facultas erit.

14 Similiter sponsalia contracta à parentibus non tenent; nisi ipsi filij expressè consenserint; vel tacitè, ut si præsentés fuerint, nec contradixerint, obligantur.

Et

Et ex eis oritur publicæ honestatis iustitia.

15 Idem etiam obtinet, si filij tempore sponsaliorum absentes, & etiam ignorantes, eadem sponsalia possint scientes, & prudentes ratificarunt, tacite, vel expresse. Aliàs ex sponsalibus contractis à parentibus pro filiis, nec ipsi obligantur, nec publicæ honestatis iustitia inde exoritur.

16 Iam verò sponsalia contracta dissoluantur, vel ipso iure, vel facto hominis, quæ breuiter his versibus comprehenduntur:

Crimen, dissensus, fuga, tempus, & Ordo: secunda Morbus, & affini: Vox publica, cumque reclamatione: Quodlibet istorum, sponsalia soluit eorum.

Alij ponunt alios versus, qui sequuntur.

Lepra superueniens, furor, Ordo, sanguis, & absent: Laesaq; Virginitas, membris damnum, minor ætas. In hæresim lapsus, fideique remissio prorsus, Sponsus dissociant, & vota futura retractant.

17 Ipso iure, tunc dicuntur sponsalia dissolui, vt cum nulla habita ratione voluntaris, & consensus partium, ex certa superueniente causa distrahuntur, vt ex contractu Matrimonij sacrorum Ordinum susceptione, Religionis ingressu, & Cognationis interuentu.

18 Si quis igitur eam, quæ tibi desponsata fuerat, per verba sibi iunxerit de præsentī, etiam si inter te, & ipsam sponsalia iuramento firmata extitissent, dum tamen copula, (cuius virrus est, vt faciat transire sponsalia per verba de futuro contracta, in sponsalia contracta per verba de præsentī) nō interuenerit, iam sponsalia dissoluantur per subsequens Matrimonium, & de inuito tolluntur. Licet fidem frangentibus salutaris sit iniungenda poenitentia. Quanquam si prius per verba contraxisses de præsentī, ita firmum maneret Matrimonium, vt per secundum, etiam secuta copula tolli non possit. Nec enim vt pactiois fidem, interdum frangi iura sustinent, ita etiam fidem consensus aboleri permittunt.

19 Pari

19 Pari ratione per susceptionem sacrorum Ordinum, & ingressum Monasterij dissoluantur sponsalia, non tantum de futuro, sed etiam de presenti: quia Religio est status maioris perfectionis, & obsequium Deo gratissimum, nec impediendum est per Matrimonium, quando non interuenit iniuria proximi: Poteritque coniugum alter, etiam altero inuito, ad Monasterium transire; & alter in seculo remansens etiam alteris nuptijs operam dare, cum nondum vna caro effecti essent. At Ordines sacri non sunt talis perfectionis, & sic non habent vim soluendi Matrimonium ratum, sed tantum sponsalia de futuro.

20 Quod verò attinet ad Matrimonium consummatum, hoc nec per professionem emissam in Religione approbata solui poterit, debetque ad thori consortium retrahi: Nisi vterque coniunx ingrediatur in Religionem de communi consensu, & professionem simul emittant. Sed si vir consensu per metum, vel dolum, ab vxore extorto, Religioni se deuouisset, vxori petenti esset nihilominus restituendus. Vnus tamen casus est, quo vel renitente vxore, maritus se Religioni addicere potest, cum videlicet vxor adulterij rea est, etiam sub Matrimonij specie contracti.

21 Item affinitas inter sponsum, & sponsam superueniens, dirimit sponsalia de futuro: vt puta, si spon- sus propinquam sponsæ cognouisset, aut de hoc sit publicè diffamatus: aut spiritalis inter eos cognatio intercesserit. Hinc Concil. Trid. Si quis affinis contraheret Matrimonium in gradu prohibito ante dispensationem, ultra peccatum mortale, incurreret etiam in excommunicationem latæ sententiæ. Præcipue inter ascendentes, & descendentes perpetua prohibitio Matrimonij est, etsi in alias atque alias stirpes, in infinitum essent propagati; in quo nec Papa dispensare potest, quia est de iure naturæ.

22 Facto verò hominis dissoluantur sponsalia, vel con-

T

trario

trario vtriusque contrahentis consensu : vel cum legitima emergente causa dissoluuntur , alterius tantum voluntati permittitur , veluti ex fornicatione , absentia , membrorum amissione , aut inculcabilis morbi interuentu .

23 Contrario consensu sponsalia dissoluuntur , cum illi qui voluntariè inter se contraxerant , iterum voluntariè se inuicem liberant ; etiam si sponsalia fuerint iurata . Vel impubes contrahens , adueniente pubertate , ratum nolit habere Matrimonium , quod primo contrahere promiserat . Nec aliquid proderit , quod sub certa poena contraxerant ; cum enim libera Matrimonia esse deceat , poenarum inanis omnis est adiectio .

24 Ob fornicationem post sponsalia etiam iuramento firmata à muliere commissam , potest quis licitè resistere . Nam si post contractum coniugium , vir propter fornicationem licitè potest à sua cohabitatione recedere , longè fortius ante coniugium celebratum sponsus , sponsam poterit non admittere . Quod si verò per violentiam opprimatur sponsa de futuro , sponsus non erit cogendus , vt contrahat bigamiam . Secus tamen si fuisset sponsa de presenti .

25 Idem intelligendum quoque , si sponsus fornicetur ; non enim tenetur sponsa cum illo contrahere , licèt illa bigamiam non incurrar . Sed & sponsus , si post sponsalia intellexit sponsam virginem non esse , quam talem se putabat , non tenetur illam ducere in uxorem . Idem erit , si sponsus , vel sponsa idolatrando , vel hæresim sequendo , in spiritualem fornicationem inciderit .

26 Sed etsi qui præstito iuramento , promittant se aliquas mulieres ducturos , posteaque illis non cognitis , procul recedentes ad alias partes se transferant , liberum erit mulieribus ad alia migrare vota : recepta tamen de periurid , si forte iuramentum præstiterint , poenitentia , si per eas steterit , quominus fuerit Matrimonium consummatum .

27 Item, si sponsus, aut sponsa leprosus fiat, aut leprosa, paralyticus, vel paralytica: aut nasum, vel oculos amittat; aut quid sibi turpius eueniat, ad consummandam maritalem copulam compelli non debent: licet iam contractum Matrimonium, superueniens lepra, vel alius morbus, non dirimat.

TITVLVS XI.

De Nuptijs.

TRactauimus hactenus de sponsalibus, tanquā de principio Matrimonij, reliquum nunc est, vt de consensu & copula agatur, quibus substantia, & perfectio Matrimonij continetur. Proinde, videbimus, quid impediat nuptias contrahi, vel quid contractas dirimat, aut quæ ad earum validitatem requirantur.

2 Nuptiarum itaque tres sunt species inter se differentes. Aliæ sunt incestuosæ: aliæ nefariæ: & aliæ legitimæ. *Incestuosæ sunt*, quando cum consanguineis, vel affinibus Matrimonium contrahitur, vsque ad quartum gradum in transuersalibus. *Nefariæ sunt*, de quibus non est fas homini loqui, puta, cum quis tam audax fuerit & proteruus, vt contra naturam humanæ societatis, cū propria matre, auia, aut alijs ascendentes; vel descendentes, puta, filia propria, aut nepte, Matrimonium contrahat. *Legitimæ* verò nuptiæ sunt, cum aliquis Canonice, nullum habens impedimentum contrahit.

3 Quare, ad validitatem legitimarum nuptiarū hæc tria requiruntur: *Primo*, consensus vtriusque contrahentium. *Secundo*, verba ad probandum eundem consensum. *Tertio*, ætas legitima, seuabilitas ad contrahendum.

4 Hinc duplex solet esse Matrimonij perfectio, Es-

T 2

sen-

ſentialis, & Accidentalıs. Conſenſus eſt de eſſentiali, Copula verò de accidentalı. Et ſic materia erit Sacramenti huius, vtriuſque conſenſus in præſentia Sacerdotis, & duorum teſtium: Forma verò verba ab illis prolata, per quæ ille conſenſus exprimitur, v.g. *Ego te in uxorem accipio: & ego te in maritum accipio.*

5. Quod ſi ex altera parte, pater tantum puellæ conſenſerit, & ille ex altera parte, qui ſe cupit maritum fieri; tunc nihil agitur, quia non poteſt eſſe Matrimonium, ubi non eſt vtriuſque conſenſus. Quamquam honeſtè faciant filij, ſi paternæ voluntati minimè reſiſtentur. Nihilominus tamen contra facientes non debent per hoc ingrati tudinis vitium incurrere.

6. Pubertas verò non tam annis, quàm corporis habitu æſtimari debet. Licet olim cum impuberem eſſe dicebant, qui nondum quatuordecim annos impleverat: & viri potentem, quæ nondum duodecimum expleverat. Nunc prævaluit opinio exiſtimantium ex habitu corporis pubertatem debere cenſeri, atque eos, qui generare poſſint, etiamſi minores annis ſint, in propoſito puberes reputari. Itaque ſi malitia ætatem ſuppleat, etiam minores ea ætate coniungi poſſunt: præſertim ſi urgentiſſima neceſſitas interueniat, ut pote, quod pro bono pacis talium coniunctio ſit toleranda.

7. Muti etiam & Surdi, ſi contrahere voluerint, quod verbis exprimere nequeunt, ſi ſignis declarauerint, proculdubio legitimas nuptias contrahent. Idem & de cæcis intelligendum eſt.

8. Serui quoque poſſunt inter ſe, etiam inuitis Dominis contrahere Matrimonium, dum tamen Dominos non fraudent debitis obſequijs. Quod ſi verò vnus coniugum comperiatuſ poſt contractum Matrimonium ſeruiliſ conditionis, poteſt diſſolui Matrimonium: niſi poſt talem cognitionem fuerit renouatus conſenſus, vel ſequuta copula. Aliàs vtrique libera cum alijs contrahendi facultas non denegetur.

9 Liberi autem sunt ex libero ventre nati; nisi quis patris conditionem secundum leges, & consuetudinem provinciae sequatur. Multo magis Matrimonium invalidatur, cum quis in persona erraverit, ut puta, si existimans se cum Anna contrahere, cum Dorothea contrahat.

10 Si alter contrahentium utitur verbis dubijs, animo decipiendi mulierem, proprium nomen mentitus, ut sibi carnaliter commisceretur, non debere ex isto facto coniugium iudicari, cum in eo nec substantia coniugalis contractus, nec forma contrahendi coniugium inveniri valeat: quoniam ex altera parte solummodo dolus adfuit, consensus omnino defuit, sine quo cetera foedus coniugale perficere nequeunt. Iudicatur tamen pro Matrimonio in foro iudiciali; secus in poenentiali, nisi sequatur copula, quia sic per ipsum factum praesumitur consensus.

11 Sciendum est autem inter infideles quoque coniugium esse, & quidem legitimum, non tamen ratum. Legitimum quidem esse potest, si legibus, vel moribus Provinciae sit consonum: sed ratum tamen non erit, cum dato libello repudij violari possit, & liceat eis ab invicem recedere, & alijs lege poli copulari. Sed coniugia inter fideles contracta, non nisi rata esse possunt, quamvis non legitima esse possint: rata quidem sunt, quia semel contracta distrahi non possunt. Tunc autem legitima non erunt, cum debitae solennitates omissae fuerint.

12 Sponso verò, & Sponsae benedicendum est à Parrocho Sacerdote; nam à parentibus, vel paranympis offeruntur in Ecclesia Sacerdotique cum acceperint benedictionem, eadem nocte pro reuerentia benedictionis, in virginitate permanere eos deceret.

13 At si Religiosi Matrimonia solennizare, non habita super his Parochi presbyteri licentia speciali, ausi fu erint, excommunicationis sententiam ipso facto incurunt, per Sedem Apostolicam duntaxat absolvuendi.

14 Tridentina etiam Synodus constituit, ut benedictio à proprio Parocho fiat; neque à quoquam, nisi ab ipso Parocho, vel ab Ordinario licentia ad prædictam benedictionem faciendam concedi alij Sacerdoti possit, quacumque consuetudine etiam immemorabili, quæ potius corruptela dicenda est, vel priuilegio non obstantibus. Quod si quis Parochus, vel alius Sacerdos, siue Regularis, siue secularis sit, etiam si id sibi ex priuilegio, vel immemorabili consuetudine licere contendat, alterius Parochiæ sponso, sine illorum Parochi licentia Matrimonio coniungere, aut benedicere ausus fuerit, statuit eadem Synodus, ut is ipso iure tamdiu suspensus maneat, quamdiu ab Ordinario eius Parochi, qui Matrimonio inter esse debebat, seu à quo benedictio suscipienda erat, absoluat.

15 Altero verò coniugum morte sublato, superstiti licebit ad alias nuptias transire: nec mulierem infamiae metus deterreat tempore luctus, à Cæsareis legibus nubenti præfixus.

16 In causis itaque super Matrimonij vertentibus, vel eas quomodo tangentibus proceditur simpliciter, & de plano, sine strepitu, & figura iudicij. Atque causæ Matrimoniales non Decani, Archidiaconi, aut aliorum inferiorum iudicio, etiam visitando, sed Episcopi tantum examini, & iurisdictioni relinquuntur: etiam si in præsens inter Episcopum, & Decanum, seu Archidiaconum, aut alios inferiores super causarum istarum cognitione lis aliqua in quacumque instantia penderet. Cuiusmodi quoque, si pars verè paupertatem probauerit, non cogenda erit extra Prouinciam; nec in secunda, nec in tertia instantia in eadem causa matrimoniali litigare, nisi pars altera alimenta, & expensas litis velit subministrare.

17 Legati quoque etiam de Latere, Nuntij, Gubernatores Ecclesiastici, & alij, quarumcumque facultatū vigore, Episcopos in prædictis causis impedire, aut aliquo

quo modo eorum iurisdictionem præripere, aut turbare prohibentur, quæ nuperrimè eadē sancta Synodus Tridentina, sub Pio IV. constituit.

TITVLVS XII.

De Impedimentis Matrimonij.

Post declarationem eorum, quæ essentialiter requiruntur ad Nuptias actu contrahendas, sequitur videre de impedimentis ipsarum: quæ cum varia sint, & complura, alijs quoque subsequentijs Titulis, ob meliorem cognitionem explicabuntur; hic verò summam omnia his versibus concluduntur.

Error, conditio, votum, cognatio, crimen

Cultus disparitas, Vis, Ordo, ligamen, honestas,

Sis affinis, vel si coire nequibis.

Hæc socianda vetant, connubia iuncta retractant.

2 Quia non omnis error Matrimonium impedit, ideo sciendum est pro huius materiæ intelligentiâ, errorem esse quadruplicem circa Matrimonium; alium conditionis: alium personæ: alium fortunæ: & alium qualitatis. Est autem *Error conditionis*, cum is, qui seruus est, liber creditur. *Error personæ*, cum is qui est Ioannes, Paulus esse putatur. *Error fortunæ*, cum is qui pauper est, diues existimatur: vel contra. *Error demum qualitatis*, cum is reputatur bonus, qui tamen est malus.

3 Sciendum itaque, quod hi duo vltimi errores, fortunæ & qualitatis, non impediunt Matrimonium. Nam si quis corruptam in uxorem accepit, quam virginem arbitrabatur; vel qui accepit pauperem; quam putabat esse diuitem; vterque quidem errauit, sed neutro tamen isto casu Matrimonium infringitur. Quin potius, qui scientes & prudentes, mulieres pauperes, & publicas de lupanari extraxerint, & in uxores duxerint, quid agent

in

in remissionem proficiet peccatorum . Cum inter opera charitatis non minimum sit , pauperem subleuare ; & errantem ab erroris semita reuocare .

4 Sed defectus conditionis vitiat Matrimonium , dū quis existimans ingenuam esse , seruam ducit in vxorē : quod tunc intelligendum est , cum contrahentis conditio deterioratur : secus si melioratur , vel conseruatur . Similiter dum quis in persona coniugis labitur credens esse Corneliam , quæ semproniam erat . Vel Titium , qui Mæuius erat . Quod si verò quis cognito errore , ad carnis commixtionem perueniret , iam tum error nuptiarum validitati officere minime posset .

5 Voti quoque solennis emissio , & Sacri Ordinis suscepcio , tam Matrimonium impedit contrahendum , quam postea contractum dirimit . Secus verò statuitur in voto simplici ; quanquam enim contrahendum impedit , sed iam contractas nuptias nequaquam tollit . Huic tamen , qui nubendo votum simplex fecit irritum , quanto illud manifestius emiseric , tanto propter plurium scādalum , erit durior imponenda pœnitentia .

6 Cultus quoque disparitas , Matrimonium & contrahendum impedit , & contractum interdum dirimit . Nam diuersimodè consideratur . Aliquando enim id contingit inter fidelem , & infidelem . Aliquando inter infidelem , & infidelem . Et aliquando inter fidelem , & fidelem ; quorum alter recedit a fide : vel conuertitur ad fidem ; tunc casuum diuersitas , ob diuersas circumstantias , diuersam requirit decisionem . Quia obiectum legis aliquando est *factum præteritum* , quod contingit in approbando , vel reprobando ipsum : aliquando *factum futurum* ; quod euenit in præcipiendo , vel prohibendo ; permittendo , vel puniendo .

7 Si quis itaque Iudæx coniugali societate iungi voluerit , siue Christiana Iudæo : vel aliàs infidelis Christiano carnali consortio misceatur : quicumque eorum id commisisseprehenditur , à Christiano coetu , & Eccle-

Ecclesiæ communione protinus segregandus erit.

8 Item si alter infidelium coniugum ad Fidem Catholicam conuertatur, & alter qui in infidelitate remansit, vel nullo pacto, vel non sine blasphemia Diuini nominis, vel vt Catholicum ad mortale peccatum pertrahât, ei cohabitare voluerit; conuersus quasi priore Matrimonio dissolutus, licitè ad secunda vota conuolare poterit, & communis proles ipsi conuerso assignabitur. Hinc versus illi

Desere spernente m; & el blasphemare volentem.

Vel se credentem secius ad mortale trahentem;

Nam sunt absque mora, sic vincula rupta priora.

9 Quod si conuersum ad fidem, & vxor conuersa sequatur, antequam propter causas prædictas legitimam ducat maritus vxorem, eam recipere compelletur. Nec quidquam conuerso proderit, quòd iam secundum ritum suum eandem repudiauerit, cum repudium ipsum, veritas euangelica repudiauerit. Sed nec fornicationem dimissor dimissa poterit obijcere, propterea quod alij post repudium nupserit: nisi aliàs fornicatâ fuerit.

10 Quia verò Paganini plures simul foeminas affectu coniugalem diuidunt, verum post conuersionem omnes, vel quam ex omnibus conuersus retinere valeat, non immerito dubitari poterit. Et cum nulli vnquam licuerit plures habere simul vxores, nisi cui diuina reuelatione fuit concessum, vt legitur de antiquis Patriarchis: nec cuiquam, vxore etiã ob fornicatione dimissa, aliam liceat superinducere, euidenter apparet, pluralitatem in vtroque sexu (cum inter coniuges seruanda sit æqualitas) circa Matrimonium reprobendam, & de pluribus primam tantum retinendam.

11 Alia sanè causa est eorum coniugum, quorum alter, vel in hæresim labitur, vel ad infidelium transit errorem; neque enim hoc casu qui relinquitur, ad secundas nuptias descendere poterit. Nam etsi Matrimonium verum inter infideles sit, non tamen est ratum, vt paulò supra diximus: inter fideles autem, & verum, & ratum existit; quia Sacramentum Fidei, quod semel est admissum, nunquam amit-

V

titur

titur, sed ratum efficit coniugij Sacramentum, ut ipsum in coniugibus, ipso durante perduret.

12 Nec refert, quod à quibusdam forsan obijci posset, quòd fidelis relictus, non debeat iure suo sine culpa priuari, cum idem multis casibus contingat, ut si alter coniugij infidiatur. Ex hoc quoque quorundam malitiæ occurritur, qui odio coniugum simularent hæresim, ut postmodum nubentibus coniugibus ab ipsa rescilirent. Quinimò qui in fide permanserit, ad eum qui ab hæresi, vel infidelitate ad Ecclesiam reuertitur, vel inuitus redire cogendus erit: Nisi ad Religionem transire maluerit, interueniente separatione per iudicium Ecclesiæ. Quod si enim in fornicatione carnali potest innocens inuito peccante Religionē intrare, multò magis poterit, altero coniugum inuito, intrare Religionem innocens in casu spiritualis fornicationis.

13 Ex his apparet, coniugium aliud esse legitimum, & non ratum: aut legitimum & ratum: & aliud ratum quidem, sed non legitimum. *Legitimum, & non ratum coniugium est*, quod legali institutione, vel Prouinciæ moribus contrahitur: hoc inter infideles ratum non est, quia dissolui potest, dato libello repudij lege fori, & non lege poli, quam non sequuntur. Inter fideles verò semper ratum est coniugium, cum coniugia semel inter eos contracta, nunquam solui possint. Horum, *quædam sunt etiam legitima*, veluti cum seruatis nuptialibus ritibus, vxor sponso traditur. Illorum verò coniugia, qui contemptis legitimis solemnitatibus, solo affectu aliquam sibi deligunt in coniugem, *non legitima, sed rata* tantummodo esse creduntur. Quanquam enim spretis ritibus Ecclesiæ Matrimonium contrahi non debeat, non tamen ob id solum Sacramentum coniugij dissolui debeat. Quin potius, si tale Matrimonium fuerit ab Ecclesia postmodum comprobatum, filij generati, & legitimi iudicandi erunt, & hæreses: aliqua tamen illis erit imponenda pœnitentia, qui contemptis Ecclesiæ præceptionibus Matrimonium contraxerunt.

14 Coactio quoque, & iustus violentiæ metus Matrimonium

monium impediunt. Cum enim solo consensu coniugium contrahatur, plena debet ille securitate gaudere, cuius est animus indagandus, ne metu impulsus dicat sibi placere, quod odit. Planè quæ inuita probat se sponsalia contraxisse, si comperiat postmodum spontè cognita, ad Matrimonij dissolutionem proclamare, & metum causari non poterit. Hinc Synodus Tridentina statuit, vt inter raptorem, & raptam, quamdiu ipsa in potestate raptoris manserit, nullum consistat Matrimonium. Quod si rapta à raptoře separata, & in loco tuto, & libero constituta, illum in virum habere consenserit, eam raptor in vxorē habeat; & nihilominus raptor ipse, ac omnes illi consilium, auxilium, & fauorem præbentes, sint ipso iure excommunicati, ac perpetuò infames, omniumque dignitatum incapaces. Si Clerici fuerint, de proprio gradu decedant. Teneatur præterea raptor mulierem raptam, siue eam in vxorem duxerit, siue non duxerit, decenter arbitrio Iudicis dotare.

15 Vtque magis libera sint Matrimonia, statuit eadem Synodus Tridentina, præcepitque omnibus cuiuscunque gradus, dignitatis, & conditionis existant, sub anathematis poena, quam ipso facto eos incurrere vult, ne quouis modo directè, vel indirectè subditos suos, vel quoscunque alios cogant, quò minus liberè Matrimonia contrahant.

16 Est autem coactio cum violentia corporali, vel captura. Metus verò est, præter aliquam violentiam, & captionem. Et hic metus est duplex. *Alius iustus*, qui potest cadere in constantem virum. Et *alius minor*. Iustus itaque metus nullum reddit actum in Matrimonio violenter contracto: scus autem si non esset iustus. Ob sexus verò imbecillitatem, minor metus in muliere sufficiat ad impediendum Matrimonij.

17 Item alius metus est, instantis periculi, & alius futuri. Matrimonium itaque violentia præcisa contractum, mente trepidante ex imminencia instantis periculi, etiam consummatum, est omninò nullum. Contractum verò minis futuri mali perturbato animo, quia multi viri reperiun-

tur, animum habentes effæminatum, relinquitur Iudicis arbitrio, qui considerabit necessitatem actus, & honestatē: quia in materia Matrimonij voluntas coacta non habetur pro voluntate.

18. Furor quoque, quia consensum impedit, nuptias contrahi prohibet: contractas autem dirimit.

19. Item frigiditas, & coeundi impotentia, legitimum Matrimonij impedimentū adferunt. Sicut enim puer, qui debitum reddere non potest, non est aptus coniugio: sic qui ita sunt natura impotentes, ut nec ope Medicorum sine mortis periculo iuvari possint, apti ad contrahenda Matrimonia minimè putantur. Ea quoque, quæ ad eodē est arcta, ut mulier fieri, & alteri carnaliter commisceri non possit, nisi per incisionem, ad Matrimonium contrahendum, non debet idonea iudicari.

20. Sed quia potest euenire, ut qui à principio propter frigiditatem impotens videbatur, potens deinde ex cursu temporis efficiatur, ut hæc quoque res suos fines habeat, ultra quos omni spe iam consumpta, alteras nuptias contrahere ex coniugibus possit is, qui nullum impedimentū patitur, si frigiditas citius probari non potest; statutum est, ut coniuges triennio simul habitent, à coniugij celebrati die: quo triennio lapso, si alterius impotentiam adhuc subsistere fuerit probatum, licebit alteri à tali coniugio discessionem impetrare, aliumque sibi Matrimonio iungere. Sin ambo simul habitare consenserint, potius quàm diuerrere, fratris & sororis loco potius sibi inuicem, quàm coniugum erunt.

21. Alia est causa leproforum: nam si mulierem inuenerint, quæ sibi velit nubere: vel mulier leprosa virum, liberum erit illis coniugali vinculo copulari. Et huiusmodi infirmitates impediunt quidem, sed non dirimunt Matrimonium. Alia verò quantumcunque grauis infirmitas non impedit Matrimonium contrahendum: immo & in articulo mortis potest quis contrahere, ad eodē quod filij etiam ante geniti legitimantur.

22 Publicæ quoque honestatis iustitia, tam Matrimonium contrahendum impedit, quam contractum irritat. Est autem publicæ honestatis iustitia, quæ ex legitimis sponsalibus oritur mulieris, quæ illi coniuncta est, cum qua nunc vir Matrimonium contrahere desiderat: v. g. Cū Dorothea sponsalia contraxi, volo nunc cum Anna, quæ Dorotheæ cognationis vinculo est coniuncta, Matrimonium contrahere, publica honestate impediatur. Inhonestum enim, ac turpissimi visum est exempli, ut ei quis nubere valeat, cuius coniunctam sponsalia frangendo deceperit, ne in eandem, eius nubendo coniunctæ, quasi iniuriam cumulet.

23 Vtique adeo autem ex puris, & certis sponsalibus, impedimētum Iustitiæ publicæ honestatis exoritur, ut etiam si illa consanguinitatis, affinitatis, frigiditatis, religionis, aut alia quavis ratione nulla sint, dum tamen non sint nulla ex defectu consensus, nihilominus, & impedire, & dirimere sequentia sponsalia, vel Matrimonia dignoscantur, licet præcedentia dissolvere non valeant. Quare, qui sponsalia purè, ac determinatè cum aliqua muliere contraxit, & postmodum cum secunda prioris consanguinea idem fecit, ex priorum sponsaliorum vigore ad Matrimonium contrahendum cum prima remanet obligatus.

24 Filij quoque nati ex Matrimonio, quod publicæ honestatis iustitia impediēte contractum fuit, cum nec Ecclesiæ permissionem, nec patris allegare possunt ignorantiam, ad susceptionem successiuam bonorum paternorum minimè admittuntur.

25 Animaduertendum est igitur, Iustitiam publicæ honestatis esse impedimentum ab Ecclesia inductum, dirimens Matrimonium contractum inter sponsam, & maritum, & omnes cognatos sponsæ suæ, aut mariti, intra primum gradum, ex determinatione Concil. Trid.

26 Item non potest quis eam uxorem habere, cuius ope eiusdem maritum interfecerit: nefariæ enim habentur nuptiæ, quibus conciliandis mariti prioris sanguis, & vita præ-

præmij quodammodo nuptiarū loco petita fuerint. Quo exemplo, nec quis eam potest ducere vxorem, quæ in prioris vxoris ipsius necem, aliquid fuerit machinata, siue ei fidem dedisset, se eam priorē defuncta ducturam, siue non: quæ prohibitio perpetuò est seruanda.

27 Item non valet Matrimonium cum ea, quam per adulterium polluit, scienter contractum. Prout & cum illa, cuius consanguinea ego olim quouis modo etiam sine schemate Matrimonij potitus sūtu: vel cum qua meus consanguineus rem veneream exercuerit. Quam tamen rem Synodus Tridentina sic restrinxit, vt impedimentum, quod propter affinitatem ex fornicatione contractam inducitur, & Matrimonium postea factum dirimit, ad eos tantum, qui in primo, & secundo gradu coniunguntur, restringatur; an vltioribus verò gradibus statuit huiusmodi affinitatē, Matrimonium postea contractum non dirimere.

28 Et qui cum priuigna sua sciens fornicatus fuerit, nec à matre debitum thori exigere, nec filiam vnquam habere potest vxorem; Imò nec priuigna, nec ipse vllò vnquam tempore alij se poterunt Matrimonio copulare: nisi fortè iuuenilis eorum calor mereretur, vt dispensatione cum eis ageretur.

29 Potest autem Papa dispensare super impedimēto publicæ honestatis, quia illud impedimentum non est à iure diuino, sed humano: siquidem dispensat super legitimitate filiorum, etiam respectu hæreditatum, & successionum.

T I T V L V S XIII.

De Triplici Cognatione.

1 1 **C** V M cognationis vinculum fortius sit, quam iustitia publicæ honestatis, idèò titulo præsentis de illa, tanquam de proprio impedimento Matrimonij, agendum erit: quia licet Matrimonium est materia fauorabilis, nihilominus fauores non sunt ibi ampliandi, vnde

vnde sequitur aliquid inconueniens. Iam autem maiora inconuenientia oriri nequaquam potuissent, si cognationis limites in Matrimonijs non obseruarentur; quorum *impedimenta alia oriuntur à iure naturali, alia à iure humano.* Idque dupliciter, vel ratione reuerentiæ humanæ, vel ratione reuerentiæ alicuius rei sanctæ.

2 Hinc triplex cognatio oritur. Spiritualis, Legalis, & Naturalis. *Cognatio spiritualis est*, Attinentia quædam proveniens ex Sacramenti collatione, vel ad Sacramentum detentione. Et est ex iuris Canonici dispositione, duplex. *Alia, quæ impedit tantum Matrimonium. Et alia quæ impedit, & dirimit simul.* Prior oritur ex Catechismo; posterior ex Baptismo, & Confirmatione. Vir igitur tenens puellam ad Baptismum, vel Confirmationem, non potest cum illa contrahere Matrimonium: similiter nec mulier infantem tenens poterit postea cum illo contrahere. Et si de facto contrahant, minimè tenet.

3 Et non solum inter baptizantem, & illum qui eum de Baptismo suscepit; itemque inter baptizatum, & suscipientis filios, & uxorem, ante susceptionem à suscipiente carnaliter cognitam, verum etiam inter suscipientem, parentisque baptizati cognatio spiritualis contrahitur, quæ, & contrahendum Matrimonium impedit, & dirimit postea contractum. Et quæ de suscipiente dicta sunt, eadem etiam de baptizante sunt intelligenda. Proinde vnus tantum vir, aut mulier pnerum tenere debet ad Baptismum, & Confirmationem: vel ad summum vnus, & vna. Si tamen plures accesserint, spiritualis cognatio æquè quo ad omnes inde contrahitur, tam Matrimonia contrahenda impediens, quam dissoluens. Hinc sacra Synodus Tridēna sub Pio IV. sanxit, vt Parochus antequam ad Baptismum conferendum accedat, diligenter sciscitetur, quem vel quos elegerint; vt baptizatum de sacro fonte suscipiant, vt eorum nomina in libro describat, doceatque eos omnes; quam cognationem contraxerint, ne ignorātia vlla excusari valeant. Quod si alij vltra designatos baptizatum tetigerint, cognationem
spiri-

spiritualem nullo pacto contrahant, constitutionibus in contrariū facientibus nō obstantibus. Si Parochi culpa, vel negligentia secus factū fuerit, arbitrio Ordinarij puniatur.

4 Eisdem modis ex Confirmatione spiritualis cognatio contrahitur, inter Confirmantem, & Confirmatum, illiusq; patrem, ac matrem, atque tenentem consistens, & Matrimonia similiter impediens contrahenda, & postea contracta dirimens. Ex datione verò aliorum Sacramentorum cognatio spiritualis nequaquam oritur, quæ Matrimonium impediat, vel dissoluat.

5 Per Catechismum verò, vel Chrismationem contracta cognatio non est tanta, nam licet per eam contrahendum Matrimonium impediatur, post eam tamen contractum minime dissolvitur.

6 Sciendum autem, cognationem spiritualement Matrimonia contracta dirimere, non simpliciter, sed postea contracta. Nam si vir, vel mulier ex ignorantia, aut dolo, proprium filium de sacro fonte susceperit, propter hoc separari non debent; nec alter alteri debitum subtrahere; nisi ad continentiam possint induci. Quia si ex ignorantia id factum est, eos ignorantia excusare videtur; si ex malitia, eis proprius dolus patrocinari non debet. Quinimò pro tali casu, Matrimonio in sua firmitate durante, poenitentia imponenda erit.

7 Item sciendum, cognationem spiritualement non contrahi, nisi quoad vnum, aut vnam: inter filios verò ad copaternitatem accersitorū huiusmodi cognatio nō contrahitur.

8 *Legalis verò cognatio est*, proximitas per adoptionem proveniens. Vel, est quædam propinquitas à lege inducta, per quam efficitur quis filius, aut nepos: vel deinceps, aut frater, aut affinis. *Eius autem duæ sunt species.* Vna, quæ temporalem impediendi Matrimonij causam continet. Alia, quæ perpetuam. *Temporalem causam* impimenti continet ea, quæ inter te & eam, quæ tibi per adoptionem soror esse cœperit, intercedit: nam per adoptionem quæ sita fraternitas eò usque nuptias impedit, donec manet. *Perpetuam*
prohi-

prohibitionis causam continet, ut puta, quæ inter adoptantem, & adoptatum : item, inter adoptantem, & uxorem adoptati : & inter adoptatum, uxoremque adoptantis intercedit. Nam & per emancipationem dissoluta adoptione, Matrimonium impeditur.

9 *Naturalis demum cognatio est, quæ medio consanguinitatis, vel affinitatis contracta reperitur. Est autem consanguinitas, vinculum personarum ab eodem stipite descendendum, carnali propagatione contractum. Et dicitur consanguinitas; quasi sanguinis unitas, quia scilicet consanguinei de communi sanguine descendunt. Affinitas vero est, quædam personarum proximitas ex coitu proveniens : ex eo dicta, quasi duorum sit ad vnum finem unitas. Cum enim duæ cognationes diuersæ per aliquorum culpam coniunguntur, alter ad alterius cognationis quasi quosdam fines accedere videtur. Nec intererit quo ad consanguinitatem, vel affinitatem contrahendam, ex iustis nuptiis aliqui, an ex damnato coitu inuicem copulati fuerint.*

10 *Hodie sancitum est, ut prohibitio copulæ coniugalis quantum consanguinitatis gradum inclusivè non excedat. Pro cuius rei intelligentia sciendum est, aliam cognationem supra numerari, aliam infra, & aliam ex transverso.*

11 *Superior cognatio est parentum, hoc enim vocabulo generaliter omnes appellare licet, qui per directam lineam ascendunt, quocumque personis, seu gradibus à me distet.*

12 *Inferior cognatio est liberorum, quæ vox omnes continet, quicumque à me descendunt; quotuscumque gradus inter me, & ipsos interiectus sit.*

13 *Ex transverso vero cognati sunt, qui cum à parentibus meis & ipsi oriantur, in me tamen non influunt, neque ego in illos; sed aliorum deflectunt, à linea descendentes, quæ ex me perpetuanda est: veluti e. g. Frater mihi transversalis est, nam etsi ab eodem patre ortus sit, à quo & ego, alium tamen cursum à me tenet, in me enim non influit, nec item ego in illum: & alia ab eo linea ducenda est, alia à me. Sic patruelis frater, vel consobrinus, eundem quem*

& ego auum referunt : sed diuersis tamen riuus ab eo descendimus , cum diuersis patribus orti simus . Quæ exempla , in his duabus speciebus posita , ad multas alias transferri possunt .

14 Contra. Parentes lineâ rectâ nullis flexionibus in me decurrunt : nam Abauus in Proauum : isque in Auum : qui Auus in Patrem , & Pater demum in me influit : quæ ratio pariter in descendantibus constituenda est , quotcumque in lineas , vel riuos illi sediuidant . Inter hos igitur ascendentes , & descendentes , perpetua prohibitio Mairrimonij est , etsi in alias , atque alias stirpes in infinitum essent propagati . Quocirca haud malè sentiunt , qui tradiderunt , Adamo illi primo totius generis humani parenti , si hodie ageret in humanis nullam repertum iri mulierem , quæ citra violatæ legis poenam nubere posset , à quo tamen quis nescit , quot , quamque sæpè propagatis , & multiplicatis stirpibus deducti simus ? Gradus autem hoc modo secundum Ius Canonicum numerantur.

15 Primo gradu supra sunt , Pater , Mater : infra , Filius , Filia . Ex transuerso Frater , Soror . Quamuis secundum leges Ciuiles , Frater & Soror , in secundo gradu locetur , & Iustinianus Imperator docuerit , lineam , quæ ex transuerso ducitur , à secundo gradu , scilicet Fratris , & Sororis incipere . Neque hæc Iuris Pontificij , & Cæsarei discrepantia ratione caret : siquidem iure Pontificio duas personas vni gradui constando concurrere necesse est , cum hoc iure propter copulam matrimonialem , quæ quidem non nisi inter duos esse potest , graduum dinumeratio fieri soleat . Quod præceptum etiam in sequentibus gradibus locum habet ; semper enim meminisse debemus , duos fratres , duasque sorores lineæ transuersalis basem , initiumque esse : nec nisi duarum personarum coniunctarum accessione gradum nouum adijci , neq; ad stirpem respiciendū esse.

16 At Iure Cæsareo vnaquæque persona adiecta nouū gradum parit , quia in gradibus enumerandis hæreditatum , ac tutelarum rationem habuit , quæ quidem de vna persona
in

in aliam transire solent, nec duabus personis opus est: quapropter si ad stirpem spectetur, ac vnaquæquæ persona ei adiecta nouum gradum pariat, efficietur, vt cum ego patri sim in primo gradu, qui mihi ortus est frater, is mihi sit in secundo.

17 Secundo gradu supra sunt, Auus, Auia: infra, Ne-
pos, Neptis: ex transuerso, Fratrís, Sororisue filius, vel
filia. Et conuenienter Patruus, Amita; Auunculus, Ma-
tertera; Frater patruelis, vel Amitinus; Soror patruelis,
vel Amitina: Consobrinus, Consobrina.

18 Tercio gradu supra sunt, Proauus, Proauia: infra,
Pronepos, Proneptis: ex transuerso, Patruus magnus, A-
mita magna: Auunculus magnus, Matertera magna, prop-
rior Sobrinus, propior Sobrina: & eorum filius, & filia;
Fratris patruelis, vel Amitini, Sororis patruelis, vel Ami-
tinæ. Item Consobrini, vel Consobrinæ filius, filia: vel So-
roris nepos, neptis.

19 Quarto gradu supra, Abauus, Abauia: infra, Ab-
nepos, Abneptis: ex transuerso, Propatruus, Proamita:
Proauunculus, Promatertera; & eorum filij & filiæ. Ne-
potes, & Neptes; Pronepotes, & Proneptes. Item propio-
ris Sobrini, & propioris Sobrinæ. Nepos, & Neptes. Et
demum fratris, & sororis, pronepos, proneptis. Et hæc
vsque ad quartum gradum tradidisse sufficiat: nam cum
hodie vsque ad quartum gradum duntaxat nuptiæ, vt su-
pra diximus, prohibeantur, nihil attinet hoc loco ulterio-
res gradus cognoscere.

20 Sed, quò vnusquisque per se discat has computatio-
nes graduum inire, hoc præceptum generale ei tenendum
est, vt in subducendo graduum ascendentium, & descen-
dentium calculo tot gradus censeantur, quot intercesse-
rint personæ vna dempta; quia stipex in numero non re-
fertur; veluti (gratia exempli) à me ad Abauum quinque
personæ enumerantur. Ego, Pater, Auus, Proauus, Abauus.
Hic igitur inter me, & Abauum, quatuor gradus re-
censebuntur.

21 In transversalibus verò, hæc sit regula generalis, ut quisque ex collateralibus meis tot gradibus à me distare dicatur, quot gradibus à stipite is distet ex nobis, qui ab ipso stipite remotior est. Quare, si ego duobus stipiti gradibus vicinus sim, tu ab eodem stipite quatuor gradibus absis; quarto gradu mihi eris coniunctus. At si neuter altero longius à stipite absit, tot gradibus cognationis inter nos referentur, quot nostrum vteruis ab eodem stipite remotus est.

22 Supradictorum autem vocabulorū significatio hæc est. *Patruus* dicitur frater patris. *Amita* est patris soror. *Auunculus* frater matris. *Matertera* soror matris. *Fratres patrueles* dicuntur, qui ex duobus fratribus nati sunt, quemadmodum, & sorores patrueles. *Fratres amitini*, vel sorores amitinae sunt, qui, quæ ex fratre, & sorore sunt orti, vel ortæ. *Consobrini*, vel *Consobrini*, qui, vel quæ ex duabus sororibus. *Patruus magnus*, & *Amita magna*, sunt Aui frater, & soror. *Auunculus magnus*, & *matertera magna*, sunt Auiæ frater, & soror. *Propior Sobrinus*, & *propior Sobrina* dicuntur, filij & filia ex patruo magno, amita magna; & auunculo magno, & matertera magna. *Propatruus*, & *Proamita* dicuntur, Proai frater, & soror. *Proauunculus* *Proamatertera*, Proaiæ frater, & soror.

23 Sed & affinitas similiter, quemadmodum, & cognatio, tres ordines habet, videlicet, Ascendentium, Descendentium, & Collateralium. Ego verò, & mea vxor inuicem affines non sumus, sed sumus affinitatis principium, & origo. Consanguinei quoque mei, nullo affinitatis vinculo iuncti sunt consanguineis foeminae à me cognitæ.

24 Ascendentium itaque Affinium nomina sunt. *Socer*, & *Socrus*, id est mariti, vel vxoris pater, & mater. *Vitrius*, id est præsens maritus matris meæ, à quotamen ego genitus non sim. *Nouerca*, id est præsens patris mei vxor, quæ me tamen non peperit. Aliorum, aut superiorum affinum nomina non recenseo, cum ferè sint eadem, quæ & consanguineorum; vel sola particulæ huius, *pro*, adiectione

atione distinguantur, vt Profocer, & familia.

25 Infra sunt, veluti *Gener*, id est filix maritus. *Nurus*, id est, filij vxor. *Priugnus*, vel *Priugna*, id est, vxoris, vel mariti filius, vel filia, ex alio marito, vel alia vxore suscepti: Et vteriores, quibus præpositio, *Pro*, solet accedere, vt *Progener*, id est, maritus neptis.

26 Collaterales affines sunt, qui vel marito, vel vxori consanguinei sunt ex transuersa linea iuncti. Eorum autem affinium, qui iustis nuptijs parantur, specialia nomina sunt hæc. Videlicet *Leuir*, qui est frater mariti. *Sororius*, qui est vir sororis. *Glos*, quæ est soror mariti. *Fratrissa*, quæ est vxor fratris, quæ & ipsa glos rectius dici potest. *Ianitrices*, seu *Inatexes*, quæ sunt duorum fratrum vxores. Alij autem specialia nomina non habent, sed illo consanguinitatis nomine ferè solent appellari, quo nomine, vel gradu, ab eo nuncupantur, cuius causa affinitatem contraxerunt, veluti: Qui vxori meæ *Consobrinus*, vel *Patruelis* est, is & mihi *Consobrinus* vel *Frater patruelis* appellabitur, & de similibus. In his igitur cum scire voluerimus, an cum eis nuptiæ contrahi possint; non solum inspiciemus quoto gradu affinitatis inter se deiuincti sint, sed etiam inspiciendum erit, quo in genere affinitatis existant.

27 Vir itaque qui à stipite quarto gradu, & mulier quæ ex alio latere distat quinto, licitè coniungi poterunt. Aliàs si propiore gradu sese inuicem coniungant, temere contractum Matrimonium adeò erit irritum, quòd nullo poterit annorum numero defendi. Imò diuturnitas temporis augeat peccatum, non verò validat Matrimonium.

28 Si tamen infideles, qui secundum veteris, vel propriæ legis instituta, circa gradus qui consanguinitatis, vel affinitatis Canonibus notatos coniuncti sunt, Domino inspirante conuersi fuerint, Matrimonium ante contractum non erit post Baptismi lauacrum irritandum. Cum per Sacramentum Baptismi non soluantur coniugia, sed crimina dimittantur. Vnde & proles inde nata, legitima censetur.

29 Admo-

29 Admonendi etiam sumus, perinde virum à consanguineis, & propinquis vxoris abstinere debere; & vxorem à propinquis viri, atque à proprijs. Huius autem rei manifesta ratio illa est, quia si secundum Diuinam sententiã; Ego & vxor mea vna caro sumus, profectò mihi & illi, mea, suaque cognatio vna propinquitas efficiuntur. Quocirca ego, & soror meæ vxoris in vno; & primo gradu erimus, filius verò eius in secundo gradu erit à me; nepos tertio, & sic deinceps.

30 Vxorem verò propinqui cuiuscumque gradus sit, ita me oportet attendere, quemadmodum eiusdem gradus foemina propriæ propinquitatis existat: quod nimirum & vxori meæ de propinquitate mea in cunctis cognationis gradibus conuenit obseruare.

31 Quamquam autem omnes consanguinei viri, vxoris sint affines, inter consanguineos tamen vxoris & viri, nulla intelligitur esse affinitas contracta, vt supra admonuimus, quæ inter eos impediret, Matrimonium contrahi. Pater igitur & filius, cum matre & filia; item duo fratres, aut cognati, cum duabus sororibus, aut cognatis licitè contrahere poterunt.

32 Si quis autem contracto Matrimonio, consanguineã vxoris suæ cognouerit, vt puta, si vitreus priuignam, vel maritus sororem propriæ vxoris adulterauerit, Matrimonium quidem antea contractum non dirimitur, sed qui se ita contra leges alteri commiserit, à coniuge nunquam debitum petere poterit, nec cum aliqua legitima post vxoris obitum, vnquam nuptias contrahere.

33 Vxor quoque, cuius consanguineã à proprio marito fuerit cognita, diligenter est commonenda, vt à commixtione viri abstineat, & in continentia maneat, donec vir viam vniuersæ carnis ingressus fuerit. Quod si fortè monitionibus parere recusans, talis fuerit, vt de lapsu ipsius probabiliter timeri possit, vir eius, & poterit, & debet debitum sibi soluere coniugale, cum affinitas post Matrimonium iniquè contracta, illi nocere non debeat, quæ

iniquitatis particeps non existit.

34 Præcedens itaque affinitas non subsequens dirimit Matrimonium; sed et si vtriusque coniugum constet assertionem, acclamante etiam vicina, quod coniugatus ante contractum Matrimonium vxoris suæ consanguineam cognouerit, propterea coniuges separari non debent, sed dispensationem procurabunt. Alioqui plerumque ad incestus confessionem profilirent, si suæ assertioni Ecclesiæ iudicium accessurum crederent, vt se inuicem onere Matrimonij liberarent. Rumor autem vicinæ non est adeò iudicandus validus, vt nisi fide dignæ probationes accedant, possit rite contractum Matrimonium irritare.

35 Non omittendum est, Tridentinæ Synodi Constitutionibus anathemate plecti eos, qui dixerint, Ecclesiam non potuisse constituere impedimenta Matrimonium dirimentia: vel in his constituendis errasse. Ac qui dixerint, eos tantum consanguinitatis, & affinitatis gradus, qui Leuitico exprimuntur, posse impedire Matrimonium contrahendum, & dirimere contractum: nec posse Ecclesiam in nonnullis eorum dispensare, aut constituere, vt plures impediant, & dirimant.

36 Si qui contra supradicta præcepta Matrimonium inierint (vbi perpetuum subest impedimentum) nihil ager; & si consanguinitas, vel affinitas subesser; vel cum Monialibus, aut Religiosis, aut cum sacris Clericis initum esset, excommunicationis sententiæ ipso iure illigati essent, qui tali Matrimonium contraxissent, eosque Ecclesiarum Prælati, sic excommunicatos publicè pronunciare debent, aut suis subditis, vt notum id publicè faciant, iubere, donec se errore cognito separarint, & absolutionem impetrarint. Et proles ex talibus Matrimonijs suscepta prorsus illegitima habetur.

37 Etiam synodus Tridentina constituit, vt si quis intra gradus prohibitos scienter Matrimonium contrahere præsumpserit, separetur, & spe dispensationis consequendæ careat: idque in eo multo magis locum habeat, qui non

tan-

tantum Matrimonium contrahere, sed etiam consummare, usus fuerit. Quod si ignoranter id fecerit, siquidem solennitates requisitas in contrahendo Matrimonio neglexerit, eisdem subijciatur poenis, cum dignus non sit, qui Ecclesiæ benignitatem facile experiatur, cuius salubria præcepta temere contempserit. Si verò solennitatibus adhibitis, impedimentum aliquod postea subesse cognoscatur, cuius ille probabilem ignorantiam habuit, tunc facilius cum eo, & gratis dispensari poterit. Statuitque, ut in contrahendis Matrimonijs, vel nulla omninò detur dispensatio, vel rarò, idque ex causa, & gratis concedatur. In secundo gradu nunquam dispensetur, nisi inter Magnos Principes, & ob publicam causam.

38. Atque ut cæteris negotijs, curisque vacui, maiorem, diligentiolemque operam certis temporibus, orationibus, pijsque alijs operibus nauare possimus, statutum est etiam, ut illis temporibus, quæ Diuino cultui potissimum dicata sunt, nuptias solenniter celebrari quodammodo nefas habeatur. Nempè ab Aduentu Domini, vsque in diem Epiphaniæ. Et à feria quarta Cinerum, vsque in octauam Paschatis inclusiue. Quique dixerint, prohibitionem hanc solennitatis Nuptiarum, statutis anni temporibus, superstitionem esse, anathema adiecit.

T I T V L V S . X I V .

De Clandestina Desponsatione .

1 **C**landestinum Matrimonium dicitur, in quo testes, & denuntiationes deficiunt, & proinde clam celebratur, solennitatibus omissis, non in facie Ecclesiæ, ut est præceptum à Canonibus. Prohibentur autem Matrimonia cōtrahi clandestinè, ne postea oporteat illa dissoluere. Sancitumque est à Concilio Tridentino, ut, antequam Matrimonium contrahatur, ter a proprio contrahentium Parocho, diebus festiuis in Ecclesia inter,

inter Missarum solemnias publicè denunciatur, inter quos Matrimonium sit contrahendum. Quibus denunciationibus factis, si nullum legitimum opponatur impedimentum, ad celebrationem Matrimonij in facie Ecclesie procedatur: ubi Parochus viro, & muliere interrogatis, & eorum mutuo consensu intellecto, iuxta ritum Ecclesie eos benedicat. Nisi Ordinarius ipse expedire iudicauerit, ut prædictæ denunciationes remittantur, quod illius prudentiæ, & iudicio sancta Synodus relinquit.

2. At qui aliter, quàm præsentem Parochum, vel alium Sacerdotem, de ipsius Parochi, vel Ordinarij licentia, & duobus, vel tribus testibus, Matrimonium contrahere attentabunt, eos sancta Synodus ad sic contrahendum omnino inhabiles reddit, & huiusmodi contractus irritos, & nullos decernit.

3. Et quanquam peccent clandestinè contrahentes, tamen Matrimonium iure Decretalium, si de eo quoquo modo fides fieri potest. Et proinde, eadem Synodus, eos anathemate damnat, qui huiusmodi Matrimonia libero contrahentium consensu facta, & vera; & rata fuisse negant: quique falso affirmant Matrimonium à filiis familiaribus sine consensu parentum contracta, irrita fuisse, & parentes ea rata, vel irrita facere posse; quamvis sancta Dei Ecclesia ea semper detestata sit, atque prohibuerit, & nunc quoque in eadem Synodo irrita decreuerit.

4. Ac insuper, tam Parochum, quàm alium Sacerdotem, qui cum minore testium numero: & testes, qui sine Parochum, vel Sacerdote, huiusmodi contractui interfuerint; nec non ipsos contrahentes grauiter arbitrio Ordinarij puniri præcipit.

5. Admonet etiam eadè sancta Synodus omnes ad quos spectat, ne vagantium genus hominum, incertasque sedes habentium, ad matrimonium faciliè recipiant; Magistratusque sæculares hortatur, ut eos coerceant. Parochis autem præcipit, ne illorum Matrimonijs intersint, nisi prius diligentem inquisitionem fecerint; & re ad Ordinarium

Y

delata,

delata, ab eo licentiam id faciendi obtinuerint: quæ per-
opportuna quidem fuit consultatio, nam huiusmodi genus
hominum, vt improbi sunt ingenij, prima vxore relicta,
sæpè aliam, & plerumque plures illa viuente, diuersis in-
locis ducunt: cui morbo prædictæ sanctionis remedio sanè
quàm præsentissimè occurritur.

TITVLVS XV.

*Dè illis, qui Matrimonium accusare possunt,
vel contra illud testificari.*

Quia accidit interdum, vt ob occulta impedi-
menta, de quibus ipsi contrahentes nesciebant,
Matrimonia dissoluantur, necesse est, vt ea re-
uelentur, dum inferunt damnum. Non tamen
quandoctumque, aut indistinctè omnes ad accusationem
admittendi erunt, sed illi tantùm, qui illud occultum im-
pedimentum sciunt, & probare coram Iudice legitimo
poterunt.

2 Si quis verò tempore factæ à Sacerdote denunciatio-
nis in ipsa Diocesi constitutus, nihil contra Matrimonium
dixerit, eidem mox coniunctis impetere minimè conceden-
dum erit. Nisi proprio firmerit iuramento, quod ea,
quæ obiecturus est, postea didicerit: quodque ad accusan-
dum dolo non proficiat: Quò casu etiam si quod obiectu-
rus est, ab illis didicisset, qui denunciationis tempore
siluerunt, claudi non debet ei accusandi aditus: quonia
et si ab impetitione huiusmodi, culpa ex tali silentio con-
tracta, auctores excludat, iste tamen qui culpa caret, amo-
ueri non debet.

3 Idem iuris erit, si tempore denunciationis, vel extra
Diocesim commorabatur, vel aliàs denunciatio ad eius no-
titiā peruenire non potuit: vt puta, si nimis infirmita-
ris feruore laborans, mentis non erat compos, vel in annis
tam tenebris constitutus erat, vt ad talium rerum percep-
tionem

tionem eius ætas sufficere non valeret: siue alia legitimæ causa fuerit impeditus.

4 Sed nec omnes ad accusationem, testimonium & dicens admitti debent: nā si de tali impedimento agendum sit, quod neque coniugum in se delictum continet, nec ob id Matrimonium dissolui cuiusquam intersit, præterquam ipsorum coniugum, ut puta, si erratum in conditione, status fuerit; vel si mulier ita sit arcta, ut cognosci non possit; vel vir ita frigidus, ut coire nequeat: soli ipsi coniuges admittentur:

5 Quare, si impedimentum originem habeat ex peccato, vel vitio naturali occulto, prius laboranti hoc impedimento facienda est admonitio, ut desistat à Matrimonio: quod si monitus non acquiescat, denunciandus erit, quia plus urget bonū Matrimonij, ut contrahatur validè, quam fama proximi, qui noluit recipere correctionem fraternam. Quod etiamsi quis non posset probare impedimentum, teneatur tamen illud reuelare, quia Prælato aperiet viam, ut diligenter inquirat de impedimento, ne tacito impedimento ineat Matrimonium, quia Deum haberent ultorem. Et ita seruatur in praxi, quod etiamsi conscius esset impedimenti ex auditu, à persona fide digna, teneretur impedimentum manifestare, etiam illa persona non denunciante: & hoc eadem ratione, ut Prælatus inquirat, ne inualidè Matrimonium contrahatur.

6 Si tamen obtenta esset dispensatio, etiā in foro conscientie cessaret onus denunciandi, etiamsi præciperetur reuelatio per viam excommunicationis; quia cessat iam impedimentum.

7 Quod si delictum contineat, ut quia aliqui in gradu vetito, vel contraxisse, vel contrahere velle dicantur, tunc quilibet quidem ad accusandum recipitur, sed omnium maximè parentes, & si ij desint, proximiores, id est, soror, frater, patruus, auunculus, amita, matertera, eorumque descendentes. Semper tamen antiquiores, & honestiores præponuntur in testificando.

8 Vbi tamen alter coniugum, diuitijs, honore, nobilitate, & potentia superior esset, testimonium illius, cuius parens esset inferioris conditionis, admittendum non est; cum parentes filiorum incrementum, & honorem affectare proculdubio comperiantur.

9 Quoties ergo aliqui propter cognationem propinquitatis separari petuntur, duobus, vel tribus eiusdem consanguinitatis testibus adhibitis, vel totidem senioribus, & melioribus eiusdem loci, id debet legitimè probari. Testium autem examinatio, in hac causa, duplicis interuentu iuramenti fieri debet: vt iurent scilicet, & se non priuato odio, neque amicitia, nec alicuius proprii commodi intuitu, ad hoc iurandum inductos: & sicut ipsi dicunt, rei veritatem à maioribus accepisse, & se credere ita esse.

10 Præstitis autem iuramentis, & impedimento Matrimonij legitimè probato, si quis contra præcedentem probationem partibus publicatam, quasi Matrimonium impediri iure non valeat, probare velit, audiendus non erit, sed priori standum erit probationi.

TITVLVS XVI.

De Diuortijs.

1 **Q**uia ex accusatione Matrimoniorum deuenitur ad diuortia, & repudia, congruè post titulum præcedentē de accusationibus ponitur in calce huius tractatus Matrimonialis, de diuortijs, & separatione coniugum.

2 *Est itaque diuortium, dissolutio Matrimonij, quæ utroque viuente coniuge contingit. Vel secundum Concilium Tridentinum: Diuortium est, legitima separatio mariti, & vxoris quoad mutuam cohabitationem. Sed & simplicem thori separationem diuortium non malè appellamus; quia hæc separatio aliquando fit perpetua, aliquando tēporalis.*

3 *Dicitur autem diuortium, à diuersitate mentium, quia*
in

in diuerſas partes, ſeu voluntates eunt, qui Matrimonium diſtrahunt. Et licet de iure ciuili ex diuortio ſeparabatur, & diſſoluebatur Matrimonium etiam quoad vinculum; & licitum erat vxori poſt factum diuortium, alium ducere virum; & è contra viro licebat aliam ducere vxorem, quod & Hæbreis permiſerat in veteri lege Moyſes, ob duritiã cordis illorum. Verum poſt legem Euangelicam promulgatam, non ſolum inter Chriſtianos, ſed etiam inter omnes infideles non permittitur amplius tale repudium, ſed manente vinculo Matrimoniali fit ſeparatio thori quoad mutuatam cohabitationem, vel ad mortem vnus ex coniugibus, vel etiam ad tempus. Interim verò neuter eorum alteras nuptias experiri poteſt.

4 Vnde, licet multoties confundantur hæc vocabulo, *Diuortium*, & *Repudium*, proque eodem ponantur: *Diuortium* tamen propriè dicitur à diuertendo, dum coniuges recedunt a vera via matrimonij, & coniugium inter ſe initum diſſoluunt. *Repudium* verò, quando vir vxorem à ſe reiicit ob rem aliquam pudendam, poſt ſequutam carnalem copulam. Vel quando ſponſus ex legitima cauſa reiicit ſponſam, & diſſoluit ſponſalia.

5 Sed iam videamus, ex quibus cauſis fiat diuortium, quia Matrimonium legitimè contractum nequaquam diſſolui poteſt, & homines à Deo coniuncti ſeparari nec debent, nec valent. Si tamen alter coniugum, qui per verba contraxit die præſenti, copula non ſecuta (nam ſi copula fuiſſet ſecuta, etiam & de conſenſu vxoris non poſſet ingredi) ſeſe ad obſeruantiam regularem voluerit aſtringere, poterit id, altero etiam inconſulto efficere, & ei, qui in ſæculo remanere voluerit, alteri ſe iungere permittendum erit; quia nondum vna caro effecti ſunt. Dicenti tamen ſe velle ingredi Religionem, eſt certum tempus arbitrio Iudicis præfigendum, intra quod vel ingrediatur, vel ad vxorem redeat.

6 Diuerſum ſtatuitur, ſi quis per verba de præſenti, aliquam deſponſatam relinquens, ſacros Ordines ſuſceperit;

rit; quanquam enim vorum per sacri susceptionem Ordinis firmatum, ad impediendum Matrimonium futurum, ac dirimendum postea contractum habeatur efficax, ad dissoluendū tamen prius contractum etiam non consummatū, inualidum censetur. Ideoq. talium Ordinum non obstante susceptione (si ad profitendam probatam Religionem induci non valeat, & sponsa eius institerit) contractum Matrimonium consummare, per censuram Ecclesiasticam cōpellendus erit; sed iam ab executione Ordinis suspēdetur.

7 Sed et si inter infideles Matrimonio contracto sequuta copula fuerit, si alter, qui in infidelitate permanserit, velit à fidele disiungi, aut non nisi cum contumelia Creatoris cum altero commorari, licebit Christiano non modò Matrimonium dissolvere, sed etiam vt supra diximus, alteri se Matrimonio iungere. Quibus casibus, cum auctoritate Sedis Apostolicæ Matrimonium distrahatur, non iam humana, sed potius Diuina potestate coniugium dissolutum intelligitur.

8 Diuersum est de eo tenendum, qui cum sit Christianus, labitur in hæresim, vel in alium errorem Gentilitatis, quia tunc non dissoluitur Matrimonium, vt etiam supra admonuimus, nec potest remanens in fide alteri nubere.

9 Item si quis ignarus virginem in vxorem duxerit, quæ adeò arcta sit, vt mulier fieri non possit: vel simile vitium à natura contraxit, vt ope Medicorum non possit adiuuari. Aut mulier virum acceperit, qui adeò frigida sit natura, vt eidem carnaliter commisceri non possit: poterunt inuicem separari, & qui Matrimonio aptus erit, ad secundas nuptias liberè transitum facere poterit.

10 Si quis tamen coeundi impotentiam causatus, post separationem aliam acceperit: aut ea, quæ arcta putabatur, aliquem inuenerit, qui sibi scras referret; vt quoque casu, post peractam pœnitentiam, ad priora coniugia redire compellendi erunt: quia cognita ab vno, præsumitur cognoscibilis & ab alio. Nisi primus vir adeò esset mentulosus, vt nūquam posset deflorare virginem sine periculo

mor-

morris ; tunc iam non esset restituenda marito primo, licet per frequentem usum cum secundo, habitu sit apta red-
dita primo.

11. Discriminatur quoque thorus ob maleficium impediens
coniugalem copulam ; ob sortilegia post factas orationes,
confessiones, ac alia spiritualia, ut tollatur intensa debili-
tas genitalis, ac remoueantur fascinationes, & incantatio-
nes. Imò si maleficium sit perpetuum, & ab initio fuit de-
cepta Ecclesia, sit totalis separatio iudicio ipsius Ecclesiæ.
Quod remedium non solum concedatur vxori contra ma-
ritum, sed etiam marito contra vxorem duri capitis, per-
noctantem, & libere vagantem, & sui copiam alijs facien-
tem ; quia de his constituto, vel de eius contagiosa ægritudi-
ne, vel etiam ob insupportabilem demerentiam, thori pari-
ter fit separatio.

12. Planè si scienter quis cum ea, quæ maribus impo-
tens est commisceri, Matrimonium contraxerit, vel alte-
rius comperta postmodum impotentia, simul morari con-
senserit, his casibus Ecclesia iudicare consuevit, ut quas vi-
ri tanquam vxores habere non possunt, habeant ut foro-
res, & viuant in continentia. Quamquam cum huiusmodi
impotentibus non potest consistere verum Matrimonium,
quia desinunt causæ institutionis Matrimonij, nam nec ob
spem sobolis, nec ut viretur fornicatio, potest stare Matri-
monium. Vnde si is, qui contraxit cum impotente, cum
alia post contrahat, tenet Matrimonium cum secunda.

13. Ob fornicationem carnalem, vel spirituales, non
soluitur Matrimonium, sed sibi sunt inuicem coniuges etiã
separati quoad thorum. Sed & separatio non statim faci-
enda est, accusatione de crimine instituta, sed probata, &
peracta. Interim enim pendente iudicio, coniugum alter-
uter iure quod habet in altero, priuari non poterit. Sed quia
fæpulis mariti insidiari solent vitæ vxoris propter amorem
concubinae, ob hoc periculum, si ille secum retinet adul-
teram, semper fit separatio quoad cohabitationem, etiam
non expectato iudicio.

14 Multum autem interest, vtrum ob carnalem, an-
verò ob spiritualement fornicationem thori sit facta sepatatio.
Primo enim casu maritus adulteram vxorem, etiam emen-
datam, nisi & ipse simili fornicatione pollutus fuerit, reci-
pere non compellitur; sed fornicatrix in claustris cum re-
ligiosis mulieribus, ad perpetuam agendam poenitentiam
erit collocanda. Secundo verò, si fornicatus spiritualiter
ab infidelitate reuertatur, cogetur, quæ in fide remansit,
illum resumere; nisi & ipsa ad Religionem transitum face-
re voluerit; quod etiam nolente viro ad fidem reuerso, ex-
qui liberè poterit.

15 Regulariter vir, & vxor non possunt disiungi, vt
alter sumat sacros Ordines, aut Monasterium ingrediatur;
nisi fortè remanens, & ipsa continentiam vouere voluerit.
Alioqui, quanquam de vxoris licentia Monasterium quis
ingressus fuerit, & professionem fecerit, non vxor ad con-
tinentiam cogi, sed vir ad vxoris thorum euocari poterit.
Nisi post coniugis ingressum fornicata fuerit; aut se inui-
cem continentiam promittendo absoluerint.

16 Qui inuita vxore ingressus est Monasterium, & re-
petitus ad eam redire coactus fuerit, non cogitur rursus vxore
mortua ad Monasterium reuerti, sed iam non poterit am-
plius vxorem ducere. Sciente autem vxore, & non contra-
dicente vitam professus monachalem, vxore postmodum
defuncta, de Monasterio exire non potest. Vel si temere
contraheret, Matrimonium tale dirimendum erit, quia
professio facta consentiente vxore, idem operatur, quod
ingressus.

17 Quæ autem credens virum suum esse mortuum, ha-
bitum Religionis assumpsit, & eo reuerso de Monasterio
educta fuit; illo defuncto, consultius faciet, si ad Monaste-
rium iterum redibit. Sed tamen si ad hoc perducere non po-
terit, cogenda non erit. Quare vxor non planè certificata
de morte mariti contrahere non potest, quamuis eius ætatis
sit, & fragilitatis, vt continere nequeat.

18 Nisi ergo legitima subsit exceptio, coniugibus te-
mere

mere disiunctis , alterum alterius repetendi integrum ius manet . Erit autem legitima exceptio, cum aliquis consanguinitatis gradus obijcitur, quo quidem casu, licet si peritorio iudicio actum sit, antea de ipsa exceptione cognoscidebeat : si tamen possessorio quis experiatur, antequam de consanguinitate discutiatur, plenaria erit facienda restitutio ; nisi is qui conuenitur, & de malitia iuret, & super exceptione promptas probationes offerat . Quo casu, excepta carnali commixtione tantum, quoad reliqua restitutio facienda erit .

19. Præstanda tamen erit idonea cautio, quod nullam restitutæ violentiam vir inferet . Quod si tanta sit viri sæuitia, aut odio tam capitali vxorem prosequatur, vt trepidanti mulieri sufficiens securitas prouideri nequeat, vsq; ad causæ decisionem, alicui probæ, & honestæ mulieri studiosius custodienda committeretur in loco, vbi vir, vel eius coniuncti mulieri nullam possint iniuriam inferre . Et hæc quidem obtinent, secuto inter viros, & mulieres Matrimonio: ceterum si nullis præcedentibus sponsalibus, vel legitimo consensu, mulier ad viri domum iam traducta, postea abscedens, alij forte nubere voluerit, nulla facienda erit restitutio .

20. Fornicationis quoque repetenti obstat exceptio, thorique ob eam causam sequuta separatione, separata viuente, aliam vsque adeò superinducere quis prohibetur, vt si de facto duxerit, ex eaque filios susceperit, etiam mortua adultera eandem retinere non possit; quod ipsum & priore vxore minimè cognita sibi locum vendicat; aliam tamen hac secunda dimissa ducere minimè prohibetur .

21. Si mulier Matrimonium contraxit cum eo, quem ignorabat coniugatum, vxore prima mortua, erit in eius potestate virum retinere, vel diuortium petere . Sed ad petitionem viri non sunt separandi, & filij de tali Matrimonio legitimi sunt censendi .

22. Cum ea, quam quis vxore viuente cognouit, non prætextu Matrimonij, defuncta vxore, si nihil in perniciem

Z

olim

olim viuentis vxoris vir, aut mulier cognita, machinati fuerint, nec fidem de contrahendo sibi inuicem dederint, contractæ postea nuptiæ legitimæ reputandæ erunt.

23 Sed etsi fidem quidem sibi inuicem dederint, vel etiam de facto contraxerint, si nec ante, nec post, legitima coniuge superstite, carnalis intercessit copula, quamuis uterque grauius deliquerit, & propterea etiam sit imponenda pœnitentia; Matrimonium tamen contractum post vxoris obitum, minimè dissoluetur.

24 Vsque adeo autem machinatio in alterius coniugū obitum adhibita inter superstites machinatores Matrimonij spem excludit, vt infidelis cum Christiano communicato consilio eiusdem maritum de medio sustulerit, licet postea per studium superstitis vxoris ad fidem Christianā translatus fuerit; non tamen propterea magis cum ea nuptias legitimas contrahere, aut contractas retinere poterit. Nec enim huiusmodi lucro tam detestandum damnum Ecclesia resarciri patitur. Sed etsi machinationem adhibitam in pecem coniugis effectus consequutus non fuerit, si insidiator alteri superuixerit, spe coniugij perpetuò destitutus, ad secundas nuptias nunquam adspirare poterit. Id & in ijs casibus accidit, qui incestum admiserunt, Sacerdotem interfecerunt.

25 Illud quoque pro dictis aduertendum est, quod si diuortium fiat culpa viri, filij educandi sunt penes vxorem innocentem expensis viri; quia dos restituitur vxori ex dispositione iuris ob culpam, & delictum viri; & sic fructus sunt vxoris, & alimenta filiorum soluenda sunt de bonis viri. Sic è contra sunt educandi filij penes patrem expensis vxoris, quando culpa illius sit diuortium, & illa amittit dotem, quæ tam de iure ciuili, quam de iure canonico applicatur viro.

26 Vt autem fiat separatio Matrimonij ob adulterium coniugis, probari debet tale adulterium ad minus per confessionem eiusdem coniugis adulteri, vel adulteræ.

27 Fit etiam diuortium per furorem alterius coniugis,

vt

vt si periculum sit sano habitare cum furioso. Magis, cum scuit maritus in vxorem cum graui periculo damni. Secus si modica esset coercitio & castigatio. In scuitia etiam comprehenditur causa insidiarum vitæ; tunc restituitur vxori dos, vnâ cum iuribus dotalibus.

28 Ob vitium quoque sodomiz fit separatio; sed non sufficit solius vxoris conquestus, se tentatam fuisse à viro suo de vitio nefando, sed requiritur aliud inditium ad probandum, vt si solitus sit maritus cum alijs tale vitium committere.

29 Similiter ob lenocinium fit separatio thori; vt si esset leno vxoris, & viros procaces in domum suam induceret, qui vxorem sollicitarent ad turpia, & maritus rogatus ab vxore nollet desistere. Sunt & aliæ causæ legitimæ ad diuortium, puta si vnus coniugum sit ceticus, tabidus, intolerabiliter foetens, vel morbo Gallico infectus; quæ omnia arbitrio Iudicis fieri debent.

TITVLVS XVII.

De Rebus Sacris, Sanctis, & Religiosis.

1 **S**acramentorum breuiter explicato tractatu, illorūque sectione, ac natura cognitis, transeamus iam ad Sacramentalia, hoc est, ad res ordinatas pro administratione Sacramentorum: quarum *aliæ sunt Sacra*, vt vasa, imagines, cruces, & vestes ad cultum Diuinum, ornamentum uè Ecclesiæ comparatæ: *aliæ Sanctæ*, vt Ecclesiæ, Altaria, & Reliquiæ Sanctorum: & *aliæ Religiosæ*, vt Monasteria, Xenodochia, Coemeteria, & Sepulturæ.

2 Ille quoque locus sacer dicitur, qui ritè Deo per Episcopum, aut Papam consecratur; (non per Sacerdotem) neque per priuatam auctoritatem laici alicuius Principis, vt olim fiebat. Atque inprimis Ecclesia dicitur locus consecratus, in quo, qui vim aliquam, furtum, aut crimina, aliqua alia committunt, sacrilegi vulgò dicuntur. Sed &

qui per vim ædículas Sacerdotum intrant, & inde aliquid arripientes fugiunt, puniuntur minus quam sacrilegi, sed plusquàm fures simplices.

3 Cum autem Ecclesia primum locum teneat inter res sacras, sanctas, & religiosas, & nomen suum æquiuocum habeat, antequam ad modum construendarum, consecrandarum, aut reparandarum Ecclesiarum descendamus, primum decidamus necesse est, de qua nam Ecclesiæ significatione titulo sequenti tractabimus.

4 Primum igitur Ecclesia dicitur, congregatio malignantium, vt Psalmista loco quodam dicit. *In Ecclesiam malignantium non introibo*. Deinde Ecclesia dicitur, fidelium collectio, de qua in Symbolo. *Credo unam Sanctam Catholicam Ecclesiam*. Tertio Ecclesia dicitur, Corpus Christi, mysticum, præcipuè in Ecclesia illa triumphante. Quarto Prælaturæ Ecclesiasticæ, quando dicimus. *Sic Ecclesia iudicauit*: aut, *iudicio Ecclesiæ standum erit*. Quinto obuentiones Ecclesiasticæ dicuntur Ecclesia, vt cum dicimus. *Viuat ex Ecclesia*, aut *Ecclesia prouidet illi*. Vltimo Ecclesia dicitur, murorum ambitus, seu structura templi materialis. Hinc Oratorium, Basilica, & Ecclesia, interdum sunt æquiuoca, quod in eis missa celebretur, quæ extra locum sacrum, seu benedictum celebrari non potest: vnde altaria portatilia, vsum suum habere ceperunt.

TITVLVS XVIII.

De Construendis, Consecrandis, & Reparandis Ecclesijs, & Altaribus.

1 **E**cclesiam hoc loco accipimus, non tam Christianorum multitudinem, fideliumque congregationem, quam ipsum templum Dei manufactum, & orationis domum: & dicimus non licere Sacerdotibus, sicut ipsi sunt sacriati, in locis profanis sacrificia offerre, & Sacramenta

menta ministrare , præterquam in locis Deo consecratis . Nisi quis super hoc speciali sit privilegio munitus : vel summa coegerit necessitas : ut pote , quia combusta sit Ecclesia , quo casu donec illa restauretur , in capellis cum sacrata tabula super altari portatili celebrari poterit .

2 In itinere quoque constitutis , Ecclesia non reperta , sub dio , siue in tentorijs , si tabula altaris portatilis adfuerit , cæteraque sacra utensilia , missarum solemnità celebrari permittendum erit . Alioqui si quis in oratorijs intra priuatas domos constitutis , sine consensu Episcopi hoc facere ausus fuerit , deponendus erit .

3 Construuntur autem Ecclesiæ , vel ob incrementum populi ; vel ob commoditatem plebium , vel certæ vniuersitatis intuitu , aut in pastoralis dignitatis privilegium . Vel construuntur Ecclesiæ aliquando ratione necessitatis , cum nullum templū habeatur in pago aut oppido aliquo , ut eò populus ad sacra audienda conueniat . Aliquando ratione commoditatis , cum vel multitudinem fidelium vnū templum capere non potest , vel fluuius inundans adire illud festo die non permittit ; aut quid simile . Et aliquando ratione pietatis , vel gratiarum actionis pro accepto aliquo beneficio à Deo .

4 Prohibentur autem extrui noua oratoria in præiudicium alicuius Ecclesiæ Parochialis , nisi de licentia Episcopi : in loco verò exempto , nisi de licentia Sedis Apostolicæ , idque propter ius oblationum , & mortuāriorum debitorum Parochiæ . Nemoque Ecclesiam nouam ædificare debet suo arbitrio aut temere , antequam Episcopus Ciuitatis eo accedat ; sed ut rei tantæ suæ dignitas , quantum fieri potest seruetur , certæ solennitates introductæ sunt , quæ præire debeant in Ecclesia faciendā . Primum Episcopus Diocesis illius Crucem ibi figens publicè atrium describat , & qui ædificaturus est eam , coram ipso præfiniat , quæ ad luminarium , & custodum sumptus sufficiant ; & demonstrata donatione sic domum ædificet . Qua erecta atrium aqua benedicta aspergatur , postea Deo per consecrationē

ab Episcopo dedicetur cum Missæ celebratione.

5 Sicut autem vnus Episcopatus ob incrementum populi, in duos Antistites accedente Papæ voluntate, diuidi potest: sic etiam Episcopus de Baptismalibus, & Parochialibus Ecclesijs, Rectorum accedente consensu, duas facere potest, si publica vtilitas id flagitet. Veluti, si ita absit Parochia Ecclesia, vt non facile animabus curæ eius creditis, vbi necessitas exegerit, præsto esse possit: ex quo sæpe eueniat plures animas in periculum adduci. Tunc enim Ecclesia construi altera in eadem Parochia poterit, quæ animabus oportunior sit: & ipsi Ecclesiæ veteri ius Rectoris in ea præsentandi vna cum patrono, qui eam fundauerit, competet. Quod cum factum fuerit, illa pars populi, quæ nouis Ecclesijs supponitur, à iure prioris Ecclesiæ absoluetur. Plures tamen baptismales Ecclesiæ non debent fieri in vna terminatione: & terminationis controuersia dirimenda est iudicio plebium, vel sorte.

6 Nec quidquam Episcopo obstiterit, quod de rebus Ecclesiæ non alienandis iurauerit: nam & tali non obstante iuramento, populo indigenti super basilicarum institutione salubriter providere poterit, & etiam inuitis Rectoribus, iuxta Constitutionem Concilij Tridentini debet. Idem procedit in diuisione beneficij pinguis, cuius fructus per Episcopum diuidi possunt, si adsit consensus patroni ius collationis habentis, & illæ Ecclesiæ sint intra eodemet terminos; vel illi duo beneficiati in vno, eodemque templo. Translatio attamen Cathedralium non potest fieri sine autoritate Apostolica.

7 Episcopo conceditur pro sepultura propria Ecclesiā ædificare, aut nouum Monasterium construere in sua Diocesi, quæ tamen indotata consecrari non debet; veteresque Ecclesiæ propter nouas lædendæ non sunt. Modicum tamen damnum respectu decimarum ex rationabili causa sustinere possunt; præsertim si Episcopus quid concesserit cum consensu Capituli de rebus mensæ suæ.

8 Qui præter Episcopi consensum Ecclesiam construit,
facit

facit iacturam iuris patronatus. Basilica autem legitimè extructa, non ante sacris est depuranda mysterijs, quam munus consecrationis acceperit: quod ne qua Diuino cultui afferatur mora, quantò poterit citiùs conficiendum erit. Sicut autem infans à Sacerdote ritè baptizatus non debet iterùm baptizari, ita nec Ecclesia semel Deo dicata, & consecrata, iterum debet consecrari.

9 Quod si de Ecclesiarum, vel Altarium consecratione dubitetur, nec de ea, aut scriptura appareat, aut testis existat aliquis; sine ullà dubitatione erunt à capite consecranda. Sed si Ecclesia, aut ruina desecrata sit, aut ab igne totaliter exusta, aut fusione iniuriosa sanguinis, vel voluntariè seminis, vel excommunicati humatione polluta fuerit; etiamsi semel antea consecrata appareat, nihilominus diligentissimè expurgata, iteratò consecranda, vel reconcilianda erit. Idem, & de cœmiterio Ecclesiæ intelligendum est. Nam si Ecclesiæ contiguum sit, polluta Ecclesia, & ipsū cœmiterium pollutum erit, (sanguine nimirum iniuriosè in Ecclesia effuso in cœmiterium decurrente) nec debet quis in eo ante reconciliationem sepeltri. Quod contra erit, si ab Ecclesia seiunctum cœmiterium fuerit. Ipso verò cœmiterio polluto, quamuis Ecclesiæ annexo, non tamen Ecclesia polluta erit. Nec si vulneratus extra Ecclesiam, in Ecclesiam fugiens eam sanguine resperferit; Ecclesia non erit reconcilianda. Similliter, nec si homo occidatur in templo illius, aut homicidium accadat in templo ipso casuale à lapsu lapidis, aut trabis desursum.

10 Plane non dicitur Ecclesia polluta per actus, qui fiunt extra corpus ipsius Ecclesiæ in locis adiacentibus, ut sunt, campanile, criptæ subterraneæ (in quibus non celebratur) Sacristia, Cœmiterium. Nec per percussionem iniuriosā, absque sanguinis effusione polluitur; nec per sanguinem animalium; nec per naturalem effusionem sanguinis è naribus, vel ore; nec perictum furiosi, vel mentecapti: nec denique per inculpatam tutelam, quando quis defendendo se in Ecclesia à percussione violenta, alium nolens occiderit;

aut

aut ab alio ipse læsus duas aut tres sanguinis guttas emiserit. Sed bene consecranda erit, quando omnes parietes de nouo extruuntur à fundamentis, non verò tectum templi ipsius.

11 Quod si Altare motum fuerit, & formam primam amiserit, aut lapis superpositus, qui sigillum continet contractus, aut diminutus fuerit, tunc ob id Ecclesiæ consecratio iteranda non erit; sed ipsum solum Altare denuò, consecrandum.

12 Poterit autem consecratio Ecclesiarum, & Altarium quibuscunque diebus fieri, honestius tamen fieret, si in diebus festiuis consecrarentur; idque per Episcopos solos, non per simplices Sacerdotes: quia quæ Ordinis Episcopalis sunt, inferioris gradus Clericis committi non possunt; licet ea quæ iurisdictionis sunt facile committantur. Sed animaduertendum est, quod Ecclesia in qua infidelium corpora sepulta sunt, consecrari non poterit, nisi euulsis inde corporibus, & rasīs, seu dealbatis parietibus, & tignis: quia quibus uiuentibus Ecclesia non communicat, mortuis quoque communicare non potest.

13 Solemnitates quoque dedicationum ipsarum Ecclesiarum per singulos annos erunt celebrandæ, ipso Domino exemplum dante, qui dum ad festum dedicationis templi celebrandum cum reliquis populis accessit, omnibus idem faciendum suo exemplo ostendit. Hinc regula Canonum orta est; *quod res semel Deo dicatæ, non sunt ad usus humanos amplius transferendæ.*

14 Si verò contingit aliquando Ecclesias instauratione aliqua egere, puta, vt tecta, aut parietes ruinam minantes sarciantur, vel fulciantur, aut iam lapsi restituantur, subire hoc onus debet ipsius Ecclesiæ Rector, si quarta huius prouentus vsui huic à sacris Canonibus assignata non sufficiat. Ad quod onus minores etiam beneficiati in ipsa Ecclesia obligantur, respectu quartæ partis suorum reddituum. Siquidem bona Ecclesiasticis triplici de causa à fidelibus videntur concessa, videlicet ob Ecclesiam restau-

randam

randam, Clericos alendos, & pauperes sustentandos. Nisi aliqua dispositio specialis aliter ordinaret; prout multis in locis videmus Ecclesias habere prouentus distinctos pro fabrica. Sed & Episcopus tertiam partem sibi obtingentem impendere debet; & parochiani in subsidium ob inopiam Rectoris, pro posse suo contribuere (ex quo ibi percipiunt Diuina) tenentur, vt monet sancta Synodus Tridentina.

TITVLVS XIX.

De Vnionibus Ecclesiarum.

1. **V**nio nihil aliud est, quam duarum pluriumue Ecclesiarum facta connexio. Dicta ab vniendo, ex eo, quod plures Ecclesie in vnum coniunguntur. Vbi beneficium minus principale extinguitur, & denominatur principaliori, cui annectitur per legitimum superiorem, vt si Ecclesia secularis Canonicorum vniatur Ecclesie regulari Monachorum, iam assumit naturam, & qualitatem beneficii cui vnitur, & efficitur Ecclesia regularis eiusdem Ordinis.

2. *Fit autem tribus modis vnio.* Primo, quando ex duobus beneficiis vnum fit, vt supra diximus. Secundo, quando vnum beneficium, seu Ecclesia inferior subiicitur superiori. Tertio, quando duae Ecclesie, vel duo beneficia aequè principalia vniuntur sub vna persona, seu Rectore, habentes proprios redditus suos, & honorem, & priuilegia in integro. Tunc talis vnio, aut perpetua est, aut temporalis. *Perpetua est*, dum sine praefinitione temporis perdurat. *Temporalis* vero, cum ad certum tempus tantum, aut alicuius vitam instituitur. Et si administrator horum beneficiorum, poterit residere, vbi maluerit; vel vbi commodius, atque vtilius illi videbitur.

3. Vnio ad tempus fit tribus modis. *Primo*, ad tempus designatum, vt ad triennium. *Secundo*, ad vitam alicuius

A a

ter-

tertiæ personæ. *Tertio*, ad beneplacitum Prælati viuentis. Vnio verò perpetua fit duobus modis. *Primo*; nominatim in perpetuum, & æuum. *Secundo*, ad beneplacitum Sedis Apostolicæ; nam tale beneficium facit concessionem perpetuam.

4 Velut ergo ex causa iusta, & rationabili, vna Ecclesia, vel Episcopatus in plures diuidi permittitur, sic etiam rebus suadentibus plures Ecclesiæ in vnam coniungi possunt, necessitatis, & vtilitatis animarum causa. Veluti cum duæ Ecclesiæ adeò sunt pauperes, vt impossibile sit earum prouentus ad victum duorum Sacerdotum sufficere. Vel si altera hostium immanitate desolata sit. Atque ita nominatim in scripturas publicas causis relatis, ne quid detrimenti diuinus cultus, & animarum cura patiatur, possunt plura beneficia, vel Ecclesiæ in vnum coniungi.

5 Sicut igitur vnire Episcopatus pertinet ad Pontificem Romanum, sic minores Ecclesias ad Episcopum, cui sub sunt. Vnde Abbas Monasterium Monastero subijcere, aut vnire, sine loci Ordinarij licentia non poterit, quamuis habuerit consensum, vel confirmationem Metropolitani, cum is in Diocesi sui Suffraganei absque ipsius assensu non debeat aliquid contra Constitutiones canonicas attentare.

6 Vtique adeo autem Episcopo in propria Diocesi facultas vniendi competit, vt si per eundem, consentiente capitulo, Ecclesia Ecclesiæ dignitati, vel præbendæ vniatur, aut religioso loco donetur, ex eo quod Rector ipsius ad hoc vocatus, vel si vacabat, defensor ei super hoc datus non extitit, nequaquam impugnari valeat. Nam cum nullum ei præiudicium inferatur, quin possit eam Ecclesiam dum viuit (vt antea solebat) regere & gubernare, nec quidem vocari eum oportet, cum unio fit, nedum consensum suum præstare teneretur. Nihil tamen sibi Capitulum Sede vacante vnire poterit; nihil Episcopus sibi, & Capitulo, sine consensu Papæ, nullamque unionem sine Capituli sui consensu facere potest; nec sine consensu inferioris, ad quæ eius Ecclesiæ conferendæ, quæ vnitur, ius spectat.

7 Nec solum Capitali vniuentis Episcopi, in vnione consensu exigitur, sed etiam illorum, qui ex vnione ladi possent. Vnde si aut collegiata, aut patronata, aut alius Suffraganei Ecclesia sit vnienda, Collegij, Patroni, & Suffraganei assensum interuenire oportebit. Alias vnio erit nulla, & inualida,

8 Secuta verò vnione canonica, statim is, cuius Ecclesie alia per vnione est applicata, eandem in vnitam nanciscitur potestatem, & ius, quod in ea olim habebat, cui ab initio prae fuit: statimq; vnicae Ecclesie eadem priuilegia cōperunt, quae principali Ecclesie competere comperiuntur. Duae tamen Ecclesie vnita per Sedem Apostolicam, per hoc non eximuntur à iurisdictione suorum Episcoporum, in quorum potestate antea fuerunt, sed singulis Episcopis Papa iura sua inuiolata seruare praesumitur, qui duas Ecclesias in diuersis Diocesisibus existentes vnit auctoritate sua. Statuit tamen sacrosancta Synodus Tridentina sub Iulio III. (ne ordo ecclesiasticus confundatur, & ne vna & eadem Ecclesia duarum quodammodo Diocesium fiat, non sine graui illorum incommodo, qui ei subditi fuerint) ne beneficia vnus Diocesis, etiam si Parrochiales Ecclesie, Vicariz perpetuae, aut simplicia beneficia, seu praestimonialia, aut praestimonialia portiones fuerint, etiam ratione augendi cultum Diuinum, aut numerum beneficiatorum, alia quacumque de causa, alterius Diocesis beneficio, aut Monasterio, seu Collegio, vel loco etiam pio perpetuo vniantur.

9 Dissoluitur autem vnio, si temporalis sit, temporis lapsu. Quod si sit perpetua, cessantibus eisdem causis, ex quibus facta fuerat, ab ijs itidem dissolui poterit, quorum consensu, & auctoritate olim fuerit instituta. Nihil enim est tam rationi consonum, quam vt is destruendi habeat potestatem, cui construendi facultas conceditur.

10 Illud tamen inter instituendam, & dissoluendam vnionem interest, quod licet etiam vacans Ecclesia alteri

possit vniri, si tamen Ecclesias per vniōem connexas vacare contigerit, vniō interim vacansum Ecclesiarum dissolui minime poterit.

TITVLVS XX.

De Immunitatibus Ecclesiarum.

Postquam de Ecclesiarum substantia pertractauimus, consequens est, vt de pertinentibus ad eas, partim ex priuilegio, partim de iure cōmuni, breuiter agamus. Cum autem ipsas contingat in pluribus priuilegiari, & immunes reddi, meritō igitur videndum erit de ipsa immunitate prius, quid sit, vnde dicatur, quōdplex sit, & qualiter differat à libertate Ecclesiastica.

1 *Immunitas itaque est*, indulta à muneribus, & oneribus exemptio. Diciturque immunitas quasi emunitas, id est, extra munia & munera. Vt enim Clerici ab omni grauiamine, & tributo immunes, vni Deo omnem operam suam colendo nauare possint, aduertunt Canonice leges, ne vlla eis onera per laicos imponi patiantur, sed plena personarum, & rerum suarū immunitatē perfrui debeant. Ideo ex Concilio Lateranen. sancitum est, ne seculares potestates vllum onus, vel tributum Clericis, aut Ecclesijs imponant; quod si non seruarint, & moniti non destiterint, ipsos, eorumque fautores à Christianorum communitate idem Concilium eos exterminat; nec prius restitui eos permittit, quàm Clericis eomodo læsis integrè satisfecerint.

3 Hinc triplex Ecclesiarum immunitas statuitur, Localis, Personalis & Realis. *Localis immunitas est*, quæ sacris ipsius domibus, aut aliquibus sacrarum ædium intuitu conceditur. Cum enim Ecclesia secundum Euangelicam veritatem domus esse debeat orationis, meritō à profanis visibus esse conuenit alienam.

4 Sæculares igitur iudices, causas, præcipuè vbi de san-

sanguinis agitur effusione, & de poena corporali tractatur, in Ecclesijs, vel earū cēmeterijs, atq; domibus Ecclesiasticis agere, sub anathematis interminatione prohibentur. Absurdum est enim ibi iudicium sanguinis exerceri, aut hospitium sibi in eis quærere, ubi est tutela constituta refugij. Sic etiam cōclamationes, seditiones, impetus, & tumultus, publica parlamenta, seu comitia, & conuenticula, communitatum, nundinationes, negociationes, confabulationes, consilia, litigantium concordiae, & colloquia, ab his penitus amoueri debent.

5 Similiter conuiuia, hospitia, deambulationes, dormitationes, nec in Templis ipsis, nec in Oratorijs, seu Capellis permitti debent: ne ubi peccatorum est venia postulanda, ibi peccandi detur occasio. Idem statuitur & de Ecclesia nondum consecrata, in qua Diuina iam mysteria celebrantur: quia cum obsequijs diuinis sit dedicata, nullius temerarijs ausibus est profananda.

6 Tandem ne violentia aliqua committatur, & extrahantur delinquentes, qui ad ipsam Ecclesiam confugiunt. Quicumque autem inde hominem reluctantem, reclamantemque violenter abstraxerit, tam alijs pēnis profacrilegio quod admisit, quàm Ecclesiasticæ subiacebit excommunicationi. Si quis tamen delicti impunitatem ita se cōsecuturum sperans, homicidium, vel membri mutilationem in Ecclesia ipsa, vel eius cēmeterio patrare ausus fuerit, quæ, nisi ab Ecclesia in quam confugit, defensum se iri sperasset, non fuerat commissurus, tam impio homini Ecclesia nulli adiumento, vel præsidio esse debet. Frustra enim legis auxilium implorat, qui eam violat.

7 Item liber homo ad Ecclesiam confugiens, non est ab atrijs etiam ipsius ad mortem, aliamque pēnam corpoream trahendus, quodcumque crimen patrarit: nec à domo Episcopi, nec ab Ecclesiæ circuitu intra triginta passus ab ostio (quid de cōmeterio?) quod spacium Ecclesiæ reuerentia defendi sacri Canones voluerunt: Nisi impetrata vita per Ecclesiarum Rectores, & membrorum incolumitate.

rate. Sed alijs poenis de eo quod iniquè egerint puniendi erunt.

8 Hoc autem de publicis latronibus, vel nocturnis agrorum popularioribus, viarumque obfessoribus intelligi non oportet. Hi enim secundum Canonicas sanctiones ab Ecclesijs extrahi possunt, immunitatis securitate non præstita. Quod si seruus sit, qui ad Ecclesiam confugerit, postquam de impunitate Dominus Clericis iuramentum præstiterit, ad seruitium Domini sui redire compelletur. Alioqui, si redire nolit, à Domino occupari poterit. Famuli enim, qui Dominos metuunt, si ad Ecclesiæ septa confugerint, intercessionem debent querere, non latebras: nec quenquam Religionis reuerentia proprio iure fraudari conuenit.

9 *Personalis immunitas est*, quæ personis ecclesiasticis indulgetur, vt non solum à secularibus Iudicibus sint exemptæ, sed ab omnibus prorsus muneribus, quæ vel corporis labore, vel animi sollicitudine, ac vigilantia sustinentur. Generaliter igitur Episcopi, Presbyteri, Diaconi, Subdiaconi, Monachi, immunitate omnis tutelæ, & curæ, ipso iure gaudebunt.

10 Viduarum autem, & Orphanorum curam suscipere, non solum non prohibentur Clerici, sed etiam iubentur, cum ipsis cupiditatis negotia, non pietatis interdicanter. Ad murorum quoque, aut vallorum custodiam, si magna imminet necessitas, Clerici tenentur, vt cunctis vigilantibus, melius valeat ab hoste Ciuitas custodiri.

11 *Realis immunitas est*, per quam res Ecclesiasticæ à censu, gabellis, portorijs, & collectis potestatum secularium liberæ redduntur. Siquidem tam profanis legibus, quam sacris Canonibus, sub excommunicationis, & interdicti poena constitutum est, ne quis eorum qui iurisdictionem temporalem obtinent, possit tributa, collectas, seu quascunque exactiones, sub quouis titulo, & colore imponere Ecclesijs, vel personis ecclesiasticis, pro domibus,
præ-

prædijs, vel quibuscumque possessionibus legitimè acquisitis; etiam si ipsæ Ecclesiæ, vel personæ, vel res sint intra illorum territorium constitutæ.

12 Ob magnam tamen necessitatem Reipub. vel utilitatem, laicorum non suppetentibus facultatibus, possunt Clericum Episcopo suo subuenire facultatibus suis, consulto prius Romano Pontifice. Quod si Clerici absque autoritate Sedis Apostolicæ, cuiusvis nominis vel generis tributum laicis soluerint aut promiserint, sententiam excommunicationis incurrant.

13 Et hinc patet differentia inter Immunitatem & libertatem Ecclesiasticam, quia *Libertas est* exemptio personæ Ecclesiasticæ ab omni potestate sæculari, & oneribus Reipub. ut secundum liberum arbitrium suum, utatur ijs quæ possidet bonis Ecclesiasticis. *Immunitas* Verò versatur circa exemptionem locorum sacrorum. Vnde si quis iniuriam loco sacro facit, non est reus violatæ libertatis, sed tantum immunitatis; nec incidit in censuras, contra violantes Ecclesiasticam libertatem promulgatas. Sicut è contra, cum quis iniuriatur personam Ecclesiasticam euntem Romam, vel à Pontifice missam in legatione ad aliquem Principem, iam non immunitatem, sed libertatem Ecclesiasticam violat.

14 Quemadmodum igitur sacrosanctis Ecclesijs sæcularium potestatum intuitu, omnimoda debetur immunitas, tam locorum ratione, quàm personarum & rerum: sic eisdem rationibus ab illis, & vniuerso Diœcesis Clero, proprio Episcopo omnimoda subiectio debetur, tam respectu munerum Ordinis illius, quàm respectu iurisdictionis, & dignitatis Episcopalis, seu legis Diœcesanæ. Quæ de re diuersis titulis, quantum necessarium esse duximus, tractatum est à nobis.

De Capellis Monachorum.

1 **C**VM omnes Ecclesiæ positiæ in Diœcesi de iure subsint Episcopo (nisi aliquæ ex speciali priuilegio sint exemptæ) necesse est, vt & Monachorum Capellæ, in quibus populi curam habent, eidem subijciantur. Cumque per Monachum plebs regi non debeat, Capellanus ad consilium Monachorum (quod tenetur quidem requirere, sed non sequi) ab Episcopo sit instituendus, ita vt consuetudine, aut quouis statuto contrario non obstante, ex solius Episcopi arbitrio, tam ordinatio eius, quàm depositio, & vitæ pendeat conuersatio.

2 Vnde, per Bullam Innocentij X. anno 1648. editam, etiam Societatis Iesu Regulares, in vna Diœcesi ab Episcopo approbati, ad confessiones personarum sæcularium audiendas, nequaquam possunt in alia Diœcesi administrare Sacramentum Pœnitentiæ secularibus, absque licentia Episcopi Diœcesani. Qui verò eiusmodi confessiones sæcularium præsumerent excipere, aut prædicare, etiam in Ecclesijs sui Ordinis, non petita illius benedictione, possunt in vim Constitutionis sælicis recordationis Gregorij XV. per Episcopum coerceri, & puniri. Maximè si aliquis prædictorum Religiosorum insurgat contra Episcopum maledictis cum scripto, vel dicto populum scandalizando.

3 Quamuis enim punitionem seu cognitionem delictorum Regularium exemptorum, non ad Episcopum, sed ad eorum superiorem spectare sciamus; dicimus attamen cum Concilio Tridentino, Episcopum posse declarare excommunicatos à iure, vel Apostolicis Constitutionibus Regulares exemptos, qui habent priuilegium, vt excommunicari, suspendi, & interdici non possint. Præsertim si Regulares à suo superiori infra tempus ab Episcopo præfixum, non fuerit seuerè punitus, & de punitione illius

illius ipse Episcopus certificatus. Tum ad præscriptum Concil. Trid. cap. 14. sess. 25. procedendum erit. Et si deslinquens ad aliam Dioccesim migrauerit, seruandus erit modus, in Constitut. sanctæ memoriæ Clementis VIII. incipien. *Suscepti muneris ratio*, præfinitus.

4 Nec id mirum videri debet, cum Monasteria ipsa, & Collegia omnia Religiosorum, ad eum iure communi pertineant Episcopum, in cuius sunt territorio constituta. Hinc factum est, vt cum in Indijs Occidentalibus Clerici Regulares Societatis Iesu, vi priuilegiorum Societati suæ Apostolica autoritate concessorum, proprio iure licere, sibi laicorum confessiones extipere, & Verbum Dei prædicare, absque vlla licentia Episcopi Diocesani, & examine prætenderent, (propter quod diuersis in prouincijs ad plures actus iudiciales deueniebat) Innocentius X. feliciter præsidens Cathedræ Petri, negotio hoc particulari Congregationi Eminentiss. Cardinalium, & Prælatorum Curæ commisso, & accurate discussio, per Bullam Anno 1648. die 14. Maij editam; declarauit, & determinauit: *Regulares Societatis Iesu, nequaquam posse in ciuitate, & Diocesi Angelopolitana, cuius Episcopum contumuebant, personarum secularium confessiones audire, sine approbatione prædicti Episcopi Diocesani, nec Verbum Dei prædicare in Ecclesijs sui Ordinis, non petita ipsius benedictione. Nec in alijs Ecclesijs sine eius licentia; nec in Ecclesijs etiam sui Ordinis, ipso contradicente. Ea contranuenientes ab Episcopo tanquam Sedis Apostolicæ Delegato coerceri, & puniri posse, etiam censuris ecclesiasticis in vim Constitutionis sancti. mem. Greg. XV. que incipit. Inscrutabilis Dei prouidentia. Nec ob eam causam licere dictis Religiosis Societatis Iesu, quasi à manifestis iniurijs, & violentijs, eligere sibi Conseruatores, eosque vt præfertur electos in Episcopum, eiusque Vicarium Generalem indebitè ac nulliter excommunicationes fulminare.*

5 Constitutio autem felici. recor. Greg. XV. circa Conseruatores Regularium publicata Anno 1621. cum declarationibus Eminentissimorum Sacræ Congregationis Cõ-

cilij Trid. Interpretum editis , & que afficere Religiosos Societatis Iesu debet , atque aliorum Ordinum Monachos, ex vi eiusdem Bullæ Innocentij X. & Urbani VIII. antecessoris sui publicatę 1634.

6 Si vero exemptus Regularis commoretur extra claustrum de licentia sui Superioris , & delinquat , debet puniri ab Ordinario , quamuis maneat in domo destinata ad erectionem Monasterij , si in dicta domo non est obseruantia regularis , & Superior . Alias debet remitti suo Superiori , cum præfixione termini ad puniendum . Priuilegia verò quę sunt contra Iurisdictionem Ordinarij , & quibus gaudent , & gaudere prætendunt Regulares , tam Societatis Iesu , quàm alij , iuxta eandem Bullam Innocentij X. debent Episcopis exhibere , si eis vti voluerint.

7 Regulares exercentes curam animarum personarum secularium extra eorum septa , quę sunt de eorum familia , subduntur Ordinarijs , & ab illis compelli possunt censuris vigore Concil. Trid. vt eant ad processiones publicas , non obstantibus priuilegijs . Pro quo facit etiam Bulla Pij Quarti , per quam abrogantur omnia priuilegia contraria Concilio Tridentino .

8. Regulares Societatis Iesu , grauati ære alieno , vel ad ratiocinia , vel testamentorum executores , coram Ordinario loci possunt conueniri , si ad præscriptum Constitutionis sanctę mem. Greg. XV. Conseruatores non elegerint , ipsiunque electionis documentum intra præfixitum tempus , in Actis Curię ipsius Ordinarij non exhibuerint , ac dimiserint . Omnesque alij exempti degentes extra claustra , ciuilibus causis mercedum , & miserabilium personarum conueniuntur coram Ordinario , etiam si in parribus habeant iudicem deputatum à Sede Apostolica . In alijs verò si ipsum iudicem non habuerint , coram Ordinario conueniri possunt , & compelli ad soluendum .

9 Episcopus de ordinatione Sacros. Concil. Trid. debet punire Regulares discedentes à suis Conuentibus sine licentia suorum Superiorum , etiam prætextu ad Superiores

res accedendi . Item qui inueniuntur in domibus meretricum ; vel alias notoriè delinquant cum populi scandalo , carcerandi sunt per cursores Curiae , & non remittendi ad suos superiores , antequam capiatur informatio delicti : & postea remitti debent ad suos superiores cum copia Actorum , præfixo termino superioribus ad docendum de punitione , infra viginti dies , sub poena priuationis dignitatum , & officiorum eo ipso incurrenda (iuxta Bullam Clementis VIII.) & inhabilitatis ad illa , & priuationis vocis actiue , & passiuæ , à qua nemo possit absoluerè , nisi Papa ; Debet autem Episcopus talem religiosum in crimine notorio captum , quamcitus potest remittere suo superiori cum informatione : & nisi velit remittere petentem , & vexaret eum carceribus , non euitaret excommunicationem ipse .

10 Monachi , qui ab exempto Monasterio ad Prioratus Ordinarijs subiectos transferuntur , quamdiu ibi morantur Ordinarijs subiacent , vt ab eis etiam interdici , suspendi , vel excommunicari possint , quamuis priuilegium hoc Monachi prioris Monasterij haberent , ne à quocumque interdici , suspendi , vel excommunicari possint , idque priuilegium in eo monasterio exempto seruandum esset in his , quæ in ipso priuilegij diplomate expressa sunt , vt hæc omnia Innocent. IV. in Generali Concil. Lugdunensi definiuit . Et Paulus III. in Synodo Trident. innouauit .

TITVLVS XXII.

De Religiosis Domibus .

Post descriptionem Ecclesiarum , sequitur agendum de Religiosis domibus : & quia omnes Ecclesiae , & Oratoria seu Capellæ , quæ in Diocesi reperiuntur , & omnis earum Clerus , subiacent Episcopo , ita domus religiosæ , quæ vniuntur Ecclesijs eidem subiacere tenentur , vt sunt Xenochia , ubi peregrini excipiuntur , Or-

phanotrophia, ubi parentibus priuati instruuntur. Bethotrophia, ubi pauperum hominum filij legitimi aluntur. Nosocomia, ubi aegroti curantur. Gerontocomia, ubi senes fouentur; aliaque similia loca.

2^a Quinimmò, si talium locorum Rectores exempti sint, si tamen illorum cura postposita, bona, & iura ipsorum, ab usurpatorum manibus vindicare negligant, aut quoquomodo res illorum collabi sinant, poterunt Ordinarij auctoritate Apostolica sibi ex Viennensi Concilio prestita, loca ipsa salubriter reformare; & occupata, alienata, desperdita; vt in statum pristinum redigantur procurare. Contradictoresque quoscumque per censuram ecclesiasticam, & alijs iuris remedijs compescere, licet multum per hoc exemptionibus seu priuilegijs, quoad alia præiudicium generari debeat.

3^a Cum igitur Hospitale dicatur, venerabilis & pius locus sicut Ecclesia, & subsit Episcopo, ad eiusque sollicitudinem pertineat, consequens est, vt gaudeat priuilegio sicut & Ecclesia; maximè quoad præscriptionem, exemptionem à tributis, & iurisdictionē sacularem, (dummodo sit fundatum auctoritate Episcopi,) & alienationem bonorum; quia eadem solemnitas requiritur in alienatione rerum Hospitalis sic fundati, quæ requiritur in alienatione rerum Ecclesiæ.

4^a Hospitalia verò à Regibus fundata, & in eorum immediata protectione constituta, non subiacent visitationi Ordinarij, sed subiacent illius iudicio; & inspectioni: licitumque ei exigere rationem administrationis, donec coram eodem Ordinario doctum fuerit de institutione, in qua secus expresse cautum sit. Alia verò laicorum, & priuatorum nobilium loca pia, vel Hospitalia ab illis fundata, sine vlla distinctione subiacent iurisdictioni, & visitationi Episcopi; præsertim cum fundator fuerit mortuus, (secus illo viuente) quia tunc temporis Episcopus est executor omnium plarum dispositionum. Præterea cum sit ordinata in honorem Dei, ob charitatem quæ in

eis exercetur, prout non poterant constitui sine auctoritate Episcopi, ita non possunt ad alium finem applicari sine scitu illius, sic etiam non possunt à Rectoribus laicis gubernari, ut non subiaceant iurisdictioni ipsius, ut vult Sacrosancta Synodus Tridentina.

5 Res deputatæ ad certum usum pium, sacrum, aut religiosum, non possunt transferri ad alium usum eiusdem qualitatis, & naturæ, sine licentia Sedis Apostolicæ, & multo magis ad usum profanum; Episcopi verò in hac materia sunt tanquam Sedis Apostolicæ delegati.

6 Xenodochia, & loca similia, quamvis habeant Ecclesiam, & campanile, ibique perpetuò Missæ celebrentur non possunt in beneficium conferri, etiamsi consuetudine id fuerit alias observatum, quia, appellatione beneficii Hospitale non comprehenditur. Nisi in illorum fundatione aliter constitutum fuerit; siue per electionem sit de Rectore huiusmodi locis providendum. Sed quod eorum gubernatio viris pròvidis, ac boni testimonij committatur, quos bona prædicta in alios usus convertere, præscriptio verisimilis non existat.

7 Ut autem hi demandatæ sibi curæ diligentius insistant, instar tutorum, & curatorum, debent iuramentum præstare, ac de bonis inventaria conficere, & Ordinarijs, seu alijs, quibus loca huiusmodi subsunt, vel deputandis ab eis, singulis annis de administratione sua rationem reddere: qui enim bona aliena administrat, tenetur semper reddere rationem, maxime sæculares, si suspecti essent propter uxorem, & filios. Quod si secus à quoquam fuerit attentatum, provisio seu ordinatio minimè valebit.

8 Prædicta verò, ad Hospitalia militarium Ordinum, vel aliorum Religiosorum minimè extenduntur. Hi enim suorum Ordinum institutiones, & consuetudines observare cogendi erunt.

9 Sed et si qua sint Hospitalia, altaria, & cœmeterium ab antiquo habentia, & presbyteros celebrantes, & Sacramenta Ecclesiastica pauperibus ministrantes, quoad

exercenda, & ministranda spiritualia prædicta, antiquam consuetudinem Viennense Concilium obseruari voluit.

16 Prædia verò rustica, à Regularibus Societatis Iesu, vel alijs possessa, & aliæ domus sæculares, in quibus videlicet vnus, vel duo Regulares tantùm commorantur, iuxta Bullam Innocentij X. non gaudent priuilegio Collegiorum, vel Conuentuum, nec in illis possunt (intra limites Parochialium ad se non spectantium) administrare Sacramenta baptismatis, solemnisi matrimonij, extremæ vñctionis, & Eucharistiæ in festo Paschatis, famulis, mercenarijs; rusticis, siue alijs id genus hominibus secularibus, absque Ordinarij, vel Parochi licentia.

T I T V L V S X X I I I.

De Sepulturis Christianorum.

1 **Q**uia sepulturæ Christianorum fiunt in locis religiosa, & faciunt etiam locum religiosum, ideo ius Ciuile mandauit, vt homines pietatē retinerent erga morientes, & veluti res sacræ custodirentur sepulchra, vocans loca prædicta religiosa. Vnde Prætoris Edicto datur actio in factum aduersus violentes sepulchra dolo malo: & puniuntur honestiores quidem centum aureis, si ea aperuerint; si verò corpora inde extraxerint, deportatione in insulam: humiliores verò summo supplicio.

2 Constituuntur autem sepulturæ fidelium in Ecclesijs, & locis religiosis, ne à spiritibus ibi vexentur immundis, & Sanctorum illorum commendentur patrocinio, quorum nomini Ecclesia illa, in qua corpora conuiescunt, est consecrata. Accedit, quod defunctorum proximi, ad sacra loca venientes, sepulturamque conspicientes, suorum recordantur, & pro eis pias preces fundunt: sequē aliquando morituros, & ibidem sepeliendos recordantur, & à vitijis comprimunt. Vnde mortuorum sepulturæ, & cœmete-

ria

ria apud illas Ecclesias, & Monasteria, ex antiquo disposita esse comperiuntur, in quibus Religiosorum conuentus sunt constituti, vbi orationes, & Missarum solemnias, tam pro viuīs, quàm pro defunctis frequentius celebrantur.

3. Ius iraque sepeliendi, & funerandi est annexum spiritualitati, & per consequens per Iudicem ecclesiasticum cognosci debet quoad consecrationem, & apparatus Ecclesiæ. Secus verò quoad expensas vestium lugubrium, quæ non respiciunt animam defuncti, sed consolationem viuientium, nam ista possunt à laicis regulari.

4. Vnusquisque habet liberam facultatem sepulturam eligendi. Et si quis non eligat, in parochiali ecclesia, aut maiorum sepulchris est sepeliendus. Et vxor non tenetur sequi sepulturam viri, si velit aliam eligere; si verò non eligat, tenetur sequi sepulturam ultimi viri; si plures habuerit. Sic & filius familias, licet non possit aliquid relinquere pro anima sua, si careat castrensi, vel quasi castrensi peculio, tamen potest sibi eligere sepulturam. Nisi sit impubes, poterit pater sepelire illum vbi voluerit: si non est consuetudo in contrarium:

5. Qui semel sibi sepulturam elegit, potest etiam reuocare vsque ad mortem: hæc enim electio sapit naturam ultimæ voluntatis, vt sit ambulatoria vsque ad mortem. Sed Episcopus si non eligit sibi sepulturam, debet sepeliri in Ecclesia sua Cathedrali, expensis eiusdem Ecclesiæ, vel Episcopatus. Sic etiam Confratres alicuius Congregationis, non eligentes sibi sepulturam secundum illorum deuotionem, sepeliendi sunt in propria Parochia.

6. Ita etiam peregrini, seu aduenæ, si com modè non possint transportari ad sepulturam maiorum suorum, sepeliendi sunt in Parochia, in qua moriuntur. Regularis verò peregrinus sepeliatur in Monasterio viciniore Ordinis sui, quatenus fieri potest.

7. In proprio Monasterio Religiosi morientes, cum propriæ voluntatis libertatem non habeant, eligere sibi sepulturam nequeunt, sed apud propria Monasteria tumulan-

mulandi sunt. Nisi adeo fortè sint remoti, quod ad eam moriuntur, commodè exportari nequeant.

8 Si quem contingat ruri inopinato mori, talis si sine periculo possit exportari, vel in parochiali ecclesia (non in ecclesia ruri posita) vel in maiorum sepultura debet sepeliri. Si verò eligit sibi locum sepulture, satis est, ut probetur quoquo modo Iudici ecclesiastico, vel per testamētum, vel per dictum Confessoris, cui in hoc cecedendum est, vel per testes singulares. Vniuersitas tamen non potest eligere pro suis ciuibus sepulturam in odium parochialis ecclesiæ, in qua de iure ciues sepeliri debent.

9 Cautum autem est Bonifaciani Constitutione, ne, qui Religiosi, aut seculares Clerici, aliquos inducant ad vouendum, iurandum, vel alias promittendum, ut apud eorum Ecclesias sepulturam sibi eligant, vel iam electam ulterius non immutent. Nam eiusmodi pactis, & promissionibus reiectis, eius Ecclesiæ sepultura accipienda erit omnino, cui sepeliendi ius competeat, si alias non electa sepultura ille decessisset. Et Clerici, aut Religiosi, qui huiusmodi pactorum, vel promissionum vi, quem ad sepulturam acceperint, non solum cadauer sepultum petentibus, sed omnia eius occasione accepta intra decendium restitueretenebuntur. Quæ restitutione non facta, Ecclesiæ in quibus sepelierint, eorumque coemiteria ex tunc manebunt tamdiu ecclesiastico supposita interdicto, quamdiu ab eis facta fuerit omnium plena restitutio.

10 At si quis antiqua dimissa, nouam etiam in loco minus religioso elegerit sepulturam, electio huiusmodi non est impugnanda.

11 Decreuit autem Sacrosancta Synodus Tridentina, ut quibuscumque in locis iam ante annos quadraginta, quarta quæ funeralium dicitur, Cathedrali, aut Parochiali Ecclesiæ solita esset persolui, ac postea fuerit ex quoqueque priuilegio, aliis Monasterijs, Hospitalibus, aut quibuscumque locis pijs concessa, eadem post hac integro iure, & eadem portione, quæ antea solebat, Cathedrali,

feu

feu parochiali ecclesiæ perfoluatur, non obstantibus concessionibus, gratijs, priuilegijs, etiam *Mari magno* nuncupatis; aut alijs quibuscumque.

12 Sed vbi quis, cuius maiores sunt soliti ab antiquo in aliqua Ecclesia sepeliri, ea dimissa eligit alibi sepulturā; canonica portio dimissæ, non debetur Ecclesiæ, sed ei duntaxat, in qua is officia consuevit audire diuina, & ecclesiastica recipere Sacramenta. Si quis tamen duo habens domicilia, & æqualiter se collocans in vtroque, in loco tertio delegerit sepulturam, domiciliorum amborum Ecclesiæ inter se diuident canonicam portionem.

13 Non omittendum est, quod etiam Religiosi Ordinis Minorum, & Prædicatorum, possunt libere sepulturā in locis suis dare his, qui eam elegerint, dummodò funeralium omnium, & quarumcunque obventionum sibi relictarum, iuxta Concilij Tridentini sanctionem, quartam partem, ac omnium præterea, de quibus alioqui portio canonica detrahenda non erat, ecclesiæ parochiæ soluant.

14 Ad hæc quoque sciendum est, eos qui propriæ temeritatis audacia defunctorum corpora in cœmeterijs Interdicti tempore, in casibus non concessis à iure; vel excommunicatos publicè; aut nonnominatim interdictos; vel vsurarios manifestos scienter sepelire præsumunt, ipso facto excommunicationis sententiæ subiaccere, à qua nullatenus absoluedi sunt, nisi prius ad arbitrium Diocesani Episcopi, eis quibus fuerit ex præmissis iniuria irrogata, competenter satisfecerint: nullo priuilegio exemptionis, vel quouis alio sub quacumque forma verborum concessio suffragante.

15 Et quamuis sepulturæ aliquem dare, humanum, piūque sit, non concedere impium; existunt tamen aliquæ personæ, quibus pium videtur sepulchrum defunctis denegare, & concedere impium; quas pro parte hic enumerabimus, si tamen præmiserimus, nulli sepulchrum defuncto esse denegandum, cui Ecclesia viuenti communicare aspernata non sit: At Christianos omnes ex regula in

vniversum ad sepulchrū esse admittendos: quibus verò nō communicamus viuis, nec defunctis cōmunicare debemus.

16 *Deneganda est igitur sepultura Ecclesiastica*, Iudæis, Paganis, Hæreticis. Itemque excommunicatis, interdictis, vsuras exercentibus, & ijs qui sibi met ipsi mortem consciverunt, aut qui personis ecclesiasticis violentas manus iniecerunt. Insuper nec homicidæ, nec incendiarij, aut Ecclesiarum violatores, nec incestuosi, nec blasphemæ, nec ullus qui pro manifestis condemnatus est excessibus, ecclesiasticæ sepulturæ tradi poterit.

17 Et si contigerit aliquando horum corpora in cœmeterio ecclesiastico tumulari, si ab aliorum corporibus discerni poterunt, exhumari debent, & ab ecclesiastica sepultura procul iactari. Quod si discerni non poterunt, cum excommunicatorū ossibus corpora fidelū extumulanda non erunt. Cum, licet non obsit iustis sepultura iusta, vel vilis; celebris tamen, vel speciosa non prosit improbis.

18 Mulier prægnans si moriatur antequam puer in aliquo membro baptizari possit, non potest mater in Ecclesia sepeliri, nisi pater mortuus extrahatur ab eius utero, & extra locum sacrum sepeliatur. Et si aliter fiat, non debet corpus exhumari, sed Ecclesia rebenedicetur. In cœmeterio verò talem mulierem simul cum puero in eius ventre existente potest sepeliri.

19 Mortui in duellis, carent etiam ecclesiastica sepultura: quod intellige, si moriantur in ipso conflictu; nam, possunt deinde pœnitere. Inuentus verò suspensus, vel in puteo mortuus, non priuatur ecclesiastica sepultura, quia non constat qualiter id acciderit.

20 Qui decimas Ecclesiæ debitas à se iniuste possessas non restituant; & qui noua vectigalia sine Principis consensu imponunt; & qui propter sua manifesta scelera, & facinora interfecti sunt, sepulturam ecclesiasticam habere non possunt. Nec qui Pœnitentiæ Sacramentum quotannis, & sacram Eucharistiam in quolibet festo Paschatis, cum possent non susceperint.

21 Manifestus vsurarius sepultus in loco sacro debet exhumari; nisi de eo dederit cautionem successor, ad quæ bona deuenerunt, de restituendo vsuras. Sed nec furibus, aut latronibus, raptoribusue cõceditur ecclesiastica sepultura: nisi ante mortem signa poenitentiaë ostenderint. Is autem, quem casus improuisus opprimit, si nihil aliud obsistat, ecclesiastica sepultura non arcëbitur: nisi tamen per annum confessionem contempsisset.

22 Illud demum scire, & obseruare debent Clerici omnes, quod *sacris Canonibus sub anathemate interdictum est, tam secularibus, quàm religiosis, ne terram pro sepulchro vendere, aut pro hominibus sepeliendis quoquo modo munera exigere audeant*. Nihilque penitus de iure communi recipi potest pro exequijs, & sepultura. Cum enim sepultura sit res sacra, vtique recipere pretium ex re sacra simoniacum est. Nisi fortè sepelliendus Ecclesiæ, in qua sepeliri voluit, aliquid viuens tradi iusserit: aut post mortem ipsius parentes, proximi, vel hæres pro luminaribus, vel elemosyna, aliquid vltro dare voluerint: quo casu sponte oblatum licitè recipi poterit. Peti verò, vel aliquid exigi, est omninò veritum; ne aut venalis dicatur Ecclesiæ, aut Clerici hominum interitu gaudere videantur, si ex illorù cadaueribus studeant habere compendium. Nec obtentu cuiusquam consuetudinis, nisi pia, & laudabilis fuerit, reatum suum quis excusare poterit.

23 Similiter omnia Sacramenta purè administrari debent, absque omni spe lucri temporalis, quia si pactum aliquod præcederet mercedis, iam tale pactum esset simoniacum, & consequenter Sacerdotes cogendo fideles ad soluendum, ad restitutionem tenerentur. Itaque debent Prælati circa prædicta satis esse vigilantes, vt etiam euitetur scandala, quia communiter Clerici curam animarum habentes, segnes sunt in administrandis Sacramentis, perui-giles verò, & auari, imò & morosi, ac importuni, in exigendis oblationibus fidelium; sed maximè impij, & simoniaci, circa exactionem expensarum funeris.

LIBER QVARTVS

De Rebus Ecclesiasticis Temporalibus ,
& earum administratione .

TITVLVS I.

De Præbendis , & alijs Beneficijs .

1 **H**Aftenus de rebus Ecclesiasticis Spiritualibus, sacris, sanctis, religiosis, & Sacramentis ipsis, eorumque administratione disseruimus; nunc ad secundam partem propositæ diuisionis tranſeamus, id est, ad res Ecclesiasticas temporales, & earum administrationem, initium ſumentes à Titulo de Præbendis; quod nomen apud Doctores multipliciter ſumitur. *Primo, præbenda ſumitur* pro patrimonio, & redditibus ipsius beneficii; & tunc dicitur accessio titulo Canonici, & quædam annexio rei ſpirituali, titulum, & Canoniam ſequens. Et ſic in præbenda duo conſiderantur; videlicet ius ipſam præbendæ, & fructus ex illa proueniens. Nam eo ipſo, quod quis recipitur in Canonicum, debetur illi præbenda, tanquam prædium, & redditus canonicatus. *Secundo ſumitur præbenda*, pro ipſo titulo beneficii, qui titulus nō potest renunciari ſine auctoritate ſuperioris. Et in imputatione beneficii debet fieri mentio de tali præbenda, tanquam de vero titulo, & beneficio: prout etiam non potest permutari, niſi cum alia re ſpirituali. *Tertio accipitur*, pro certa portione de per ſe diſtincta, nihil ſpiritualitatis habente, veluti quodam prædio, & commoditate temporali, pro ſoluendis ſalarijs Aduocatorum, Procuratorum, Muſicorum, & ſimilium.

2 Dicitur autem Præbenda, à præbeo præbes, quia præbet redditus ad ſuſtentionem beneficiario; qui licet ſimul

simul plures habeat eiusmodi præbendas (nihil sibi spirituale adnexum habentes) cum aliqua dignitate , non dicitur incurrisse incompatibilitatem , quia possidet eas tanquam res temporales , beneficio superioris sibi collatas absque ulla obligatione . Et vocantur propriè eiusmodi prædia , seu præbendæ alicui Canonico ab Episcopo collatæ , *Gratiae* , quia gratis dantur propter illius sustentationem , nullo onere imposito , nullumque titulum sibi annexum habentes .

3 *Præbenda itaque nihil est aliud , quam Ecclesiasticum beneficium , vel certorum prouentuum in Ecclesia percipiendorum ius , ratione diuini officij , cui quis insistit .* Cū enim secundum legem diuinam , qui altari seruit , de altari debeat & viuere , dignum est , vt qui diuinis adscribuntur obsequijs , Ecclesiæ sustententur stipendijs : ne si eos presserit inopia , necessitate cogente à diuino famulatu recedant ad alia officia , vel negocia , vnde victum sperare possint ; vel mundo simul ac Deo operam suam equè locare teneantur . Quod quam difficile , aut verius impossibile sit , nemo tam obrusam habet ingenij aciem , cui sit incognitum .

4 Idcirco ex Ecclesiæ patrimonio singulis Clericis , pro eorum meritis , & dignitatibus , opes congruæ subministrantur ; non vt tanquam proprias sibi eas vendicent , sed quibus se honestè alere , Ecclesiarum vsui , vbi id opus esse viderint succurrere , & pauperum , egentiumque hominum necessitatibus , si copiæ suppetant , subuenire possint . Hæc autem bona Præbendæ appellantur . Sicut ergo miles seculi habet stipendium à Domino temporali : sic miles Dei habere debet ab Ecclesiâ , vnde honestè viuât , & officio suo inuigilet .

5 Et altera quidè Præbenda est annexa Canonicali , altera sine Canonicali confertur . Tantæq; hæc res Romanis Pontificibus , sacrisque Canonibus semper curæ fuit , vt qui ministerijs Ecclesiæ se deuouerunt , in eisq; assidui sunt , ne inopia , & egestate pressi iacerent , vel maximus
idiota

idiota cognoscere potest, ex tot Constitutionibus diuersis temporibus, à diuersis Pontificibus, & Concilijs editis. Qui hoc quoque in alia statuerunt, ne possit aliquem Episcopus ad sacros Ordines promouere, nisi cui de alimentis etiam prouiderit, vel Præbenda ei assignata, vel ex proprijs sui ipsius facultatibus alimenta suggerendo, quoad certum ei titulum contulerit. Nisi promotus in patrimonio locuplete esset, ex quo alimenta congrua habere posset. Quod onus etiam ipsius Episcopi conferentis successorem sequetur, nam & successor ei prouidere tenetur, qui à suo antecessore fuerit sine titulo promotus: quia sine substantia rerum non potest Ecclesiæ deserui.

6 Hinc etiam, qui ex potestate sibi generaliter tradita, Clericos ad sacros Ordines sine titulo euexit, eis etiam tenebitur prouidere: ac, qui certas personas mandauerit ad Ordines euehi, vel ipsis personis ius fecerit, ut ab alijs promoueri possint, eis pariter prouidere tenebitur, si ad sacros nullo titulo fuerint euecti.

7 Et Sacrosancta Synodus Tridentina constituit, ne quis deinceps Clericus secularis, quamuis alias sit idoneus, moribus, scientia, & ætate, ad sacros Ordines promoueat, nisi prius legitime constet, eum beneficium ecclesiasticum, quod sibi ad victum honestè sufficiat, pacifice possidere. Statuitque, ut id beneficium resignare non possit, nisi facta mentione, quod ad illius beneficii titulum sit promotus. Nec ea resignatio admittatur, nisi constitero, quod aliunde viuere commodè possit: & aliter facta resignatio nulla sit. Patrimonium verò, vel pensionem obtinentes ordinari post hac non possint, nisi illi, quos Episcopus iudicauerit assumendos, pro necessitate, vel commoditate ecclesiarum suarum; eo quoque prius perspecto, patrimonium illud, vel pensionem verè ab eis obtineri, taliaque esse, quæ eis ad vitam sustentandam satis sint. Atque illa deinceps sine licentia Episcopi alienari, aut extingui, vel remitti nullatenus possint; donec beneficium ecclesiasticum sufficiens sint adepti; vel aliunde habere.

habeant, vnde viuere possint.

8. Prohibetur etiam eadem ratione in Ecclesijs collegiatis plures Clericos institui, quàm quot se alere absque penuria de bonis ecclesiæ possint, solutis iuribus Episcopalis, nec tamen modesta quadã hospitalitate neglecta.

9. Eadem ratione fit, vt congruum non iudicetur, carere præbenda cum, qui ad Canonatum est receptus, quã primum se facultas obrulerit, & interim distributiones quotidianas percipiat: multaue alia ad hoc necessario instituta sunt, quæ aliunde sunt assumenda.

10. Conceduntur autem præbendæ, vel beneficia duobus modis, per collationem, & per institutionem. *Collatio est*, libera quædam præbendæ concessio. *Institutio est*, præbendalis iuris ad præsentationem Patroni facta translatio, quæ licet & ipsa collatio possit appellari, commodius tamen est in præsentis singulas causas, singulis appellationibus distinguere.

TITVLVS II.

De Collationibus Beneficiorum.

1. **C**ollatio, vt iam supra annotauimus, est concessio, seu donatio quædam præbendæ: vel prouisio beneficij ecclesiastici alicui Clerico, à Prælato libere facta, vt in ministerijs Ecclesiæ alicuius, vel dignitate constitutus, possit se honestè, & digne sustentare. Estque dicta Collatio, à conferendo, seu ferendo in alium; cum is qui habet potestatem, confert præbendam & beneficium in alium.

2. Horum autem beneficiorum, *Quedam sunt curata*, quæ nimirum habent populum, cui Sacramenta administrare tenentur. *Quedam verò simplicia*, quæ populo quidem carent, aliquod tamen onus habent adnexum; videlicet iurisdictionis supra Clerum, visitationis Ecclesiarum, celebrationis Missarum, cantandi in choro, & similia. Secun-

cundum itaque diuersitatem qualitatū huiusmodi beneficiorum, diuersi quoque modi in eorum collationibus sunt tenendi.

3 In collatione curatorum, seruandum est omnino decretum Sacrosanctæ Synodi Trident. vñ videlicet occurrente vacatione Parochialis, deputetur Vicarius, cui commendetur administratio Ecclesiæ, donec prouideatur de Rectore. Episcopus verò infra decem dies elingat aliquot personas, vel concursu proposito inuitet, qui se velint subdere examini Deputatorum in Synodo Diocesana. Demum verò vñum ex approbatis ab Examinatoribus, quem ipse iudicauerit magis idoneum, prouideat de vacante Ecclesia. Et quidem neminem prouidere debet de Parochiali sine præuio huiusmodi examine, vel concursu, alioquin prouisio esset omnino nulla ex Constitutione Pij Papæ V. Et ne quidem Doctores, vel Licentiatī in aliqua professione, institui debent ad Parochiales, sine præuio concursu, vel examine prædicto, vt declarauit Sacra Congreg. Concil. Trid. Idem quoque faciet, & in reſeruatis beneficijs Sedi Apostolicæ, & cuiusque alteri, si curata erunt, & vacabunt.

4 In curato verò Iurispatronatus Laicorum, concursus huiusmodi non requiritur, sed tantum debet examinari præſentatus super ſufficientia. Nisi plures fuerint præſentati. In Parochialibus item Regularibus conferri ſolit, concursus non requiritur, sed ſolū examen, vt ſacra Congregatio cenſuit.

5 Neque fit concursus, quando cura animarum ſpectat ad Collegium; vel annexa eſt alicui præbendæ. Tunc enim cura huiusmodi, non facit beneficium curatum illud cui annectitur, sed ſequitur naturam ipſius. Nec inducit aliquam incompatibilitatem, niſi eam habeat ex ſui natura principale.

6 In collatione verò ſimplicium, tam ad dignitates eccleſiaſticas, quàm ad inferiores Canonicatus, aut Præbendas ſimplices, requiritur primo ætas, quæ in diſpoſitione iuris

iuris communis remanet, & dicitur sufficere annorum quindecim. Deinde ut sit Clericus, ad minus primæ tonsuræ; laicus enim non est capax beneficii ecclesiastici. Denique, ut conferatur perpetuò, & non ad tempus; & sine conditione recompensæ, vel precij: sine pacto, & diminutione beneficii: & sine præiudicio tertij, ut nimirum secularia secularibus, & regularia regularibus conferantur.

7 Conferuntur autem Præbendæ, seu beneficia: Aut ab Ordinario: aut ex mandato Legati Sedis Apostolicæ: aut Pontificio rescripto.

8 Ordinarius collator is est, quem aut consuetudo approbavit; aut iuris designavit autoritas, ut Episcopus, & Capitulum.

9 Si Episcopus, & Capitulum habeant potestatem conferendi coniunctim, tunc non potest unus sine altero conferre; nisi in vno subsit impedimentum, vel mortis, vel suspensionis, vel maioris excommunicationis. Si verò ad Episcopum collatio spectet præbendarum, cum consilio sui Capituli, vel assensu; eo defuncto, vel suspensio, Capitulum se non potest intrinsecus; nisi Episcopus in petenda relaxatione suspensionis sit in mora.

10 Vbi verò collatio ad aliquem cum consilio Episcopi pertinet, si quid illi humanitus contigerit, non erit ob hoc vacantis beneficii collatio differenda. Idem iuris est Episcopo, adeò in remotis agente, ut breui non possit illius haberi præsentia; quia in petendi, vel expectandi mora, vacanti beneficio posset imminere periculum.

11 Eadem ratione, ubi ad solum Episcopum spectat collatio, si per sex menses conferre distulerit, ad Capitulum devolvitur. Ex contrario, si ad solum Capitulum pertinuerit, & infra præscriptum terminum hoc non fecerit, Episcopus cum Religiosorum virorum consilio exequetur. Quod si omnes fortè neglexerint, Metropolitani absque contradictione disponet.

12 Idè statuitur in Regularibus Prælati: si enim quævis beneficia ad illorum dispositionem spectantia, intra

D d

con-

constitutum tempus conferre negligent, locorum Dioecesanum in non exemptis propria, in exemptis verò Apostolica auctoritate eorundem negligentiam, iuxta præscriptum in Viennensi Concilio modum supplebunt.

13 Tempus verò deuolutionis (sex mensium) currit, solum non impeditis: & à die notitiæ, non à tempore vacationis erit computandum. Idque si in Ecclesia erat distinctio præbendarum, & certus Canonicoꝝ numerus. Ceterum, si neq; distinctæ Præbendæ, nec certus sit Canonicoꝝ numerus, Lateranen. Concilio, de beneficijs ultra sex menses vacantibus locus non erit. Idem etiam obtinet, si per Capitulum vacans dignitas legitimè fuerit sublata.

14 Licet autem ob negligentiam Episcopi conferendi potestas ad Capitulum deuoluatur, Sede tamen vacante, in collationibus præbendarum Episcopi vice non fungitur: cum eo casu nullius superioris possit argui negligentia.

15 Is quoque, qui nimium cessando, conferendi ius amiserit, si post ius collationis deuolutum, nihilominus viris idoneis de beneficio providere voluerit, quanquam ob temporis lapsum, collatio mero iure non teneat, ex dispositione tamen, & benignitate tolerari poterit.

16 Legatus quoque de Latere Summi Pontificis missus beneficiorum conferendorum ius, potestatemque habet, ut etiam supra nos docuisse meminimus. Alius verò Legatus, qui à latere Apostolico non sit profectus, nisi hoc ei specialiter sit indultum, beneficia non confert. Sed tamen nec Cathedrales, nec Regulares, aut Collegiatas Ecclesias: nec Ecclesiarum Cathedralium dignitates, ad quas per electionem promoti, primum post Episcopum obtinent locum, veluti Archidiaconatum, suæ dispensationi, aut provisioni reservare possunt. Nec plures beneficiorum reservationes eodem tempore, in eadem Cathedrali, vel Collegiata Ecclesia, vel ad eiusdem collationem pertinentium facient.

17 Reservationes Legatorum expirant, finita legatione, nec executores dati amplius ea conferre poterunt.

Immo

Immo taciturnitas ipsa habiti beneficii inualidat promissionem Legati non ordinati; licet id in aliorum Ordinariorum collationibus minimè requiratur. Et quamuis ante acceptionem beneficii quis nullum habeat in eo ius, tamen collator de eo, alteri, primo non consentiente, providere non potest.

18 Planè notificata collatione, ad consentiendum, termino competenti præstito, si primus non consenserit, eo lapsò, beneficium libere, cui viderint expedire, conferre poterunt, tam Ordinarius, quàm Legatus. Antequam tamen ipsum alij contulerint, non obstante lapsu termini, suum primus collationi poterit accomodare consensum.

19 In nonnullis tamen Ecclesijs consuetudo viget huiusmodi, ut antiquiores Canonici gradatim possint meliores, ubi vacant, præbendas optare. Quæ consuetudo ubi vigeat, usque adeò servanda est, ut quamvis summus Pontifex mandet alicui de præbenda proximo vacatura, nulli alij de iure debita provideri, possint nihilominus ipsi antiquiores Canonici, cum præbendam vacare contigerit, eam pro more optare. Quo casu ea, quæ optata non fuerit præbenda, si nulli sit debita, erit illi qui Pontificium, mandatum habet, conferenda. Sed ne eiusmodi consuetudinis prætextu, provisiones auctoritate Apostolica faciendæ, ulterius quam par sit differantur, debent executores super ipsis provisionibus à Pontifice Maximo deputati, per viginti solum dies expectare, visuri an hi, quibus hoc ius comperit, optare velint; quibus lapsis poterunt liberè in non optatis mandata Pontificia exequi. In præbendis verò apud Sedem Apostolicam vacantibus (cū de ipsis per Romanum Pontificem ordinatur) prædictæ constitutioni locus non fiet.

20 Quapropter per rescriptum Apostolicum mandatur fieri collatio, aut purè, aut adiecto die, aut sub conditione. *Furè*, ut cum mandatur simpliciter, ut alicui de beneficio, aut præbenda provideatur. *In diem facta*, ut cum præbenda confertur, quam quis intra mensem, aut

D d 2

alio

alio tempore à vacationis notitia duxerit acceptandam. Quo casu cum temporis appositio fauorem afferat impetranti, si decretum irritans fuerit appositum, collatio per Ordinarium alteri facta, intra præfixum tempus nullius obtinebit roboris firmitatem. Decreti enim appositio, reseruatio, executoris inhibitio, & lis mota, beneficium affectum reddunt. *Sub conditione* mandatur fieri collatio, ut cum alicui, si per executoris inquisitionem repertus fuerit vitæ laudabilis: vel si consensus accesserit Capituli; vel alia adiecta conditione, de beneficio prouideri committitur. Et eo casu etiam, appposito irritante decreto, non impletis adhuc conditionibus, vacans beneficium per Ordinarium, aut per executores, ad prouidendum de tali beneficio datum, liberè conferri poterit.

21 Sed multum interest, motu proprio, an ad alterius petitionem de beneficio prouideri mandetur. Si enim proprio motu, longe pinguius erit mandatum: nam etiam de beneficijs, quæ impetrans obtinet, nulla habita mentione, erit huiusmodi prouisio valida, qualiacumque fuerint beneficia, & in numero quocumque, quæ habebat impetrans, cum sibi prouisio facta fuerit. Quod si ad petitionem huiusmodi gratia facta sit, quantumcunque modicum beneficium scienter taceatur, veluti surreptitia, non valebit.

22 Collatio facta motu proprio, pluribus beneficijs in eadem Ecclesia, simul vacantibus, intelligitur facta de pinguiori. Si beneficia sint æqualia, ad eum spectet electio, cui gratia est concessa. Collatio verò facta ad petitionem alterius, ad minus beneficium restringitur: si sint æqualia, eligit collator. Motu autem proprio, tunc solum gratia fieri censetur, cum hoc expresse cautum fuerit.

23 Sed sine motu proprio, siue ad alterius petitionem, per rescriptum Apostolicum fiat prouisio, ceteris longè præstat. Nam cum ex Lateranensi Concilio, ministeria, & beneficia Ecclesiæ tribui, aut promitti non debeant, antequam vacent, Romanus Pontifex etiam in ipsius ius potest

test tribuere vacaturis . Est ergo inter Ordinarium , Legatum , ac Summum Pontificem , circa collationis potestatem , quasi per gradus ascensus quidam . Nam ad Episcopum omnium quidem basilicarum , quæ in eius territorio positæ sunt , collatio regulariter pertinet , vacaturâ tamen præbendam suæ dispositioni referuare non potest : & longè minus in eadem alicui ius tribuere . Legatus autem non modo vacantes intra suæ legationis terminos Ecclesias conferre , verùm etiam vacaturas , iuxta ea quæ supra diximus referuare poterit ; licet eidem in vacaturis alicui ius tribuendi nulla sit facultas . At Apostolicus , & ubique vacantes donare , & vacantes suæ prouisioni referuare , & in vacaturis ius tribuere potest , cum in ipso plenitudo resideat potestatis .

24 Quo tamen casu Summus Pontifex de vacatura , præbenda , alicui prouideri mandat , si is , in cuius gratiam mandatum obtentum est , præbendam quando vacat negligenter omittit , non poterit postmodum prætextu dicti mandati , nisi antea in Canonieatum fuerit receptus , aliam in ipsa Ecclesia petere . Poterit tamen , habens expectatiuam acceptare beneficium vacaturum primum ; & si rationabilis causa subsit , secundum , & vltius : certum tamen & expressum priusquam vacet , acceptare non poterit , ne ex benignitate gratiarum Sedis Apostolicæ captandæ alienæ mortis occasio tribuatur . Quod si de certo acceptatio secuta fuerit , nullam obtinebit roboris firmitatem , vt Bonifacianæ Constitutionis tenore latius continetur .

25 Inde etiam licet beneficiatæ personæ de alio beneficio , nisi primo illud quod obtinet omninò dimittat , prouideri non possit , (nisi aut Cardinales sint , aut Regû filij) per tale tamen resciprum , maximè circa literatas personas , super hac pluralitate dispensari poterit .

26 Item si à Sede Apostolica , aut à Legato , & ab Ordinario , eodem die , idem beneficium conferatur ; & quæ fuerit primo facta collatio non appareat , nemine possidente , is erit ceteris præferendus , cuius conferens amplio-

piore gaudet prerogativa.

27 Hac ratione & ij, qui in aliqua Ecclesia in Canonicos sunt recepti, debent in præbendarum asscutione ceteris, siue Legatorum, siue aliorum quorumcunque auctoritate antea fuerint admissi, anteferri.

28 Auctoritate autem Apostolica receptus, & is intelligitur, qui Legari, vel alterius mandato, cui specialiter in ea re auctoritas Apostolica concessa fuerit, recipitur. Sed etsi mandatum Legari ratum habeat Romanus Pontifex, atque id auctoritate sua muniat, ex eo receptus non Legari, sed Apostolica intelligitur auctoritate receptus: atque ided est in receptione præbendæ omnibus post eum receptis in Ecclesia dicta præferendus.

29 Aliud iuris est, si ijs, ad quos alias pertinet Canonicorum receptio, facultas concedatur ab Apostolico, vt aliquem recipiant in Canonicum eiusdem Ecclesiæ, ordinationibus fortè certum numerum Canonicorum præfigentibus non obstantibus: hoc enim casu non Apostolica, sed recipientium censetur auctoritate receptus: nisi quod cum auctoritate Apostolica recipiant, in literis caueatur expresse. Quod si ad eos alias talis receptio non pertinebat, Apostolica dicitur auctoritate receptus, Alias verò, si literæ impetratæ certi numeri Canonicorum, nullam fecerint mentionem, quod illarum occasione factum fuerit, nullam obtinebit firmitatem.

30 Illud etiam omittendum non est, non solere Apostolicum eundem collatorem pluribus onerare prouisionibus, nisi id velle se suis litteris expresse fuerit complexus. Et propterea Apostolici mandati fines diligenter sunt custodiendi: nec extendantur nisi ad casus expressos, etiam de consensu, & in præiudicium prouisi. Vnde cum iniungitur, vt alicui de præbenda certi valoris provideatur, in præbenda minoris valoris, etiam impetrante volante, mandatum impleri non poterit.

31 Idem obseruari oportet, si cui de beneficio, quod ad alicuius collationem spectat, prouideri mandatur; hoc enim

enim casu de eo quod ad eiusdem præsentationem, vel institutionem pertinet, provideri minime poterit; nec etiam è conuerso.

32 Eodem spectat, si quis ab Apostolica Sede mandatum suscipiat, ut ab aliqua beneficii resignatione recepta, idem beneficium alteri conferat. Si enim is qui resignaturus erat, rebus eximatur humanis, mandato locus non erit, cum non per resignationem vacauerit, sed per mortem.

33 Idem obtinet, si literæ Apostolicæ super conferendo beneficio proximè vacaturo fuerint impetratæ. Nam ad aliud quod post illarum impetrationem fuerit creatum, non extenditur mandatum.

34 Et si quis literas super obtinendis beneficijs usque ad certam summam impetrauerit, eidem non in pensione, sed in beneficijs Ecclesiasticis erit providendum: nisi de pensione in litteris mentio habeatur.

35 Eodem etiam spectat, quod si de conferendo alicui beneficio ad Episcopi collationem spectante reſcibatur, illud ei conferri non poterit, cuius collatio ex negligentia ipsius Episcopi ad eiusdem Capitulum deuoluta fuit: quàmquam ex contrario de eo, cuius ad Episcopum ex Capituli, vel alterius cuiuscumque siue ad Sedem Apostolicam ex ipsius Episcopi, vel aliorum in hoc eidem succedentium negligentia, collatio fuerit deuoluta, hoc casu provideri poterit.

36 Interdum tamen, licet mandatum generale sit, ex persona impetrantis recipit restrictionem. Ut si cui præbenda proximè vacatura simpliciter provideri mandatur: nã si talis nòdum in ea ætate existit, ut ad sacerdotium promoueri possit, sacerdotalis sibi præbenda conferri non poterit.

37 Ex loci quoque expressione rescripti sumitur declaratio: & ideo quanquam sub nomine Ecclesiarum ciuitatis, etiam Ecclesia Cathedralis comprehendatur; cum tamen alicui de beneficio mandatur in aliqua Ecclesiarum ciuitatis, vel Diocesis provideri, ad Cathedralem Ecclesiam mandatum huiusmodi non extenditur. Secus est, si in aliqua Ecclesiarum prouincia provideri mandatur: tunc enim,

enim , & Metropolitana , & cætera Cathedralis Ecclesiæ , tali mandato includuntur .

38 Ex ordine quoque scripturæ rescripti interpretatio sumitur : veluti , cum Ioanni de beneficio ad collationem suam , vel Petro pertinente , vt alicui prouideat mandatur . Nam si plura simul beneficia vacare contigerit , ad vtriusque collationem separatim spectantia , tunc ordo scripturæ seruandus est ; & de illo beneficio prouidendum erit , quod ad Ioannem noscitur pertinere .

39 Si verò de beneficio ad aliquorum collationem , vel præsentationem spectante , non adiecto communiter , vel diuifim , prouisio iniungitur faciēda in beneficio , quod ad collationem , vel præsentationem alterius tantum pertinet , adimpleri non poterit .

40 Item insertio causæ declarat rescriptum , sicut accidit , cum Clerico nullum beneficium obtinenti , ob paupertatem , per Episcopum de beneficio prouideri mandatur . Nam si ante quamei prouisum sit , beneficium fuerit affectus , cessante causa mandati , prouidere sibi Episcopus in posterum non tenetur .

51 Nam & is , cui conceditur , vt idoneo possit in sua , vel aliena Ecclesia prouidere beneficium , aliud obtinenti prouidere non potest : nisi vel primo ille beneficium quod obtinet omnino dimittat , vel in concessione huiusmodi sit expressum , quod etiam beneficiatæ valeat prouidere personæ , quo casu vnicum dumtaxat beneficium , atque illud non curatum obtinenti prouideri poterit . Sed si concessum fuerit , vt prouidere illi valeat , qui & alia beneficia noscitur obtinere , huiusmodi pluralitas debet solum ad duo beneficia non curata restringi .

42 Ex natura quoque , & beneficij qualitate Apostolicum rescriptum restrictionem recipit : nam si de quibuscumque beneficijs prouideri mandatum fuerit , de animarum cura mentione non habita , de ijs prouidendum non erit , quibus huiusmodi cura noscitur imminere .

43 Illi quoque , pro quibus scribitur , vt de personaribus ,

tibus, & dignitatibus ad collationem, prouisionem, præsentationem, vel dispositionem pertinentibus quorumcunque prouideatur, de ijs prouideri non poterit, ad quos per electionem præficiendi assumuntur.

44 Illud quoque omittendum non est, quod sicut nulla facta personarum expressione sit gratiose concessa facultas, ut auctoritate Apostolica, aliquibus personis idoneis, in certa Ecclesia prouidere possit, vel beneficia, quarum collatio est ad Sedem Apostolicam legitimè deuoluta, conferre: huiusmodi concessio, etiam re integra, per obitum concedentis non expirat. Secus si super prouisione certæ personæ faciendæ, eidem sit data potestas non ob suam, sed eius cui prouidetur gratiam, vel fauorem. Illa enim expirat omninò, si concedens re integra moriatur.

45 Sed & illud interest, utrum cui ab Apostolica Sede prouisio beneficii in certa Ecclesia, Diocesi, vel Prouincia, certæ personæ faciendæ committatur, an de certa Ecclesia, incertæ tamen personæ. Primo enim casu licet quis vices suas alteri committere poterit. Secundo verò cum in eligenda persona mandatarij electa videatur industria, prouisionem sibi commissam alteri demandare non poterit; nisi forma commissionis id habeat, ut per se, vel per alium hoc expedire valeat.

46 Postremo illud notandum est, tam Turonensi Concilio cautum esse, ne præbendæ aliquam sectionem pariantur, quàm ex Lateranensi, ne quis conferens beneficium ecclesiasticum partem prouentuum suis vsibus retinere audeat, cum sine vlla debeat diminutione conferri.

47 Sciendum autem est, quod sancta Synodus Tridentina sub Pio IV. decreuit, ne mandata de prouidendo & gratiæ, quæ expectatiuæ dicuntur, ulli amplius, etiam Collegijs, Vniuersitatibus; Senatibus, & alijs singularibus personis, etiam sub nomine indulti, aut ad certam summam, vel alio quouis colore, concedantur. Itemque decreuit, ut nec reservationes mentales, nec aliæ quæcumque gratiæ ad vacatura; nec indulta ad alias Ecclesias,

E c

vel

vel Monasteria alicui, etiam S. R. E. Cardinalibus concedantur, & concessa abrogata censeantur.

48. Si verò ipsum Pontificem Romanum mortuum esse contingat, atque ita Sedem Apostolicam vacare, tunc cum beneficia Curie Romanæ ociosa fiunt: aut si mortuus Pontifex sit, antequam beneficia eiusmodi conferret, quæ se viuentem in curia vacabant, eaque beneficia ex his sint, quibus animarum cura est annexa, Ordinarius ad cuius donationem alioqui pertinuissent, illa cōferre poterit.

49. Item, si Summus Pontifex in mensem distulerit beneficiorum in curia vacantium ad se pertinentem collationem, eas partes Ordinarius excipiet, conferendo per seipsum. Vel eo in remotis agente, per suum Vicarium generalem in Diocesi existentem, cui id canonicè sit mandatum, ut ex Gregorij X. Constitutione in Concilio Generali Lugdunensi edita apparet. Quæ tamen Gregorij Constitutio, ex Constitutione Bonifacij Octauj, tunc creditur abrogata, cum ille sanxit, ut dignitates, personatus, præbendæ, aliæque beneficia Ecclesiastica cum cura, vel sine cura, quæ apud Sedem Apostolicam vacatura sint, Sedj Apolicæ referrentur.

50. In omnibus siquidem beneficijs maxima, & in omnibus regulis, ac præceptis soluta est semper Romani Pontificis potestas, quæ nullo pacto minui vnquam potest, qui omni casu quæuis beneficia elargiri possit, & ius in ipsis tribuere vacaturis; manumque apponere, & sibi eorum conferendorum potestatem seruare.

51. Sed præcipuè illa beneficia proprio quodam iure ad ipsum ex prisca consuetudine magis spectare videntur, quæ apud Sedem Apostolicam vacauerint. Ea siquidem præter ipsum Summum Pontificem nemo cōferre potest, quacumque is sit autoritate munitus, seu iure ordinariæ potestatis, ad ipsum electio eorum, collatio, seu prouisio pertineat: seu literas super aliquorum prouisione generales, vel etiam speciales sub quacumque forma verborum acceperit. Nisi eis sit super eisdem conferendis in Curia

Curia Romana vacātibz specialis, & expressa ab ipso Pō-
 rifice Maximo, authoritas attributa. Adque etiam in bene-
 ficijs procedit, quæ Legatis, aut Nuntijs Sedis Apostolicæ
 obtinent. Et in beneficijs quorumcunque ad Romanam
 Curiam accedentium, vel ab ea recedentium, si in locis à
 curia non remotioribus, duorum dierum itinere eos mo-
 ri contigerit, non minus, quàm si in loco vbi eadē curia
 residet, morerentur. Item in omnibus curialibus, qui cu-
 riam sequentes, dum ea se transfert, in itinere moriun-
 tur, vel in loco, vnde curia discedit, quantumcunque lo-
 cus, vbi decedunt, ab ipsa curia sit remorus.

52 Si verò aliquis curialis, etiam Romana Ecclesia,
 vacante, peregrinationis, infirmitatis, aut recreationis,
 seu alia quavis causa, ad locum curiæ vicinum secedens,
 ibi decedat, modo ibi, (etiamsi erat ad curiam reuersus),
 domicilium, vel domum propriam non haberet, benefi-
 cium in curia vacare nihilominus dicetur.

53 Sed si quis permutationis causa, beneficium suum
 in manibus Summi Pontificis abdicarit, quæ permutatio
 effectum sortita non sit, non idē dicetur tale beneficium
 in curia vacasse, vbi is, qui renunciat extra curiam defun-
 ctus sit.

54 At Ioannes XXII. & Benedictus XII. plura perso-
 narum genera enumerarunt, quorum beneficia vacanti a
 decreuerunt esse ipsis Summis Pontificibus, vel Sedi Apo-
 stolicæ reservata. Ex quibus quidem personis sunt, Offi-
 ciales omnes Summi Pontificis, puta: Vicecancellarius,
 Notarij, Camerarius, Auditor contradictarum, Corre-
 ctor, Scriptor litterarum, Pœnitentiarij, Abbreviator,
 Capellani, Commensales, ac quicumque alij, qui ratio-
 ne officij, vel ex causa legitima in curia morantur; vbi à
 Summo Pontifice negocia ipsius, vel Sedis Apostolicæ cu-
 raturi, de curia emissi sunt, vel Nuntij, aut Legati aliquò-
 sunt destinati, vbijus locorum, ante suum ad Curiam re-
 ditum, legatione, aut negotiorum sibi creditorum cura-
 tione durante eos decedere contigerit.

55 Ea quoque beneficia seruata sunt, quæ aliquis eo tempore obtinebat, quo ad Patriarchalem, Archiepiscopalem, seu Episcopalem Ecclesiam, necnon, & ad Monasterij regimen assumptus est; & quæ propter aliorum beneficiorum affecutionem cum pacifica possessione vacarent. Quas reservationes ipsas in hunc vsque diem etiam facere consueuerunt, qui per tempora succedunt Summi Pontifices, idque suis Cancellariæ Regulis nominatim cauere, vt iam frustra hodie disceptetur, an memoratæ prædictorum Summorum Pontificum reservationes hodie sibi locum vendicent.

56 Multa quoque alia beneficia soliti sunt Summi Pontifices, eisdem Regulis Cancellariæ sibi reservare, veluti ea, quæ per eiusdem Ioannis XXII Constitutionem, incipientem *Extrahitis*, vacant. Et omnes Cathedrales Ecclesias, & superiores, ac certi generis personarum, cæterorumque titulorum, ac certis quibusdam casibus, & modis vacantia beneficia, vbicunque locorum illæ personæ existant, & vbicumque eorum possessores decedant: aliasque etiam reservationes, vel generaliter, vel specialiter, prout eis visum fuerit (Poloniæ Regno excepto) quotidie faciunt. Qui tamen beneficia seruandi mos priscis Pontificibus Romanis, vt Gregorio IX qui Decretalium Epistolarum quinque antiquiores libros compilauit, aliisque ipso Gregorio superioribus Pontificibus non fuit.

57 Has verò vbicumque faciunt reservationes, cum alijs eorundem beneficiorum, quæ sunt seruata, conferendorum potestatem adimant, & in contrarium acta irrita omnia decernant; illa, quæ sibi sic reseruauerint beneficia, adeò sunt affecta, vt eorum collatio per alium exinde quemcunque facta, nullius prorsus momenti habeatur. Quinimò, etsi ad electionem Cathedralis Ecclesiæ iam processum esset, prius quam per Summum Pontificem esset seruata, omnia post reservationem sequuta effectum carent; licet reservatio, inhibitio, & decretum, electionem, aliaque præcedentia non afficiant.

58 Sed, etsi non referuarit quidem Summus Pontifex beneficium, sed illi manum tamen apposuerit, puta, dum iubet his, qui eligendi ius habent, ne ad electionem alicuius procedant: vel dum beneficium vacans alicui commendat; vel certæ personæ præcipit, vt vacanti Ecclesiæ prouideat, vel cui beneficium adimit; his quidem, ac similibus modis, id beneficium, cum Summus Pontifex sic manum apposuerit, solius Summi Pontificis prouisionem expectabit, nec ullus præter ipsum eius conferendi potestatem habebit.

59 Frequenter autem Summus Pontifex potestatem suam in alienis Dioccesibus exercet, earum Ordinarijs ita manus deuinciendo, vt non possint in conferendis beneficijs i s suum liberè exercere; dum vel ipse beneficia in eorum ditione posita elargitur; vel ipsis iniungit, vt soli, vel cum alio, qui executoris partibus fungatur, beneficia aliquibus personis conferant: vel etiam soli executori mandat, vt in aliena Diocesi aliquibus prouideat. In quo sciendum, quod vbi est Ordinarius adiunctus executor, ex sola rescripti Apostolici Ordinario, vel Capitulo facta redditione, absque alia etiam executoris insinuatione, inhibitione, vel reservatione, beneficium id, de quo scriptum fuerit, adeò censetur affectum, vt nullius roboris habeatur ab Ordinario alij de eo facta largitio.

60 Sciendum autem est, cum ipsemet Summus Pontifex beneficia confert, longè maioris esse huiusmodi collationem, quam collationem ab alijs factam. Hinc si à Sede Apostolica, vel Legato ipsius, vni, & ab Ordinario alteri, eodem die beneficium conferatur, is cui ipsa Sedes Apostolica, vel eius Legatus contulerit, propter conferentis ampliorem prærogatiuam, erit alteri præferendus: nisi appareat, ab Ordinario prius factam esse collationem; vel nifi aliter possideat. Quandoque enim contingit, vt in beneficiorum erectione, seu fundatione, aut alijs constitutionibus, qualitates aliquæ requirantur, seu vt certa illis onera iniungantur, quibus conferendis, vel quacumque alia

alia dispositione derogari non debet, vt eadem sacrosancta Synodus Trid. sub Pio IV. constituit. Idemque in præbendis Theologalibus, Magistralibus, Doctoralibus, aut Presbyteralibus, Diaconalibus, & Subdiaconalibus, quandoque ita constitutæ fuerint, obseruandum decreuit, vt earum scilicet qualitatibus, vel ordinibus, nihil in illa prouisione detraharur, & aliter facta prouisio, subreptitia censetur.

61 Hoc quoque postremo non lateat, in causis quorumcunque beneficiorum procedi simpliciter, & de plano, sine strepitu, & figura iudicij, dum conferuntur à Summo Pontifice, vel eius Legato.

T I T V L V S I I I.

De Vacatione Beneficiorum.

1 **Q**uemadmodum Leges Pontificiæ curant, ne quis Clericus in egestate iaceat, ita etiam contra prospiciunt, ne quis beneficiorum ambitione, alterius morti inhiat: quapropter verrat Concil. Lateranense Ecclesiastica beneficia, vel ministeria alicui conferri, vel promitti, priusquam vacent; adeò quidem, vt omninò vacare ea oporteat, sic, vt ne quidem de facto sint ab aliquo occupata.

2 Et ne vilo vafro commento Lateranensis Cōcilij decretum deludi possit, quamuis olim Prælati rectè promitteret se prouisurum cum primùm potuissent, Bonifacio tamen Octauo irritas, inanesque decreuit quascunque promissiones, sub quauis verborum forma factas, quibus directè, vel obliquè aperiri possit via ad beneficia vacatura.

3 Qui verò in viui Sacerdotis præbendam suam non abiurantis locum sciens substitui se patitur, præbenda spoliatur, & ab ecclesiastica communione pellitur eo ipso, quod se passus est viuo Sacerdoti successorem dari.

4 Vacare autem beneficium potest, morte primò possiden.

fidensis; deinde renunciatione eius, qui illud erat assensurus: siue simplex sit renunciatio, siue permutationis causa facta. Sic autem differt vacatio contingens per mortem, ab ea, quæ ex resignationis causa fit, ut mandatum alicui factum de conferendo beneficio vacante per resignationem cesset, si ille, qui beneficium habebat, antequam resignet rebus eximatur humanis, nisi de mandatis intentione aliud expresse appareat. Ac, si duo super eodem beneficio litteras impetrent, priore eorum per obitum, altero per cessionem vacare beneficium asserentibus, posterior, si beneficium cessione vacauerit, erit priori præferendus.

5 Item vacat beneficium, si pœnæ causa ob delictum quis fuerit priuatus beneficio. Similiter, si quis ad Episcopatum electus fuerit, & confirmationem electionis acceperit, ecclesiasticorumque bonorum administrationem habuerit, decurso tempore consecrandis Episcopis à Canonibus sacris præfinito: Is ad quem spectat beneficia, quæ ille habebat disponere liberè poterit. Quia & generaliter, vbicumque secundum beneficium quis assequitur, quod vel curam habeat, vel dignitatem annexam, prius beneficium ipso iure vacat, cui vel dignitas, vel cura animarum inhærebat, ut etiam alio loco infra opportunius dicetur.

6 Episcopo quoque ad aliam Sedem propria auctoritate se transferente, eiusque possessionem adepto, prior eius sedes, ac etiam posterior, quam per superbiam concupiuit, vacua fiet.

7 Vacuum quoque fiet beneficium Parochum, differente eo, cui fuerat concessum, ultra annum Sacerdotalis Ordinis consociationem assequi.

8 Item vacat beneficium Clerici, qui matrimonium contraxit. Nec deerunt fortasse, & alii casus vacua beneficia facientes, qui studiosis lectoribus sacros Canones diligenter reuoluentibus facile occurrent.

9 Illud demum sciendum, debere Episcopum, aut alium, qui beneficia conferat, modum exprimere, per quæ
bene-

beneficium à se collatum vacet ; nec satis fore, si dixerit
vacantem se Ecclesiam conferre .

TITVLVS IV.

De prohibita Beneficiorum multiplicitate .

1 **Q**uia contra naturalem rationem est, vt quis curam specialem habeat gregis, quem oculis suis videre nequit, & quem pascere non potest; ideo curatorum beneficiorum pluralitas, cum alias semper, tum maximè Sacrosancto Concilio Tridentino prohibita est. Sed et simplicium beneficiorum possessio execrabilis est, quia habens plura beneficia, non facit plura sacra, nec plura recitat officia, sed vnum: & tamen præcipuè ob cultum diuinum sunt instituta beneficia, qui ne minuat, prohibita est pluralitas.

2 Deinde, ne destrueretur Ecclesia suis operarijs, cum vnus non possit pluribus in locis residere, nec plurimum ministerium obire. Nec enim rationabile est per seipsum suscipere redditus, & fructus beneficij, & postea velle seruire per substitutum, cum beneficiarij persona ad seruendum altari electa sit, non autem substituti.

3 Item prohibita est pluralitas beneficiorum, ad vitandum varia incommoda, præcipuè autem auaritiam, & ambitionem, qua Sacerdotes infecti, vel nimium offeruntur, amplis luxuriantes diuitijs, dum ipsis redundat, quod alijs deest: vel postpositis diuinis, soli lucro, & accumulandæ pecuniæ inhiant. Vndè facilè nascitur inæqualitas iustitiæ distributiue, dum vnus varijs abundat beneficijs, & alij longè digniores esuriunt; cum tamen singulis debeant Prælati prouidere, secundum merita cuiusque. Maximè autem ne fideles, præcipuè autem fundatores, sua frustrentur intentione, dum non fiunt illa ministeria, quorum intuitu plura fundata sunt beneficia.

4 Proinde, dupliciter beneficia sunt incompatibilia,
nem-

nempè simpliciter, & sub conditione. *Simpliciter incompatibilia sunt*, quæ inuicem se non compatiuntur, vt duæ dignitates, vel vna dignitas cum beneficio curato; vel alio etiam simplici, quod requirit residentiam. Et sic duo Episcopatus sunt ad inuicem incompatibiles; & Episcopatus cum beneficio alio curato, vel residentiam requirente. Duæque Parochiæ curam habentes, sunt adinuicem incompatibiles simpliciter, quia quælibet earum exposcit residentiam; & animarum curam. Item beneficium curatum est incompatibile cum dignitate, vel personatu, vel beneficio perpetuo, vel administratione perpetua; vel duæ dignitates, tam seculares, quàm regulares, vt duæ Abbatia, duæ Præposituræ, Decanatus, Archidiaconatus, & alia officia, ac administrationes perpetuæ. *Ex conditione beneficia incompatibilia sunt*, quæ sunt in eadem Ecclesia, & sub eodem recto, vt duo canonicatus, duæ dignitates, duæ capellanæ institutæ ad eundem effectum, & ad eadem munera; Secus si ad diuersa munera, & effectus.

5 Item, *Alia beneficia dicuntur Uniformia*, & sunt per se incompatibilia, vacantque ipso iure dum aliud assequitur, vt duo curata, duæ dignitates, duo officia. *Alia verò difformia*. quæ sunt diuersarum specierum, vt curatum, & simplex beneficium. Quæ singula dispensat Summus Pontifex ad libitum, Episcopus verò dispensat solum in duo beneficia, si primum non esset sufficiens; vel si sub eodem recto quis possidet duo difformia, vt Canonicatum, & Capellaniam, quæ non requirit residentiam.

6 Episcopo igitur hæc cura incumbit, ne patiatur suos Clericos plures Ecclesias eodem tempore habere: sed subditos suos, qui plures dignitates habent, vel Ecclesias quibus animarum cura imminet, compellet, vt infra tempus eius arbitrio moderandum, dispensationes suas, quibus id consecuti sunt demonstrent. Quibus non exhibitis, ea beneficia poterunt per ipsosmet Ordinarios alijs conferri, vt Gregorius X. in generali Concilio Lugdunensi sanxit. Quam Gregorij constitutionem Sancta Synodus Tridentina

tina innouando constituit, vt Ordinarij locorum, quoscumque plura curata, aut alias incompatibilia beneficia obtinentes, dispensationes suas exhibere districte compellant. Addiditque præterea, vt ipsi Ordinarij etiam per idoneorum Vicariorum deputationem, & congruæ portionis fructu assignationem omninò provideant, vt animarum cura nullatenus negligatur, & beneficia ipsa debitis obsequijs minimè defraudentur: appellationibus, priuilegijs, & exemptionibus quibuscumque etiam cum Iudicum specialium deputatione, & illorum inhibitionibus in præmissis nemini suffragantibus.

7 At si quis contra legem præcepta, eodem tempore plura beneficia tenere non dubitarit, hodie aliam, quam olim vindictâ sentiet. Vt enim Alexandri III. Ioan. XXII. Innocentij III. & Concilij Lateranen. constitutiones omitram, Synodus Tridentina, sub Paulo III. constituit, vt nemo quacumque etiam dignitate, gradu, aut præminencia præfulgens, plures Metropolitanas, seu Cathedrales Ecclesias in titulum, seu commendam, aut alio quouis nomine contra sacrorum Canonum instituta recipere, & simul retinere præsumat.

8 Item sanxit, vt quicumque de cetero plura curata, aut alias incompatibilia beneficia ecclesiastica, siue per viam vnionis ad vitam, seu commendæ propriæ, aut alio quocumque nomine, & titulo contra formam sacrorum Canonum, & præsertim contra formam prædictæ constitutionis Innocentianæ recipere, ac simul retinere præsumperit, beneficijs ipsis iuxta ipsius Constitutionis dispositionem ipso iure, etiam ipsiusmet Constitutionis Tridentinæ vigore priuatus existat.

9 Eadem quoque Synodus sub Pio IV. constituit, vt quibuscumque personis, quocumque titulo, etiamsi Cardinalatus honore fulgeant, in posterum vnum tantum beneficium ecclesiasticum singulis conferatur. Quod quidem, si ad vitam eius, cui confertur, honestè sustentandam non sufficiat, liceat nihilominus aliud simplex sufficiens,

ciens, dummodò vtrumque personalem residentiam non requirat, eidem conferri: hæcque non modò ad Cathedrales Ecclesias, sed etiam ad alia omnia beneficia, tam secularia, quàm regularia, quæcumque etiam commendata pertineant, cuiuscumque tituli, ac qualitatìs existant.

10 In Religiosis verò Clericis, iam tū à Bonifacio VIII. statutum fuerat, ut si habens Prioratum, vel Ecclesiam cum cura animarum, aliud quoque simile beneficium accepisset, potestate sibi à Summo Pontifice non facta, primo ipso iure vacare censeretur: quod si confestim à se non abdicarit, tanquam ambitiosus ab utroque arceretur, & amplius deinceps eligi non posset.

11 Est tamen ad supradicta sciendum, quod nisi posterioris beneficii fructus percipere quis possit, primum, quod habebat beneficium, non censebitur vacare. Puta, si illius posterioris beneficii fructus, sicut etiam aliorum beneficiorum vacantium, ad certum tempus alicui sint concessi.

12 Monialis quoque eadem duobus simul Monasterijs præfici non debet, quod & egredi extra septa Monasterij non debeat, nisi cum licentia Episcopi, idque ad breue tempus, & in graui necessitate; & quod minus apta sit regimini quouis masculo, licet insigni prudentia prædita.

13 Verùm quæ hætenus disseruimus de beneficiorum exaggeratione à iure interdicta, secundum regulas communes procedunt; sed earum regularum obseruationem relaxat interdum (vbi Ecclesiæ vtilitatem hoc postulare videt) Summus Pontifex, & nonnunquam etiam Episcopus: vel ex personæ meritis, veluti dignitate, integritate, scientia, plurimò rerum usu; vel etiam nobilitate, indulgendo ut plura beneficia alicui liceat eodem tempore habere. Et si quidem vtrumque beneficium animarum curam gerat, vnius erit hæc authoritas indulgendi Summi Pontificis: sin vel vtrumque, vel eorum alterum simplex sit, Episcopus quoque gratiam facere poterit, nisi vtrumque in eadem Ecclesia existat. Immodò, etsi plura

Ff 2

sint,

sint, quam duo, sed vni tantum ex eis cura animarum adnexa sit, poterit nihilominus Episcopus indulgere, si Ecclesie utilitas id suadeat, & causa iusta subsit; quod nonnulli extendere volebant: Et si duo curata essent, si publicæ utilitatis magis, quam personæ meritis Episcopus duceretur.

14. Cæterum, sicut quibus supra dictum est modis, sacri Canones inuigilant, ne vni & eidem personæ plura beneficia accumulentur, ita è conuerso prohibent, ad vnu beneficium plures personas admitti; ne vel beneficium hoc modo scindatur, vel eorum vnus aut alter expectet, dum à socio vacet, itaque eius mortem expectet. Sicut neque duo eiusdem Canoniciatus, vel præbendæ socij esse possunt.

15. Si tamen præbenda ita opulenta sit, vt duobus victum commodè præbere possit, in duas scindi eam licebit; nec Turonense Concilium obsistet, quæ si partes sectæ non sufficerent, ambæ essent perfectorem ex præbendis alijs vacantibus augendæ, earum fructus præbendas sectas habentibus pro parte tribuendis, dum tot fructus ex eis supersint, quot Canonico sufficiant. Alia enim præbenda attenuari non debet, vt alia locupletetur, nisi necessitate aliqua impellente. Si verò aliqua præbenda Cathedralis Ecclesie ita inops sit, vt Clerico ad victum opportunum non sufficiat, Capella ei annexi poterit, dum ne illius presbyter et ipse congrua portione defraudetur, si Capella vtrique satis esse potest.

16. Animaduertere autem in primis debet is, qui conferendi potestatem habet, ne ex affectu carnali, sed sano & recto iudicio Ecclesiasticum officium, vel beneficium, & in personam, quæ magis visa fuerit idonea, locet. Item, vt neque ex pactione, vel ex conuentione quacunque conferat; nec sibi retineat vllam reddituum portionem, aliove modo beneficium diminueat. Consilius etiam fuerit, si palam, non clam beneficium contulerit.

TITVLVS V.

De Pensionibus.

Quamuis beneficia integra conferri debeant, vt supra monuimus, non diminuta, potest tamen ex his interdum aliqua decessio fieri, vt fructuum portio ab eis detracta alicui suppeditetur, quæ portio *Pensio* appellatur, quod alteri à beneficio pendatur.

2 *Est igitur Pensio*, ius percipiendi fructus ex aliquo beneficio, durante vita pensionarij, ex iusta causa concessa: aliàs peccaret concedens, si beneficiato hoc onus vexationis causa imponeret.

3 *Triplex autem Pensio esse solet*, scilicet Temporalis, Spiritualis, & Mixta, seu Media. *Temporalis* conceditur alicui remunerationis causa pro aliquo ministerio temporali exhibito extra Ecclesiam, vt Duci exercitus, vel militi pro Ecclesia pugnanti. *Spiritualis* conceditur personæ alicui spirituali, propter aliquod officium spirituale erga Ecclesiam, vt est illa, quæ datur Coadiutori Episcopi, vel Parochi, vel Sacristæ, vt Ecclesiam præparet, eique seruiat; & sic de alijs. Et tales pensiones vendi nequeunt absque labe simoniæ, sine consensu Summi Pontificis. *Media vero Pensio est*, quæ nempe Clericis, & Laicis dari potest; illis in titulum beneficij cū ad ecclesiasticos Ordines recipiuntur; his mercedis pro labore, vel vexationis redimendæ causa. Nam si daretur Clerico, vt inde congruè viuat, quamuis olim dicebatur pensio mere prophana, ac temporalis, hodie tamen est spiritualis, quia Pius V. mandauit, quod huiusmodi pensionarij teneantur Officium Beatæ Virginis Mariæ recitare. Et consequenter, licet illa annua pecunia natura sua vendi posset, ex quo est respectu fructuum, & spiritualis non est, nihilominus quia post Bullam Pij V. assignatur Officiū spirituale, proinde abique labe Simoniæ vendi nequit, nisi Summus Pontifex auferret ab huic nodi pensionibus officium. Nam quatenus ha-

bet

bet annexum officium, nec ipse Summus Pontifex posset pensiones vendere, quia venderet spirituale. Et idem est, si huiusmodi pensiones darentur laicis, quia tenerentur recitare officium paruum Beatæ Virginis.

4 Sciendum itaque est, quod *tribus modis potest imponi pensio super beneficio. Primo.* Si quis renunciauit beneficium in alterius utilitatem, vel illud cum alio permutauit, & sibi certam pensionem reseruauit. *Secundo.* Quando per transactionem, & arbitrio Iudicis beneficium litigiosum consignat alteri, relinquens sibi certam pensionem ex illo. *Tertio.* Quando quis per plures annos seruit beneficio, & amplius illi seruire nequit, & illud resignat alteri, assignata super eo pensione ad suam congruam sustentationem, ne interea dum superstes est, vitam inopem in senio, egenamque trahat.

5 Semper tamen moderatam, & iustam pensionem esse oportet, ne usque adeò beneficium extenuet, ut eius Rectori non supersit, unde sustentari valeat. Hinc ferè obseruari solet, ut non maiorem tertia parte beneficii deducant: id est, ut quantitas fructuum, quæ ex beneficio in pensionem detrahitur, tertiæ partis annui redditus beneficii onerati summam ne transiliat. Quod eò sic dictum, & declaratum volumus, ne cui persuasum sit, posse pensionem per quotas assignari, id enim prohibitum est, quia Simonie vitio non cateret. Ac in summa id animaduertendum est in pensione imponenda, ut post solutam pensionem tantum beneficio remaneat, unde possit commodè viuere, iura Episcopalia soluere, & beneficii omnia onera ferre.

6 Potest autem quis ordinari pensionem in titulum donationis habens, si ita Episcopus iudicauerit assumendum pro necessitate, vel utilitate Ecclesiæ, & si donatio esset vera, & non ficta, quæ deinceps alienari non possit absque Episcopi licentia, donec beneficium sufficiens adeptus fuerit, vel aliunde habeat unde viuere possit. Potestq; Episcopus ordinare subditos ad Ordines Diaconatus ad
turu-

titulum, & pensionem Ecclesiarum matricium, non obstante, quod non participant de fructibus illarum, nisi post susceptum Presbyteratus Ordinem.

7 Illa quoque pensio improbat, quæ per collusionem constituitur, ut cum Rector Ecclesiæ ultro patitur, vel etiam procurat sibi litem fieri, ut sub hac litis redimendæ specie, commentitio aduersario aliquam pensionem fictæ, simulatæq. transactionis causa promittat super litigioso beneficio. Nec is tutus erit, qui pactione prius inita pensionem obrinuerit, nisi Summi Pontificis se se autoritate munierit.

8 Ante omnia verò pensionis imponi onus vllum non debet, nisi Antistitis accedente autoritate. Sed non Pontifex Romanus solum pensioni excipiendæ author esse potest; verum etiã Legatus a latere eius profectus. Alius autẽ Legatus non potest, nisi hoc ei specialiter sit concessum.

9 Item Episcopus pensionem deducere potest, si quæ eum iusta causa moueat, quæ euidenter Ecclesiæ utilitatem importet, ut paulò superius diximus, dummodo neque pensionis transferendæ potestatem eum facere possit, neque post eius mortem, cui concedenda est, posse eam perpetuare intelligamus. Hoc enim ius soli Romano Pontifici competit; contra successores quidem eius, qui ad eã soluendam tenebantur, hoc onus transit.

10 Item, qui aliquam Ecclesiam erigit, ut patronatum eius nanciscatur, potest in eius fundatione pensionem de beneficio excipere, alij Ecclesiæ, aut sibi, Episcopi accedente consensu, quotannis soluendam.

11 In primis verò eius Rectoris consensus exigitur in pensione constituenda, qui id oneris subiturus est, quisquis sit is, qui pensionis onus est impositurus, seu Summus Pontifex, seu Legatus, seu Episcopus; quod etiam Regulis Cancellariæ sanciri solet.

12 Sed neque infante minor, neque illegitimus, neque excommunicatus, pensionis illius capaces sunt, quæ vel beneficij loco, vel in titulum datur.

13 Extingui autem pensio potest, etiam sola partium
con-

conuentione, licet nulla Antistitis autoritas accedat, nisi in alimenta sit constituta, vel pecunia data redimatur, quemadmodum frequenter vsurpari videmus, quinque fortè aut sex, aut septem ad summum anticipatis pensionibus annuis. Quibus casibus receptum est Summi Pontificis auctoritatem desiderari.

T I T V L V S VI.

De Permutatione Beneficiorum.

x **P**ermutatio beneficiorum fit, quando aliquis cedit interdum beneficium suum, vt ei conferatur, à quo ipse inuicem aliud beneficium per eum resignandum consequatur. Permutatio enim beneficiorum quolibet, non sine resignatione in manibus Antistitis facta celebratur, cum non sit in potestate mea, vt meum tibi propria auctoritate beneficium conferam, nec tu, vt mihi tuum, sed vterque nostrum in manibus Antistitis prius reponere debeat, qui deinde vtrique nostrum alteri alterius beneficium conferet, hocque modo permutatio fiet.

2 Nec est, vt vereantur hi, qui beneficia sua permutationis causa resignarunt, ne propositum eorum eludatur, ac alijs ea beneficia conferantur. Nam, etsi olim hoc liceret, hodie tamen secus est. Quia collatio alteri facta, quam ei, cuius contemplatione permutationis causa facta est resignatio, nullius est momenti. Nec etiam Simonie metusaliquem deterreat, vt non ausit de permutando beneficio pactum inire: nam, si ad Apostolicæ Sedis, alteriusve Antistitis auctoritatem habentis consensum, & auctoritatem hoc suum pactum retulerit, hoc metu liber esse poterit.

3 Author autem permutationi is Episcopus esse potest, cuius iurisdictioni beneficium permutandum subest. Hinc, si in diuersis Dioccesibus beneficia permutanda sita sint,

finē, utriusque Episcopi auctoritas adhibenda erit: uterque enim beneficiatus in manibus proprii Episcopi suum beneficium resignabit, & alter Episcopus alterius Episcopi subdito Clerico illud conferet. Vel alter Episcopus ex his, alteri Episcopo vices suas committere poterit, ut nomine etiam suo conferat.

4^o Alius verò Prælati Episcopo inferior, quamvis aliqui ius conferendi haberet, permutationi tamen auctor esse non potest, sed eius duntaxat consensus Episcopo auctoritatem præstanti in permutatione erit adhibendus. At Cathedralis Ecclesiæ Capitulum eorum duntaxat beneficiorum permutationes admitrendi ius habet, quæ beneficia ipsum pariter Capitulum, vel solum, vel una cum Episcopo conferre poterat.

5^o Vicarius autem Episcopi permutationi faciendæ nullam auctoritatem præstare potest, nisi hoc ei specialiter ab Episcopo mandatum sit; est enim hoc proprium Episcoporum privilegium. Nullum verò tempus per Canones definitum est, intra quod debeat huiusmodi auctoritas permutationi celebrandæ post resignationem factam adhiberi; sed siquidem Episcopus sine causa delectaret beneficium ei conferre, qui suum beneficium permutationis causa resignavit, esset à suo Antistite ad hoc compellendus.

6^o Eorum quoque consensus permutationi adhibendus erit, ad quos ius eligendi ad beneficia permutanda, vel ius præsentandi spectat.

7^o Potestque vnum beneficium cum pluribus permolari, & plura cum vno: & beneficium simplex cum curato, & e converso. Et simplex cum simplici, & curatum cum curato, nisi illud impeditur sit. Non debent ratione spiritualia cum profanis permolari. Nec ius, quod quis in re habet, cum alio, quod alius habeat ad rem; quando minus permutatio illius valebit, qui nullum ius omnino in beneficio habuerit.

8^o Causa autem in primis in permutatione faciendæ le-

gitima requiretur; nam, cum præbendarum commutationes de iure prohibeantur, pactione præsertim præcedente, quæ circa spiritualia, & his annexa labem continet Simonie, idcirco non sine causa necessaria fieri debeat.

9. Postremo sciendum est, quod, si quis permutationis pactum ex parte sua impleverit, altera parte permutationem exequi in latere suo desistente, ad suum beneficium is, qui adimplevit, restituendus est.

TITVLVS VII.

De Institutionibus, & Iure Patronatus.

I Atque patet hoc verbum Institutionis apud Græcos ab institutionibus: & adaptatur à iureconsultis interdum ad contractus, ad obligationes, ad actiones, & ad ultimas voluntates; quia omnis ferè ordinatio potest appellari institutio. Sed in hac materia beneficii iuris translativa, *Institutio secundum Canones* est, Ecclesiæ, seu beneficii ecclesiastici collatio, quasi ius habentem ad beneficium, per præsentationem iuris, vel in beneficium Clericalis personæ statuitur. Accidit enim sæpe sæpius, ut Prælati liberam de vacantibus beneficiis disponendi facultatem non habeant, sed aliquis alius, siue spiritualis, siue laicalis persona, ius obtinet patronatus; tunc enim strictè sumpto vocabulo institutionis, non conferre beneficium, sed instituere ad illud dicuntur eos, quibus præsentante patrono, providendum erit.

Ius autem Patronatus est, potestas præsentandi instituendum ad beneficium vacans. Quod sanè varijs modis constituitur, videlicet, Ecclesiæ adificatione, fundatione, dotatione, & similibus. Quia sicut in carnali matrimonio ad onera sustinenda dos assignari debet, ita etiam qui erigit Ecclesiam de consensu Dioecessani, iuris ordine seruato, debet certos assignare redditus, quæ ad luminaria, & ad custodiam, ad stipendia ministrorum, & ad cetera

sacræ

facere domui necessaria sufficiant; quæ dotis nomine appellantur. Loco autem remunerationis beneficii collati, instituitur est, ut eiusmodi benefactores ipsi ad Ecclesias à se fundatas, seu dotatas, præsentent Sacerdotes loci Ordinarii, & *Tiro Patronatus*, seu aduocationis gaudeant, siue Laici sint, siue Clerici; (et si in Collegiata Ecclesia longè infirmius habeat ius laicus.) Quod si verò quis, det & assignet extra bona Ecclesiæ; sed non nomine dotis; non habebit huiusmodi ius patronatus, nec dicetur Patronus, sed Benefactor tantum.

¶ *Et quia ius Patronatus adipsam*, partim fundi latione pro ædificanda Ecclesia, partim ædificatione Ecclesiæ sumptibus proprijs; & partim dotatione non sordida Ecclesiæ tam ædificatæ; ideo sciendum est, quod diuinitatem solus hæc tria præstitoris, vel vnus ex his, soli etiam totum hoc ius integrè quaratur. Si tria hæc munia à duobus, vel tribus, pluribusue diuisim obita sint, ambo, vel omnes illius Ecclesiæ acquirunt patrociniū.

¶ At decreuit sacrosancta Synodus Tridentina; ut titulus ius patronatus sit ex fundatione, vel dotatione, qui ex authentico documento; & alijs requisitis à iure ostendatur. Siue etiam ex multiplicatis præsentationibus per antiquissimum temporis cursum; qui hominum memoriam excedat; aliaue secundum iuris dispositionem. In his verò personis, seu communitatibus, vel vniuersitatibus, in quibus id ius plerumque ex usurpatione potius quæsitū præsumi solet, plenior, & exactior probatio ad docendum verum titulum requiratur.

¶ Nec immemorabilis temporis probatio aliter eis suffragetur, quàm si præter reliqua ad eam necessaria, præsentationes etiam continue non minorum saltem, quinquaginta annorum spatii, quæ omnes effectum sortitæ sint, authentica scripturis probentur. Reliqui patronatus omnes à Benefactis iam secularibus, quàm regularibus, seu parochialibus, vel dignitatibus aut quibusquam quæ alijs beneficijs in Cathedrali, vel Collegiata Ecclesia;

seu facultates, & priuilegia concessa, tam in vim patronatus, quam alio quocumque iure nominandi, presentandi, eligendi ad ea, cum vacant, exceptis patronalibus super Cathedralibus Ecclesijs competentibus, & exceptis alijs, quos ad Imperatorem, & Reges, seu Regna possidentes, aliosque sublimes, & supremos Principes, iura imperij in dominijs suis habentes, pertinent: & quæ in fauorē Studiorum generalium concessa sunt, in totum prorsus abrogata & irrita, cum quasi possessione inde secuta intelligantur. Beneficiaque huiusmodi tanquam libera à suis collatoribus conferantur: ac prouisiones huiusmodi plenum effectum consequantur.

6. Item statuit, ut Patronatus quicumque in ecclesijs, & quibuscumque alijs beneficijs, etiam dignitatibus antea liberis acquisiti, à quadraginta annis citra, & in futurum acquirendi, seu ex augmento dotis, seu ex noua constructione, vel alia simili causa, etiam auctoritate Sedis Apostolicæ, ab iisdem Ordinarijs uti delegatis, ut supra, qui nullis in his facultatibus, aut priuilegijs impediuntur, diligenter cognoscantur. Et quos non repererint ob maximè euidentem Ecclesiæ, vel beneficij, seu dignitatis necessitatem legitimè constitutos esse, in totum reuocent, atque beneficia huiusmodi sine damno illa possidentium, & restituto patronis eo, quod ab eis idcirco datum est, in pristinum libertatis statum reducant, non obstantibus priuilegijs, constitutionibus, & consuetudinibus etiam immemorabilibus.

7. Ex isto autem Iure patronatus, patroni hæc consequuntur, quod cum Diocesani consensu Ecclesiam construxerint, fundauerint, vel locupletauerint, non solum ipsi idoneos Rectores in illis Ecclesijs Episcopo offerre possint instituendos, ut supra monuimus, quibus spretis, si Episcopus ibi alios instituerit, nihil egerit, isque instituendus erit, quem ipse Patronus præsentarit: sed etiam honorem præcipuum in sua Ecclesia habebit, ut ei v. g. prius detur, quam alijs quibusvis palma in die Palmarum, &

can-

candela in die Purificationis, & primus locus in supplicationibus, atque processionibus. Et si deuenierit ad egestatem, aut eius filij eo inopie reducti fuerint, vt suppetijs alienis egeant, sub eadem Ecclesia præsidium vitæ pro temporis usu percipient.

8. Ipse autem Patronus Ecclesiæ tutelam sic suscipere debet, vt quod possit, eam ab omni iniuria tueatur, reparet, & si collapsa sit, illam reedificet. Et cum presbyterum in ea institutum Ecclesiæ non esse vtilem cognoscit, quia fortè frugi non sit, sed dilapidator, bonorumque inhonestus concoctor, Episcopo denunciare debet.

9. Non tamen credat Clericus, qui Ecclesiæ Patronus est, sibi licere ad eam ecclesiam seipsum offerre instituentum, quamuis alioqui valdè idoneus sit, pluribusque meritis adiuuetur. Nemo enim se ingerere debet ecclesiasticæ Præfecturæ officiis: neque habet Patronus vendendi perse, vel donandi, vel tanquam proprijs vtendi rebus iuris patronatus. Nec vllum omninò grauamen ecclesiæ imponere potest: nihilque ex ea præter antiquos, & moderatos redditus à locorum Episcopis institutos exigere.

10. Iuris patronatus non tantum mares, sed feminae etiam sunt capaces, ac illud possidere possunt, etiam si esset Monasterium. Et transit ad feminas etiam nuptas extra familiam, & descendentes ex eisdem feminis. Nisi aliud cautum sit in fundatione. Similiter si succedat ad ius patronatus, & ipsa nubat, quemuis ad eam propriè, & consequenter ius præsentandi pertineat, tamen honoris causa simul cum marito præsentabit, vt volunt D. D. Successione quoque ius patronatus acquiritur, siue ex testamento, siue ab intestato sint hæredes. Plures tamen ab vno ex patronis ecclesiæ relictæ hæredes, vocem dumtaxat vnus habebunt in præsentatione Rectoris, nec iam institutos mutare poterunt. Et si forte in plures partes Patronorum se vota in præsentando diuiserint, ille præficiendus est ecclesiæ, qui maioribus iuuatur meritis, & plurium approbatur consensu. Et quemadmodum à multis, præsentatio debet

debet fieri concorditer, ita & variatio; nec enim sufficeret illam fieri a maiori parte.

1119 Et quamuis non sit habenda differentia inter laicos & personas ecclesiasticas quò ad ius patronatus obtinendum, sunt tamen istæ circumstantiæ in re Patronatus obseruandæ, quæ videntur non nihil differentiæ habere, quod ecclesiastico ad præsentandum sex mensium conceditur spacium; laico verò quidimestre spacium datur. Quo tempore elapso Episcopus potest providere, & illud cõferre. Sed tamen videtur optima ratione indudum, ut longius præfigatur tempus ecclesiasticis, quippe, quibus semel facta præsentatione, amplius variare minimè licet, quod in laicis diuersum statuitur.

1120 Constituit quoque idem sacrosanctum Concilium Tridentinum sub Pio IV. ne Patroni beneficiorum, cuiuscunque ordinis, & dignitatis, etiamsi Communitates, Vniuersitates, Collegia quæcunque Clericorum (etiam Societatis Iesu) vel laicorum existant, in perceptione fructuum, proventuum, obventionum quorumcunque beneficiorum, etiamsi verè de iure patronatus ipsorum ex fundatione, & dotatione essent, nullatenus, nullaque causa, & occasione se ingerant, sed illos liberè Rectori, seu beneficiato, non obstante etiam quacunque consuetudine, distribuendos dimittant.

1121 Item constituit, ne patroni ius patronatus venditione, aut alio quocumque titulo in alios, contra canonicas sanctiones transferre præsumant: sin secus fecerint, excommunicationis, & interdicti poenis subiiciuntur, & dicto iure patronatus, ipso iure priuati existant. Nisi tale ius cum vniuersitate rerum temporalium transferretur.

1122 Non licet etiam Clericis Ecclesias à patentibus suis fundatas, propria auctoritate retinere, aut laicis, laicorumque filiis concedere. Sed sicut patroni iura per Episcopum minui non possunt, sic è contra non potest patronus sine Episcopi auctoritate ius suum exercere. Nam præsentatio Patroni, vbi institutio subsequatur Episcopi aucto-

ritate.

rita-

ritatem desiderat, cui quidem Episcopo, nullum certum tempus ad institutionem faciendam legibus definitum est, sed iudicis arbitrio relinquitur. Episcopo autem ex eadem Synodo licebit, praesentatos à patronis, si idonei non fuerint, repellere.

¶ 15. Quod si ad inferiores institutio pertineat, ab Episcopo tamen iuxta alias statuta ab eadem Synodo, examinandi sunt. Alioquin institutio ab inferioribus facta, irrita erit & inanis; nihil operante praetextu cuiusvis priuilegij, seu consuetudinis, etiam ab immemorabili tempore praescripae; nisi fuerint prius à locorum Ordinarijs examinati, & idonei reperi. Et nullus appellationis remedio se tueri potest, quominus examen subire teneatur. praesentatis tamen electis, seu nominatis ab Vniuersitatibus, seu Collegijs generalium Studiorum exceptis.

¶ 16. A laicus Patronus, qui Episcopi neglecta auctoritate Clericos in ecclesia instituerit, possessiones sue, aut alia ecclesiastica bona ex sententia sua libere distribuerit, anathemate est feriendus. Et Clericus, qui ecclesiam per laicum sine proprii Episcopi auctoritate acceperit, communionis priuatur: si vero in ea etiam persistere non dubitauerit, à ministerio ecclesiastico, & ordine deponetur.

¶ 17. Sitamen laicus ius patronatus sibi, competens eidem, vel alteri ecclesiae, vel alij loco Religioso conuenerit, quamuis sine Episcopi assensu, concessio valebit, sed nihil tamen per hoc iuri Episcopi derogatum censebitur. Et tunc, quamuis Patronus laicus, qui ius suum transtulit, quadrimestre tantum ad praesentandum tempus habeat, locus tamen pius, in quem tale ius, translatus fuerit, semestri potitur. Nam quod ad praesentandi ius attinet, non laici cui successe, sed ecclesiasticorum iuribus locus hic pius uti conceditur.

¶ 18. Episcopi autem, ius in faciendis institutionibus adeo firmum, & stabile est, ut quamuis ius patronatus ad expros perueniret, nihilo tamen magis Episcopi ius rollatur, vel debilitetur: quinimmo, si Episcopus aliquis sit patro-

nus ecclesiæ in aliena Diocesi posita, ipsius sola aut horitas non sufficiet, sed ab illius Diocesis Episcopo instituendus erit ille, quem Episcopus patronus idoneum præsentarit.

19 Cum autem Patronus quempiam virum idoneum coram Episcopo instituendum constituerit, si eo non repudiato, alterum postea æquè idoneum stiterit, vter eorum præferendus sit, iudicio Episcopi relinqueretur, si laicus sit Patronus. Si verò Collegium, aut persona ecclesiastica ius patronatus habeat, prior tempore oblatus potior habebitur. At si Episcopus idoneum Clericum sibi à Patrono oblatum admittere noluerit, alterque ab eodem adductus pariter idoneus, & ab Episcopo admissus, corporalem possessionem acceperit, melior possidentis erit conditio, quoniam, antequam præsentatio per Episcopum admittatur, & approbetur, ratum non est, quod à Patrono fuerat inchoatum. Episcopus tamen, qui hominem idoneum ad se à Patrono adductum dolose recusavit instituire, de beneficio competenti providere illi cõpelleretur.

20 Episcopus verò solus etiam, ac eo negligente Metropolitani, alique superiores immediati successivè, illis ecclesijs providebunt intra novum sex mensium spatium, de quarum patronatu contentio cum esset inter ecclesiasticas personas, nec constaret, quis Patronus esset, ultra sex menses à vacationis tempore, electio Rectoris sit dilata, vel ultra quatuor, cum laici essent, qui disceptabant. Ut tamen nullum illi in posterum præiudicium fiat, qui superior in lite fuerit, quin ipse cum sistere debeat, quem Episcopus instituendum decreverit, ac ceteros omnes deinceps, qui in ecclesia erunt instituendi.

21 Interdum etiam contingit, ut ius præsentandi una cum Patrono competat etiam ei, qui omninò Patronus non sit: sive enim, gratia exempli, patronale beneficium in alterius ecclesia, vel parochia esse, hoc casu professio illius ecclesiæ, vel parochiæ Prælati una cum Patrono instituendum præsentabit.

22. Aliud deinde est ius patronatus in multis simile; ab eo tamen etiam in multis abstinile. Id est, cum Religiosi ecclesiam aliquam sibi subiectam habent, tam quoad spiritualia, quam quoad temporalia, in qua tamen pleno iure instituere non possunt, nec curam populi committere, sed autoritas Episcopi desideratur: nam hoc ius ita à Patronatu differt, quod, qui illud habent, ipsi redditus ecclesie illius percipiunt, & congruam portionem Rectori assignant. At, qui patronatum habent, nihil reddituum percipere possunt, sed integri proventus Rectori institutio permittuntur.

23. Ex his potest facile cognosci, quæ differentia sit inter præsentationem, & institutionem. Nam præsentatio fit à Patrono, ratione iuris quod habet in iure patronatus: institutio verò fit ab Ordinario; quando Patroni inter se non concordant. Inter quos, si ita similitates oræ fuerint, ut Sacerdos ibi suo officio canonice fungi non possit; si aliter prouideri non poterit, præcipere debet Episcopus, ut ibi Missarum sollemnia non celebrentur; donec Patroni ad concordiam redeant. Quibus tamen potest prorogare tempus iusta ex causa, quemadmodum & abbreviare; si prorogatio respiciat præiudicium ipsius nec Episcopi prorogantis.

24. Quod si necessarium aut expediens esse duxerit, potest etiam interim ecclesiam aliqui commendare, ita tamen, ut si Parochialis sit ecclesia, nemini commendetur; qui non sit in Sacerdotio constitutus. Neque huiusmodi commendæ, vel intra sanctissimum temporis spatium vires suas porriget, nec in vnus persona; nisi vnica fieri poterit.

25. Erunt etiam Episcopi facultas in ecclesiis, in quibus ecclesiastica persona præsentationem non habet, si vel minus idonei præsententur, vel alia de causa, aliquos in eis instituere non valeat; Oeconomos ponere, qui colligant fructus erogandos in ecclesiarum utilitatem; aut his, qui quandoque instituuntur fideliter seruandos.

26. Sunt autem Institutiones collationibus in quibusdam.

-IT

H h

fini-

similes in quibusdā verò dissimiles. Similes sunt, quia quæadmodū is, qui seipsum præsentat, instituendus non est, ita etiā is, ad quem pertinet collatio, seipsum nō potest instituere, cum inter dantur, & accipientem distinctio debeat esse personalis. Item, quemadmodum vacaturæ præbendæ non tenet regulariter collatio, ita etiam promissiones de non vacantibus beneficijs ecclesiarum, in quibus quis ius obtinet patronatus, nullo iure subsistunt.

27. Dissimiles verò sunt, quia etsi Capitulum sede vacante, beneficia, quæ ad collationem Episcopi pertinet, conferre non possit, præsentatos tamen à Patronis potest, si idonei sunt, admittere, & instituere. Idem obtinet in Vicario, quia licet sine speciali concessione conferre non possit, præsentatos tamen instituere minimè prohibetur.

28. Sunt etiam in eo dissimiles, quod in Restorem Parochialis ecclesiæ, & non in sacris constitutus præsentari potest, dummodò aliàs sit idoneus, & infra tempus à iure constitutum ad Ordines, quos ipsius ecclesiæ cura requirit, promoueri valeat. Collatio autem fieri non potest in persona eius, qui saltem sit in subdiaconatu constitutus.

29. Cum his tamen, qui in minoribus sunt Ordinibus constituti, si tales sint, qui infra breue tempus possint in presbyteros ordinari, dispensari poterit per Episcopum.

30. Tollitur autem ius patronatus cessione; ut puta, cum quis id ecclesiæ, in qua ius habet huiusmodi, conferendum duxerit. Item si quis ecclesiā sine sui reservatione iuris Collegiatam fieri patiatur. Eo amplius constat, si ædes sacræ incendio consumptæ fuerint, vel etiam terræ motu, vel vitio suo corruerint, extinguī ius patronatus necesse est. Sed etsi Patronus ausu nefando Rectorem, vel Clericum ipsius ecclesiæ per se, vel per alios occidere, vel mutilare ausus fuerit, tam alias pœnas, quàm iuris patronatus amissionem sustinere debet. Idem iuris est, si Patronus efficiatur hæreticus: cum enim bona hæreticorum vniuersa sint confiscanda, merito cum ipsa vniuersitate, etiam ius patronatus interibit.

De Clericis non residentibus.

OMnes obtinentes beneficia ecclesiastica, tenentur residere, & curam demandati sibi officij per seipsos diligenter exercere. Quod si aliter actum fuerit, & receptus fuerit ad ministerium ecclesiasticum, quod contra sacros Canones illud acceperit, amittet, & qui dederit, largiendi potestate priuabitur.

2 Quod si ab initio idonei ad residendum reputati, postea ecclesias, vel præbendas sibi concessas, sine iusta, & necessaria causa deserant, & moniti congruo tempore expectati non redierint, eis priuari poterunt. Maxime autem ex non residentia Episcopi, Clerici efficiuntur Irregulari, & monachi irreuerentes, pauperes oppressi, aut neglecti, & munera pastoralia omissa, seu deserta: unde hæreses, schismata, & omnis impietas Atheistica. De iure igitur Diuino ad residentiam tenentur Episcopi, & omnes curata beneficia habentes, ne eorum à quibus probati sunt, fidem fallant, ut mouet sacrosancta Synodus Tridentina, & Urbanus VIII. in Bulla sua, de residentia Episcoporum, ut sciant oues suas cognoscere, proque ijs sacrificium offerre, & verbi Diuini prædicatione, Sacramentorum administratione, ac bonorum operum omnium exemplo pascere, pauperum, aliarumque miserabilium personarum, curam paternam gerere, & in cætera munia pastoralia, incumbere.

3 Quod autem Parochus ante Concil. Trid. poterat studiorum causa per septennium de Ordinarij licentia abesse, hoc sacri Concilij Congregatio sustulit modo, dicens. Obtinentibus Parochiales ecclesias, post Concilium Tridentinum studendi licentia, ac in absentia studiorum causa fructus percipiendi, non datur: ne sub hoc prætextu studiorum, seruitium ecclesiæ defraudetur. Et hinc per concursum idoneus Rector Parochiali ecclesiæ quaeritur.

qui iam antea studuerit, nec sit illi necesse studiorum causa absentiam facere.

4 Et quia multi pro obtinenda licentia studiorum causa, ut fructus percipere possint ad Sedem Apostolicam recurrere consueverunt: Pius IV. fecit quandam Constitutionem, sub data 24. Nouembris 1564. quæ est in Bullario 113. per quam sancit, quod tales licentiæ concessæ, nullatenus suffragantur, nisi Ordinarij consensus accedat.

5 Nec potest Episcopus Rectorem ecclesiæ Parochialis occupare in seruitio suo, aut ecclesiæ suæ Cathedralis; ut exerceat officium Vicarij, Visitatoris, Secretarij, Lectoris in Schola, seu Seminario, aut Monasterio: ut similiter sacra Congregatio Concil. Trident. censuit, nisi pro tempore duorum mensium, donec idoneus aliquis alius ad illud officium deputetur. Imò non excusatur a residentia, exerceens officium Inquisitoris, aut officium Subcollectoris Apostolici. Sed nec lis mora super eadem parochiali, in solo petitorio, non autem in possessorio, eum a residentia excusare valet; prout eadem Congregatio Eminentissimorum Interpretum determinauit. Propter necessitatem igitur abeundi dabit licentiam Episcopus ex causa, si relinquat Vicarium idoneum.

6 Iustæ autem non residendi causæ sunt, veluti si quis relicto idoneo Vicario, aut Romano Pontifici, aut proprio Episcopo obsequium exhibeat. Item si iura & negotia ecclesiæ suæ fideliter prosequatur; euidentem Reipublicæ utilitatem curet; aut speciale indultum habeat absentandi se studiorum causa; aut grauem infirmitatem, & diuturnam, ut lecto affixus venire non potuerit, quamuis monitus à Prælato; vel ob capitales inimicitias latitare debeat; terreaturque metu Tyranni existentis in loco; & alia iusta impedimenta habeat. Sed voluptatibus vacantes peccant mortaliter, & nihil iuris habent in fructibus rerum ecclesiasticarum. Et si dictos fructus recipiunt, restituerentur secundum omnes Doctores, quia redditus ecclesiarum sunt stipendia seruientium, non lenocinantium.

7. Canonici verò, quorum seruitio vtitur Episcopus, etiam subtrahendo eos ab officio diuino quotidiano, habentur pro residentibus, & ad quotidianas distributiones pertinent, quia videntur seruire toti Diœcesi: prout seruientes Papæ, videntur seruire vniuersali ecclesiæ. Sed non debent esse plures penes Episcopum, quàm duo: nisi id grauis necessitas exigat.

8. Quod si fortè quis abiens studiorum causa, non attenderet studio, nec intraret scholas, talis non debet gaudere hoc beneficio, vt fructus ecclesiæ percipere possit. Si verò inhonestè viueret, vel reuerteretur ignarus, talis omninò poterit beneficio priuari.

9. Quamuis enim beneficium simplex sit, non minus tamen Clericum, cui id assignatum est, vt resideat, de iuris obligatione, etsi aliud mala consuetudine inductum videatur. Quocirca si quis Clericus à suo beneficio diutius abfuerit, quàm ecclesiæ utilitas exposceret, monendus erit, terminusque ei statuendus, intra quem commodè reuerti possit: quo lapsò, si omninò sine causa probabili sui copiam non fecerit, beneficio priuari poterit, illudque in alium transferri.

10. Ceterum, si incertum sit, vbi nam gentium agat Clericus, vel Prælatus, qui à sua ecclesia desideratur: vel si ita absit, vt non facile ad eum citatio deferri possit, tribus edictis euocari eum oportebit, publicè propositis in eius ecclesia; quibus si minimè audiens fuerit, & sex menses expectatus non redierit, ecclesia illa spoljari legitime poterit.

11. At si in rem ecclesiæ fortè non sit, vt Clericus hic, vel Prælatus, propter ipsius præstantiam ab ea exturbetur, puta, quia eius opera multis de causis ecclesiæ utilis noscatur, dum adsit, eamque impigre velit, vt decet, ac sedulo præstare, ideòque melius videatur, eum ad ecclesiæ ministeria iuris remedijs reuocare. Ita poterit procedi, vt per suspensionis, vel excommunicationis remedia redire compellatur; quæ, si nihili se facere ostenderit, tunc verò etiam

etiam spiritualium administratio interdicetur. Quod si is, qui desideratur Prælati, in Pontificia dignitate constitutus sit, ad Legati, vel alterius officium hoc pertinebit, ut ex speciali mandato Summi Pontificis, hunc Episcopum ita meritum ab episcopatu remoueat. Episcopus enim quibus ab alio, quam à summo Pontifice episcopatu priuari nequit. Quare nec prior procedendi modus, à nobis supra in hoc titulo traditus, poterit aduersus Episcopum exerceri, sed posteriorem hunc in eum experiri est necesse, nempe, ut suspendatur ab Archiepiscopo, & excommunicetur, & demum Summi Pontificis mandato Episcopatu priuetur.

12. At iura, quibus Clerici ad residendum coguntur, ita procedunt, ut nullum faciant discrimen intra beneficia opulenta, & tenuia: aut inter ordinem, seu dignitatem, supremam, & infimum ordinem, & dignitatem. Nam & Clericum habentem beneficium non excedens proventum viginti aureorum annuorum, residere nihilominus oportere aiunt. Et Cardinales quoque ipsi, huic sanctioni subiaceant Urbano VIII. sic iubente. Cum & Leo III. Anastasium presbyterum Cardinalem tituli B. Marcelli deposuerit, eo quod Parochiam suam annos quinque desertam, iacere passus fuisset.

13. In hanc etiam rem vehementer, eadem sacrosancta Synodus Tridentina incubuit. Nam primum sub Paulo III. constituit, ut si quis à Parochiali, Primatiali, Metropolitana, seu Cathedrali ecclesia quocumque titulo, causa, nomine, seu iure commissa, quacumque ille dignitate, gradu, & præminencia præfulgeat, legitimo impedimento, seu iustis, & rationabilibus causis cessantibus, sex mensibus continuis, extra suam Diocesim morando absuerit, quartæ partis fructuum vnius anni fabricæ ecclesiæ, & pauperibus loci, per Superiorem ecclesiasticum applicandorum poenâ ipso iure incurrat. Quod si per alios sex menses in huiusmodi absentia perseverarit, aliam quartam partem fructuum similiter applicandorum, eo ipso amittat. Cre-

sc n-

ſciente verò contumacia, vt ſeueriori ſacrorum Canonum cenſuræ ſubiiciatur.

14. Metropolitanus, Suffraganeos Episcopos abſentes, Metropolitanum verò Episcopum abſentem, Suffraganeus Episcopus antiquior reſidens, ſub pœna interdicti ingreſſus eccleſiæ eo ipſo incurrenda, infra tres meſes per litteras, ſeu Nuntium Romano Pontifici denunciare teneantur, qui ipſos abſentes, prout cuiuſque maior, aut minor contumacia exegerit, ſua ſupremæ Sedis auctoritate animaduerrere, & eccleſiis ipſis de Paſtoribus vtilioribus prouidere poterit, ſicut in Domino ſalubrius nouerit expedire.

15. Circa alios, Episcopis inferiores, qui beneficia quæuis eccleſiaſtica, perſonalem reſidentiam de iure, ſiue conſuetudine exigentia, in titulum, ſiue commendam obtinent, eadem Synodus ſtatuit, vt ab eorum Ordinarijs, quemadmodum eis pro bono eccleſiarum regimine, & Diuini cultus augmento, locorum, & perſonarum qualitate penſata, expediens videbitur, opportunis iuris remedijs, vt iam diximus, reſidere cogantur. Nullique priuilegia, ſeu indulta perpetua de non reſidendo, aut de fructibus in abſentia percipiendis ſuffragentur; quod eadem ſacroſancta Synodus Tridentina ſub Pio IV. renouauit, & adiecit, ne Dominici Aduentus, Quadrageſimæ, Natiuitatis, Reſurrectionis Domini, Pentecoſtes, item & Corporis Chriſti diebus, Episcopi ab eccleſia ſua Cathedrali vlllo pacto abſint, niſi Episcopalia munia in ſua Dioceſi eos aliò vocent.

TITVLVS IX.

De Canonica Portione.

1 **D**ictum eſt libro ſuperiore, titulo 23. de Sepulchris Chriſtianorum, quæ in locis religioſis ſiunt, faciuntque etiam locum religioſum: ac proin-

proinde Canonibus sacris sub anthemate interdictum est, tùm secularibus, quàm religiosis, ne terram pro sepulchro vendere, aut pro hominibus sepeliendis quoquo modo munera exigere audeant. Sed quia pii homines moriendo solent pro animæ suæ salute Ecclesijs, earumque ministris certas de bonis suis portiones relinquere, vt decenter, & Christiano more sepeliantur: itaque de his relictis dicturi Titulo præsentì, pro intelligentia terminorum, primo videbimus, quid sit canonica portio: deinde, quotuplex sit, & cur ita vocetur: ac tandem qualiter taxetur, & in quibus casibus non solvatur.

2. Quemadmodum igitur de legatis secularibus, detrahitur Falcidia, ne hæres nudam successionem accipiat: ita de legatis pijs detrahitur portio canonica, ne mystæ sacrorum, quibus salus fidelium commissa est, absque vili aliquo ecclesijs inferuiant. Cum autem de iure communi sepulturæ debeant fieri in Parochialibus ecclesijs, & sæpè contingat laicos posthabita Parochiali ecclesia, in alia sibi sepulturam eligere, idcirco in hoc casu Parochialis detrahit quartam partem de relictis ecclesiæ, in qua quis eligit sepeliri, & distribuit ministris, qui ex altaris suo viuunt, vt orent pro anima defuncti.

3. Canonica itaque portio est, quarta pars obuentuum, quæ debetur ecclesiæ Parochiali, de omnibus relictis pro funere & sepultura ab illis, qui extra Parochiam sepeliuntur. Nempe ad exemplum legitimæ, quæ debetur parentibus in bonis liberorum: quia ecclesia æquiparatur matri, & successiue, dum filij alibi eligunt sepulturam, hæc quarta debetur ecclesiæ Parochiali, ratione onerum, quæ sustinet in administratione Sacramentorum filijs, seu Parochianis suis.

4. Dicitur Verò Portio Canonica, quia per regulam sacrorum Canonum est introducta, ad compensationem iniuriæ, & oneris, quod sustinent Rectores ecclesiarum. Videntur enim iniuriam facere matri suæ Parochiali ecclesiæ illi Parochiani, qui baptizati, & Sacramentis muniti

tota vita, alibi eligunt sibi tempore mortis sepulturam, quasi spernentes matrem suam. Iam autem, quod secundum præscripta Sacrorum Canonum fit, id communiter Canonicum dicitur.

5 *Est autem duplex ista Canonica Portio, Parochialis, & Episcopalis. Parochialis est, quæ Parochiali ecclesiæ, vel ipsius Curato, & Rectori debetur. Episcopalis est, quæ de relictis alicui ecclesiæ pro anima, ab Episcopo detrahitur. Nam veluti Parochialis ecclesiæ, pro labore, & cura quam gessit animarum, certam portionem detrahit de relictis alteri ecclesiæ, in qua quis sepulturam elegerit: sic etiam licebit ipsi Episcopo (nisi sibi quadragenaria obstat præscriptio) curæ pastoralis intuitu, quàm Diocesi superintendens suscipit, de relictis, & pro anima cuiuslibet ecclesiæ oblatis, canonicam sumere portionem; etiamsi testator expresse, quod non Episcopo velit esse relictum, sed tantum ecclesiæ: cum privata testatoris dispositio generalem Canonis constitutionem immutare nequeat.*

6 *Item ex contrario, quemadmodum Episcopo sua portio competit, si quid ecclesiæ relinquatur: ita si quid Episcopo relictum fuerit, ecclesiæ de illo canonicam petere portionem poterit. Sed hoc casu, si testator exprimat, quod velit illud Episcopi tantum esse, non ecclesiæ, testatoris erit seruanda dispositio.*

7 *Sed in hac specie multum intererit, qua legandi formula testator usus fuerit. Nam si simpliciter dixerit: Rem talem relinquo, distinguendum est, Episcopi propinquus legat, an extraneus. Primo enim casu, cum non ecclesiæ relictum præsumatur intuitu (nisi fortè id probetur) sed personæ; de relictis in vita Episcopi ecclesiæ petere nihil poterit. Contraria obtinet præsumptio, & dispositio, si ab extraneo quid Episcopo relictum fuerit.*

8 *Quod si coniunctim dictum fuerit. Relinquo rem Episcopo & ecclesiæ, de ea inter ipsos canonica diuisio facienda erit. Si verò istud Episcopo, & illud ecclesiæ relinquatur, relictis inter Episcopum, & Cathedralem ecclesiā*

ad canonicam diuisionem sunt reducenda, nisi ambo testatoris velint esse dispositione contenti, quam propter vltimæ voluntatis fauorem, obseruare est satis condecens, vbi neque fraus interuenit, nec alteruter nimium debita portione fraudatur.

9 Secus autem est, si quid legetur Episcopo, & capellis, vel monasterijs, aut alijs pijs locis: nam hoc casu, quod Episcopo legatur, eius præcipuum est, cum ecclesia Cathedrali, & de illis, quæ alijs locis legantur, portionem canonicam nihilominus obtinebit. Et hæc idè tam variè, quia non tanta inter Monasteria, aut Capellas est cõmunio, quanta inter ecclesiam Cathedralẽ, & Episcopũ, qui Cathedrali spiritali copulatus est coniugio: vnde & quæ acquirit Episcopus, non illis, sed isti tantũ acquirit.

10 Hoc autem tunc obtinere oportet, si simpliciter Episcopo legatum factum fuerit. Ceterum, si eam adiecerit conditionem testator, vt Episcopus suo sit legato contentus, & ipse legatum agnouit, quia per hoc alijs renũciasse videtur, de ceteris portionem exigere non poterit.

11 Sed si constiterit, quod eadem adiecta conditione, in fraudem modicum constituit mortuarium, vt Episcopus portione debita fraudetur in ceteris; quia dolus cuiquam patrocinari non debet, poterit is etiam ex alijs relictis exigere portionem à Canone constitutam; saluis tamẽ indulgentijs, quæ à Romano Pontifice quibusdam Regularibus sunt concessæ.

12 Illud etiam generaliter obseruandum est, circa eum, qui proprium possidere potest, prælationem, vel administrationem ecclesiæ non habentem, quod si ei aliquid relinquatur specialiter, non solum à propinquo, verum etiam ab extraneo, non intuitu ecclesiæ, sed personæ esse relictum intelligatur. Nisi probatio in contrarium appareret: & idcirco de illo nec Episcopus, nec ecclesiæ potest in vira eius sibi aliquid vindicare.

13 Taxatur autem huiusmodi quarta iuxta Canones, nam alicubi est dimidia, alicubi tertia, alibi verò est quinta talium

talium relictorum, vel funeralium, iuxta consuetudinem loci. Vbi verò cuiusmodi consuetudo non adesset, tunc attenditur consuetudo ecclesiæ Metropolitanæ. Et si hæc non appareat, seruanda est consuetudo vicinarum ecclesiarum: quæ si varia fuerit, attenditur ius commune, vt quarta pars relictæ soluatur.

14 Notandum, quod per Rotam Romanam contra Episcopum Syracusanum resolutum est in Anno 1586. die 5. Martij. Non deberi quartam Parochialem, quoties ex privilegio essent exemptæ aliquæ ecclesiæ, vt sunt Monasteria Clericorum Regularium, Minorum de Obseruantia, & Minimorum Sancti Francisci de Paula. Tum Ordinis Prædicatorum, vt declarauit Pius Papa V. in sua Constitutione 1570. Et postea resoluit Congregatio Eminentiſſimorum Interpretum. In quibuscunque autem locis soluebatur ista quarta, quæ funeralium dicitur, ante annos quadraginta, Cathedrali, vel Parochiali ecclesiæ, in ijs locis decreuit sancta Synodus Tridentina, vt & deinceps soluatur; non obstantibus concessionibus, gratijs, priuilegijs Mari Magno nuncupatis, aut alijs quibuscunque.

15 Sed etsi nihil quidem testamento quis reliquerit; sed in ægritudine constitutus, eum bonis suis ad loca religiosa se transtulerit, ecclesiæ Parochiali canonica portio debetur: modo ille de eadem ægritudine decesserit. Quod si sanus ad ea loca se transtulerit, de his quæ locis ipsis contulit, cogi non poterit aliquid ecclesiæ, à qua discessit, impertiri, quia liberum est eis, tunc bona sua non solum Religiosis, sed etiam quibilibet priuatis conferre.

16 Quod si quis, cuius maiores antiquitus in aliqua ecclesia sepeliri consueuerant, ea dimissa, alibi sepulturam elegerit, num dimissæ Canonica Portio debeatur, an Parochiali? Et statutum est, illi persoluendam, in qua quis audire Diuina, vel Sacramenta recipere debet. Habentis verò duplex domicilium, canonica portio diuidenda erit æqualiter ecclesijs, si in loco tertio sepulchrum eligat.

17 Notandum autem, quod virtute huius privilegij, non soluitur quarta de candelis, nec de donatis in vita, etiamsi postea testator in illo loco pio, cui fecit donationem, sepeliatur. Hic idem procedit, si re vera esset legatum, vel donatio causa mortis, sed testator adhuc vivens adimplevit promissum: hæc enim transiret in donationem inter vivos. Tum si quid pro fabrica, pro anniverfario, pro luminarijs perpetuo habendis, pro equis, vel armis contra infideles exercendis, pro subleuandis infirmis, aut redimendis captivis, dorandis virginibus, vel alijs ad perpetuum cultum Divinum, vel particulari personæ legatur: de quibus omnibus, nisi ea machinatione facta fuerint, ut Parochialis ecclesia fraudetur, huiusmodi portio detrahenda non erit.

18 Item notandum, quod de quibus relictis Parochialis portio non detrahitur, nec Episcopalis detrahenda erit. Quæ etiamsi debeatur, non est solvenda, nisi petatur: cū autem non petitur, & Parothus, & Episcopus, tacitè remittere subintelligitur. Et satis est, ut volentes eam solvere, nulla utantur fraude, quin illam petenti solvant: etiam quia præscriptione, seu consuetudine præscripta potest introduci, ut huiusmodi quartæ non debeantur.

T I T V L V S . X .

De Censibus, Exactionibus, & Procurationibus.

1 CENSUS appellatio generalis est, habetque varias significationes apud Artistas. *Es primo quidem* census significat, quicquid fortunarum quis habet. *Secundo significat æstimationem patrimonij*, ut sciatur quantum quis possideat, & tributum nomine Principi solvere debeat. Et talis æstimatio, seu census vulgo apud Legistas dicitur *Denumeramentum*. *Tertio, significat ipsum tributum ratione fortunarum, per capita, vel focularia impositum.* Nunc *Censiti* in Iure dicuntur, qui censibus ad-

adscripti sunt, seu à quibus census exigitur. *Quarto, census significat*, pecuniam, seu pensionem, quæ annuatim soluitur, ratione personæ, vel rei: & talis pensio vocatur *Redditus*, quia redditur alteri, & redit à tempore in tempus, ut solvatur. Et ita hic sumitur pro omni pensione, quæ Prælati de ecclesiasticis prouentibus singulis annis in signum subiectionis, vel alterius iuris penditur.

2. Speciali tamen nomine Censui hic intelligitur, qui Episcopo ab ecclesiis in argumentum subiectionis tribuitur, & *Cathedraticum* appellatur, eo quod ad honorem Cathedralis persolvatur. Quod tamen non debet temere imponi, nisi canonica causa suadente, & ab habente legitimam potestatem.

3. Constituitur autem Censui, aut foundationis tempore, aut consecrationis, aut donationis, aut tempore immunitatis indultæ: quia veluti præter Ordinarii consensum nec fundari, nec dedicari potest ecclesia; ita eodem tempore certum censum Episcopus subiectionis signum constituere poterit. Quod & Sedes Apostolica facere consuevit, cum libertatis privilegium, vel etiam quibusdam ecclesiis protectionis indulget præsidium: censumque gratis oblatum suscipit, & in literis Apostolicis ad futurorum Pontificum memoriam quantitas illius exprimitur.

4. Præter Cathedraticum verò, nullum alium censum ecclesiis imponere, aut veterem augere, aut partem prouentuum suis usibus vendicare poterit Episcopus. Nec eo etiam casu exigi aliquid poterit, cum de manibus laicorum prouentus ecclesiasticos eripuerit. Simples verò Sacerdotes, nullo modo possunt proprias ecclesias facere censuales; & qui de facto id fecerit, ab ecclesia ipsa removebitur.

5. Cæterum, si non in suum, sed in alterius sibi subiectæ ecclesiæ commodum, & utilitatem sumptus aliquis requiritur, poterit Episcopus ex iusta causa, vel nouum constituere, vel etiam augere, Capituli accedente consensu; præsertim, si qua de nouo conuersa prouincia ad ali-

alicuius ecclesie iurisdictionem accesserit: non inquit ille

6 Cum verò Apostolico testimonio suffragante, congruum sit, ut à quibus spiritualia recipimus, eisdem temporalia nostra communicemus; rectissime constitutum est, ut cum Prælati Dioecesim peragrando diuina nobis exhibent, illi etiam à nobis exhibeantur. Et hoc vocatur *Procuratio*, id est visitatibus Episcopis necessariis sumptuum exhibitio. Quam si visitati exhibere negauerint, si quam in contumaces ritè tulerit sententiam, erit inuiolabiliter obseruanda.

7 Visitandi autem sollicitudo, non modo incumbit Episcopis, verùm etiam Archiepiscopis, Patriarchis, Sedis Apostolicæ Legatis, Nuntiis, Archidiaconis, & Decanis: qui quidem ne non tam diuina, quam propria quæsi sse videri possint, cautè prospicient, ut ea quæ Canonibus sacris salubriter constituta comperiuntur, inuiolabiliter obseruent, sine grauamine Cleri. Vnde visitando Oratoria, nullam ab eis exigent procurationem, nec alijs quibusuis exactio- nibus subditos suos grauare debent, sed cum charitate, ubique moderatum ab eis, si manifesta extiterit necessitas, postulabunt subsidium.

8 Procuraciones verò prædictas nemo nisi præstito visitationis officio iure percipiet, idq; in victualibus, non in pecunia, aut muneribus, sub poenâ suspensionis, & interdicii, nisi ea quæ acceperant, infra mensem reddere procurauerint. De qua re plura emanauerunt Pontificum decreta, statuentia, quid vnusquisque Prælatus habita personæ, & dignitatis, omniumq; cautionum ratione accipere possit, alicuius officij, vel consuetudinis occasione; puta, etsi amanuensis, vel à sigillo sit.

9 Tridentinæ etiam Synodi Constitutionibus prouisum est, ne visitatores inutilibus sumptibus cuiquam graues, onerosæ sint. Neue ipsi, aut quisquam suorum quicquã procurationis causa, pro visitatione, etiam testamentorum ad pios vsus, præter id quod ex relictis pijs iure debetur, aut alio quouis nomine, nec pecuniam, nec munus quod-

cumque sit; etiā qualitercumque offeratur, accipiant: non obstante quacumque consuetudine etiā immemorabili. Exceptis tamen victualibus, quæ sibi, ac suis frugaliter, moderateque pro temporis tantum necessitate, & non vltra, erunt administranda.

10 Sit tamen in optione eorum, qui visitantur, si malint soluere id, quod erat ab ipsis antea solui. certa pecunia taxata consuetum, an vero prædicta victualia subministrare. Saluo item iure conventionum antiquarum cum Monasterijs, alijsue pijs locis, aut ecclesijs non Parochialibus inito, quod illæsum permaneat. Quod si quisquam aliquid amplius in supradictis omnibus casibus accipere præsumperit, is præter dupli restitutionem intra mensem faciendam, alijs etiā poenis iuxta prædictam Constitutionem Concilij Generalis Lugdunensis, nec non, & alijs poenis in Synodo Prouinciali arbitrio Synodi, absque vlla spe veniæ mulctentur.

TITVLVS XI.

De Decimis.

Decimas à populo Sacerdotibus, ac Leuitis esse reddendas, diuina sanxit authoritas. Exodi 22. Quas si quis dederit, non solum vbertatem fructuum recipiet, sed etiā corporis, & animæ salutem consequetur. Primitiæ verò in Veteri lege imperatæ, nunc voluntariè offeruntur Deo, de primogenitis gregis, & de primis fructibus agrorum, & arborum, in gratiarum actionem pro acceptis ab eo fructibus, & cedunt in vsum ministrorum Dei; sicut & oblationes reliquæ sponte à fidelibus præbitæ.

12 Sed Oblatio est magis generalis quam Decima: nam decima solum respicit oblationem externam, vt ex eius definitione patebit; sed oblatio tam internam, quam externam oblationem complectitur. *Interna est*, dum quis offert seipsum Deo per interiorem affectum, vel etiā per actum exterioro-

teriores, ut Martyres obrulerunt seipsos Domino in sacrificium laudis, & Religiosi per actum exterioris professionis, & interioris voluntatis eidem Deo se offerunt. *Exterior verò oblatio est*, quando ex nostris bonis exterioribus, siue sensibilibus, mediâtè, vel immediâtè offerimus Deo aliquid in recognitionem dominij, & excellentiæ ipsius, & seruitutis nostræ ad ipsum.

3 *Decima autem est*, honorum mobilium iustè quæfitorum pars Deo, eiusque Ecclesijs in signum vniuersalis dominij debita, (Et per hoc in Iure Canonico sæpius Decima, & Oblatio pro eodem sumitur) cuius perceptio iure communi ministris Dei debetur, tanquam in stipendium pro sustentatione ipsorum ob ministerium spirituale.

4 Et est triplex decima ecclesijs solui solita: nempe, *Realis*, quæ debetur ratione rei, ut est frumentum, oleum, vinum, saccharum, linum, canabes, & omnes alij fructus agrorum. *Personalis*, quæ debetur ratione personæ, nempe ex licita negotiatione, artificio, & hominis industria solerti. *Et Mixta*, quæ debetur ex animalibus diuersis, in quibus fouendis, custodiendis, & augendis, & res, & industria personæ consideratur. Cæterum, ex usuris, furtis, rapinis, latrocinio, pyratia, lenocinio, & quouis alio modo illicito acquisitis rebus, nec soluitur decima, nec soluta recipi debet: ne aliàs peccatum approbari videatur per ministros Dei.

5 Inter personales autem, & prædiales, seu reales decimas, hoc interest, quod personales illi solum Parochiæ debentur; in qua quis ecclesiastica Sacramenta recipit, tæti si lucrum alibi contigerit, reales verò, seu prædiales, si ex prædijs in aliena Parochia constitutis fructus collecti fuerint, ei debentur ecclesiæ regulariter, in cuius territorio prædia sunt constituta. Quanquam si consuetudo aliud introduxerit, ut in partibus Septentrionalibus per sepe videre est, consuetudo seruanda erit.

6 Item si personales decimæ, quæ de rebus acquisitis, vel factis ex pecunia decimata, vendantur, ut puta domus, ager

ger, vinea, molendinum, grex, aut merces quælibet, expensæ prius, quas quis in rebus parandis fecerit, deduci debent, & de residuo quasi de lucro decimæ præstabuntur. De prædialibus verò decimis impensæ non deducuntur, & fructus non nisi cum onere decimarum alienantur.

7 Illud commune tamen est, tam personalibus, quàm prædialibus decimis, quod expensæ, quæ factæ fuerint pro restaurando detrimento rerum, ex quibus decimæ persoluantur, vt si pars aliqua moriatur armenti, vinea fiat deterior, mercis depereat, portio de prouentibus decimandis minimè deduci debet. Cuius rei illa est ratio, quod penes Dominum res instauratæ remanent.

8 Sed nec Censui, nec tributis fructibus de quibus decimæ soluendæ fuerint, primitus deduci poterunt. Cum enim in signum vniuersalis dominij quasi quodam speciali titulo, decimas sibi Dominus reseruauerit, consequens est, vt in prærogatiuam dicti generalis dominij decimarum solutio censuum, & tributorum præcedat exactionem. Vel saltem hi, ad quos census vel tributa peruenerint, quoniam res cum suo transit onere, decimas soluere per censuram Ecclesiasticam compellantur.

9 Hinc statutum per Pontifices, vt de bonis quæ acquirunt Religiosi à Laicis, onus extradendarum Parochis, & alijs beneficiatis, decimarum ipsi subeant, ac omnino eas ita exsoluant sub poenis, prout eas soluere, & extradere, manipulariter laici tenebantur, priusquam illa bona seu possessiones, in manus & hæreditatem Regularium deuenirent; ne vel laici eorum exemplo deinceps scandalizentur, & decimas Ecclesijs denegent, vel ministri Ecclesiarum debita sustentatione priuati, deferant curam animarum, & administrationem Sacramentorum. Nullo igitur privilegio, consuetudine, aut præscriptione potest induci, vt aliqui liberentur à solutione decimarum, quando ex alijs redditibus ecclesiasticis non suppetit congrua sustentatio ministris spiritualium.

10 Hinc secutum in Regno Polonia (vbi præcipui red-

K K

di-

Diuino, per quod debet ab omnibus prædia, & villas possidentibus solui: quo verò ad quoram, est de iure humano, per quod potest etiam super ea fieri compositio, ut non tantum in manipulis, aut grano soluatur, sed etiam in pecunijs, aut alijs rebus valorem eius representantibus; id tamen fieri debet cum superioris auctoritate, & cautione, ut non excedat vitam componentium; eo quod laici perfractis omnium diuinarum atque humanarum legum, quæ decimas statuunt, repagulis, persolvere eas recusant; vel cum euidenti Rectorum, & Ecclesiæ damno transactiones de eis statuum, quas etiam perpetuare student, non attendentes ad carestiam & mutationes temporum. Ideo Pauli Papæ V. sanctione, Pastoralem Maciejouij Cardinalis epistolam approbante, prohibitum in Regno Poloniæ est, decimas manipulares pensione pecuniaria pro perpetuis temporibus commutare. Præsentes tamen atque separatas à solo, liberum est Clericis pro suo arbitrio, cui, & quomodo voluerint vendere: dummodo æstimationem illarum consulto, aut enormiter in damnum Ecclesiæ consequenter futurum, deteriore non faciant. Quod Urbanus quoque Papa VIII. cum Sinodo Prouinciali, sub Ioanne Venizii Primæ Poloniæ celebrata, seruandum in praxi assidue approbavit, & præcepit.

12 Eadem ratione constitutum est, ut non solum de vino, saccaro, grano, fructibus arborum, & hororum, decimæ persolui debeant, sed etiam de pecoribus, de venationibus, de negotiationibus, de ipsa etiam militia, & denique de omnibus bonis, & prouentibus omnibus bonis, itaut qui de his eas cum integritate soluere neglexerint, Ecclesiastica distictione percelli debeant. Soluere autem debent non tantum Christiani, sed etiam Iudæi, & omnes infideles, licet sint extra gremium Ecclesiæ, modo agros, & bona predialia possideant: idque sub renūciatione possessionis; quod Ecclesia fuisset perceptura ab alio Christiano, qui inhabitasset in eius Parochia.

13 Vbi notandum est, quod Iudæi, & infideles omnes, prædiales tantum decimas soluere debent, Christiani verò & prædiales, & personales. Prædiales verò non tantum de agris antiquitus conseminari solitis, sed, etiam de noualibus, & pratis, vbi consuetudo & vsus à quadraginta annis est. Extatque in Regno Poloniæ Constitutio Synodales, à Ioanne XXIII. Martino V. & Gregorio XIII. approbata præcipiens Religiosis omnibus, vt decimas Ecclesijs antiquitus debitas extradant, & de prædijs nouiter acquisitis, aut proprijs manibus, sumptibusue excultis, præcipue vero de noualibus & pratis soluant: nisi quis specialiter priuilegio ab ipsarum præstatione doceatur exemptus. Et si in decimatione defraudauerint, omnes ipsis ad hoc opem, vel operam in præmissis dantes, & ipsorum seruitijs intendentes, decernuntur ipso facto excommunicationis sententiam incurrisse.

14 Sed nec semper eis priuilegium suffragabitur. Nam si res iudicata obsistat, vel priuilegio muniti, decimas per quadraginta annorum spatium soluerint, cum liberum sit vnique iuri proprio renunciare, præstatione tanti temporis proprio priuilegio detrahare voluisse præsumitur, & capropter ad decimarum præstationem, tam de antiquis, quàm de noualibus agris compelli poterunt. Est autem nouale, ager nuper ad culturam redactus, pratis videlicet coaratis, aut lacubus exsiccatis, vel sylvarum dumetis, vepribusque extirpatis, de quo, quod aliquando cultus fuerit, memoria non extat.

15 Item, si post initam inter aliquos super decimis conuentionem, certi temporis priuilegia obtenta fuerint, nisi conuentioni per ea derogetur expresse, illis non obstantibus erit inuiolabiliter obseruanda. Ita enim huiusmodi priuilegia sunt accipienda, vt nemini læsionem, præcipue enormem inferre debeant. Proinde Ordinarius de eiusmodi exemptorum priuilegijs cognoscere debet, & prouidere, vt Rectores de redditibus ecclesiarum congruè sustentari, & onera persolvere possint: puta, procuraciones

Legat.

*Legatorum, & Nuntiorum Sedis Apostolicæ, Cathedra-
ticum, collectarum pro defensione Patriæ, & similium.*
Tali enim casu priuilegium, non solum redigitur ad mo-
dificationem, sed tollitur etiam in totum.

16 Super decimis quoque non soluendis priuilegiati,
si aliena prædia conduxerint, priuilegio minimè obstan-
te, de conductis prædijs solitas decimas Parochis suis inte-
gras persoluent. Idemque erit de locatis prædijs, si pri-
uilegiatus super laboribus, quos proprijs vel manibus, vel
sumptibus excoleret, terras suas alijs locauerit.

17 Cum autem nulla sit laicis de spiritualibus dispo-
nendi facultas, ideò Imperator, Rex, aut Princeps abso-
lutus, nullam habent facultatem concedendi priuilegia
super decimis non soluendi. Immo sacrilegij crimen in-
currit, qui de manu laicorum rem ecclesiasticam recipiet:
nisi huiusmodi immunitatum priuilegia ab Apostolica po-
testate obtenta fuerint. Quapropter præcipit sancta Syno-
dus Tridentina omnibus cuiuscumque gradus, & condi-
tionis sint, ad quos decimarum solutio spectat, vt eas, ad
quas de iure tenentur, in posterum ecclesijs, vel personis,
quibus legitimè debentur, integrè persoluant. Qui verò
eas aut subtrahunt, aut impediunt, excommunicentur;
nec ab hoc crimine, nisi plena restitutione secuta, absol-
uantur.

18 Ex contrario quoque, laicus etiam à clericali po-
testate decimas recipere, & in alium velut hæreditario iu-
re transmittere non poterit: & si secus actum fuerit, & qui
concesserit à statu suo deijciatur: & qui receperit, & eccle-
siæ non reddiderit, & viuens quidem excommunicationis
vinculo innodabitur, & mortuus ecclesiastica sepultura
carebit. Siquis tamen, cum ecclesiæ suæ conditionem
meliolem facere possit, decimarum suarum prouentus a-
licui locare velit; dummodò huiusmodi locatio ad fraudem,
vel alienationem non videatur extendi; id facere minimè
impediatur.

19 Postremo sciendum, quòd veluti Parochialibus ec-
clesijs

eleſijs (ſecundum ea quæ proximè appoſuimus) decimæ debentur , ita etiam decimarum ipſarum quarta Epifcopo à Reſtoribus eccleſiarum, niſi legitima obſtet præſcriptio, perſoluenda erit, (vna autem eccleſia contra aliam, decimas quadraginta annorum ſpatio præſcribere poteſt) Romano quoque Pontifici interdum eccleſiæ decimas ſoluere compelluntur, ſi pro vniuerſalis Eccleſiæ vſibus ſit neceſſarium, vt Bonifacius VIII. ſua conſtitutione hoc ſuſius declarauit, & poſtea addidit nonnulla Clemens V. vt ex ipſius conſtitutione patere poteſt.

T I T V L V S X I I .

De Rebus Eccleſiæ abalienandis, Vel non.

1 **Q**uamuis Leges Pontificiæ curent, ne Clericis facultates idoneæ ab eccleſia deſint, & propterea illis præbendas ſuggerant; ea tamen bona Clericorū ipſorum in dominio cenſeri nemo exiſtimet, vel quòd illis poſſint ſuo arbitrio vti, & ad quocumque vſus transferre: nam præterquam, quod ſupra docuimus, quibusnam vſibus ſint illæ facultates deſtinatæ, præterea etiam cauendum eſt, ne alienentur, ne patrimonium Petri prodiga Prælatorum, & aliorum Clericorum libidine exhauriatur; quo facto inæſtimabile damnum eccleſiæ inueheretur, ſi opes deinde non ſuppeterent, quibus ſubleuari poſſent, qui miniſterijs diuinis omnem operam ſuam dicarunt.

2 Quapropter à Concilijs, & Summis Pontificibus diuerſis ſtatutum eſt, ne cui liceat alienare rem immobilem eccleſiæ, nec mancipium, neque ſpecialis hypothecæ titulo cuiquam addicere. Alienationis autem titulo diffinitū eſt contineri *conductionem, donationem, venditionem, permutationem, & emphyteuticum contractum perpetuum*. Qui verò hanc Conſtitutionem fuerint tranſgreſſi (niſi duobus principaliter interuenientibus, videlicet ſolemnitate, & iuſta cauſa

causa alienandi) Leoninæ constitutionis vigore, officio priuentur. & omne damnum illatum ecclesiæ restituant ipsi, qui contractum inierint; aut eorum successores. Tabelliones autem de alienatione instrumenta conficientes relegentur; & Iudices auctoritatem alienationi præstantes, bonis, & dignitatibus priuentur.

3 In primis igitur sciendum est, nihil Episcopum regulariter, sine consensu sui Capituli, vel consilio; posse super alienatione statuere. Cum velut caput ad membra, ita sese Prælati habeat ad Capitulum. In eo autem totius videtur esse consensus Capituli, cui & maior, & sanior fratrum accesserit sententia. Aliàs, absque clericorum subscriptione, ecclesiæ vtilitate, & Romani Pontificis consensu, ab Episcopo facta alienatio, vel donatio, non tenet: quia procurator tantummodo rerum ecclesiasticarum est, non dominus, & conditionem ecclesiæ meliorem quidem facere potest, deterioiorem non potest. Quod si secus factum fuerit; nec quod gestum est, vires ullas fortietur, & Canonum temeratores, tam sæcularium, quàm ecclesiasticarum legum pœnis subiacebunt.

4 Sed nec commissam sibi ecclesiam pro alienis grauari debitis; aut literas alicui, vel sigilla concedere, quibus ecclesia possit obligari, aliquis audere debet: alioqui nec ecclesia ad talium debitorum solutionem tenebitur; & qui id ausus fuerit, à spiritualium, & temporalium administratione suspensus erit.

5 Nec licet etiam Episcopo, vel Abbati, terram vnius ecclesiæ ad aliam vertere, quamuis ambæ ecclesiæ in eius sint potestate. Si tamen eam commutare voluerit, cum ambarum consensu hoc faciat. Et permutationes rerum ecclesiasticarum ab antecessore inconsultè factæ, à successore emendari poterunt.

6 Synodus etiam Tridentina constituit, vt omnes locationes bonorum ecclesiasticorum, quæ repræsentata pecunia in successorum præiudicium fiunt, nullatenus validæ intelligantur in ipsorum successorum præiudiciū, quocumque

cumque indulto, aut priuilegio non obſtante. Nec, vt huiusmodi locationes in Romana Curia, aut extra eam confirmantur, concedit. Ac locationes rerum eccleſiaſtica- rum etiam auctoritate Apoſtolica confirmatas, eadem Synodus irritas decreuit, quas à triginta annis citra ad longum tempus, ſeu, vt in nonnullis partibus ad viginti nouem, ſeu bis viginti nouem annos factas, Synodus Pro- uincialis, vel deputandi ab ea in damnum eccleſiæ, & cō- tra canonicas ſanctiones contractas fuiſſe iudicare debent.

7 Debita tamen à prædeceſſore ſuo pro eccleſiæ ne- ceſſitate contracta, ſoluere ſucceſſor proculdubio tene- bitur, eſt enim quaſi hæres ipſius, & in vniuerſum ius eccleſiæ ſuccedit. Debet tamen in hoc caſu probare credi- tor, pecuniam in vtilitatem eccleſiæ verſam. Idem ſi cle- ricus de mandato fideiuſſerit; aut ſi non de mandato, in rem tamen eccleſiæ mutuum verterit. Alias eccleſia tene- tur ſolum illud refundere, in quo eſt meliorata, non au- tem quantum eſſet expenſum. Quod intellige, quando particularis, qui contraxit, nullam habebat adminiſtra- tionem, vel peculium.

8 Excipiuntur tamen nonnulli caſus, in quibus donā- di, permutandi, locandi libertatem, feudum, & emphiteu- ſim dandi, aut aliter alienandi iure licentia conceditur. Nā ſi quid Prælatuſ non magni valoris alicui fortè ob bene- merita donauerit, præſertim ſuadente conſuetudine, iure ſuſtinebitur donatio. Multo magis idem erit ſtatuendum, ſi quid forte ſoli ad Eccleſiæ fabricam erigendam conceſ- ſum fuerit; quo caſu tantum donare licet, quantum Eccle- ſiæ parietes concludere poſſunt.

9 Idem iuris erit, & de reddituum, fructuumque ven- ditionibus, ad tempus modicum faciendis. Et de precarijs, quæ quandoque de Eccleſiarum poſſeſſionibus fieri ſolent, quæ ne temporis longinquitate iuris Eccleſiaſtici pereat memoria, de quinquennio in quinquenniū renouandæ erūt.

10 Diſtat autem precarium à precaria, quia precariū tamdiu

tamdiu conceditur, quoad is qui concessit patitur. Precariae vero non sunt pro voluntate concedentium reuocandae, sed elapso tempore assignato ad utendum, nisi sint irrationabiles; quo casu poterit successor à prædecessore concessam precariam rescindere & reuocare. Differtque precaria concessio à donatione, quia donans sic dat ne recipiat, concedens verò precario, dat recepturus retro cum sibi libuerit, (iusta tamen ex causa) etiamsi precariam concessionem habens finito utendi termino assignato, continuauerit possessionem per longissimum tempus.

11 Ruinae quoque, quas Ecclesia reficere non valeat, & inculta prædia, aut extirpatæ syluæ in emphyteusim sub anno censu his concedi poterunt, à quibus vel suo, vel parentum suorum sumptu constiterit extirpatas. Nisi forte possint alijs ad maiorem Ecclesiae utilitatem, cum eodem onere conferri. Qui tamen si per biennium in solutione canonis cessauerint, nisi celeri satisfactione postmodum sibi consulere studuerint, iure expelli poterunt.

12 Terrulas etiam ac vineolas exiguas, & Ecclesiae minus utiles aut longe positas, vel domos quæ Ecclesiae plus incommodi, quam utilitatis afferunt, si necessitas fuerit, distrahendi potestatem Episcopus habet. Simili ratione fugitiuos seruos, & qui de fuga reuocari teneri non possunt, si voluerint, aut illi ex alio meruerint, Episcopis distrahendi potestas erit.

13 Item feudum à vassallo alienatum, & difficilis recuperationis potest Episcopus alteri sub conditione recuperandi concedere; sed ut in feudum ab Ecclesia recognoscat. Quinimmo etiamsi talis necessitas non immincat, nihilominus alienantis filium, vel consanguineum, vel eiusdem feudi consortem potest Episcopus inuestire: nam licet delictum patris priuet filium feudo, tamen illum non inhabilitat ad feudum, ut veniat iure successionis. Idem erit si per obitum vassalli feudum ad Ecclesiam remeauerit: nam & eo casu inuestire Prælatus alium libere poterit; si Ecclesiae viderit expedire. Si verò Ecclesia tempore

primæ concessionis feudi erat diues, & nunc sit depauperata, tunc Prælati res solitas concedi in feudum, in feudare amplius non poterit.

14 Illud etiam Toletano Concilio definitum reperitur, quod si sacerdotes aliquid Ecclesiæ suæ relinquunt, vel nihil habentes, aliqua prædia, vel familias Ecclesijs suis acquirunt, liceat eisdem aliquos iuxta collatæ modum rei de familia eiusdem Ecclesiæ manumittere, illa conditione, ut manumissi cum peculio, & posteritate suâ sub Ecclesiæ remaneant patrocinio. Quod si qui nihil de proprio Ecclesiæ contulerunt, libertati seruos Ecclesiæ donare ausi fuerint, ex eodem Concilio, Episcopus successor ad Ecclesiæ ius reuocare poterit. Impium est enim, ut qui lucrum de rebus suis Ecclesiæ non contulit, damnum inferre valeat.

15 Princeps autem supremus potest rem suam æqualem, vel maiorem, (si causa probabilis id poposcerit) cum Ecclesiastica re permutare, pragmatica super hoc præcedente forma; Ecclesiastica tamæ mancipia quæ frui fuerint, præterquam ad libertatem commutari non poterunt.

16 Episcopus quoque duarum suæ Diocesis Ecclesiarum, terras inuicem, ambarum partium accedente consensu, iusta ex causa, permutare poterit; & si alterius partis prædium valore præponderet ad æqualitatem inducendam ab altera parte pecuniam refundi iubebit. E contra, res suas Ecclesiæ ad inuicem permutare sine superioris licentia non possunt. De temporalibus autem ad spiritualia permutatio consistere non potest; quia spiritualia gratis conferri debent, ac ob id abhorrent omne genus conuentionis.

17 Præterea, & si quis per tempora sacris Canonibus definita, rem ecclesiasticam iusto titulo & bona fide ita possederit, ut nullo tempore rei consensum habeat alienæ, completa præscriptione, res possessa à iuribus Ecclesiæ, dubio procul intelligitur esse auocata. Prouentus tamen Primitiarum & Decimationum præscriptione tolli
non

non, poterunt, quamuis eas possidendi ius ab Episcopo laici haberent, quia alieno nomine eas possident. Et etiam si à Romano Pontifice laicus aliquis super his rescriptum impetrauerit, si possessionem interuertere voluerit, incipiet statim malæ fidei possessor esse, & ira non posset eas præscribere.

18 Cum igitur ex supra dictis appareat, ne ecclesiasticis quidem personis licere ecclesiasticas res alienare, quo detestabilior est iudicanda Principum secularium temeritas; qui falcem in messem alienam iniicere, resque ecclesiasticas prophanis, sacrilegisque manibus contrectare, easque iure suo, quasi earum domini sint, alijs donare non dubitarint; atque ita agentium Clericorum aut Monachorum substantiam rapere: vel, qui ab eis hæc petere ausi fuerint; quippe hoc modo tentata irrita esse omnia ex Concilio Lugdunensi iubentur. Hocque impium, & temerarium hominum genus à communione Ecclesiæ excludi.

19 Sed & Sacrosancta Trident. Synodus, in hanc rem sub Pio IV. vigilantissimè animaduertit, ut si quis Clericorum, aut Laicorum, quacumque is dignitate, etiam Imperiali, aut Regali præfulgeat, alicuius Ecclesiæ, seu alicuius secularis aut regularis beneficii, Montium Pietatis, aliorumque piorum locorum iurisdictiones, bona, census, ac iura etiam feudalia, & emphyteutica, fructus, emolumenta, seu quascunque obventiones, quæ in ministrorum & pauperum necessitates conuerti debent; per se, vel per alios, vi, vel timore incusso, seu etiam per suppositas personas, Clericorum aut Laicorum; seu quacumque arte, aut quocumque quæsito colore, in proprios vsus conuertere, illosque usurpare præsumpserit: seu impedire, ne ab his, ad quos iure pertinent, percipiatur; is anathemati tamdiu subiaceat, quamdiu iurisdictiones, bona, res, iura, fructus & redditus, quos occupauerit, vel qui ad eum quomodo-cumque etiam ex donatione suppositæ personæ peruenerint, Ecclesiæ, eiusque administratori, seu beneficiato integre restituerit; ac deinde à Romano Pontifice absolutio-

nem obtinuerit. Quod si eiusdem Ecclesiæ Patronus fuerit, etiam iure patronatus ultra prædictas pœnas eo ipso priuatus existat.

20 Clericus verò, qui nefandæ fraudis, & vsurpationis huiusmodi fabricator extiterit, seu consentiens, eisdem pœnis subiaceat; nec non quibuscumque beneficijs priuatus sit: & ad quæcumque alia beneficia inhabilis efficiatur: & à suorum ordinum executione, etiam post integram satisfactionem, & absolutionem, sui Ordinarij arbitrio suspendatur.

T I T V L V S XIII.

De Peculio Clericorum, Relictis, & Successoribus eorum.

1 **T**Ractatum de rebus ecclesiasticis temporalibus, & earum administratione, concludere volentes, necessario debuimus tractare, etiam de rebus quas Clerici acquirunt; vel per contractum, vel per ultimam voluntatem: & quomodo eas ab obitu suo disponere poterunt, cum bona reperta penes Clericum præsumantur esse Ecclesiæ; nec omnibus permissum est facere testamentum, & peculium suum successoribus legare. Ecclesiasticas autem res intelligimus non modò quas Ecclesiæ rationibus Sacerdos comperit adscriptas, sed etiam eas, quas ipse emrit, cum tempore suæ promotionis nihil haberet.

2 Cum igitur Clericus pauper ad Ordines promotus, de bonis Ecclesiæ acquisuisse præsumatur, quicquid habuerit, ne quando ius ecclesiasticum imminuatur, curabit ut de his, quæ superemerit, & ad ipsius Ecclesiæ nomen scripturam conficiat, & moriens Ecclesiæ relinquat: alioqui ab eius ordinatione discedat. Qui verò prætextu proprii, vel alieni nominis fraudem facere voluerit, sacrilegij nomen incurreret, ut Iudas, qui sacras oblationes asportabat & su-

raba-

rabatur. Quo exemplo & Episcopus res, quas Ecclesiæ occasione post consecrationem acquisierit, propriæ Ecclesiæ relinquere tenetur. Quod si verò acquisierit nomine proprio, ex re proprii matrimonij, tunc iam non Ecclesiæ acquisiuit, sed sibi, vel cui voluerit legare. Similiter, si Prælati acquisiuit ex industria, aut gratia Principis: Sacerdos verò ex aliquo licito artificio (puta, pingendo imagines, scribendo libros, construendo organa, horologia, citharas) tunc iam eo casu non acquiritur Ecclesiæ, sed hæredi.

3 Sed si quispiam pro anima, intuitu Ecclesiæ, Sacerdoti reliquerit, censetur relictum esse Ecclesiæ. Congruit enim, ut quemadmodum Sacerdos habet, quod Ecclesiæ dimissum est, ita & Ecclesia id habeat, quod relinquitur Sacerdoti. Siquid tamen per fideicommissum, aut Sacerdoti, aut Ecclesiæ, relictum fuerit, alteri postmodum profuturum, id inter ecclesiasticas facultates computandum non erit. Generaliter autem bona qualibet ob Ecclesiæ acquisita Sacerdotibus, siue mobilia, siue immobilia, post illorum obitum debent apud eandem remanere, nec super his ullum testamentum fieri poterit.

4 Nomine autem Ecclesiæ, ubi Clericorum est Collegium, non Episcopus, vel morientis Clerici successor, sed congregatio communis intelligitur, quæ rerum illarum curam, & canonicam debet habere distributionem. Vbi autem in locum defuncti vnus tantum substituendus erit, in ea bona, velut & alia dispensabit.

5 Licet autem Clerici, nec de mobilibus ipsi testamentum conficere possint, consuetudinis tamen est non improbatæ, ut de his pauperibus, & religiosis locis, atque his qui viuenti seruerint, siue sint consanguinei, siue extranei, aliqua iuxta seruitij meritum conferantur; non testamenti ratione, sed eleemosynæ duntaxat intuitu. Item, si tantundem de proprii iuris facultate contulerit Ecclesiæ, quantum de ecclesiasticis bonis legauerit ad pia opera & eleemosynas, legatum sustinebitur.

6 De his verò, quæ vel paternæ successionis, vel cognatæ

gnationis intuitu, seu consanguineorum, vel amicorum munere; respectu non habito ad Ecclesiam, ad Clericos peruenierint, liberè testari poterunt. Idem si ex aliquo condecienti artificio Clericus lucraretur, vtsuperius attigimus; puta, si lecturam assumeret; vel prædicationem; si libros ederet & à Patronis muneretur; si alicuius Magnatis filium institueret, & præmio cōdigno honoraretur: si donatione, legato, pensione, aut successione aliquid assequeretur, vel artificio aliquo, personalique industria acquireret. Quod si verò Clerici decesserint intestati, nec aliqui fuerint inuenti, qui iure cognationis ipsis succedere valeant, si ingenuis gaudeant natalibus, in integrum tunc Ecclesia succedet, nec cuiquam ex rebus eorum aliquid præsumere licebit. Aliud si egentes essent, & paupertate pressi.

7 Si verò seruus ad sacros Ordines promotus libertatem nactus fuerit, idemque postea decesserit intestatus, nihil olim dominus de bonis eius vindicare poterit; sed eius peculium in quatuor partes diuidetur: quarum vna Episcopo; altera Ecclesiæ, tertia pauperibus assignabitur, quarta parentibus. Et si non sint capaces parentes, Episcopus eam recipiet, & in vsum Ecclesiæ diligenter distribuet.

8 Et quia hic de Testamentis & vltimis voluntatibus Clericorum tractamus, sciendum est, Testamentum esse, iustam sententiam voluntatis de eo, quod quis post mortem suam facere voluerit. In quo condendo, quamvis leges ciuiles maiorem testium numerum, nempe septem requirant; Ius tamen Canoicum ea quoque testamenta recipit, quæ coram proprio presbytero; & duabus vel tribus alijs personis idoneis facta sint, & executionem eis concedit, omni consuetudine reiecta, quæ maiorem testium numerum desideraret.

9 Item hoc iure, qui extremam voluntatem suam in alterius dispositionem confert, non videtur intestatus decedere: quamvis ius ciuile absurdum existimat eiusmodi dispositionem in alienum arbitrium conferre. In iure attamen Pontificio non minus executionem ad pias causas, quam-

quâuis per verba enunciatiue ad aliud prolata scriptû sit.

10. Et quia in *Testamentis* hac tria communiter fieri solent. Hæredis videlicet institutio, Legata, & Fideicommissa: sciendum est, quòd sine institutione hæredis testamentum nullum esset, quia hic debet legata & fideicômmissa exequi. Legatum itaque est, donatio quædam à defuncto relicta, ab hærede præstanda: præstarique debet etiam nudis verbis relicta. Fideicommissum verò est duplex, aliud singulare, & aliud vniuersale. *Vniuersale*, est, cum hæres de restituenda hæreditate, vel eius parte rogatur. *Singulare autem* est, cum singulas res quis alij restituere grauatur, vt fundum, hominem, vestem, argentum, pecuniam numeratam. Si igitur hæres nimium legatis grauatus fuerit, vel fideicômmissis particularibus, legis Falcidiæ beneficio, vel de fideicommissis vniuersalibus, Senatus consulti Trebelliani ope detrahere vel supplere: in his tamen quæ ad pias causas relicta sunt, Falcidia cessat.

11. Et quamuis leges sæculi hoc habeant, vt hæres ad soluendum cogatur, si author eius rem legauerit alienam, lege tamen Dei, qua secundum ius nostrum in primis viuatur, iniustum videtur, vt res, quæ alienæ sunt, à legatario teneantur. Idcirco in omnibus pijs voluntatibus per locorum Episcopos prouidendum est, vt secundum defuncti voluntatem vniuersi procedant, executoresque testamentorum huiusmodi, absque vllius iniuria, bona ipsa fideliter & plenè in vsus pios erogent. Quod si verò executor monitus intra annum piam Testatoris voluntatem exequi neglexerit, Episcopus ipse has partes supplebit.

12. Non omnibus autem permissum est facere testamentum. Nam religiosus quilibet, & Prælati monasterij, qui tria substantialia professus sit vota, scilicet pauperatam, obedientiam, & castitatem, testari non potest: quia sicut seruus simpliciter acquirendo acquirit domino, ita Prælati incapax, etiam si nomine suo proprio acquirat, acquirit Ecclesiæ.

13. Item hæreticus (cum nihil habeat, bonaque omnia sua

sua fisco debeantur, etiamsi post mortem tantum eius labe detecta, sit) merito factionem testamenti non habet. Nec etiam publicus vsutarius; nisi præscriptam à lege cautionem præstiterit. Nec seruus. Nec furiosus; nisi cū habet lucida interualla. Nec mentecaptus. Nec mutus: Nec surdus à natura: secus si ex accidenti, & scribere sciāt. Nec qui articulatè hæredis nomen exprimere nescit. Nec impubes, videlicet masculus minor anno quartodecimo, femina duodecimo. Nec filius familias, nisi de peculio castrensi, vel quasi castrensi. Nec prodigus, postquam ei bonis à iudice interdictum est. Nec qui damnatus ad mortem naturalem, vel civilem, fuit. Nec qui ad perpetuum carcerem, siue Clericus siue Laicus, damnatus est. Nec de statu suo dubius & incertus. Nec apud Paganos captiuus. Nec criminis læsæ Maiestatis reus. Nec damnatus ob crimen famosum. Nec qui utroque lumine orbatus est; nisi formam quandam à iure traditam obseruet. Nec is denique, quem publicè notum est excommunicatū esse.

14 Sed non omnes tamen supradicti, ad pias causas testari prohibentur, sed hi tantum, quibus ideo testamenti factio adimitur, quia iudicium non habent; vel quia nihil propriū habere possunt; vel in alienā potestate sunt. Ad prius exemplum pertinet furiosus, mentecaptus, prodigus, impubes. Ad posterius, seruus, religiosus, hæreticus, reus læsæ maiestatis, captiuus, & similes.

15 Ab intestatis verò Clericis, illud quod venit applicandum fisco, non applicatur fisco Papæ, sed Episcopo loci, vt diligenter distribuatur ad vsum Ecclesiæ: quia Episcopus & Clericus tenentur arētissimo vinculo charitatis & misericordiæ, erogare superfluum Ecclesiasticorum in vsus pios, & egenorum subleuationem. Sed iam restat, vt videamus de Iudicijs,

LIBER QVINTVS

De Iudicijs Civilibus, ad forum Ecclesiasticum spectantibus.

TITVLVS I.

De Diuisione Iudiciorum.

Explicito tractatu personarum altioris gradus in Ecclesia Dei libro primo, & inferioris gradus libro secundo: itemque rerum Ecclesiasticarum spiritualium libro tertio, & rerum secularium libro quarto: restat iuxta partitionem initio factam, tractare de Iudicijs Civilibus prius, quorum materia est ampla, & admodum diffusa, postmodum de Criminalibus, deque Censuris deinceps Ecclesiasticis, illa perstringentibus. Sed hoc sequentibus libris. Modo videndum est, quid sit Iudicium, vnde sic dicitur, & quomodo inter se diuidatur.

1. *Iudicium itaque, prout hic sumitur pro instantia causæ discutiendæ, est actus legitimus trium personarum in iudicio contententium, videlicet, Actoris, Rei, & Iudicis. Diciturque iudicium, quasi ius dictum; quod veteres inquisitionem appellabant; iudiciorumque auctores, præpositos quaesitores. Quod quidem nomen inquisitionis adhuc retinemus in ea specie iudicij criminalis, in quo iudex procedit ex officio.*

2. Diuisione autem iudicij est trifaria in iure Canonico. Prima desumpta à materia & potestate. Secunda à qualitate iudicis. Tertia denique ab ordine procedendi. Humanum etenim genus, non tantum legibus, sed etiam potestate regitur: hinc ius Civile originaliter dependet à potestate Cæsarea: & ius Canonicum à potestate Pontificia. in tantumque Clerici sunt ab ecclesiastico iudice indicandi, vt nec Papa subicere possit Clericos potestati seculari.

M m

4 Atque

4 Atque hinc, *prima diuifio iudiciorum hæc eſt*, quòd aut ſunt ſecularia, aut eccleſiaſtica. *Iudicia ſecularia ſunt*, quæ coram iudice laico inter perſonas ſeculares exercentur. *Eccleſiaſtica verò ſunt*, quæ coram iudice eccleſiaſtico inter perſonas eccleſiaſticas agitantur. Et ſicut ciuiliū non niſi ciuiliſ eſſe deber executor dependens à poteſtate Imperiali ſeu Regia: ita etiam eccleſiaſticarū iudex eſt adminiſtrator dependens à poteſtate Pontificia.

5 Sunt tamen caſus plurimi, in quibus iudex Clericus cognoscit inter laicos, & è contra laicus inter Clericos: & tale iudicium vocatur mixtum, vbi agitur de re quæ participat de vtroque: videlicet, in cauſa matrimoni, uſurarum, p. nuri, sodomix, decimarum, pupillorum, viduarū miſerabilium, ſortilegiorum, *hereseus*, blaſphemiæ, & omnes aliæ controuerſiæ, quæ aliquando oriuntur inter Laicos & Clericos, conſiderando quis gerat perſonam rei cõuenti, & rem ipſam quæ in iudicio eſt proponenda: quia ſemper actor ſequitur forum rei, & qualitatem obſeruet negocij.

6 Semper autem eſt competens eccleſiaſticus iudex inter laicos vbi cumque agitur de materia peccati: & vbi cumque delinquitur contra miſerabiles perſonas, quæ ſemper ſunt ſub proteſtione Papæ & Epiſcoporum. Similiter vbi delinquitur cõtra libertatem & immunitatem eccleſiaſticam, & vbi iudex ſecularis non poteſt prouidere, aut non auditur in iudicio, ſpectat ad iudicem eccleſiaſticum declarare peccatum, & res determinare, inhibere, atque etiam punire, ſi delictum eſt punibile de iure Canonico; vel de iure Ciuili & Canonico ſimul. Et tunc erit mixti fori, & præfertur ille qui præuenit.

7 Habent igitur Clerici priuilegium, ne coram iudice laico conueniri valeant, cui non poteſt vilo pacto renunciari, aut priuatorum conſenſu iuramentoque illicito derogari. In iudicem tamen non ſuum, ſi is perſona ſit eccleſiaſtica, & Epiſcopi Diocceſani conſenſus acceſſerit, Clerici conſentire poterunt. Sed in laicum arbitrum nequaquam com-

compromittere poterunt, etiam si renunciaſſent foro cum conſenſu & licentia proprii Episcopii. Episcopus enim non poteſt delegare laico criminales cauſas Clericorū, etiam si eſſent ſimul delegari Clericus & Laicus; quia ille laicus adhuc nō poſſet cognoſcere: nec poſſet verberare ſeu torquere Clericum, etiam accedente mandato Episcopii, quia adhuc incideret in excommunicationem.

8 Poteſt tamen Episcopus delegare laico cauſam civilem Clericorum, ſed circa poteſtatem imponendi cenſuras. Et Pontifex poteſt in priuilegium concedere Principi laico (quod tamen ſine maxima cauſa facere non debet) cognitionem certarum cauſarum inter Clericos: non verò certorum Clericorum: quia per illud verbum Domini, *Noli te tangere Chriſtos meos*, ſunt exempti à poteſtate ſeculari.

9 Regulariter tamen receptio Clericatus; beneficii, vel ſeruitij in Eccleſia poſt delictum commiſſum, nihil proficit aſſumentis, ad effectum exemptionis à iudice ſeculari; & ſic ab ipſo poterit puniri abſque eo, quod delinquens fori priuilegio gaudet. Dummodo conſtet ipſum ordinem eccleſiaſticum ſuſcepſiſſe in fraudem, vt ſe eximeret à iuriſdictione ſeculari. Secus tamen ſi conſtaret abſque vlla fraude poſt commiſſum delictum aliquem aſſumpſiſſe Clericatus ordinem, quia huiusmodi ordo eum liberat à iuriſdictione iudicis ſecularis. Nam laicus iudex quoquomodo Clericum condemnaret, ab Eccleſia, cui iniuriam irrogaviſſe noſcitur, tam diu ſequeſtrandus erit, quouſque reatum ſuum cognoſcere emendet.

10 Dubitari tamen cōtingit, ſi iudex laicus delinquentem captum detineat, & is ſe Clericum aſſerens ad Curiam eccleſiaſticam remitti poſtulet; vel illum Curia ipſa eccleſiaſtica tanquam Clericū repetat; ſi iudex laicus illum eſſe Clericum inficiatur, & propterea minimè remittendum contendat, quis ſit huius dubitationis legitimus ſururus iudex? Et cum de re eccleſiaſtica & ſpirituale ſit controuerſia ad iudicem eccleſiaſticum huiusmodi cognitio pertinebit. Iudex tamen ſecularis, vel alius, cuius interſit,

dum res huiusmodi cognoscitur vocandus erit.

11 Sed si notorium fuerit, vel fama publica extiterit reum captum talem esse Clericum, qui huiusmodi priuilegio gaudere debeat, aut ipse pro Clerico communiter habeatur; statim ante ullam de Clericatu cognitionem ecclesiasticæ Curix restituendus erit. Idem dicendum est, si ante deprehensionem pro Clerico publicè se gerens tōsuram & clericales vestes deferens deprehensus fuerit: donec enim contrariū constiterit, talis, qualem eum demonstrat habitus, præsumendus erit.

12 Aliud obseruandum: si antequam deprehenderetur, publicè se pro laico gerebat, & quasi laicus communiter habebatur: nam quanquam deprehensionis tempore in habitu Clericali repertus fuerit, ob præsumptionem, quæ aduersus eaptum ex præcedenti laicalis habitus delatione orta est, non antea restituendus erit, quam de Clericali titulo fidem fecerit. Interim tamen quiuis processus iudicis penitus conquiescet.

13 *Secunda iudiciorum diuisio est.* Quod quædam sunt ordinaria, & quædam extraordinaria siue delegata. *Iudicium ordinarium est*, quod coram iudicibus ordinarijs exercetur. Ordinarius verò iudex est, qui suo iure, vel superioris beneficio vniuersalem iurisdictionem exercere potest, ut Episcopus, Archiepiscopus, Legatus, & similes. Constituitur autem à Legè, à Prinçipe, Consuetudine, vel Vniuersitate. *Extraordinarium siue delegatum iudicium est*, quod coram iudice delegato exercetur. Iudex verò delegatus est is, cui ab eo, qui demandare potest, causa committitur.

14 *Tertia iudiciorum diuisio est*, quod quædam sunt Summaria, quædam ordinaria & solemnia. *Summaria sunt*, in quibus subtili & solemnari ordinis iudiciarij obseruatione prætermissa proceditur. Ut sunt causæ electionum, postulationum, provisionum, matrimonij, usurarum, decimarum, beneficiorum: item in causis hæresis, & similibus; in quibus nec solemnis libelli proscriptio, nec litis contestatio est necessaria: sed simpliciter de plano, sine strepitu ac figura iudiciali

ciali proceditur. Itaque de his iudex etiam tempore feriarum, ob hominum necessitates indultarum, cognosceret, & litem, dilationes amputando, exceptiones dilatorias & frustratorias repellendo, quanto poterit faciet breviorum, prout hæc duabus Clementis luculentissimis Constitutionibus latius continentur. *Iudicium* vero *Ordinarium* & *solemnè est*, in quo exquisito & solemnè iuris ordine servato proceditur: ut puta, libellum porrigendo, litem contestando, & alia faciendo, de quibus infra latius visuri sumus.

Sciendum autem est, quòd tam in seculari, quam in Canonico iudicio, siue ordinariè siue extraordinariè procedatur, & siue summariè siue solemniter in terminis ordinarijs causa discutatur, aliud est iudicium Civile, & aliud Criminale. *Civile est*, cuius finis respicit priuatum, & commodum: & de hoc libro præsentè tractabimus. *Criminale est*, quòd publicum interesse, vindictamque publicam respicit; & de hoc infra libro sexto tractabimus, cum aliqua adhuc ad iudicium delegatum pertinentia titulo sequenti tradiderimus.

TITULVS II.

De Iudicijs Delegatis.

CVM Episcopus in tota sua Diocesi iurisdictionem ordinariam à Summo Pontifice sibi traditam noscatur habere, poterit in quolibet loco sue Diocesis non exempto, per se, vel per alium pro tribunali sedere, & ea quæ ad ipsius spectant officium libere exercere, & cum opus fuerit, auxilium publicum, si non habet iurisdictionem temporalem, implorare. Hinc statim collige, quòd non solum Princeps Supremus, aut Papa, sed etiam alij Ordinarij possunt ad bonum publicum iurisdictionem mandare. Istamen, qui ab Imperatore, aut Papa mandatur, cæteris longè præstat. Nam & alteri ex causa subdelegare (nisi illius electa fuerit industria) renitentemque compellere, & propriam sententiam exequi, &

contra ipsum Ordinarium procedere potest; quæ in cæteris delegatis non obtinent.

2 Non tamen in civili iudicio (secus autem in causa criminali) alterutri parti, ut coram se personaliter compareat, iudex à Principe delegatus, iubere poterit, nisi vel mandatum ad hoc speciale receperit: vel nisi pro veritate dicenda, vel pro iuramento calumniæ exhibendo; vel alia iuris necessitas partes coram exigit specialiter præsentari.

3 Sed nec omnibus promiscuè vices suas demandare poterit, delegatus Papæ, sed illis duntaxat, quibus auctoritate literarum Sedis Apostolicæ, vel Legatorum eiusdem causæ committuntur: hoc est, non nisi dignitate præditis, aut personatum obtinentibus, vel Ecclesiarum cathedra-
litum Canonici. Licet alias extra iudicium simplex religiosus possit esse Commissarius Papæ.

4 Potest autem vnà cum pluribus delegari: sed si in rescripto non fuerit adiecta clausula. *Quod si omnes interesse nequiverint, vel voluerint, reliqui exequantur*: Nisi simul omnes coniunctim processerint, quidquid aliqui fecerint, nullam iuris habebit efficaciam, non solum quoad sententiam definitivam, sed etiam quoad interlocutorias. Quod si verò is, qui interesse non potest, coniudici, vel alij vices suas commiserit, perinde res accipienda est, atque si omnes simul procedant.

5 Aliud iuris est, si illud adiectum sit, Nam nec impeditorum Collegarum subdelegatos admittere cogendi erunt; & quod pars illorum fecerit, ratum habendum erit. Hoc tamen ita demum obtinebit, si reliquis procedere volentibus, quosdam interesse non posse, vel omnino nolle legitime constiterit: alioqui procedentes nihil agent.

6 Porro, vno illorum commissum negotium inchoante: alij vterius se intromittere non poterunt, nisi aut infirmitate, aut alia iusta causa, illi qui causam tractare inceperit, contigerit impediri: aut idem nollet, vel dolo malo in eo procedere recusaret; tunc poterit alius, vel alij procedere. Non sic in procuratoribus datis in solidum, quia

quia vno occupante & postea impedito, alij non possunt procedere; nisi dictum fuisset in Constitutione, quod non fieret melior conditio occupantis. Iurisdictio verò per vnũ, viuo mandatore, perpetuata, quod omnes condelegatos iudices perpetuata intelligitur.

7 Sed siue vni, siue pluribus: siue à Principe, siue ab alio mandata fuerit iurisdictio; mandati forma diligenter custodienda erit, nec aliquid contra quam sibi mandatum fuerit, delegatus sibi tentare audebit. Quia potestas delegati à voluntate delegantis in mandato contenta regulari debet: quæ voluntas delegantis, vel alterius constituentis cognosci non potest, nisi vel ab ipsamet scriptura, vel à natura rei in mandato contentæ, quia declarare aliquid contingit aliquando expresse, & aliquando virtualiter.

8 Planè iurisdictionem impedientes, vel in iudicium venire detrectantes, delegatus à Papa ecclesiastica distributione, etiamsi literæ commissionis id non contineant, coercere potest. Vel pro delicti, & causæ qualitate secundum arbitrium suum, si certa poena Canonibus non exprimitur, multare: quia ex eo, quod alicui causa committitur, super omnibus, quæ ad causam ipsam spectare noscuntur, plenam recipiet potestatem.

9 Rationabiles quoque & honestas excusationes, à iuris æquitate non abhorrentes, licet id expresse mandato non contineatur, admittet. Nisi quod nullæ debeant exceptiones admitti, litteris expressum fuerit.

10 Sed etsi literas aduersus Albertum ab Apostolico impetraueris, & is, vt mandatum eludar, antequam literæ ad iudicem datum perueniant: vel etiam postea antequam citetur, de possessione, de qua controuersia vertitur, communicationem fecerit, eum qui in possessionem sese ingressus delegatus cogere, vt coram se iuris pareat æquitati, nec quod rescriptum contra Albertum impetratum, fuerit, opponi poterit: generaliter enim omnis venditio, cessio, alienatio iudicij mutandi causa facta, vtroque iure prohibetur. Alias delegata iurisdictio ad personas rescripto

non

nō comprehensas, etiam ipsis volentibus prorogari non potest.

Simili ratione statutum est, ut is, per quem ab Apostolica Sede, certo loco inquisitio, vel quid aliud expediri mandatur, ob illius potentiam, vel malitiam, contra quem inquiri vel procedi mandatur, vel fautor eius, eo loco secure mandatum executioni mandari nequeat, ad id exequendum locum securum, & idoneum eligere valeat, ne quis scilicet ex proprio dolo vel fraude commodum reportet. Quinimō idem faciat, si alia probabilis causa subsit, propter quam in loco decreto perfici commodè nequeat, quod mandatur, ne tali prætextu impediri cōtingat mandatum Apostolicum, vel differri. Si autem delegatus Ordinarij in loco exequi non potest, insinuet Ordinario, qui super hoc provideat, vel expressè committendo eidem, quod extra locum statutum id proficiat, vel alio modo. Iam autem quia nō sic de facili à delegato Papæ per vniuersum Orbem recurritur ad Papam, sicut ad Ordinarium de provincia, vel diocesi; ideo delegatus Papæ excusatur, cum statim loco commodo mandata Papæ exequitur.

12. Soluitur autem delegatio multis modis, puta, reuocatione, morte, impotentia delegati, executione sententiæ, propria renunciatione, temporis fluxu, excusatione delegati, & aliquando eiusdem suspensione, & similibus modis, qui vel à natura mandati oriuntur, vel à qualitate causæ delegantis & delegati.

Reuocatione soluitur delegatio, cum is, qui mandauit iurisdictionem, antequam is cui mandata fuerit, ea uti coeperit, mandatum reuocat. Cum eo casu iurisdictione in eum efficaciter transisse non censetur: siue illa reuocatio fuerit facta expressè, siue tacitè. Quod si iam iudex delegatus uti sua delegatione coepisset, necesse est ut ei reuocatio intimetur, ut processus coram eo factus non teneat.

14. Morte autem extinguitur delegatio, tam eius qui mandauit, si re integra decesserit, quam etiam eorum, qui delegationem susceperunt. Quod quidem adeo obtinet,

ut

ut si pluribus iudicibus datis, unus rebus eximatur humanis, delegatio etiam quo ad superstites expiret: nisi aliud in delegatione comprehensum fuerit; aut sub dignitatis nomine non proprio, facta fuerit. Quia tunc mortuo eo, qui est in dignitate constitutus, iurisdictio transit in successorem etiam re integra.

15 Et quia mors & absentia æquiparantur re integra, idcirco si ab Apostolica Sede datus iudex quoties eum abesse contigerit, vices tibi suas commiserit, & interim rebus humanis eximatur ipse, tu commissum tibi negotiū libere poteris definire, si illo vivente iurisditione uti cœperis, non secus ac si is viueret & abesset. Idem iuris est, si tibi vices sub ea forma committat, donec eas reuocandas duxerit.

16 Sed etsi delegatus mortuus quidem non fuerit, ita tamen impediatur, ut omnino delegationis negotio interesse non possit, extinguitur delegatio. Impedimentum autem intelligitur, tam iuris, quàm facti. *Iuris*, ut si infamis factus, excommunicatus, vel suspensus, aut alio legitimo impedimento detentus fuerit. *Facti*, ut si ineuitabili necessitatis articulo, puta infirmitate, præpediatur; aut caprus à barbaris in seruitutem deducatur.

17 Idem iuris est, si delegatus à Principe, per se, vel per alium, sententiam executioni mandauit, vel mandari præcepit. Tunc enim eius iurisdictio cessat: quia semel est officio suo functus. Quod si mandauit per alium, & non est paritum, ipsemet postea exequetur. Et ideo per sententiam solam non videtur iudex officio suo functus, nisi & exequatur. Vnde iudex delegatus habet iurisditionem post definitiuam intra annum integrum: post annum verò secus; nec potest iam exequi sententiam suam. Et propterea non potest iudex delegatus absoluerè excommunicatum à se, nisi intra annum. Nisi esset appellatum à sententia, vel ab excommunicatione: quia tunc annus non currit, & potest absoluerè post annum.

18 Quod si verò index delegatus interloquendo, pro-

N n

nun-

nunciauerit se super aliqua causa procedere non debere, esseque se iudicem ad hoc incompetentem, usque adeo iurisdictionem amittit, ut etiam ex litigatorum consensu illam reassumere non possit. Si verò pronunciat se competentem, & non appellatur, sententia transit in iudicatum, & acquirit iurisdictionem, & valet iudicium coram eo, quamvis in veritate non esset iudex competens.

19 Sed & cum causa intra certum terminum deducenda committitur, termino transacto mandatum expirat: nisi tempus communi partium consensu prorogatum fuerit. Terminus autem tunc incipit currere, cum iudicis literas recepisse contigerit.

20 Non absimili ratione constitutum est, ut si quis Apostolicas literas impetrans intra annum, postquam iudicum copiam habuerit, dolo, vel negligentia eis vti distulerit, auctoritate posteriorum literarum, quas postea forsitan eius aduersarius impetrauerit, conueniri valeat: licet in posterioribus nulla mentio de prioribus habeatur. Alias non data impetratione secundi, valet primum rescriptum perpetuo.

21 Recusatione quoque extinguitur delegatio, quod eo casu accidit, quo iudex datus, altero litigatorum petente, ob probabilem aliquam suspicionis causam, à iudicio remouendus pronunciat: ut puta, si iudex datus dicatur dominus litigatorum aut consanguineus, aut aduocatus, aut cum altero immodicam contraxisse familiaritatem: aut ab eodem in alia causa partem appellasse: aut nondum iudicem ad legitimam ætatem peruenisse: aut aliquo alio modo excusasse, quia materia recusationis iudicum latissime patet. Semperque extinguitur delegatio, cum iudex datus suspectus postulatur & pronunciat. Vnde sciendum est, quod iudex allegatus suspectus & recusatus nulliter procedit, quando recusatio facta est legitime, videlicet dato libello recusatorio coram ipso recusato, cum specificatione causarum recusationis, & petitis arbitris confidentibus, coram quibus obtulerit se probaturum.

turum dictas causas. Alias recusatio non releuat.

22 Dominus quoque, vt diximus, habens iurisdictionem in subditum, si fiat ei inimicus, & vassallus protestetur, & appellet; etiam extra iudicium coram honestis personis, eximitur à iurisdictione, & non potest Dominus contra eum procedere, siue sit laicus, siue ecclesiasticus.

23 Recusationis autem causa variè cognoscitur, ne contra vnum ex duobus ab Apostolica sede delegatis suspicionis causa proponatur, si quidē illa clausula appositā sit. *Quod si ambo interesse non possunt, alter in causa procedat*, coram non recusato coniudice expedienda erit. Vbi verò non est dicta clausula in rescripto, debet super hoc ad arbitros recursus haberi, prout Gregoriana Constitutione latius continetur. Cum autem delegatus Episcopi recusatur, recusationis causa coram Episcopo probanda erit, licet coram ipso, qui recusatur, sit alleganda.

T I T V L V S III.

De Procuratoribus.

1 **E**Xpositis generibus iudiciorum, consequens nunc est, vt videamus, per quas personas illa exerceri possint. Et quia non solum per nosmetipsos solemus in iudicijs litigare, verum etiā per procuratores nostros aut Syndicos; ideo titulo presenti adnotabimus, quid, & quoruplex sit procurator, qualis eius auctoritas, & quomodo finiatur. Itemque an vnus, vel plures esse possint; vel qui procuratores esse non possint.

2 Cum autem secundum Canones omnes, administrator communiter vocetur Procutator, propterea hic propriè Procurator intelligi debet, qui aliena negocia mandato Domini, vel quasi Domini, administrat. Syndicus verò, est vniuersitatis seu communitalis alicuius defensor & procurator.

3 Porro procuratorum duæ sunt species. Alij enim

N n 2

dan-

dantur ad iudicia. Alij ad negotia extra iudicium explicanda. *Primus* non potest alium substituere, nisi post contestationem iuris. Non potest esse minor viginti quinque annis, nec furiosus; nec surdus, nec mutus, nec accusatus de crimine, servus, excommunicatus: vel constitutus ab excommunicato. Nec Clericus in quolibet gradu constitutus quoad civiles causas, nisi promiserabilibus personis. Nec Regularis, nisi in casu sui Monasterij iubente Prælato. *Alter*, vocatur etiam Oeconomus & Actor, & potest ad certa negotia alium substituere, quandocumque ei opus visum fuerit; quamvis ipse nondum sit in ætate matura, ut latius infra patebit.

4 Potest autem ad iudicia, non solum Paterfamilias, verum etiam filiusfamilias, nullo intercedente Patris consensu, fieri procurator, si legitimam ætatem compleverit. Licet enim quis post decimum seipsum annum procurator ad negotia licite constituitur: ad iudicia tamen, ut supra diximus, nisi maior viginti quinque annis fuerit, constitui non poterit.

5 Aliud tamen iuris est in principalem si is ad quartum decimum ætatis annum pervenerit, in causis beneficialibus, & alijs spiritualibus, nec non ab eisdem dependentibus, ad agendum, defendendumque per se, vel procuratorem, perinde admittendus erit, atque si vigesimum quintum ætatis annum natus esset. Nec vlla patriæ potestatis, vel voluntatis erit habenda ratio: quamquam alias regulariter filiusfamilias, sine Patris assensu in iudicio esse non possit.

6 Nominatim verò filiusfamilias absque Patris assensu; in ijs rebus, & causis in iudicio versari non potest, in quibus Pater habet usumfructum. In quibus verò non habet usumfructum, & provisionem suam ad vitam, potest filiusfamilias agere, & procuratorem constituere absque Patris consensu: prout in castrensi, & quasi castrensi. In causa verò criminali, nedum sine consensu Patris constituere, procuratores, & agere potest filiusfamilias accusando, sed etiam

etiam Patre contradicente; licet contrarium nonnullis videatur.

7 Quod si quartum decimum annum natus non fuerit, in huiusmodi causis, nec agere, nec defendere per se poterit: sed vel per Episcopum, vel eiusdem Officialem, ad has lites, curator sibi dandus erit. Vel si maior infans fuerit, cum auctoritate alterius eorundem procuratorem constituere poterit.

8 Quin etiam Sedis Apostolicæ delegatus, vel ab eodem Subdelegatus, ad eas duntaxat causas, quæ coram ipso ventilandæ fuerint, vel procuratorem dare, vel procuratoris instituendi auctoritatem præstare poterunt. Constitui autem poterit non solum Clericus, verum etiam laicus qui nullum poenitus habeat ordinem, nec sit ecclesiastica persona. Regulariter enim omnis qui non prohibetur ad procuratoris officium idoneus habetur.

9 Possunt autem & plures in vna causa constitui procuratores, & vnus. Si tamen duo simul, non adiecto, quod in solidum sint procuratores, constituentur, vnus sine altero non admitteur. Sicut si sint in solidum constituti, tunc enim illius melior erit conditio, qui per litis contestationem negotium primus occupauerit. Et dominus litis factus alterum excludet, nisi constituens dixerit, quod occupantis conditio melior esse non deberet. Tunc enim si eum qui occupauit, aut legitimè impediri contingat, aut prosequi fortè nolit, poterit alter negotium ab alio inchoatum suscipere, ac perficere, dum tamen ab alio alius non fuerit substitutus.

10 Sed siue vnus sit procurator, siue plures, fines mandati diligenter custodiendi erunt, vsque adeo, vt si generaliter quis ad omnia, etiam speciale mandatum exigentia constitutus procurator fuerit, ex vi generalitatis huiusmodi ad aliquem articulum, in quo mandatum speciale exigitur admitti non debeat; nisi clausulam generalem, quorundam articulorum, speciale mandatum exigentiam, subsequatur expressio, puta transactionis, & iusiurandum

dum deferendi . Tunc enim & non expressos casus mandatum complectetur .

11 Crimina tamen, vel defectus in persona electi, vel eligendi, siue eius cuius fauore, vel facienda, vel iam facta est prouisio, nec huiusmodi generalitatis, vel expressiois obrentu, opponendi facultas competit; nisi super hoc aliud mandatum habeat . Nam huiusmodi generale mandatum grauiora, vel maiora quam in ipso procuratorio sint expressa, non complectitur .

12 Sed & illud non est omittendum, quod licet procuratori ad negotia liberum sit alium quandocumque constituit, ut paulo supra attigimus : Iudiciario tamen procuratori minimè id concedi ; nisi aut lis fuerit intestata, vel in rem suam datus sit, vel à Domino substituendi fuerit concessa facultas: quo casu etiam non expressam personam poterit in procuratorem eligere . Aliud enim videtur esse, si post litem à Domino contestatam fuisset quis datus procurator, quia tunc non posset substituere .

13 Non tamen in omni iudicio procurator interuenire potest . In criminalibus enim causis, neque accusator, nec accusatus, nisi per seipsum impetere vel defendere permittuntur : nisi vel ab illustri propulsanda sit iniuria : aut rei contumacia sit excusanda : vel contra accusatorem sit excipiendum : aut de leui crimine tractetur : aut si de graui agendum sit, ciuilitè agatur .

14 Sciendum autem, quod licet procurator regulariter constitui soleat aliquis idoneus amicus, non omnes tamen ad procurationis officium temere admitti debent . Ideo Episcopus & vniuersi Sacerdotes, cum ad solam Dei laudem, piorumque operum actiones sint constituti, ab huiusmodi ministerio excludendi erunt . Imò, nec tanquàm principales possunt, vel debent interuenire, nisi forrè per procuratores . Seruos enim Dei pacificos, & ab omni discordia auersos esse oportet .

15 Idem quoque obtinet in Monachis : nam illos, cum mundo mortui solitariam vitam degere profiteantur, à fo-

rensi

rensi strepitu ac litigijs summoueri conuenit. Planè Monasterij exigente vtilitate vel necessitate, & Abbatis accedente imperio, ad procurationis officium accedere minime prohibentur. Præsertim si monasterium ob paupertatem non habet vnde salarium commodè soluere procuratori possit. Nomine vero lites exercentes, videntur quodammodo esse infames.

16 Postulandi quoque officium Clericis, qui stipendijs sustentantur ecclesiasticis, coram seculari iudice, in secularibus negotijs interdicitur (nisi propriam causam, vel Ecclesiæ suæ prosecuti fuerint: vel nisi urgente necessitate pro coniunctis, aut miserabilibus personis postulare velint: quod tamen gratis & ex pietate facere debent.) Quia dedecus & opprobrium Clericalis dignitatis esset, si Clerici se ingererent disceptationibus forensibus: & aliter faciens debet deponi, vel excommunicari, post trinam admonitionem Episcopi; vel vnicam Synodi Prouincialis.

17 Hi verò, qui excommunicationis vinculo innodati sunt, non solum procuratorio nomine iudicio interesse non possunt, verum etiam nec proprio. Actore ramen impugnante, excommunicato reo legitimę defensionis copia non est adimenda. Et quamuis cogatur procuratorẽ dare ad defendendum, non tamen potest eum dare ad agendũ. Similiter non esse repellendum procuratorem vniuersitatis alicuius ex eo, quod maiores illius & iurati, qui regunt prædictam vniuersitatem, tempore quo iniunctum fuit procurationis officium, erant excommunicationis sententia innodati. Nisi vel illi ipsi excommunicati in literis proeurationis essent expressi, vel alias eorum auctoritate proeurationis institutio facta fuisset: aut ipsa vniuersitas excommunicationis cõscientia simul cum eisdem procuratorem constituisset.

18 Tandiu autem durat quis procurator, quamdiu is qui eum constituit, reuocat: siue expressè, siue etiam tacitè. Vnde si tu Petrum simpliciter procuratorem constitueris, isque in iudicio procuratorio nomine esse cœperit; dein-

deinde si tu, siue ante litem contestatam, siue post, ad causam ipsam venias, non vt ipsi assistas, sed vt causam eandem tractes; tractando causam Petrum procuratorem reuocare censeris. Nisi quod non animo reuocandi facias, vel expresse professus fueris; vel ex aliquibus appareat cōiecturis.

19 Sed si eundem Petrum, sub ea forma: *Quoties te abesse contigerit, procuratorem constitueris*: & postmodum per te ipsum causam tractes, non propterea tamen procuratorem reuocare videris. Quinimmo Petrus quandocumque abesse te contigerit, procuratoris assumet officium. Hæc autem de reuocatione domini intelligenda sunt. Nam si à procuratore tuo, alius procurator legitimè substituat post mandatum susceptum, etiam si eo substitutus vsus non fuerit, ab illo reuocari (nisi etiam potestas reuocandi fuerit eidem concessa) non potest.

20 Sed si cum ad plures, vel ad omnes causas Petrum generaliter procuratorem constituisset, is in vna, vel altera substituerit, in reliquis procuratoris officium execere minimè prohibetur. Quod si ignorante iudice, vel aduersario, post contestatam litem mandatum reuocatum fuerit, ratum esse debet iudicium, in quo quis post ignoratam reuocationem quasi procurator versatus fuerit.

21 Non sic tamen in matrimonio statuitur: nam si procurator ad contrahendum specialiter constitutus, antequam contrahat, à domino reuocatus fuerit, contractum postmodum matrimonium, licet tam procurator, quàm ea cum qua contraxit, reuocationem huiusmodi penitus ignorauerint, nullius momenti penitus existet; cum illius consensus defecerit, sine quo firmitatem habere nō potuit. Idem censendum licet Dominus iurauerit non reuocare, vel poenitere; quamuis periturus sit, & de eo debeat sibi poenitentia imponi.

22 Quod si scientibus iudice & parte mandatum reuocatum fuit, & nihilominus est in iudicio processum per procuratorem reuocatum, tam alia acta, quàm ipsa sententia

nu"um

nullum afferet domino præiudicium, Cum falsi procuratoris exceptio non solum ante sententiam, verum etiam postea possit obijci, qua probata iudiciū proflus nullum redditur.

23 Non idem iuris statuetur in eo, qui absens procurator constitutus, præsentatum sibi mandatum suscipere nolle dixerit. Is enim refutatione huiusmodi nequaquam obstante, quamdiu constituens in eadem voluntate persistit, ad libitum mandatum accipere poterit.

24 A literis, vel instrumento, quibus te aliquis in causis suis procuratorem constituens pro te debito modo cauit, simpliciter nulla facta protestatione, à te scienter, receptis, non potes postea recusare illius defensionem: imò cogi poteris illum defendere in omnibus causis & negotijs, ad quæ prædicta instrumenta seu literæ se extendunt: cum per hoc ad omnia tuum præstitisse videaris assensum. Secus si ignorares quid cōtineretur in instrumento vel literis, nec enim ignorans vel errans consentire videris.

25 Denique morte constituentis definit quis esse procurator, quod interdum obtinet, etiam re non integra. Nam si Prælatus, vel Rector, te pro beneficio suo, vel Ecclesia procuratorem constituat, & tu vivente illo litem cōtestatus fueris, aut negotium aliter attigeris, post mortem tamen illius, etiam quo ad cœpta procurator esse desinis. In causa tamen pia, quia in illa mandatum morte mandantis non finitur etiam re integra, potest mandatarius adimplere mandatum mandante mortuo. Similiter procurator vulnerati ad pacem faciendam constitutus, pacem facere potest post mortem vulnerati. Prout etiam non soluitur morte mandatum, ubi principalis satisfecisset pro procuratore. Nec procuratorium mandatum expirare morte domini, quando procurator effectus est dominus litis.

De Pactis, & Transactionibus.

1 **Q**uia litis euentus per sepe solet esse incertus, ideo partes metu iudiciorum concordiam spectant, & interdum veniunt ad pacta & transactiones, aut ad arbitros & cōpromissa. De pactis & transactione titulo præsentī dispiciamus; de arbitris verò, & conuentione per cōpromissum, videbimus titulo sequenti.

2 *Pactum igitur est*, nomen generale, comprehendens in se omnem conuentionem seu contractum. Specialiter verò pactum vel pactio à paciscor dicitur, & est, duorum pluriumue in idem placitum seu consensus ad aliquid faciendum, vel dandum. Et eiusmodi consensus seu pactum inter quoscunque quacunque de initum, regulariter debet suam habere firmitatem: neque enim quisquam (vt diuinum monet oraculum) ea, quæ de labijs suis procedunt, irrita facere debet.

3 Diciturque pactū quandoque nudum & quandoque vestitum. *Vestitum dicitur sex modis*: primo re: secundo verbis stipulando: tertio scripto: quarto consensu; vel in societate, mandato, emptione, venditione, vel locatione, in quibus non requiritur scriptura vel præsentia, sed sufficit consentire per se, vel per nuncium, aut scripturam. Quinto, coherencia contractus: puta, quod vendidisti tibi domum cum pacto, quod morer in ea per annum. Quod quidem valet, quia vestitur coherencia contractus venditionis, alias esset nudum. Sexto, interuentu rei, puta, si promisti tibi facere aliquid, vt faceres mihi vel dares aliud: vnde statim cum dedero tibi sponsum, vestitur pactum ex parte mea, ideoque interuentu eius obligatus es mihi ad promissum. *Nudum verò pactum dicitur*, quando non vestitur aliquo prædictorum, sed meris & puris finibus conuentionis. v. g. Promisti tibi dare centum sine aliqua interrogatione

tionē præcedente, vel chirographo & huiusmodi, & consentis; alias si non consentiret, non esset pactum, sed pollicitatio.

4 Tantæ igitur firmitatis pacta esse debent, ut Apostolicis etiam indultis derogare possint. Inde cum monasterio ab Apostolica Sede libera sepultura cōcessa esset, pactumque esset cum Rectore Parochialis Ecclesiæ, ne parochiani ipsius ad sepulturam reciperentur. Responsum est, in dicto monasterio sepeliri eligentes, obstante cōventionē, voti sui fieri non posse compotes. Sed quia pactum inter Ecclesias non debet nocere alijs non paciscentibus, ideo eiusmodi pacta nō seruantur hodie post designationem quartæ funeralis per Concilium Tridentinum.

5 Eodem etiā spectat, quod pactum à filia, dum nuptui traditur, cum patre factum, ut dote contenta, ad bona paterna nullum habeat regressum, si iuramento firmatum sit (licet lege ciuili improbetur) seruari debet, cum tale pactum non vergat in æternæ salutis dispendium. Quod si seruatum in animæ tendat detrimentum, quia fortè sit pactum de re turpi, veluti quod post mortem Titij Clerici, Seius in beneficio succedat, vel aliter de iure, vel de facto sit impossibile; nullam inducet obligationem.

6 Transactiones quoque similem iuris firmitatem obtinent, usque adeo, ut iuribus omnibus, quæ partibus, aut obtentu præscriptionis, aut priuilegij, seu quocumque modo suffragari poterant, vires adimant. Est autem sciendum, quod transactio est de re dubia, & lite incerta, & nec dum finita, non gratuita pactio; sed aliquo dato, vel retento, vel promisso. Vnde dicitur transactio, quasi transitio actionis, eo quod transiens ab actione transit & discedit. Et differt à pacto & compositione, quia illa fieri possunt amicabiliter, nullo dato vel retento; hæc autem dato aliquo, vel retento, vel promisso.

7 Intelligendum tamen transactiones tenere, quæ non sunt iuri contrariæ. Alioqui, si aut super re sacra, litigiosa, aut in causa matrimonij interpositæ sint, nullum robur

obtinent. Scut & ob metum transactio facta non valet: quod dicendum est & de omnibus contractibus metu, reuerentiali mariti, patris, domini, vel Prælati factis, minis interpositis. Similiter transactio facta super re iudicata, non valet; sicut & per nouam repperitionem instrumenti rescinditur, maximè quando instrumenta essent de solutione.

T I T V L V S V,

De Arbitris.

1. **A**rbitri dicuntur propriè, qui nullam potestatem à lege habentes, consensu litigantium in iudices eliguntur, in quos compromittitur, vt eorum sententie stetur. Possunt autem in arbitros eligi & illi, qui legitimam potestatem habent in partes siue ordinariam iurisdictionem exercentes, siue delegatam; modo in eos concorditer compromittatur.

2. Sed serui, monachi, & religiosi cuiusvis ordinis seu societatis, arbitrium in se recipere non possunt. Ad hos enim quies, oratio, lectio, & manuum labor, non autem causarum spectat cognitio. Similiter hæretici, apostatæ, schismatici, infideles, & excommunicationis vinculo ob delictum proprium innodati, arbitrorum in se officium assumere non poterunt.

3. Sed nec in laicum de re spiritali commissum fieri potest. Si tamen is, aut Clerico sit adiunctus, aut Apostolica autoritate commissum susceperit, arbitri partes exequi minimè prohibetur.

4. Fœminæ quoque licet illæ summæ opinionis existant, ab omni iudiciali examine vsque adeo sunt separandæ, vt ex illarum sententijs nulla pœna aduersus illius contemptores, nullaque pacti exceptio oriatur. Nisi regionis probata consuetudo talium munerum, participes illas redderet: quod tamen intelligendum est de mulieribus præcellentibus, habentibus dignitatem, vt sunt Abbatisse habentes

iu-

iurisdictionem; & Reginæ, quarum principatus pertinet ad virum; vel quæ proprium principatum habent; & sunt iure communi munitæ. Cæteri verò, quos neque sacrorum Canonum, nec secularium legum statuta specialiter arcent, omnes ad tractanda arbitria admittendi erunt.

5 Sicut autem ij, quos supra recensuimus arbitria exercere prohibentur, ita etiam reperiuntur quidam, qui non possunt compromittere: & causæ quædam natura sua sunt eiusmodi, ut super illas non possit compromitti. Quia illa quæ sub compromisso continentur, debent esse in nostra potestate, quod nonnullis causis & præsertim criminalibus non contingit. Et qui compromittunt, necesse est ut sui iuris sint, quod non omni conditioni hominum conuenit. Nam & causæ nonnullæ, quæ in iudicio examinantur, licet pertineant ad nos, non tamen sunt in nostra potestate: & personæ quæ litigant, non semper sui iuris esse possunt: proinde videtur necessarium in iudicio examinare, quæ causa sit compromittibilis, & qui compromittere possint. Pleræque enim causæ arbitrorum notionem effugiunt, nam liberales, matrimoniorum, filiationum, monachorum, conuersionum, in integrum restitutionum; item criminales, & quæ maiores iudices exigunt, per arbitros cognosci non possunt.

6 Quod autem dictum est de matrimonijs, compromitti non posse, de carnalibus intelligendum est: nam quod de spirituali matrimonio compromitti possit (secundum ea quæ supra dicta sunt) nulla est dubitatio.

7 Finiuntur autem arbitria, vel sententiæ prolatione (cum ista sit compromittentium intentio) vel temporis lapsu, vel denique morte. *Sententiæ prolatione finiuntur arbitria*, cum de omnibus, de quibus compromissum fuerit arbiter pronunciauit. Nam si de quibusdam tantum sententiam tulerit, nisi talem pronunciandi potestatem à partibus habuerit, compromissum non expirat. *Lapsu temporis expirat arbitrium*, cum terminus compromisso comprehensus re infecta labitur. *Mortis denique interuentu compromissa irri-*

irritantur tam arbitrorum, quàm etiam litigatorũ. Compromissum enim in compromittentis hæredes non extenditur: nisi de his quoque specialiter caueatur.

8 Lapsò autem termino, possunt eum partes prorogare, licet arbiter non cogatur in se compromissum assumere, quando per eum non steterit, quominus pronunciaret in primo termino.

9 Ita si in plures arbitros compromissum fuerit, mortẽ vnus tantum expirat compromissum: nisi expressè cautum fuisset, quod non deberet expirare. Similiter diu absente arbitro, vel expirat compromissum, vel ab alijs coarbitris, si ita cautum, sententia expectatur.

10 Sed an, quod dicitur hic de ipso compromisso, obtineat etiam in actis gestis coram arbitro, scilicet vt eorum virtus expiret vna cum compromisso? Et dicendum videtur, quod quædam sunt acta litis, vt citatio, litis contestatio, satisfactio, & similia: & ista pereunt vna cum compromisso, sicut quando perit instantia iudicij. Quædam verè sunt acta causæ, puta attestaciones, partium confessiones, & similia concernentia merita causæ: & ista non expirant, etiam quod expiret compromissum non solum morte, verum etiam alio quocumque modo. Idem intelligas de effectibus compromissi productis de præterito, nam non extinguuntur. Vnde si fuerit coram arbitris interrupta præscriptio per contestationem litis, vel alio modo legitimo, non expirat ille effectus expirante compromisso. Sed iam ad cœptum iudiciarij ordinis propositum festinemus.

TITVLVS VI.

De in Ius Vosando.

1 **C**VM itaque partes neque pactionibus, neque transactionibus, neque compromissis ad aliquam concordiam venire queunt, recurrendum erit ad Iudicem, qui imprimis habere debet Notariũ,
p:r-

personam publicam & iuratum, qui vniuersa acta iudicii conscribere debet, ne falsitas præiudicet veritati, cum vel iudex ipse in euidentis partis damnum aliquid inique proloquitur, vel pars aliqua calumniosè in causa procedit, & litigator veram negatiuam contra huiusmodi assertionem probare ostendereque non posset. Quare iudex non habens notarium iuratum, aut duos viros idoneos & probatos, qui conscriberent acta, tam in ordinario, quam in extraordinario iudicio, per Superiorem debita poena puniri debet.

2. Omnium autem iudiciorum instituendorum principium & fundamentum sunt citationes, sine quibus omnia, quæ aduersus absentes in omni negotio aut loco aguntur, viribus carent. Nam neque naturalis, neque civilis ratio quemquam indefensum iudicari permittit. Quicumque igitur cum altero, iudicio contendere voluerit, ante omnia curare debet aduersarium ita monei, vt sese coram iudice exhibere pœneatur.

3. Et cum contumacia sit punibilis, sciendum est quod interdu ex quatuor capitibus redditur citatio elusoria, & is qui in ius vocatus fuerat, vocationi de se factæ parere non compellatur: scilicet ex personarum qualitate, loci conditione, temporis ratione, & forma citationis.

4. Personarum qualitas inefficacem reddit citacionem, tam ius dicentis, quam etiam in ius vocati: Nam si reus in ius vocet, quem tibi iudicem non esse competentem manifestum sit, dubio procul ad comparandum vocatio talis te minimè coarctabit. Si tamen contigerit eum, qui legitime citatus fuerit, alterius postmodum fieri iurisdictionis, quasi præuentus ius reuocandi forum non habebit; sed cogitur vsque ad finem persistere, etiamsi mutauerit forum. Idem iuris est, si iudex quidem tuus sit, ex eorū te mandet vocari, vt in iudicio cum spoliatore tuo stare compellaris: nec enim antea comparere cogaris, quam ad omnia penonice restitutus fueris.

5. Licet igitur in omni negotio & causa citationem esse necessariam sciamus, reperiuntur attamen nonnulli casus

in

in quibus aliqua citatio non exigitur. Et primus est, ut iam attigimus; cum tractatur de reiudendo à possessione iniustum notorie possessorem, quia ipso minime modo citari potest. Secundus, quando citandus est præsens in iudicio, quo casu citatio aliqua non requiritur. Tertius casus erit in debitore suspecto de fuga: in quo sunt duo singulària, vnum quod proceditur ad capturam personæ, & est realis citatio. Alterum verò, quod recipere testes, ut possit capturam committere absente & non citata parte, fieri possunt. Quartus casus est in sententia supremi Principis, in quo nulla requiritur citatio, ut volunt DD. Quintus casus est, quando est commissà causa, ut procedat secundum suam conscientiam, quia eo casu partem citare non tenetur. Sextus casus in executore Apostolico, qui citare partem aduersam non tenetur; quia cum sit merus executor non procedit per viam discepcionis. Septimus casus est, cum notoriè constat iudici, citando aliquam defensionem non spectare, ac nullum ius ei competere. Octauus casus est, in casibus in quibus non requiritur causæ cognitio, quia in eis nulla citatio est necessaria.

6. *Ex qualitate verò loci citatio non arctat ad comparandum, cum aut incertus est, aut citantis non subest iurisdictioni. Idem etiam dici poterit, si citandus extra iudicis territorium moram trahere comperiat. Tunc enim ius dicenti impunè non pareretur. Queniammodum & si locus citationis designatus pestilens sit, aut alias pro citato malecitus.*
7. Temporis etiam ratio viciat citationem, si vel inter angusta nimis tempora iudex iusserit adesse, vel diebus feriatis in honorem Dei. Quamvis enim non prorogare, sed expedire deceat quæstiones; usque adeo tamen his diebus iudiciorum strepitus debet conquiescere; ut nisi vel necessitas cogat, vel pietas suadeat, consentientibus etiam partibus processus habitus non teneat. Secus si fuisset dictum, compareat usque ad talem diem, quia licet illa dies esset feriata, tamen potest comparere ante diem feriatam: vel si res tempore sit peritura, tunc ob hominū necessitates acta cuncta

cuncta tenent etiam si feriae indultae fuerint, si de partium processerint voluntate, vel si causa miserabilium sit per-tonarum: nec enim in operibus misericordiae est habenda dierum distinctio. Hinc illi versus.

Nec faciunt causas festis tractare diebus.

Pax, scelus admissum, manumissio, res peritura.

Terminus expirans, mora testis abesse volentes.

Cumque potestati patrie ius filius exitum.

Ita quoque proceditur in causis fiscalibus & publicis, & in omnibus actibus voluntariae iurisdictionis.

8. Iam verò multum interest, delegatus ne citeat, an ordinarius. Ille enim cum aliena utatur iurisdictione, longè remotus, non nisi literis commissionis suae tenorentur continentibus, & intra certa spacia, quem vocare poterit. Et cum propriè non habeat auditorium certum, huiusmodi literis locum, ubi se citatus exhibere valeat, designare illum oportebit, cum in ordinario nulla sit huiusmodi necessitas.

9. Item in delegato quæri potest, si peremptoriè partes is citaverit, & earum altera (die data) sese absentat contumaciter, an saltem circa ultimam diei partem sit in negotio procedendum: & verum, si duxerit expectandum, sit iterum citandus contumax. Et in hac specie multum interest, duret iurisdic-tio post peremptorium terminum, an expiret. Primo enim casu, in diem alteram æquitate suadente iudex expectare poterit: nec propterea peremptorio elapso pars contumax citanda erit, nisi gratiam eidem facerit benignitas iudicantis. Posteriore verò, ne frustra iudicialis instantia evanescat, si pars cum id nouerit, sese iudici non presentauerit, hora, qua congrue procedi possit ad exequendum, propter quod eis legitime terminum peremptorium assignauerit, ad executionem libere procedere poterit.

10. Aduerte, quod licet iudex possit parcere contumaci in præiudicium alterius, in ferendo sententiam tempore constituto, non tamen potest ei parcere in expensis & sumptibus, alioqui ipse de suo restituet expensas. Quapropter

Pp

cita-

citatus pro certa die, hora tamen non determinata, debet comparere hora, qua congruè possit iudex incipere & finire actum incumbentem: nam secundum qualitatem actus tacitè videtur hora dici præfixa mane, qua iudex non solum potest, sed solet iudicare.

11 Iudex quoque in citatione peremptoria det congruum tempus & dilationem ad comparendum: nam de iure communi fiunt tria edicta, quorum quodlibet durat decem diebus; ita quod currunt triginta dies ad comparandum. Si tamen citatus tardè arripiat iter, non excusabitur ob impedimentum post tarditatem contingens. Alias poterit ex legitimo impedimento non comparere, sed nihilominus debet mittere ad iudicem ad faciendam fidem de impedimento legitimo, ut puta, si facto aduersarij impeditus, aut ad maius tribunal vocatus, vel vinculis, bello, aut infirmitate detentus, aut alijs similibus causis implicatus non accesserit, & tunc excusabitur. Qui tum cessante impedimento, quanto potuerit citius iudici sui copiam facere debet.

TITVLVS VII.

De Dolo & Contumacia, & in Possessionem, missionem.

1 **C**VM iudice vocatus, nulla legitima causa impeditus, sepe sepius non intendat, nec velit comparere in iudicio, sed dolo & fraude subtrahit se à iudicis sententia & proximo interim infert damnum, & molestiam propterea aduersario accusante contumaciæ crimen committit, & multiplici poena per iudicem puniri solet.

2 Est autem dolus in homine duplex; scilicet bonus & malus. Bonus dolus, est licitus, & sumitur pro solertia seu indole bona, qua quis ingeniosè iuvat proximum suum, & seruat eum indemnem ab iniuria seu violentia aduersarij.

Do-

Dolus malus autē est, omnis calliditas, fallacia, & machinatio ad circumueniendum & decipiendum alterum. Et calliditas quidem committitur in animo tantum, tacendo quae in praecustodiam alterius dicenda erant; v.g. cum venditor domus aut fundi, tacet coram emptore onera, seruitutes aut obligationes domus vel fundi illius quem vendit. Fallacia verò fit mentiendi in verbis; cū rem aliquam vendit dicendo esse suam propriam, quam tamen alij furto nuperime abstulerat. Machinario demum fit & arte verborum & occulta insidiatione operis, cum intentione nocendi; quando videlicet rem sibi prohibitam & alienam vsurpat falsificando scripturas, inuadendo fraudulenter vt vim occultet, & protrahendo litem; vt illa saltem fruatur diuissime, si iudicis sententia eam restituere cogatur; & non se sistit foro, & propterea incidit in contumaciam.

3 *Contumacia itaque est*, delictum fictum, commissum ex inobedientia erga iudicem, seu Praelatum, & æquiparatur dolo, quia occultē intendit per id dominificare seu deludere aduersarium. Quapropter varie iuribus coercetur & punitur, nunc litis damno, nunc multa, nunc expensarum refusione, nunc rei sequestratione, atque demum Ecclesiasticae sententiae innodatione. Quia de iure naturae & diuino tenemur obedire Superioribus legitimè constitutis, dicente Apostolo. Obédite superioribus vestris; &c.

4 Nota, quod licet contumacia delusorium sit criminum interdum capitale, (præter quod semper est peccatum mortale) nihilominus non est deueniendum in ea ad poenæ excommunicationis, iuxta doctrinam Concil. Trid. nisi cum non potest aduersus reos, reales, vel personales executioni fieri.

5 Sed illud videtur ordinarium esse, vt contumace aduersario tuo existente, in possessionem earum rerum, de quibus questio vertitur, vel quae alias sunt in patrimonio tui, pro modo debiti, si personalis instituitur actio, custodiz causa inducaris, vt tædio affectus reus, veniat aliquando responsurus. Quod si adhuc per annum in sua contumacia

manus persequatur, iudice decernente verus possessor efficietur, super proprietate dubitatur aduersa: parti defensionis reservata.

¶ Sed si missus in possessionem fructus dilapidet, sequstrandum erunt, & quod distractum est, in pristinum statum reuocandum. Vbi sciendum est, quod ille qui mittitur in possessionem causa custodiat, siue reati actionis agatur, siue personali, infra annum non faciat fructus suos; sed catholici in eos debent, si nara annum reus recuperare velit possessionem, ei fructus restituantur; expensae tamen necessariae pro fructibus percipiendis seu colligendis factae, primo debent deduci. Anno autem elapso lucratur omnes fructus.

¶ 17. Si tamen propter rei potensiam, siue dolum contigerit, ut intra annum rem custodiendam nancisci non possis, vel etiam acquisitam amittas, ne contumax melioris quant obediens conditionis existat, de canonica equitate sancitum est, ut hoc etiam casu elapso atque verus possessor actor constitutatur. Hoc tamen tunc obtinet, cum reus nullam cautionem praestiterit: nam si de stando iuri cauerit, nec multandus, quod in possessione actorem esse passus non fuerit: missiorem passus ibique restituendus erit. Nisi missus in possessionem sit necessario & causa Reip. absens, quia tunc non est restituenda possessio, praesertim si contumacia fuerit manifesta.

¶ 18. Quod si annus lapsus esse proponatur, & per reum non steterit in quominus ante terminum, & possessionem receperit, & cautionem dederit, actor nihilominus possessor esse non reputatur, cum ille voluerit cauere & offerre cautionem, sed defuit qui reciperet. Idem etiam esset, ubi plures conveniri possunt, & unus tamen esset contumax: quia non est facienda missio, nisi omnes vocentur.

¶ 19. Excommunicatus propter contumaciam manifestam a delegato Pontificis, qui petitorum causa rei seruandae in possessionem induxit, etiam delegato mortuo non potest ab Ordinario, aut aliquo alio absolui, & possessionem recuperare, praeterquam in mortis articulo, siue manda-

to Summi Pontificis; ubi & absolutionis gratiam obtineret & possessionem recuperaret. Nisi alius ei in onere delegationis successerit, & honore; qui quoad causam sibi commissam haberet ea quæ sunt meri & mixti imperij).

10. Sed ne missus in possessionem verus efficiatur post annum possessor, missionem passus coram ordinario, vel (si eius copiam habere nequiverit) coram publicis & honestis viris, ut quasi cōscriptionem interrumpat annalem, offerre ac præstare poterit de parendo iuri cautionem: ut sic etiam post annum per Apostolicam Sedem possessionem recuperare mereatur.

11. Sed ista tunc quidem procedent, cum de profanis rebus erit disceptatio: nam qui super dignitate, personatu, vel beneficio Ecclesiastico obtinendis cum aliquo litigat possessore, ob partis aduersæ contumaciam in possessionem mittendus non erit: ne per hoc ad ea ingressus vitiosus pateat. Verum hæc missio habet locum & in ecclesiasticis rebus, si agatur de Ecclesia, vel rebus Ecclesiæ, non tanquam de beneficio, sed tanquam de proprietate.

12. Licebit tamen iudici hoc casu (etiam lite non contestata) diligenter examinato negotio, ipsum sine debito terminare, contumaciæ absentis diuina replente præsentia. Et hoc videtur tradi pro regula, quod ubi de remedio in possessionem missionis non est prouisum contra contumacem absentem, posset procedi ad sententiam definitiuam lite non contestata. In beneficialibus autem, ubi vertitur periculum animæ, iudex semper ex officio supplere debet pro absente adducendo probationes.

13. Quod interdum etiam in profanis obtinebit, ut puta si cōtestata lite reus cōtumax fuerit, & de causa liqueat, & vel actor ipse contumaciæ crimen incurrat, quo casu etiam lite non contestata, instante reo, iudex, & testes recipere, & sententiam ferre debebit; quia maior est contumacia actoris quam rei, unde seuerius etiam cū eo agitur. Et licet de iure ciuili actori contumaci dentur quædam dilationes, tamen id non videtur necessatio seruandum de iure Canonico.

14. Quod

14 Quod si vero actor non venerit termino, ad quem reum citari fecerit, venienti reo in expensis propter hoc factis legitimè cōdemnabitur, & ad aliam citationem admitti non debet, nisi de fideliter in posterū comparando idoneam cautionē dederit: præsumitur enim malitiosè abesse, nisi probetur legitimum impedimentum.

15 Debet autem iudex vna contentus esse poena ex pluribus, quæ aduersum contumacem comperunt, ea præsertim quæ magis timeri debeat, ad aliā nihilominus processurus, si hoc meruerit proteruitas contumacis.

T I T V L V S VIII.

De Vſucapionibus & Præscriptionibus.

1 **Q**uia communissimè solet in iudicijs, siue in personam agatur, siue in rem, vſucapionis, vel præscriptionis exceptio opponi, quapropter de eis quoque aliquid hoc loco tractandum est, præsertim quia litis finitæ est exceptio, ac non secus, quàm exceptio transactionis, aut rei iudicatæ ad impediendam litis constitutionem opponi solet.

2 Et vſucapionis quidem vocabulo etiam præscriptio contineri potest, licet frequentius vſucapio in rebus mobilibus, præscriptio in immobilibus proferatur. Sed generaliter intellecta vſucapio sic definiri, aut describi potest. *Vſucapio est, adiectio, seu acquisitio dominij, vel iuris per continuationem iustæ possessionis temporis à lege definiti.* Mobiles autem res vſucapiuntur triennio, immobiles decem annis contra præsentem, viginti contra absentes.

3 Atque vt procedat vſucapio, necesse est hæc infra scripta adesse, nempe, *titulum, bonam fidem, possessionem continuatam, & quod res eiusmodi sit, quæ præscribi non prohibetur.* Ac titulus quidem est iusta causa possidendi, quod nostrū non est; isque iustus titulus dicitur, qui, si à domino habitus fuisset, dominium potuisset transferre; eiusmodi

longum est,

est, titulus solutionis, emptionis, transactionis, hæreditatis, occupationis, & apprehensionis rei pro derelicta habitæ, titulus legati, dotis, pro suo.

4 *Pro soluto vsucapit*, qui rem debiti causa accipit, & non tantum quod debetur, sed & quodlibet pro debito solutū hoc titulo vsucapi potest. *Pro emptore possidet*, qui reuera emit, nec sufficit tantum in ea opinione esse eum, ut putet se pro emptore possidere, sed etiam debet subesse causa emptionis. *Pro transacto vsucapit* quis rem sibi traditam, vel dimissam, ut à lite discederet. *Pro hærede titulus in eo locum habet*, qui existimans se hæredem, cum non esset, rem quam defunctus tenebat, longo tempore possedit. Item si hæres sum, & putem rem aliquam ex hæreditate esse, quam non sit, possum eam vsucapere; suis autem hæredibus existentibus, id est filiis seu liberis in potestate, quos nemo gradu antecedar, nihil pro hærede vsucapi licet. *Pro donato vsucapitis*, cui donationis causa res tradita est, nec sufficit opinari, sed & donatum esse oportet. *Pro derelicto titulus ei competit*, qui rem per derelicta à non domino habitā occupat vel ab alio occupatam, sibi que traditam possidet. Nam si is, qui eam dereliquit, verè dominus esset, non de vsucapione, sed de dominio ex ipsa apprehensione acquisito ageretur.

5 *Legatorum nomine is videtur possidere*, cui legatum est, pro legato enim possessio, & vsucapio nulli alij, quàm ei, cui legatum est, competit: sed et si non iure legatum relinquatur, ut legatum ademptum est, pro legato vsucapi possit magnas varietates obtinuit. *Item qui in dotem rem accipit*, vsucapere potest spatio solēmi, quo solent, qui pro emptore vsucapiunt: & nihil refert, an singulæ res, an pariter vniuersæ in dotem dentur.

6 *Pro suo possessio talis est*, ut cum dominium nobis acquiri putamus, & ex ea causa possidemus, ex qua acquiritur, hoc modo possidemus omnia, quæ mari, terra, coeloque, capimus; aut quæ alluvione fluminum nostra sunt. Item, quæ ex rebus alieno nomine possessis possidemus, veluti

par-

partum hæreditariæ, aut emptæ ancillæ: item fructus rei emptæ, aut donatæ, aut quæ in hæreditate inuenta est. Item locus erit pro suo vsucapioni, vt puta, si hominem, quem ex stipulatione mihi deberi falso existimabas, tradidisti mihi, idque ego nescirem, nihil videlicet mihi deberi, cum vsucapiam, quia ipsa traditio ex causa, quam veram esse existimo, sufficit ad efficiendum, vt id, quod mihi traditum est, pro meo possideam.

7 Bona fides adeò in vsucapionibus seu præscriptionibus iure nostro necessaria est, vt etiam in actionibus personalibus, quæ non nisi annorum triginta spatio præscribuntur, bonam fidem exigi frequentioribus sententijs traditum sit, quamuis alia Bartholo fuerit sententia.

8 Sine possessione quoque aut quasi possessione præscriptio, seu vsucapio non procedit. De quasi possessione autem idcirco mentionem fecimus, quòd incorporalia proprie nò possideantur, sed quasi possideri potius dicantur. Et tamen ea quoque præscribi certum sic: vt est *seruitutes, iura eligendi, instituti*, aliaque eiusmodi.

9 Et seruitutes quidem, si continuam causam habent, decennio præscribuntur, sin minus, tantum tempus eis præscribendis requireretur, quod supra hominum memoriâ sit. In his tamen titulus non desideratur, quia, cum de rei dominio non agatur, haud ita magnû præiudicium versatur, quemadmodû cum de rebus temporalibus præscribendis agitur. Nonnunquam tamen longissimi temporis possessio ad præscriptiones requiritur, vnde merito solent perpetuæ appellari: vt ecce actiones personales non minori tempore triginta annorum amittuntur: hypothecaria contra debitorem competens quadraginta annis demum præscribitur: quamuis extraneus possessor hypothecæ decem annis inter presentes, viginti inter absentes cum titulo, triginta sine titulo præscribat.

10 Religiosis quoque domibus, neque decennalis, neque vicennalis, vel triginta annorum præscriptio, sed sola quadraginta annorum curricula opponi possunt, non so-

lūm in cæteris rebus, sed etiam in legatis & hæreditatibus.

11 Ac de quarta decimæ, & oblationis defunctorum Clericus ab impetitione Episcopi sola quadragenaria temporis præscriptione se tueri posse videtur. Et nō potest una Ecclesia decimas in aliena Parochia præscribere, nisi hac quadragenaria possessione cum titulo se munierit; vel titulo deficiente, non nisi tanto tempore, cuius initij nulla extet memoria. Cum enim huic præscriptioni, iuris communis obliet dispositio, eo fit, vt vel titulus, vel tempus immemorabile præter bonam fidem ei sint necessaria. Quamuis olim creditum sit, minimè titulum fuisse necessarium.

12 Contingit etiam interdum, vt quæ temporalis erat præscriptio, deinde perpetua fiat, id est, vt ad trigessimum, vel quadragessimum annum extendatur; quod fiet; si interrupta fuerit; nam, si quidem per naturalem detentionem, vt per occupationem æquè, similesque modos possessio interrupta fuerit, à die recuperatæ possessionis noui triginta anni in omnibus præscriptionibus numerabuntur, si per litis contestationem, ex die, quo nouissima processit cognitio, postquam vtraque pars cessauit, computebuntur.

13 Romana autem Ecclesia hoc privilegio fulta est, quod non nisi centum annorum spatio contra eam præscribi potest.

14 Plures etiam res sunt, quæ nullo tempore præscribi possunt: vt ecce, priuatus primitias, & decimas, neque etiam cum titulo præscribit: item liber homo, quamuis etiam ultra quadraginta annorum curricula pro seruo detentus sit, sola temporis longinquitate libertatis iura non amittit.

15 Item publicæ functiones non præscribuntur, quo exemplo etiam Ecclesiam, Rempublicam, primitias, decimationes non præscribi traditum est, quod ciuiliū functionum instar obtineant.

16 Item Prouinciæ, Parochiæ, Dioceses, quæ certis limitibus distinctæ sunt, nullo modo præscribi possunt: aliæ

Qq

vero,

vero, quæ non sunt certis limitibus distinctæ, & de quibus certa definitio olim nõ processit, præscriptione tolluntur. Nec etiam à visitatione, subiectione, aut procuracione soluenda quis immunitatem præscribere potest.

17 Item nec colonus fundum, nec emphyteota, nec vassallus feudum præscribit. Prout nec res sacra, nec religiosa à laico, nec seruus fugitiuus, nec res filci, postquam fisco nunciata sunt, nec res factiua aut vi possessa, aut aliter vitiosa viciantur.

18 Qui vero à fisco, aut à Cæsare, vel Augusta emit, statim securus est; sed, qui ad eas res actionem habet, non potest, nisi vsque ad quadrigennium cõtra fiscum, aut Cæsarem, vel Augustam agere. Sed postquam vidimus in procedentibus titulis, qualiter reus legitimè citatus debeat coram iudice comparere, sequitur nunc videre ad quid teneatur actor in principio iudicii, quod libelli conceptione & oblatione consistat.

TITVLVS IX.

De Libelli conceptione & oblatione.

Quia iudicis officium est iura partium litigantium audire, & postea inter eos iudicare, quapropter vt iudex intelligat de qua re pariter inter se litigant, in primis necesse est vt auctor libellum iudici offerat, reo in assignato termino cõparente, ita clare & plane conscriptum, vt ex eius inspectione deliberare reus valeat, vtum cedere velit, an contendere, atque vt si contendendum sit, dispicere valeat iudex quemadmodum à se concipienda sit sententia. Nihil enim aliud est libellus, quam brevis scriptura clara actoris intentionem continens, & contra aduersarium necessario concludens. In causis vero vilioribus nulla scriptura requiritur.

2 Vt autem libellus sit clarus & planus, cauendum pri-

mo

mo erit à nimia generalitate ; & vt non sit alternatiuus ; non conditionalis ; nec habens verbum prægnans aut duplex ; aut simile aliquid vnde obscuritas oriatur , vt facile iudex essentiam percipiat , & sententiam libello cōformem facere queat , siue controuersia sit ciuilis , siue criminalis .

3 Porro libellorū duæ sunt species : alij enim sunt accusatorij , aut cōuentionales . *Accusatorij sunt* , quibus quis aliquos ad iudicem alicuius criminis reos defert . (de quibus quidem in præsentati nobis non est institutus sermo ; sed infra suo loco & ordine dicetur .) *Conuentionales sunt* , quibus in ciuilibus disceptationibus veimur , dum rem nostram , aut quam nobis deberi putamus , in iudicio petimus .

4 Exprimer igitur oblati libellus non solum agentis , & conuenti nomina , sed & iudicentis , & petite rei , & actionis qualitatem . Et si personali experiendum sit actionem , petendi quoque causa exprimenda erit ; alioqui nec conuentus respondere tenebitur . Et iudex libellum non legitimæ conuentionis formam continentem conscribere ac destruere poterit .

5 Dicitur vero libellus ineptus , quem iudex ex officio reiicere debet , varijs modis vt volunt DD. Primò quando cōrinet defectū apparentem requisitarū solemnitatū : item quando petitur debitū conditionale : quādo causa est ordinaria , & pars petit procedi summarie : si contra ius , vel utilitatem publicam : quando non apte , sed male concludit : quando continet malam & ineptam causam , non qui continet malam actionem intentatam . Ex libello enim inepto omnia acta corruunt & nulla fiunt , ac propterea poterit iudex actori iniungere vt alium libellum clarum & concludentem exhibeat , vt possit inde nasci pronuntiatio petitioni conformis , ex quo sola narratio non sufficit , nisi etiam debita conclusio in illa sit .

6 Sunt tamen casus , in quibus solæ hæc libelli oblatio minime est necessaria , veluti in quibus de plano , ac siue strepitu , & figura iudicij procedendum erit , & in quibus etiam non contestata lite testes recipi possunt , & alij plu-

res; vt in causa alimentorum, in causa executiua, vigore rei iudicatæ, in causa depositi, in causa reuocationis attentatorum; &c.

7. In his quoque casibus, in quibus libelli est necessaria porrectio, probè iudex fecerit, si principales personas, vel in subsidium etiam aduocatos, factum ipsum proponere iusserit, & sine tela iudiciaria controuersiam terminare tentauerit.

8. Oblato tamen secundū iuris ordinem libello, certæ reo conuento indulgentiæ sunt induciæ, quibus deliberet cedendum sibi sit, an contendendum: acceptandus, an recusandus iudex: denique vt proponat, si quas habet exceptiones. Quæ propterea cōparatæ sunt, vt ij, aduersus quos instituuntur actiones, defendantur. Harum vero quædam ante litis contestationem opponendæ erunt: quædam vero etiam post contestatam litem. Sed ne diuersarum rerum commixtio pariat aliquam obscuritatem, videamus nunc generaliter de exceptionibus.

TITVLVS X.

De Exceptionibus & Replicationibus.

1. **Q**uia reus conuentus debet libello sibi oblato, vel consentire, vel aliqua exēptione ipsum rejicere, vel simpliciter, vel ad tempus: *Exēptio* igitur nihil aliud est quam actionis vel intentionis exclusio. Et est duplex: quædam quæ dicitur *dilatoria*, eo quod causam differre solet, non principale negotium perimere: & opponitur regulariter ante litem. Sed aduerte, quia non satis est eam opponere, sed debet probari, aliàs non impediret. Quædam vero dicitur *exceptio peremptoria*, & opponitur post litis contestationem.

2. *Dilatoriæ exceptiones sunt in triplici differentia.* Quædam enim respiciunt personam Iudicis, & dicitur *declinatoriæ* fori, seu *exceptiones incompetentiæ*, seu *recusationis*.

Quæ-

Quædam respiciunt personam litigantium, ut puta si opponatur, quod comparens caret mandato, pupillus tutore, & quid simile, & istæ dicuntur exceptiones legitimæ personæ. Quædam vero respiciunt libellum, seu causam ipsam, ut puta, quia libellus arguatur de ineptitudine: vel de litis pendentia: vel quod actio intetata fuerit ante diem obligationis.

3 Declinatoriæ itaque exceptiones regulariter omnes ante litis contestationem proponi debent, & ante omnem aliam dilatoriā exceptionem. Alioqui si aliam primò proposuerit, cū per hoc in iurisdictionem eius, coram quo proponitur consensisse videatur, eiusdem iurisdictionem serio declinare conabitur. Igitur recusatio iudicis, uti diximus omnibus alijs exceptionibus præponenda. Cæteræ vero post oblatum libellum, ante litem contestatam intra terminum à iudice assignatum, quandoque opponi, & probari poterunt.

4 Sed lite contestata quandoque eas opponere licebit: veluti, si qua nuper reo competens exorta fuerit, vel is qui eam opponere voluerit, se postmodum ad eius noticiam, deruenisse iureiurando fidem faciat: vel esset huiusmodi, quæ retroactum processum nullum redderet, ut est ea, quæ vel mandati, vel iurisdictionis defectum arguit.

5 Ducuntur autem huiusmodi exceptiones non solum ex suprapositis causis, sed etiam ex loco, ex tempore, & ex alijs pluribus, ut tam Pontificij, quam Cæsarei iuris libris facile est legentibus cognoscere.

6 His annumeranda est etiam excommunicationis exceptio, quæ licet & ipsa dilatoria sit, à cæteris tamen dissimilem naturam sortita esse deprehenditur: nec enim post oblatum tunc libellum, ante contestatam litem velut cæteræ, sed in qualibet partē litis opponi poterit, peremptorio termino ad proponendum exceptiones declinatorias; præfixo minimè obstante. Quod est in hac exceptione specialiter obseruandum; ne quisquam in periculum animæ suæ excommunicato communicare compellatur; quod si
cam

eam reus omiserit, ut actor sumptibus & laboribus fatigetur, in expensis legitimis condemnandus erit.

7. Hoc autem quod dixi, exceptionem excommunicationis in qualibet parte iudicii opponi posse, solum habet locum, quando opponeretur in vim dilatoriae, non autem in vim peremptoriae. Quia peremptoria exceptio litem non differt, sed tollit. Dicitur igitur dilatoria exceptio opponi ad effectum protractionis intentionis agentis, vel ex causa excommunicationis ipsius agentis, vel ex causa excommunicationis iudicis, aut procuratoris. Peremptoria vero opponi dicitur, quando opponitur ad perimendam electionem, vel alium similem actum, propter excommunicationem eligentium, vel electi, vel alterius excommunicati qui talem actum celebrasset. Quae quidem exceptio coram quocumque iudice opponi potest, ordinario vel delegato, ecclesiastico vel seculari.

8. Sed cum per malitiam haec exceptio excommunicationis in iudicio opponeretur, seruanda est certa forma ex constitutione Innocentiana. Hoc est, quando eiusmodi exceptio opponitur in vim peremptoriae, sufficit opponere simpliciter de excommunicatione, licet non exprimantur species excommunicationis, aut nomen excommunicatoris, causa hoc nullibi cautum reperiatur. Quando autem talis executio maior opponitur in vim dilatoriae, debent opposcentes ipsius excommunicationis speciem, & nomen excommunicatoris exprimere, ut per expressionem causae appareat, an pro illa, vel pro alia causa excommunicatus sit. Et an ab homine, vel à Canone: utrum maiori vel minori sententia sit ligatus, quod quaelibet illarum diuersos producat effectus. Minor enim non repellit à communionem hominum, sed solum à receptione Sacramentorum. Maior autem & à Sacramentorum perceptione & administratione illorum, nec non consortio hominum priuat.

9. Haec tamen exceptio excommunicationis in prima tantum instantia sibi locum vindicat, non in secunda. Quod si succumbens actor appellauerit praetextu excommunicationis

tionis opposita; à prosecutione appellationis minimè excludendus erit, quod & in cæteris dilatorijs, multo magis locum obtinet.

Reus autem nullo obstante excõmunicationis vinculo, velut recte conuenitur, ita ad legitimas defensiones semper admittitur. Satis enim absurdum esset, si actore impugnante defensionis copia reo denegaretur. Quia sit multoties condemnaretur absolueudus. Reconuentionis tamen potestas eidem minimè permittitur.

11 Cæterum, quæ supra de excõmunicatione diximus, non de quacumque excommunicatione sunt intelligenda; sed de ea tantum, quæ à perceptione Sacramentorum, & à fidelium communione separat; id est de excommunicatione maiori, vt etiam ipsa Innocentianæ constitutionis verba demonstrant.

12 *Peremptoria, seu elusoria exceptiones sunt*, quæ in totum ius agentis possunt, & semper agentibus obstant: qualis, est doli mali, metus, pacti conuenti, solutionis, iurisiurandi, prescriptionis, transactionis, & rei iudicatæ, & si quid contra leges factum esse dicatur.

13 Harum quedam dicuntur peremptoriæ litis finitæ, quædã simpliciter peremptoriæ. Peremptoria litis finitæ sunt, quæ litis impediunt ingressum, & aduersus agentem omni tempore opponi possunt: qualis est exceptio transactionis, iurisiurandi, & rei iudicatæ, quæ vel in ipso limite iudicii proponi poterunt. Cum enim super negotijs, transactione, iureiurando, & sententia decisis, alijsque inchoata terminata fuerit, valde absolum visum fuit, super eisdem nouum assumi debere iudicium, & quasi in infinitum forensia iurgia pertrahere. Inde quoque litis finitæ exceptiones appellantur, quod vt aliquis esset finis litium, institutæ fuerint. Idem iuris est, in alijs etiam peremptorijs exceptionibus, quæ vulgo manifestæ sint, & notoriæ habeantur.

14 Debet tamen esse cautus is, qui opponit exceptionem litis finitæ, tanquam declinatoriam, vt offerat se paratum

ratum in continenti probare: alias si aduersarius negaret dictas exceptiones esse veras, tunc non impediretur litis contestatio, sed deberet referuari post litis cōtestationem.

15 Cæteræ verò exceptiones peremptoriæ, litis contestationem minimè impediunt, neque ante sententiam erunt regulariter proponendæ: quas quidem si dolo malo, suo tempore in prima instantia reus proponere distulerit, etiam in causa appellationis opponendi sibi facultas denegabitur.

16 Sunt etiam quædam *exceptiones*, quæ *præiudiciales* appellari possunt, ex eo, quod alteri cognitioni præiudicium afferunt: utpote, si qua mulier Titium in virum petat, qui ad mulieris intentionem elidendam, consanguinitatis obijciat exceptionē: qua probata, cum quæstio principalis perimatur, de ipsa est cognoscendum, antequam ad definitionis articulum procedatur. Idem si petenti hæreditatem, natalium obiecta sit exceptio. Cum enim successionis causa, à causa natalium dependeat, posteriore quoque loco cognoscenda erit.

17 Sed etsi quæstio spoliij in modum exceptionis petentibus obiecta fuerit, probationes super spolio primitus erunt audiendæ. Eoque legitimè probato, reus non cogetur respondere positionibus, donec integrè restitutus fuerit. Quia nec nudi contendere, nec inermes inimicis nos opponere debemus.

18 Sed quia huiusmodi exceptionem nonnunquam in iudicijs calumniosè propositam, causas Ecclesiasticas contingebat impedire, & per interpositas appellationes principalis causæ cognitionem perimere, consultissime Innocentiana constitutione decretum fuit, ut in civilibus negotijs spoliationis obiectu ab alio quam ab actore factæ, iudex in causa principali procedere non postponat. Iniquum enim esset, quod reus exciperet contra actorem spolio facto à tertio, cum in hoc non deliquerit actor, & ideo factū alterius non debet sibi obesse.

19 In criminalibus verò, etiā si à tertio spoliatus fuerit:
dum

dum tamen vel tota sua substantia, vel maiori parte ipsius, se per violentiam priuatam affirmet, obiecta exceptio processum differet poenis statutis, si eundem intra certa tempora (scilicet quindecim dierum) non probauerit obijcens. Eo quoque salubriter obiecto, ut rerum priuatarum spoliatio, agenti super Ecclesiasticis, vel ex contrario, non opponatur.

20. Accusato vero excipienti de spolio a tercio facto, debet indulgeri tempus, intra quod restitutionem petat, & causam si potest finiat, quo elapso non obstante tali exceptione, accusari poterit.

21. Sunt & alia exceptiones, quas proprie neque dilatorias, neque peremptorias appellaueris, cuiusmodi est, quæ aduersus productos testes opponatur: ut puta si quis Mercurium examinatum, infamem, excommunicatum, vel alias criminofum esse dicat. Quæ tamen cum ad peremptoria rum naturam accedere videantur, ipsæ quoque ante sententiam proponendæ erunt.

22. Multum tamen interest, an per exceptionem tantum testibus opponantur crimina, de quibus nunquam accusari fuerunt, an verò ea de quibus alias conuicti, vel confessi fuerint. Primo enim casu obiectorum criminum probatio ante exhibenda erit, quæ causa per sententiâ terminetur; & si conuicti, vel confessi fuerint, ordinaria cessante poena, sufficiet, quod à perhibendo testimonio repellantur; præsertim cum obiectum crimen minimè causam contringat. Posteriore verò, cum non sit cuiquam contra alios credendum, nisi se prius probauerit innocentem, à ferendo testimonio penitus repelli poterunt.

23. Cauebit autem reus, ne quam contra aduersarium suum exceptionem porrigat, cuius ipse nexibus implicetur. Cum scire debeat nullum hunc esse iuris effectum habiturum: veluti, si plura beneficia possidens de eadem pluralitate aduersus alium excipiat, vel si periurium, aut excommunicationem is obijciat, qui peierauit, vel Ecclesiastica sententia innodatus fuerit. Quia delicta mutua compensatione tolluntur; & contra exceptionem criminis, non datur replicatio criminis.

R r

24 Hoc

24. Hoc tamen ita accipiendum est, cum proprio nomine conuentus excipit: ceterum, si suam defendens Ecclesiam, tales exceptiones opposuerit, audiendus erit, nec quod opponens eisdem sit obnoxius replicari poterit.

25. Postremo sciendum est, quod qui excipit non confitetur agentis intentionem, est eidem possit plures etiam, quamquam contrarias exceptiones opponere: Non quidem pure, sed sub conditione & disiunctiue: ut si una non processerit, proponat aliam. Quæ si legitimæ fuerunt, & iudex non admisit, reo quidem per appellationis remedium succurratur, & iudex ipse meritis poenis coercendus erit.

26. Aduersus autem exceptiones dantur replicationes, & duplicationes; suntque eiusdem naturæ cum exceptionibus; quia aduersus actiones opponuntur. De quibus si quis plenius velit intelligere, ex his quæ superius diffusè de exceptionibus posita sunt, mutuari poterit.

TITVLVS XL

De mutuis petitionibus.

1. **C**V M mutua petitio seu reconuentio sapiat etiam naturam exceptionis, ideo post descriptionem exceptionum, ponitur titulus de mutua petitione, quæ ex parte rei fit, prout conuentio ex parte actoris. Post oblationem igitur libelli ab actore, si reus conuentus nulla sit exceptione munitus, quæ vel iudicium differat, vel litis ingressum impediatur, mutuis petitionibus aduersarium suum fatigare poterit, & agentem coram eodem iudice, a nequam litem contestetur, reum cōstituere. Cuius enim quis in agendo obseruat arbitrium, eundem habere contra se iudicem in eodem negotio designari non debet.

2. Proposita ergo actoris intentione, responsione facta super questionibus, rei monitione præmissa, incontinenti actor respondere compellendus erit, ut vicissim postea rationes

riones partiū iudex audiens, cōcordia vel iudicio vtriusque negotium terminet. Atque ita in vno eodemque termino aliud erit iudicium conuentionale, & aliud reconuentionale. *Iudicium conuentionale est*, in quo prima conuentio deducitur. *Iudicium autem reconuentionale est*, in quo deducitur secunda conuentio, quæ fit ex aduerso per reum contra actorem. Et proponitur in principio litis, ante litis contestationem in causa conuentionis. Vbi si actor non vellet respondere super reconuentione, denegatur ei audientia; quia non proceditur in causa conuentionis, donec respondeat super reconuentione.

3 Nec solum coram ordinario iudice reconuentio talis sibi locum vendicat, verum etiam coram delegato: vnde nisi reus literas impetrare maluerit, actorem sibi obnoxium, eodem durante iudicio, coram datis iudicibus reconuenire poterit. Vtriusque autem, tam actoris, quam rei reconuenientis æqua debet esse conditio: vnde cum causa appellatione remota committitur, si reus actorem reconuenerit, vno eodemque iure circa appellationis remedium, vterque censendus erit.

4 Coram iudice appellationis reconuentio locum non habet, sicut & coram arbitris, qui non nisi de his iudicare possunt, super quibus in eos compromissum fuit, ex communi voluntate partium. Secus in arbitro iuris electo ex necessitate statuti ad totam causam, quia tunc coram eo haberet locum reconuentio.

5 Interdum etiam accidit, vt nec coram ordinario, nec coram delegato iudice reo actorem reconuenire sit potestas: vt puta, si coram iudice laico conuentus actorem super causa iuris patronatus, decimarum, matrimonij, aut alia spiritali reconuenire velit: quia laicus de spiritalibus cognoscere non potest.

6 Idem iuris est, si conuentus excommunicationis maioris vinculo innodatus existat: huic enim, licet alioqui excipiendi facultas minime sit interdicta, actorem tamen reconuenire non conceditur: ne quod (vt supra dictum est)

In defensionis remedium sustinetur, ad impugnationis materiam extendatur. Nisi quod excommunicatio debeat ex eodem contractu ex quo conuenitur, puta, si ab eo petatur res vendita; poterit ipse pretium petere.

7 Sed an possit excommunicatus saltem compensare?

Respondent DD. aut conueniens debitum confitetur, & compensationi acquiescit; & tunc admittitur compensatio: aut aduersarius negat; & compensationi non acquiescit, & tunc non additur reus super compensatione. Licet quidam dicant æquum sibi videri, vt etiam hoc casu audiatur excommunicatus.

8 Illi quoque, qui coram iudice criminaliter conuenti fuerint, vel super deposito, nisi se prius innocentes probauerint, & depositum restituerint, alios criminandi vel conueniendi licentia non conceditur.

TITVLVS XII.

De restitutione spoliatorum.

Dictum est, superiore titulo, quod reconuentio in quibusdam causis locum non habet, inter quas cum etiam spolium reperiatur, sciendum est, duplex iudicium communiter in causis civilibus esse, aliud possessorium & aliud petitorium. Petitorio quidem iudicio agitur de re, dominio, & proprietate. Possessorio vero agitur de possessione propter ius, quod quis in ipsa possessione habet, idque tribus ferè modis, id est: Vel vt retineatur; vel vt quaeratur; vel vt recuperetur possessio. Consultiusque est ei, qui rem petere destinauit, vt, si possit, aliquo possessorio remedio agat: quia longe commodius est, ipsum possidere, & aduersarium ad onera petitoris compellere; quàm alio possidente petere.

2 Commodum autem possidendi in eo est, quod etiam si eius res non sit, qui possidet, si modo actor non poterit suam esse probare, remanet in suo loco possesso: propter quam

quam causam, cum obscura sunt utriusque iura, contra pe-
 tiorem iudicari solet. Hinc est, quod plerumque, & ferè
 semper ingens existit contentio de ipsa possessione, ac mi-
 xime iura fauent ei, qui ad recuperandam possessionem
 agit. Præsertim, si traditum à Ioanne Pontifice Romano
 remedium exerceat, quo cautum est, reintegranda esse om-
 nia expoliatis, vel electis, & in eo loco, vnde abscesserant,
 funditus reuocanda, quacumque conditione temporis, aut
 captiuitate, aut dolo, aut violentia malorum, super qua-
 cunque iniustas causas res Ecclesiæ, vel proprias, id est, suas
 substantias perdidisse noscuntur. Qui Canon laicis non mi-
 nus, quam ecclesiasticis hominibus prodesse cõmuni Iuris
 consiliorum sententia existimatur.

§. 3. Is itaque, qui se quibusdam rebus, aut iuribus spo-
 liatum conqueritur, ab aduersario suo conueniri non po-
 terit, nam super spoliatione conuentus, aduersus restituti-
 onem petentem, non est, nisi super questione spolij au-
 diendus. Restitutionis enim petitio in hoc privilegiatum
 esse noscitur, ut ipsam intentans, non cogatur ante resti-
 tutionem spoliatoribus respondere.

§. 4. Vnde cum quis, se de beneficii possessione violenter
 electum apud iudicem conqueritur, si aduersarius eundem
 non canonicè dicat institutum, de violenta prius ectione
 ne, quam de canonica institutione cognoscendum erit.
 Et expulsus contra expulso rem tam ciuilitè quam crimi-
 naliter agere potest.

§. 5. Sed et si spoliatus non prius coram iudice super
 spolio sibi illato consistat, sed criminali iudicio ab aduer-
 sario laceffitus spoliationis causam proponat, ita demum
 super petitione iudex procedere poterit, si prius restitui
 spoliatum sua sententia iusserit. Omnes enim leges, tam
 ecclesiasticæ, quam seculares ante omnia, contra spoliatis
 vel electis reintegranda, & damna sarcionda esse præcipiunt.
 Frustrum quoque non tantum à violento possessore percep-
 tos, sed etiam qui à veteri possessore percipi verissimiliter
 potuissent, restituendi erunt.

6 Nec restitutionis solum sententia sufficiet, nisi re ipsa omnia iudicis officio restituantur, ita ut eiectus vel spoliatus, etiam naturalem possessionem recipiat, cunctaque quæ sibi ablata fuerint, eodem vnde surrepta fuerunt, reuocentur.

7 Quod si civiliter conuentus aduersario spoliij quaestionem per modum reconuentionis regerat, cum mutue tunc intelligantur petitiones, in idem iudicium deductæ, vicissimque tractatæ, vnica simul erunt sententia terminandæ.

8 Sed hæc quidem obtineant cum in modum actionis spoliij quaestio proponitur: sed si circa litis contestationem de spolio quis excipiendum duxerit, super ipsa quidem exceptione probationes primitus recipiendæ erunt: ea tamen legitime probata, nulla restitutionis erit ferenda sententia. Sed tamen diu spoliatori super petitionibus suis respondere cogendus non erit, donec ab ipso restitutus fuerit. Quemadmodum enim si in modum exceptionis aliquid crimen testi obijcitur, ut à testimonio repellatur, et si crimen contra eum civiliter probatum fuerit, sibi poenæ non infligetur ordinaria, sed eius duntaxat testimonio non creditur: sic spoliatio in modum exceptionis tantum probata, restitutionis sententia, minime ferenda erit.

9 Spoliatus autem non solum is intelligitur, qui à priuato quocunque homine rerum quarundam possessione indebite priuatus fuit, sed etiam ille, quem iudex ipse sententia sua spoliavit, si non seruauit iuris ordinem in iudicando, vel si nulliter pronunciauit, aut iudex erat incompetens. Secus si processit iudicialiter, & sententia allegatur iniusta, ex iniustitia causæ: quia tunc proculdubio contra iudicem possessorum non competit, sed necesse est venire per viam appellationis; alias sententia transiret in rem iudicatam, etiamsi esset iniusta, nec ulterius reus audiretur.

10 Aduertendum tamen est, quod aut processit merè extraiudicialiter, & sibi incumbit onus probandi legitimam causæ: aut processit iudicialiter, sed allegatur pro-
cessus

cessus nullus, & sic, quod iniuste & violenter spoliavit. Et tunc dicens debet probare, nisi appellauerit; quia pro iudice presumitur, ex quo processit in figura iudicii, & non fuit appellatum.

11 Potestque condemnatus de facto resistere aduersus executionem sententiae nullae, immo ingrediens possessionem virtute sententiae lae parte non audita sine causae cognitione, priuatur iure suo. Est enim in lata culpa, qui utitur sententia nulla, nimirum si tenetur de violentia. Hinc est, quod statutum puniens ingredientem possessionem alterius, de facto, locum habet contra ingredientem possessionem alterius virtute decreti iudicis inualidi.

12 Is quoque spoliatus intelligitur, qui licet ipse non spoliauerit, per alium tamen spoliari mandauerit, aut spoliū suo patratum nomine ratum habuerit. Vnde & is restitutioni obligabitur, quemadmodum & ille, qui rem indebitè occupatam scienter recipiendo spoliatori succedit in id vitium. Licet enim non is spoliauerit; cum tamen quoad periculum animae non multum intersit, utrum quis iniuste detineat, an alienum inuaserit, contra huiusmodi possessorem spoliato per restitutionis beneficium, non obstante iuris ciuilis rigore succurritur.

13 Hinc prouenit ut reperiens rem alterius, & non restituens, tenetur furti, veluti si ab alio subtraxisset, cuius sciat rei illius dominum proprium, cui debeat. Nisi timeatur de salute animae, aut scandalo aliquo notabili.

14 Illud quaesitum est, si post spolium Ecclesiae renunciasse quis dicatur, an ob huiusmodi renunciationem spoliato sit deneganda restitutio: & cum non sit verisimile, quod sponte proprio iuri renunciauerit, qui renunciat spoliatus, huiusmodi non obstante renunciatione, restituendus erit. Nisi renunciatio fiat spontanea in manibus Superioris. Quando autem renunciatio fit in manibus non Superioris, non perditur ius, quod renunciatus habet in beneficio, nec tenet talis renunciatio quamuis spontanea fuerit. Nec Superior ipse in odium renunciantis posset talē renunciationem ratam habere.

15 Te-

115 Testes etiam partis alterius de iuramento, & restitutione sponte facta, non ante admittendi erunt, quam spoliatus plenarie fuerit restitutus. Quod si ante spoliū Ecclesiam sponte abiurasse reperiatur, perpetuum ei super negotio silentium imponendum erit.

116 Sunt & alij casus, quibus iure denegabitur spoliatis restitutio: vt puta, cum agenti per modum exceptionis de alia spoliatione opponitur: aut tam super proprietate, quam super spolio eodē tempore disceptari spoliatus ipse consenserit: aut ante restitutionis postulationem petitoria actione iudicium expertus succubuerit. Vnde cautela est, vt spoliatus protestetur, quod non consentit vt spoliatus probet de suo dominio.

117 Quod si quæras, an iudex possit impedire consensum? Et videtur quod non debet, nisi ob periculum animæ & timorem peccati. Quod si vero spoliatus non consenserit, expressè tamen non replicauerit contra exceptionem proprietatis, tunc censetur tacite consentire, & talis consensus valet. Quia ira se habet replicatio ad exceptionem, sicut se habet exceptio ad actionem: sicut ergo actio non excluditur, nisi exceptio proponatur, ita non debet excludi exceptio, nisi proponatur replicatio.

118 Item, si spoliatore non per contumaciam, vel per dolum absente, ab Apostolica Sede ad iudices spoliatus lites obtinuerit: ut si eum spoliatum iudicibus constituerit, intra certum temporis spatium restituatur, si reus intra præfixum terminum sese iudici exhibere non possit, quamquam temporis lapsus imminet, & actor sit suam possessionem & deiectionem probare paratus, nihilominus restituendus non erit.

119 Sed etsi talis opponatur exceptio, quæ agentem minime possedisse concludat, tam diu sustinenda erit restitutio, donec super tali exceptione cognitum fuerit. Vt ecclesie, nec laici spiritalia possidere, nec Sacerdotes vxores habere possunt. Vnde si vel illi se beneficijs spoliatos, vel hi ab vxoribus se destitutos coram iudice conquerantur, &

ab aduersarijs de secularitate, vel de Sacerdotio agentibus opponatur, proculdubio differenda erit restitutio.

20 Quinimmo & cum sola iuris præsumptio pro spoliatione contra spoliatum militat, impedienda erit restitutio. Ex quo apparet eum, qui (exempli gratia) restitui postulat, ad decimas, quas intra alienæ parochiæ limites possedisse asserit, nequaquam restituendum esse, nisi eundem docuerit, quod earum possessionem legitime acquisitus fuerit, quia eas occupasse iniuste verisimiliter præsumitur; cum ex prædijs perueniāt infra alienam parochiam constitutis; manifestumque sit eas iure communi ad eandem Ecclesiam pertinere, nisi aliud ostensum fuerit.

21 Exceptio ergo notoria ex defectu proprietatis obstat agenti possessorio recuperandæ, licet regulariter exceptio domini non obstat; cum etiam prædo sit restituendus ad suam possessionem.

22 Plures præterea sunt casus, quibus spoliatus illico non restituitur: veturum cum hæresis labe pollutus deprehenditur, vel facta restitutione animæ periculum immineret, vel scandalum timeri possit. Et alij, qui non minus secularibus, quam Pontificijs legibus continentur.

23 Postremo sciendum est, in spoliantis odium constitutum esse, si spoliatus proprietatis litem ingressus fuerit, nullam de illata sibi violentia mentionem faciens; antequam renunciatum sit, aut conclusum in proprietaris iudicio, ut idem debeat super possessorio (etiam petitorio suspenso) audiri. Quod si renunciatum fuerit; vel conclusum, ut iam possit causa proprietaris sententia terminari, ne lites litibus inculcentur, & via possit fraudibus aperiri, causa non decisa possessorio non erit vtrendam, nisi iudex, qui de causâ cognoscit, hoc ipsum ex iusta causâ viderit expedire: puta cum ex perspicuis indicij iniquitas inuasoris facile arguitur, & spoliato, casu siue dolo spoliatoris, dominium probandi facultas subtracta fuerit.

De litis contestatione

HAstenuſ preparatoria iudiciorum complexi ſumus, quæ plerumque ante cauſarum diſcuſſionem veruntur, nunc autem peruenimus ad ea quibus ipſum iudicium conſtituitur, videlicet ad ipſam litiſ conſteſtationem, quæ quaſi fundamentum quoddam iudiciorum eſt. Quia non ſemper ante diſcuſſionem cauſæ contingit locum eſſe poenis ſtatutis contra contumaces: nec ſemper proponuntur exceptiones & replicationes: aut ſemper mutæ petitiones fiunt ante litem conſteſtatam. Nec ſpoliati denique ante litem conſteſtatam ſemper reſtituuntur, vt titulo ſuperiore monſtrauimus. Ideo actor debet procedere ad vteriora in iudicio propoſito, cauſam nimirum ipſam, quæ ſemper incipi debet à litiſ conſteſtatione. Quæ, ſi à partibus prætermiſſa fuerit, proculdubio omnia, quæ ſequuta fuerint, corrumpit: ſequè ipſos litigatores inaniſ laboribus, & ſumptibus vexabunt. Vnde nec teſtes recipi, nec ad ſententiam per iudicem procedere poterit.

Eſt igitur litiſ conſteſtatio, principalis negotij apud competentem iudicem facta narratio, & ad eadem ſubſequuta reſponſio. *Vel litiſ conſteſtatio eſt*, negotij hinc inde narratio apud iudicem. Quia fit per petitionem in iudicio propoſitam, & congruam reſponſionem ſequutâ, animo conſteſtandi litem factam, cum iudex per narrationem negotij cauſam audire cœperit. Vnde ſi quis poſitionibus ſimpliciter reſpondeat, aut peremptoriam exceptionem proponat, nequaquam per hoc eſſe facta conſteſtatio litiſ intelligitur.

3. Fit vero litiſ conſteſtatio non ſolum per principales, ſed etiam per procuratorem, tutorem, & perſonas ſimiles, (puta actores & ſyndicos) in iudicio præſentes. Abſente enim actore litiſ conſteſtatio fieri non poteſt: quia litiſ conſteſta-

testatio dicitur, quasi simul testatio: & ideo ambæ partes debent esse præsentēs coram iudice pro tribunali sedente.

4 Hinc etiam aduocati responsio, nisi statim reuocata fuerit, facit litis contestationem, & sic præcludit viam dilatorijs proponendis. Et tunc oportet, quod pars illam reuocet antequam aduersarius faciat aliquid, quod soleat fieri post litem contestatam, infra triduum. Alioquin, oritur contra nos præsumptio vt per nos sit tacite responsio aduocati approbata. Ad reuocandam verò aduocati responsionem, necesse est docere de errore aduocati, qui non habet mandatum ad confitendum, vel ad procedendum in causa, sed solum patrocinandi; nec est dominus litis.

5 Nec solum, cum per actionem iudicium instituitur, erit litis contestatio necessaria, sed etiam vbicumque iudicis actio pro ipsa proponetur actione: veluti cum restitutio in integrum non incidenter, sed principaliter postulatur.

6 In nonnullis tamen casibus hæc litis contestatio non requiritur, v.g. quando petitur declarari incidisse in Canonem excommunicationis latæ sententiæ ob violentam manuum injectionem in Clericum. Item non requiritur in causa, vbi proponitur nullitas constans ex actis, & similiter in liquidatione publici instrumenti; in causa hæresis; in causa depositi; in causa exequutionis sententiæ; in causa matrimoniali, & in omnibus denique causis illis, in quibus poena ipso iure infligitur.

7 Contestatione autem litis sequuta, sequuntur etiam huiusmodi effectus, quod reus & iudici subijcitur, & actor obligabitur, dilatorijs exceptionibus via præcluditur, actiones perpetuantur, præscriptio interrumpitur: & denique alij effectus emanant diuersi, vt tam civilibus quam ecclesiasticis constitutionibus suis locis traditur.

8 Admonendi tamen sumus, quod traditum est, lite non contestata non posse testes recipi, aut ad sententiam perueniri, non esse perpetuum. Nam si forte de morte testium timeatur, vel absentia diuturna, vel ingressu ma-

ris, cum ciuilitèr est agendum, ne veritas occultetur, & probationis copia fortuitis casibus subtrahatur, (curare enim debet iudex, vt salua sit rerum probatio) senes, & valerudinarij, & alij testes, de quibus ex probabili causa nimeretur, etiam lite non contestata, sunt admittendi: Seu pars conuenta sit contumax, seu sine dolo sit absens, vt conueniri non possit. In criminalibus vero nunquam recipiuntur testes lite contestata; cum enim tunc agatur de maximo præiudicio, non est aliquid faciendum inordinatè.

9 Debet tamen actor intra annum, ex quo facultas sibi data fuerit, aduersarium conuenire, aut saltem huiusmodi testium receptionem eidem denunciare. Alioquin attestations sic receptæ non valent, ne fortè hoc procurètur in fraudem, vt scilicet progressu temporis exceptiones legitimæ ad repellendum testes, vel aliæ, locum habere non possint.

10 Sunt & alij casus, in quibus absque litis contestatione legitimè possent testes produci, & lis sententia terminari; quos tam ex his, quæ supra de contumacia diximus, quam etiam ex aliis locis cognoscere licebit. Et generaliter vbicunque libellus non exigitur, aut ius agendi contra certam personam non dirigitur, litis contestatio non est necessaria.

11 Sed si reus respondet libello cū protestatione quod non animo litem contestandi, an talis protestatio aliquid operetur, vt lis non habeatur pro contestata, communis conclusio est, quod lis non sit contestata, & quod talis protestatio releuet: nisi iudex prius iusserit litem contestari: nam tunc cum simus in casu necessario, protestatio nihil releuat.

TITVLVS XIV.

De iuramento calumnie.

1 **F**Acta litis contestatione, necessario deueniendum est ad probationem: verum quia in iudicio sapissimè à litigantibus fraus committi solet circa probationes, propterea post titulum præcedentem de litis contestatione, proponitur iste de iuramento calumnie. Vbi primo queritur, quid iuris sit, si quis noluerit iurare; deinde, quis, quando, & quomodo hoc iuramentum sit præstandum: ac tandem, quid iuris si non sit præstitum.

2 Cum itaque in iudicio quælibet pars intendat victoriam consequi, vt veritate præuia iudicia expendantur, institutum est; quod litigatores statim in exordio litis, de calumpnia vitanda iuramentum præbeant. Quod si quis præstare recusauerit, actor quidem ab instituta cadet actione, & pro confesso reus habendus erit. Quod si vèro præstitum sit iuramentum ante litis contestationem super tota causa, non est opus quod denuò præstetur. Item si iuretur longè post litem contestatam, non per hoc vitatur iudicium.

3 Continet autem hoc iuramentum quinque capitula. Scilicet, quod credit se iurans bonam causam habere: quod interrogatus non negabit: quod verum credit: quod non vtetur scienter falsa probatione: & quod dilationem non petet in fraudem: nec dabit, nec dedit, nec promissit, nec promittet aliquid pro causa, nisi quibus leges dari permittunt. Vnde versus,

Illud iuret, quod lis sibi iusta videtur.

Et si quæretur, Verum non inficietur.

Nil promittetur, nec falsa probatio detur.

Vt lis tardetur, dilatio nulla petetur.

4 In hac tamen parte quibusdam casibus Clericis iura pepercerunt. Vetuerunt enim ne dum propriæ Ecclesie causa peragitur, inconsultis illorum Prælatiis (quod tamen

men si non faciant non propterea vitatur iuramentum,) huiusmodi subire iurandum cogantur, licet in propriis causis huiusmodi privilegio minime gaudere noscantur.

5 Sed & quo casu hoc iuramentum subire, vel permittuntur Prælati, vel iubentur, non tactis, sed tamen propositis scripturis id implebitur (id est Evangelijs,) De consuetudine tamen est, ut testis tangat Evangelia.

6 In causis spiritualibus olim de calumnia minime iurabatur: sed quia & in illis litigatores frequenter calumniari compertum est, novissime sancitum est, ut in eis id, quod in cæteris constitutum est, observari debeat. Sed maxime in causis criminalibus necessarium est iuramentum, & in causis appellationis, ut suo loco dicemus.

7 Et non tamen principales, verum etiam procuratores & syndici huiusmodi iuramentum suscipere compellendi erunt (& idem erit in tutore & curatore,) etiam si quid ponere, aut respondere debeant à dominis instructi fuerint; nec enim illud intra certa iudicii tempora coarctatum reperitur: sed poterit iudex exigere, quoties expedire viderit. Sed hoc in patronis casuum de consuetudine non servatur: cum tamen optimum esset si etiam advocatis deferretur hoc iuramentum calumniæ, temperarent enim à patrocínio causarum iniustarum, quas vel propter munera, vel propter amicitias suscipiunt.

8 Procurator tamen, licet habeat specialissimum mandatum ad iurandum nomine Domini, vel respondendum, vel agendum, tenetur nihilominus iurare etiam in animam suam de calumnia, non tamen in animam domini: quandoque iudici videbitur, quia non debet causam iniustam suscipere.

9 Præterea, quanquam in prima instantia partes iuraverint, non tamen propterea in causa appellationis huiusmodi iuramentum declinare poterunt, cum rursus & de calumnia vitanda, & dicenda veritate iurare partes sint compellendæ.

10 Illud postremo admonendi sumus, quod propter omisum

omissum tacite in tota causa calumnie iuramentum, iudicialis processus alias factus legitime, nec est nullus, nec ob eam causam venit annullandus: cum huiusmodi iuramenta præstati de substantia ordinis iudiciarii non existat. Et ideo poterit huiusmodi iuramentum remitti per rescriptum supremi Principis, dum tamen in eo dicatur non obstante tali lege. Verum si hoc iuramentum fuerit petitum ab aliqua parte, & omitteretur, processus esset nullus: nisi tacite remitteretur, ut volunt. DD.

TITVLVS XV.

De lris pendentiis.

Insituta ergo lites, & solemnibus præstitis satisfactoribus, atque calumnie iuramento exhibito, ad probationes, & merita causæ descendendum erit: & interim pendente lite nihil innouari poterit. Quod intellige de his, quæ pertinent ad iudicem, & causæ processum: quia ius nouum impetrare, non est ætentare.

2. Lis autem pendere hoc respectu tunc dicitur, non modo cum lis contestata fuerit, verum etiam postquam à iudice competenti citatio emanarit, & ad partem citatam peruenerit: vel per eam factum est quominus ad eius notitiam perueniret, dum tamen in citatione ea sint expressa, per quæ possit quis instrui, super quibus in iudicio conuenitur.

3. Competentem hoc loco iudicem appellamus, qui causa iurisdictionem habet cum exercitio, dato quod illa possit per exceptionem elidi; siue exceptio contingat ut quia suspectus: siue iurisdictionem, ut quia rescriptum surreptitium: valet in hoc casu processus in principali, si non excipiat. Sicut autem requiritur competentia in iudice, sic & in citatione.

4. Et quia ad probationem & merita causæ acceditur coram iudice competenti, competentibus præstitis satisfactoribus.

tisdationibus, sciendum est, quod harum aliquæ præstantur ex parte rei conuerti, partim ab actore. *Acto satisfidatur* de iudicio sisti, quæ satisfidatio fuit inuenta suspicione fugæ. Et propterea possidens immobilia releuatur ab hac satisfidatione, cum tunc non sit probabilis suspicio fugæ. Item ex parte rei est illa fideiussio de iudicato soluendo, quam licet non præstet reus conuertus, præstant tamen defendentes rem alienam: nisi dominus releuet procuratorem in mandato ab hoc onere, vt inoleuit communiter practica. *Ex parte actoris præstatur satisfidatio*, de expensis reficiendis in casum succumbentiæ: & hanc præstat etiam si immobilia possideat. Item satisfidatio de rato, quæ præstatur ab eo, qui compareret pro actore, cum dubium est de mandato.

§. 5. Planc ab eo, qui postquam à sententia prouocauit, possessionis fructus dissipat, etiam lite pendente, sequestrari poterunt, ne partes deueniant ad arma. Intellige hoc tunc fieri, quando summam constat iudici, quod potest oriri scandalum vtraque parte contendente possidere: secus quando constat quod vnus solus possidet, & alter turbat, tunc enim non debet apponi sequester, sed dari manutentio, & proliberi habens sub poena.

§. 6. Sic etiam, si dum super matrimonio lis pender, secundum quis matrimonium ritè contraxerit, si primum non tenuisse declaratum fuerit, pendente litis obtentu secundum irritari non poterit. Et tamen, qui in contemptu contraxerit, competens poenitentia imponenda erit, & intra tempus poenitentiae sibi carnali commercio interdicitur. Filij tamen primi matrimonij concepti lite pendente ante sententiam diuortij sunt legitimi.

§. 7. Ita quoque electio facta lite pendente non retractatur, sed differrur eius executio.

De Probationibus.

1 **E**xplicatis omnibus ijs, quæ causæ cognitionem præcedunt, consequens est, vt transitum faciamus ad ipsam cognitionem causæ, quæ per probationem fieri solet. Probatio verò vel à persona rei conuenti desumitur communissimè, vel à causa ipsa, vel demum ab extrinseco, vt est confessio, inspectio, notorium, & testes.

2 Probatio itaque est rei dubiæ per idonea argumenta, (puta, indicia, præsumptiones, & alia adminicula) & legitima media (puta, testes, & instrumenta) facta demonstratio. Quæ regulariter incumbit asserenti, & fit varijs modis, scilicet confessione partium, depositione testium, instrumentorum exhibitione, iurisiurandi religione, inspectione iudicis, notorietate rei, suspicione vehementi, fama publica, atque alijs adminiculis.

3 In genere autem probatio dicitur esse triplex. *Alia euidentissima*, quæ fit per priuilegia, per scripturam antiquorum librorum, & per instrumenta indubitata. *Alia clara*, quæ fit per testes plures, vel facti euidentiam & loci aspectum, & admittitur huiusmodi probatio etiam post conclusum in causa. *Et alia minus euidentis*; quæ fit per coniecturas & vehementem præsumptionem.

4 Sed in specie loquendo de probationibus, primaria probatio est per partium confessionem, quæ tunc constat, cum reus positionibus respondendo, vel alias in iudicio de intentione confitetur actoris. Sunt autem positiones, breues quædam narrationes, facti seriem continentes, ad eliciendam veritatem conceptæ, super quibus quis petit ab aduersario responderi: quas ad faciliorem expeditionem litium propter partium confessiones, probationum defectum, vsus longæuus in causis admisit, & iuris probauit auctoritas.

5 Et quia in iure nulla est maior probatio, quam oris proprii confessio, hinc est quod à propria confessione quis recedere non potest; & paria sunt quod quis conuincatur & confiteatur, cū producant eundem effectum condemnationis. Sed cum possit esse confessio erronea, ideo permittitur eam posse reuocari, dummodo statim id fiat, & tunc reuocata non præiudicabit.

6 Depositionibus quoque sciendum est, quod differunt magnopere ab articulis & libellis. Quia positiones sunt breues narrationes facti: articulus vero est pars intentionis actoris, continens id quod probare intendit vel per testes, vel per scripturas. Præterea, positiones fiunt per verbum, ponit, ad eliciendam confessionem ab aduersario: articulus autem fit per verbum, probare intendit, & respicit probationes faciendas per testes vel scripturas, casu quo positiones negentur. Item positio fieri potest merè negatiuè, & tenetur illi pars respondere: articulus vero non potest concipi negatiuè, quia esset improbabilis, nisi cohæreret loco & tempori. Item ponens, positum confitetur, si positio fuit in iudicio præsentata: nec potest reuocari, nisi doceatur de errore: siue positio fiat in scriptis, siue non. Sed articulus non censetur fateri quod dicit in articulis. A libello autem differunt positiones, quia libellus habet conclusionem: & respondens libello lirem censetur contestari. (nisi forte essemus in summarijs) positiones vero tantummodo ad eliciendam veritatem sunt conceptæ. Capitulum idem generatur, & appellatur (licet interdum promittit de his nominibus utamur) & comprehendit tam articulos, quam positiones. Unde terminus datus ad capitulandum, censetur datus tam ad ponendum, quam ad articulandum.

7 Si quis igitur positionibus factis respondere requisitus per iudicem, recusauerit, vel ne responderet se per contumaciam subtraxerit; pro confessio habendus erit. Valeret tamen spontanea confessio, si fieret ad instantiam aduersarii iudice non præcipiente; non tamen ipso iure, sed per sententiam declaratoriam.

8 Et

8. Et quia dictum est recusantem respondere positionibus haberi pro confesso, hoc ita intelligendum est, dum requisita omnia, ad verificandum hanc conclusionem concurrent. Et primū, qualitas causæ, alioquin ex sola contumacia in non respondendo positionibus non poterit condemnari; nec habetur tunc pro confesso vel negante, quando libellus est ineptus, vel non concludens, vel manifestam continens rei defensionem. Quia & monitus à iudice ut respondeat positionibus, poterit moram purgare, maxime re integra. Deinde requiritur ut positio sit pertinens, & cum termino; alias, etiam si quis non responderit, non habetur pro confesso, neque contumace. Ad hæc confessio facta à pupillo non tenet, necesse est ut sit à pubere vel maiore; idque sponte facta, non coacte, & coram suo iudice pro tribunali sedente, & præsentē aduersario, tum demum legitima erit. Alias contra contumacem absolute procedendum erit prout iuris ratio distauerit.

9. Redditis autem circa exhibitas positiones responsionibus, diligenter ab astore dispiciendum erit, an à reo super controuersia legitimam confessionem extorserit; quo quidem casu, & ipse probationum oneribus releuabitur, & iudicis in cognoscendo partibus cessantibus statim super tali confessione pronunciandum erit.

10. Et quia confessus & probationibus conuictus equiparatur, & consequenter sequuta confessione debet sequi condemnatio, hoc ita intellige; ut debeat ei concedi brevis terminus aduersus confessionem, ut eam excuset emanatam esse vel per errorem, vel per iracundiam, vel per nimiam festinationem, aut exorta formidine tormentorū; quod ubi docuerit, nullum præiudicium confitenti generabitur, præsertim si talis confessio per procuratorem facta fuerat. Similiter ficta confessio alicuius non nocet suo hæredi, si non habuerit effectum contra defunctum. Nec itidem confessio filij ficta nocet patri. In confessione verò deliberata, quod sua quisque voce dilucide contestatus est, proprio non valebit amplius testimonio infirmare.

11 Non tamen, quia positionibus reus respondere compellitur, si documenta quoque, quæ ad causam pertinentia penes se detinet, nisi sibi cum actore sint communia, exhibere compellendus erit. Nam graue nimis esset illum ad eorum exhibitionem urgeri, per quæ sibi postea præiudicium fieret. Sed actor ipse inficiente reo sumptis congruis dilationum temporibus intentionis suæ proprias probationes afferet, vel testes inducendo, vel instrumenta, & alias scripturas producendo. Nos autem non tenemur aliquid facere pro beneficio alterius cum damno nostro.

TITVLVS XVII.

De inductione testium.

1 **Q**Via communissima per testes, causarum probatio, in iudicijs fieri consuevit; idcirco ex dictis eorum veritatem eruere volentes in primis considerare debent qualiter eos recipere habeant; deinde quot, & qualiter examinandi sunt: tunc qui possunt esse testes; & quid concedendum, ne pereant probationes: an liceat probare post renunciationem; quando, & quomodo opponendum contra testes: qualiter testis possit scriptum corrigere, & his similia, de quibus toto hoc titulo agemus.

2 Debet autem in primis, si ex dictis testium reusit eruenda veritas, admoneri iaduersarius, quod auditurus iuramentum veniat, ne si prætermisum id fuerit, quod contra leges actum deprehenditur, nullam habeat firmitatem. Probatio enim testis regulatur à iuramento: & ideo Rota Romana canonizauit hanc conclusionem, reum esse citandum ad videndum iuramentum.

3 Sed & testium depositiones non aliter recipiet iudex, quam prius iurisiurandi religione firmauerint, quod tantum quæ vera nouerint professione suæ testificationis aperient: nullius enim testimonio, quantumcunque religiosus existat,

(etiam si

(etiã si esset Episcopus, vel Cardinalis) nisi curatus deposuerit, in præiudicium credi debet alterius; nisi forte iuramentum ab aduersa parte remittatur. Formalia enim concernentia principaliter fauorem partis possunt remitti. Et dictum magni viri iurati faciet præsumptionem.

4 Quod si pars citata ad videndum iurare, & deponere testes venire noluisse, valebunt tamen depositiones ac si venisset: cum venire, vel non, sit in potestate partis. Quod si verò non posset venire? valent nihilominus depositiones mero iure: licet legitimè impeditus sit restituendus ad deponendum contra testes.

5 Quod si testes à iudice moniti, sese, vel odio, vel timore à fredo testimonio subtraxerint; per censuras ecclesiasticas testificari compellendi erunt: nec audientur, quòd sese quominus deponant, proprii iuramenti vinculo innodatos asserant, quia istud iuramentum illorum tanquam illicitum non potest obseruari sine peccato, cum testimonium ferè sit munus publicum, vnde celare veritatem erit peccatum grauissimum.

6 Interrogabit ergo iudex testes in qualibet causa ad minus duos (nulla enim causa est regulariter quæ vnus testimonio quantumvis legitimo terminetur) eosque diligenter examinabit de singulis circumstantiis, & qualitatibus totius causæ, super interrogatorijs partis, videlicet de personis, loco, tempore, visu, auditu, scientia, credulitate, fama, & certitudine; cæterisque, quæ ad rem facere, & negotio conuenire existimabit. Vbicunque autem agitur ad peccatum impediendum, nec ius alterius læditur, sufficit dictum vnus.

7 Testes verò examinati, & non interrogati de causa scientiæ, & super omnibus interrogatorijs (præcipuè in criminalibus, & in causa summaria) non dicuntur ritè examinati: ideo possunt repeti, etiã publicatis eorum dictis, tanquam non ritè acceptis. Quod enim de auditu, fama & credulitate interrogantur testes, ad præsumptionem porius quàm ad plenam probationem pertinet. Super quibus vero

examinari debent testes, clauduntur his versibus.

Auditus, visus, persona, scientia, causa.

Fama, locus, tempus ac certum, credulitasque.

Dum testes recipit iudex hac iuncta notabit.

8 Si qui tamen eorum, qui interrogandi sunt, valetudinarij, vel senes, vel debilitate confecti habeantur, vel etiam ita paupertate depressi, ut ad præsentiam iudicis venire non possint, idoneum deliget iudex, quem ad suscipiendas illorum attestaciones dirigat. Idem si sint egregiæ personæ, debet enim ad eas iudex mittere: nisi illæ suo privilegio renunciare velint, vel causa sit criminalis, aut ita ardua, ut testis debeat deponere in præsentia iudicis; quia tunc potius debet egregia persona ire ad eum, quàm contra.

9 Testes verò non omnes recipiendi sunt, sed fideles duntaxat (non hæretici neque Machometani aut Iudei) & idonei. Censentur autem testes idonei conditione, natura, & vita. *Conditione*, si liber testis, non servus. Servus enim sæpe metu dominantis, veritatis testimonium supprimit. *Natura*, si vir sit non foemina. Nam varium & mutabile semper foemina. *Vita* censetur testis, si innocens sit, & integer. Nam si vita bona defuerit, fide carebit. In summa, quicunque iure minimè prohibentur, ad testimonium perhibendum sunt admittendi.

10 Si tamen quando alicuius mulieris testimonium necessarium fuerit, cum mulieres honestas ipsa, ac naturalis pudor virorū coëtibz immisceri prohibeat, quacunque auctoritate testimonij ferendi causa, vel alia, quæ iure non exprimatur, in iudicium personaliter evocari, vel trahi non poterit: sed ad eam mittendus tabellio (vel alia honesta persona, puta presbyter) & iuxta Bonifacianæ constitutionis tenorem procedendum erit.

11 Ut autem testis possit dici integer; quatuor communiter concurrere debent. *Primo*, ut sit immunis à crimine, nam enormiter peccans non facit fidem etiam cum iuramento. *Secundo*, ut procul sit ab infamia. *Tertio* procul à fraude; quia dicens fraudulentè se inimicum, ut se à testi-

ficando

fiendoq; subtrahat, licet mortaliter peccet, quia dicit mendacium in causa proximi, nihilominus fraude comperta recipiatur, & ei crederetur. Et *quarto* carens suspitione criminis, de quo causa vertitur in iudicio.

12 Clerici ergo à ferendo testimonio super negotio propriæ Ecclesiæ: vel aliæ singulares personæ, in causa suæ vniuersitatis repellendi nō erunt: nisi ad agendum, respondendumue fuerint instituti (quia nemo debet habere duplex officium in vna causa) vel ipsos alia causa probabilis impederit. puta, excommunicatio, crimen graue, periurium, infamia, vel simile quidpiam.

13 Monachi quoque, & quicumque sub alterius obedientia constituti sunt (vt sunt Canonici regulares, Iesuitæ, conuersi & alij religiosi huiusmodi) de sui Prælati licentia rectè testimonium dicent.

14 Christianorū quoque testimonia aduersos Iudæos, in omnibus causis recipienda erunt, nullis sibi contra hoc Principum priuilegijs suffragantibus. Sed contra Christianum, nec Iudæus, nec Paganus, nec hæreticus, aut aliter infidelis; nec excommunicatus, aut suspensus, aut aliter criminosus rectè testimonium dicent.

15 Plane quod de criminoso diximus, distinctionem recipit. Nam si is, qui ab aduersa parte opponitur, adhuc in ipso crimine perseuerat, tam in ciuili, quam in criminali causa ab omni prorsus testificandi officio excludendus erit: si vero sit de crimine emendatus, nec eum comitetur infamia, non est causa ciuili, vel etiam cum de crimine ciuilitè agitur, præterquam pro reatu periurij, repellendus. Quod procedit tunc quoties quis violauit iuramentum licitum, vel de quo dubitatur an sit licitum. Si vero iuramentum sit illicitum & temerarium, secundum communem opinionem non repellit à testamento, nec infamat: sicut nec à dignitate repellit.

16 In criminali autem quæstione. si in alio iudicio contra ipsum accusatione de crimine instituta, confessus vel conuictus fuit, vel si tunc per exceptionem conuincatur;

aut

aut eius grauata sit opinio, ex eo quod quandoque fuit tali modo repulsus, quamuis hoc casu non excluderetur, in causa ciuili, potest à testimonio licet egerit poenitentiam remoueri. Nam ex quo semel commisit quis periurium in testificando in illo officio, suspectus est semper in illo licet sit emendatus. In teste enim pura & simplex requiritur veritas, & iuramentum est veritatis confirmatio: iam autem nihil est æque veritati contrarium ac falsitas, quæ est veritatis immutatio: ideo quilibet periurus est infamis, & talis non admittitur ad purgationem alterius, præsertim cum fuerit pro falsitate semel condemnatus, & licet quantumcunque sit emendatus, semper tamen remanet suspiciosus, quod velit iterum deierare. Testis vero debet omni infamia & suspitione carere.

17 Illud in dubium non venit, eius testimonium, qui integer deposuit, infringi debilitariue minime posse, quamquam illum post depositionem factam esse contigerit criminofum. Nec enim quod recte semel factum est, ex huiusmodi euentu postea debet infirmari, cum culpandus non sit, qui idoneum nunc in testes producit, si aliquando eundem futurum malum non diuinauerit.

18 **Domestici** quoque (puta qui subsunt vel ratione patriæ, vel ratione paternæ & dominicæ potestatis, & familiares mercenarij, & qui viuunt ad vnum panem) & qui similem habentes causam, consimili quoque morbo seu delicto verisimiliter laborare existimandi sunt, si certum id sit, aut super eo legitimè conuinci possint, si ab alterutra partium testes adducti fuerint, ad testimonium admittendi non erunt. Quod si alij testes inueniri non poterunt, nisi de familia, & similem habentes causam; poterunt quidem admitti, sed non quo ad effectum plenæ probationis; & quanta sit illis adhibenda fides, iudex ex varijs circumstantijs arbitrabitur.

19 Is quoque, qui in prima instantia, alicuius causæ aduocationem & patrocinium suscepit, licet aduocatus & procuratore esse desierit; quia tamen adhuc affectus causæ præ-

præsumitur, in iudicio appellationis in testem recipiendus non erit. Sed si quis fuerit quidem procurator constitutus; mandatum tamen non receperit, testificari poterit. Notarius verò, qui scripsit acta, non prohibetur esse testis; sicut & iudex, coram alijs iudicibus, de gestis coram se, rectè deponere potest.

20. Dabunt autem iudices, tam in ecclesiasticis, quàm in ciuilibus causis ad exhibendos testes, non solum vnam, sed ex causa secundam etiam, & tertiam dilationem: quartam verò disceptantibus non largientur, nisi præstito ab eo qui postulat iuramento, quod non per calliditatem aliquam quartam productionem postulet, nec moræ faciendæ causa. Sed quia illorum, quos instat nunc de nouo producere, prius notitiam habere nequiuert: quodque neque per se, neque per alium testificata subtraxerit, vel didicerit; quo casu quartam quoque dilationem accommodabit iudex; maxime si productioni testium non fuerit à partibus renunciatum. Tunc enim pars quæ probationibus renunciauit, non est ad hoc vltèrius admittenda.

21. Siquidem, ne probationes depereant, multa permittuntur, quæ alioqui non concederentur: vt ecce, si is in causa iudex datus fuerit, quem in testem produci sit necessarium, remouendus (nisi vellet iurare quod nihil scit in illa causa) & alius in locum substituendus erit. Sic & alias citato aduersario (semper enim præmitti debet citatio, vbi agitur de præiudicio absentis) recipiuntur, & publicantur testes, quos reus inducendos duxerit. Sic & Ecclesia necessariæ probationis omissione læsa, etiam aduersus Ecclesiam restituenda erit.

22. Elapsis igitur tribus dilationibus, postquam renunciatum est probationibus, & publicata dicta testium; regulariter producendi testes rursus non erit danda copia. Et sicut non licet super eisdem, vel directo contrarijs articulis alios, vel eosdem testes in principali causa producere: sic non debet in causa appellationis licere, cum non minus in eâ, quam in principali, testium sit timenda subornatio.

23. Limitatur tamen, quando culpa, vel malitia examinitoris, vel iudicis, testes non fuerint recepti. Similiter quando testes fuissent nulliter recepti, tunc poterunt denuo legitimè recipi, etiam post publicationem, dummodo non misceantur alij testes de nouo. Item in causis criminalibus admittuntur testes ad defensionem rei, etiam post publicationem in causa factam. Vel ubi in prima instantia fuit articulatam de maiori vel minori. Idem si examinitor omisit examinare super aliquo articulo secundam tabulam, tunc post factam publicationem in causa, recipiuntur iterum testes & examinantur. Idem censendum quando notarius deponit viua voce pro suo instrumento: Et quando prima sententia fuit declarata nulla, in secunda instantia articulat ut idem, vel contrariū. Similiter quando esset precepta instantia. Etiam quando in petitorio possum ponere idem, vel de directo contrarium in possessorio. Item quādo in prima causa probaui intentionē meam per duos testes, & pars aduersa probauit contrarium, possum facere eundem articulū, & examinare alios testes. Vel demū quādo probari posset testes corruptos falsum dixisse.
24. Quod si noua contingat emergere capitula, super quibus partes testes novos velint inducere, recepto solēni iuramento testium, non obstante publicatione, super veteribus facta, nec in primo, nec in secundo iudicio reiiciendi erunt.
25. Sed interdum accidit, ut eos, qui iure in testes recipi non debuerant, admissos tamen esse ab aliqua parte pretendatur: in qua specie statutum est, ut si quid in eos habent (quod sint periuri, infames, serui, inimici, conspiratores) ante publicationem debeant obijcere, postea verò tunc demum id licebit, cū iuramento partes firmauerint, quod non dolo velint ad opponendum descendere.
26. Sed etsi ostendere (puta per iuramentum) quis paratus fuerit, post publicationē didicisse, quod in personas vult obijcere, tunc quoque opponendi patere debet aditus. Idemque iuris est, si forte quis ante publicationem id fuerit

rit protestatus. Ceterum, cum quis protestatus fuerit, velle se post publicationem depositionum, personas testium repellere, si quid in fauorem protestantis dixerit, non de iusticiæ fides adhibebitur: Nisi iudicis & aduersarii accedente consensu.

27. Illud etiam admonendi sumus, quod non solum testes super principali negotio deponentes alijs testibus licebit repellere; sed etiam contra secundos primorum reprobarios probationes proferre licebit. Et non admodum iudice; appellationis remedium licitum erit interponere.

28. Licet ergo reus sibi debet imputare, quod non produxit testes in principali; quia si produxisset, fuisset æqualis cum actore. Nam aut reus probat in principali; & tunc indubitanter seruatur æqualitas respectu eius; aut solus actor produxit testes in principali, & tunc etiam seruatur æqualitas respectu facultatis reprobandi. Quia quælibet pars habet viam duntaxat reprobarioriam; & in potestate rei fuit producere testes in principali, & in hoc potuit sibi præiudicare. Nam & idem videmus in reo, quando ipse solus produxit testes super exceptione sua; actor enim habebit solum vnam productionem reprobariorum; & reus duas productiones, scilicet probatoriorum & reprobariorum: & sic quocunque te veritas inuenies æqualitatem.

29. Vltcrius autem partibus ad reprobariorum testimonium aspirare minime licebit, ne si producendi quattos contra ternos, & sic deinceps partibus licentia tribuatur, negotium contingat in infinitum probari, quod omnino vitandum est.

30. Publicatis igitur attestacionibus non solum ad multitudinem testium respicere iudicem oportet, sed etiam ad qualitatem istorum. Item depositiones rimari, & diligenter inspicere debet, & ex his, quibus potius veritatis lucem assistere iudicabit, animi sui motum informabit. Primoque obseruabit qualitatem testium, quia sunt honestiores, diutiores, doctiores & melioris famæ. Deinde qualitatem

V u 2 depo-

depositorum, quia sunt iuri communi consona, aptiora negotio de quo agitur, & personæ producenti non contraria.

31. Quod si circa alicuius testis dictum, iudicis hæset intellectus, eundem rursus ad examen reuocare poterit. Et generaliter iudex ad prolationem sententiæ interrogare super facto poterit, ubicumque aliquid dubitationis inciderit. Eum quoque, qui non studiosè, sed linguæ lubrico errauerit, & sese confestim correxerit, reprobare iudex non debet: secus autem si correctioni suæ tempus interposuerit.

32. Repetere autem, non solum obscure deponentem poterit, sed etiam si à principio super certis capitulis eundem interrogare, postulante aduersario, vel negligentia, vel calliditate prætermiserit.

TITVLVS XVIII.

De Instrumentis & Scriptura.

1. **Q**uia litigantes intentionem suam, non solum viua vocis adminiculo probare consueverunt, sed etiam per scripturas publicas & priuatas; ideo post probationes testium ad probationem instrumentorum descendendum esse putauimus, quæ quidem in litibus exercendis eandem cum depositione testium vim obtinere solent.

2. Exhiberi autem in iurè poterunt instrumenta, non solum ante attestationum publicationem, sed & postea, vsque ad definitiuæ sententiæ calculum; antea tamen quam in causa conclusum fuerit. In causa autem conclusum esse tunc dicimus, cum à partibus omnibus probationibus renunciatum fuerit. Quod tamen non procedit aduersus miserabiles personas, & Ecclesiam, quarum fauore possunt instrumenta nouiter reperta produci etiam post conclusionem in causa. Idem fit quando instrumenta essent solu-

solutionis, nam tunc etiam si esset lata sententia, adhuc produci possunt, & sententia retractatur.

3 Non tamen omnis scriptura in iudicio producta fidem faciet, sed ita demum, si per manum publicam (Notarii videlicet qui est servus publicus) scripta fuerit, ita ut appareat publica, & authentico sigillo (puta Episcopi, aut Principis) muniatur, ut fiat adminiculo viuz vocis videlicet eius qui scripsit ex testium probet, alioqui nullius roboris firmitatem obtinebit. Illa etiam scriptura dicitur publica, & probat, quæ per statutum approbatur tanquam publica.

4 Solet autem publica scriptura tribus modis esse suspecta. *Primo*, quando esset rata, abolita, vel cancellata in loco substantiali. *Secundo*, quando producitur à persona villi suspecta, & solita falsificare. *Tertio*, quando Notarius qui eam scripturam confecit, esset persona suspecta, eo quod solitus sit falsa instrumenta conficere, neque enim Idem & de exemplis dicendum erit, quæ tamen si solemniter sumpta fuerint, eandem cum originalibus habitura sunt auctoritatem. Solemniter autem tunc dicuntur sumpta, cum coram ordinario iudice, (aut administrationem habente) vel ad hoc ab ipso specialiter delegato præsentata fuerint, atque is diligenter inspecta, dum nulla parte sua vitiata comperit, per publicam personam, exempla sumi præcepit. Quod tamen non permittitur nisi ex iusta causa, ut puta, quotiescunque verisimiliter timetur ne pereat probandi facultas propter vetustatem originalium.

6 Eandem etiam auctoritatem & ea obtinebunt, quæ ad petitionem eorum ad quos pertinent, permissu iudicis ordinarii in publicam formam redacta fuerint, si tabellio morte præventus ea non perfecit, sed in notis tamen redacta mortuus reliquerit. Unde inferitur, quod post exemplationem solemniter factam, aut redactionem in publicam formam, non est opus producere ipsa originalia, quia iam authentica habentur.

7 Exhibebuntur ergo instrumenta publica, non cancellata,

cellata, neque abolita, nec vlla parte sui vitata, aut aliquo pacto de falsitate suspecta: quanquam si exceptor literam imprudens omiserit, aut documentum in loco non suspecto (scilicet in nominibus iudicum, in data, in remotione, appellationis, in nominibus partium, aut rerum de quibus agitur, & in multis alijs, super quibus discretus iudex arbitrat) interleuerit, non propterea veri fides, & instrumenti auctoritas vacillabit.

TITVLVS XIX.

De Iureiurando.

Quod si actor nec testibus, nec instrumentis intentionem suam legitimè deducere poterit, permittente iudice, non plena probationes iurisiurandi religione suppletis, & causa terminari poterit. Et quia quotidiana hæc materia est, nec Iuris præsertim Pontificij petitis negligenda, ideo fusius hoc loco de iuramento, cum proprie ad hoc us spectet tractabimus: quo nomine iudex ecclesiasticus etiam in iudicem laicum iurisdictionem habet, ut ille ecclesiastica, censure (ubi opus sit) percussus, iuramentum, quod salutem animæ respicit, seruari à suis subditis faciat.

2. Est autem iuramentum veritatis confirmatio, cū aliquid Deo teste asseritur. Solentque interponi, cum vel facturos nos aliquid promittimus, vel non facturos, sub religionis vinculos, vel cum super veritate rei alicuius, vel facti respondemus, aut testimonium exhibemus, ut questio aliqua, vel lis dirimatur. Debetque iuramentum quodlibet tres comites habere, veritatem conscientie, iudicium, seu rerum discrimen, & iustitiam. Quocirca iuramentum generaliter editum, si fieri poterit, sic exaudiri debebit, ut iuri non aduersetur, quod seruari possit: Alioquin, si contra canonicas sanctiones esset, non iuramentum, sed perurium potius appellari deberet, nec aliqua ratione seruandum esset.

Et cum causa distinctionis ipsius iuramenti sit veritas nostra, quæ aliquando liberè, & aliquando coacte ad id mouetur, ideo multiplices quamuis diuisiones iuramenti numerentur, in proposito tamen nostro dupliciter tantum considerari poterit, vel ut necessarium sit, vel voluntarium. *Necessarium iuramentum est*, quod ad supplendas probationes à iudice deferretur, quod propterea necessarium nuncupatur, quod à iudice illud omnino deferri partibus oportet, & quod rite delatum ab eisdem recusari non poterit, nisi ex iustis causis. *Voluntarium vero iuramentum est*, quod à parte parti in iudicio deferretur: quod quia litem terminat, decisorium quoque nuncupari poterit. Et appellatur voluntarium, quia pars non nisi volens deferret, & ab eo cui deferretur, licite recusari, ac referri poterit.

4. Sunt autem iustæ recusandi causæ, ut puta, si actor plenè probauerit, aut si sibi non plenè cognitam rem ipsam asserat, & si quæ sunt huiusmodi. Sed et si præsumptiones fuerint, eidem hoc Sacramentum iudex deferret ad suam tuendam innocentiam. Nisi inspectis personarum & causæ qualitatibus, illud actori deferendum censeat. Non enim cuilibet deferretur hoc iuramentum, sed requiritur, quod is cui deferretur, sit persona honesta & bonæ vitæ: quia vili & suspectæ de periurio non deferretur. Nec etiam huiusmodi iuramentum deferretur in causa ardua vel criminali, sed in causa modica & ciuili tantum.

5. Planè, si reus famosis actionibus conuentus fuerit, huiusmodi iusiurandum agenti referre minime permitteretur, cum non actor, sed ipse qui conuenitur, facti proprii conscius esse debeat. Iuramentum enim in litem locum habet in actionibus bonæ fidei, & in actionibus in rem arbitrarijs, sed ob dolum tantum, ut supra attigimus. Ac potest iudex hoc iuramentum, si nimium excedat, moderari. In actionibus quoque stricti iuris huic iuramento in litem locus esse potest, si alia veræ estimationis probatio non suppetat.

6. Multa porro, ac magna sunt iuramenti privilegia: nam

nam

nam & efficit, vt etiam laicus, qui iuramentum super contractu prestitit, ab ecclesiastico iudice ad illud obseruandū compelli possit. Idem hanc vim habet, quod actus, super quo fuerit interpositus, omni, quo melius poterit modo sustinebitur; non patitur iuramentum moræ culpam semel commissam expiari; operatur, vt qui facere aliquid cum iuramento promissit, omnino id facere compellatur; nec liberetur, quamuis id quod creditoris interest; præstare paratus sit. Prohibetque, ne promissi aliquem etiam in contractibus innominatis poenitere possit: quamuis nec dum altera pars suum ei promissum impleuerit.

7. Item per creditores debitorem interpellat, pluresque contractus, qui alioqui fortè aliquo vitio, vel impedimento obstante non valerent, corroborat ac confirmat; Priuat fideiussorem beneficio, quod ei contra creditorem competebat, ne prius ipse conueniri posset, quàm debitor principalis excussus fuisset. Præterea iuramentum in causa est, vt emphyteota, vel conductor non solucentes pensionem, etiam ante biennium expelli à domino possint. Multaque alia priuilegia operatur, quæ aliunde exposcere vnicuique licet.

8. Qui præstitum à se iuramentum non necessitate, sed sua voluntate vltro adactus violari, depōnendus est, & ab Ecclesia sua remouendus. In Episcopos autem, qui suum iuramentū fuerint transgressi, est tanto grauius vindicandum, quanto maiore præminent dignitate, & quanto facilius alij possunt eorum exemplo ad similia promoueri.

9. Non deietat tamen, qui iuramentum suum in melius commutat; vel cui alter ex parte sua iuramentum non impleuit, si & ipse implere illud detrectet.

10. Verum si cuius præceptis stare iurauero, & is mihi aliquid illicitum iubeat, puta, vt uxorem dimittam, vel filium exheredem faciam; ei parere non sum adstrictus; Eadem ratione qui iurant patrem aut matrem non alloqui aut alios cognatos, vel eis humanitatis subsidium non exhibere, ab huiusmodi iuramenti obseruatione soluendi sunt,

cum

cum illicitum, & rationi contrarium sit; iniuncta eis tamen ob hoc, quod male iurauerunt, poenitentia competenti.

11 Sic etiam iuramentum in damnum Ecclesiæ redundans seruandum non est, puta, si Prælati res Ecclesiæ ablatas non repetere iurasset. Aut is qui Religionem professus fuit, iuraret postea, se in clauistro deinceps non moriturum eius Monasterij, cui se addixit. Temerarium est huiusmodi iuramentum, nec seruandum, quod fidem professionis frangeret, ac stabilitatis propositum euacuaret.

12 Pari etiam ratione potero ego effugere, ac illi paream, cui sub iuramenti religione parere tenebar, si is mihi aliquid iniungat, ex quo iuramentum olim à me licitè præstitū violaretur. Hinc & creditores ad iuramenta relaxanda de soluendis vsuris præstita, ecclesiastica districtione coguntur: quam relaxationem si debitores non petierint, cogendi erunt omnino iuramentum reddere. Sed cum vsuræ solutæ fuerint, creditores debent ad eas restituendas, ecclesiastica seueritate, si necesse fuerit compelli. In iuramento etiam semper intelligi debet ius superioris excepti.

13 Iuramentum autem, cuius observatio salutis, æternæ interitum non afferat, seruandum est: nisi relaxatum sit. Quia & dubitatum olim fuit, an si vi, aut metu extortum sit iuramentum, absolutione vlla opus sit? nam quod petita absolutio his casibus concedenda sit, nemo, vt opinor negat. Et frequentibus sententijs, receptū est, extorta hisce modis iuramenta adstringere, ac forū contentiosum ad eorum observationem cogere, quamdiu ea relaxata non sint.

14 Ea quoque iuramenta, quæ Canonici, aut alij, qui ad Collegia quæcumque admittuntur, iurant, videlicet statuta & consuetudines earum Ecclesiarum, Collegiorum, vel locorum, se omnino obseruaturos, sub qualicumque verborum forma emanarint, ad illicita, impossibilia, & libertati ecclesiasticæ repugnantia non extenduntur. Sed iam reliquas probationum species expediamus.

De Præsumptionibus.

Diximus præcipuam probationem in iudicio esse, confessionem partium, depositionem, testium, instrumentorum exhibitionem, & iuris iurandi religionem: reliquum est, vt prosequamur debiliores probationis partes, per quas præsumitur quoque veritas elici causæ, & adminiculum probationibus præstari, puta per inspectionem iudicis, notorietatem rei, suspicionem vehementem atque famam publicam, ex quibus singulis iudex varijs argumentis collectis debet animum suum instruere.

2 Iudicis itaque inspectione consistunt probationes, cum pro terminandis finalibus questionibus proprijs oculis (poterit etiã mandare peritis, vt suo nomine inspiciant) loca iudex subiicit: aut ex aspectu operis artem colligit: aut cum ex literis ordinarij, vel apostolicis excommunicatus, aut dignitatibus honestatus quisprehenditur. Vel cum ad probandam virginitatem, aut conceptionem partus ab honestis, & prudentibus marronis, vice sua iudex inspici mulierem iubet.

3 Sed etsi quid notorium fuerit, testium depositionibus, vel instrumentorum exhibitione amplius declarari non debet, cum talia probationem, vel ordinem iudicarium non requirant. Est autem notorium, & dicitur propriè id, quod est ante oculos situm; vel est in mentibus hominum ita radicum, quod euelli, vel occultari non possit.

4 Est autem notorium triplex. Facti, Iuris, & Præsumptionis. *Facti* est, quod ita se exhibet hominum conspectui, quod nulla potest tergiversatione cædari. Et in tali appellans non auditur: in tali creditur simplici officiali: in tali non requiritur scientia omnium, sed plurium. *Iuris* est, de quo aliquis condemnatur, vel id iure confessus est.

Et

Et in hoc notorio quandoque requiritur probatio, si negetur. *Notorium præsumptum est*, paternitas, filiatio, consanguinitas, benevolentia, amor, præstitaque beneficia & munera. Sed cum multa dicantur quæ non sunt, prospicere debet iudex, ne quod dubiū est pro notorio recipiat.

5 Ad notorium propè accedit vehemens suspicio. Nam si, exempli gratia, de carnali copula quærat, & sine qui solum cum sola, nudum cum nuda in eodem lecto iacentem locis secretis, & ad hoc commodis, & horis electis se vidisse deponant, procul dubio ex suspicionibus tam vehementibus sequitam copulam pronunciari poterit. Plane si de graui crimine actum fuerit, propter solam suspicionem, quanquam vehementem, nemo condemnabitur. Nam licet occulta per coniecturas & præsumptiones manifestentur, non tamen quælibet præsumptio probat; cum habeat latitudinem ingentem, & ideo debet esse vehemens.

6 Suspicio tamen quæ sumitur ex signis exterioribus operum aut verborum, vim notorii habet, & concludit frequenter: puta, si quis propositiones hæreticas publicè afferat, vel adoret sepulchrum Machometis, etiam si ista sine errore intellectus aliquis proferat & sine pertinacia afferat, aut faciat, tamen Ecclesia quæ exteriora iudicat, præsumit vehementer huiusmodi hominem hæreticum esse, aut Machometanum.

7 Fama quoque, si de aliquo facto inuulgata fuerit, cæteris præsumptionibus nō leue (præsertim in quibusdā) præstabit adminiculum, siue infamiam inurens alicui ex dissolutione vitæ, siue bonum nomen præstans ex probitate morum. Potestque tribus modis considerari tam bona quam mala vniuscuiusque facti, vel personæ fama. *Primo* ex vulgi vago rumore, nullum certum authorem aut causas probabiles habens. *Secundo* ex malicia & arte alicuius demandata, pro commodo & vtilitate propria, ad effectum probandi intentionem suam. *Et Tertio* habens originem à personis fide dignis, grauib, iuridicis, & de quorum commodo non agitur, habens causam & rationem,

ortus sui. Et talis fama, licet ex se non probet plenè, tamen probationem factam coadiuvat. De testibus vero fama de bene esse solida, inconcussa excellens; non vaga, non leuij, non contraria.

8 Denique circumspectus iudex, motum animi sui, non ex vna tantù re, sed ex varijs argumētis & testimonijs, quæ rei aptiora esse compererit confirmabit. Iudicaturum enim oportet cuncta rimari, & ordinem rerù plena inquisitione discutere; nec sententiam prius ferre, quam peractis omnibus, nihil habeat in quæstione, quod proponat.

TITVLVS XXI.

De Sententijs, & re iudicata.

CVM duo præcipuè videantur esse actus ipsius iudicij, cognoscere videlicet causam & iudicare; & hæcenus locuti sumus de cognitione; restat vt videamus nunc de *sententijs*, & *re iudicata*: quia ex probationibus deuenitur ad sententias, & ex sententijs ad rem iudicatam. Primo ergo consideremus, quid, & quoduplex sit sententia; deinde quomodo sit ferenda; & tandem quid iuris sit, si diuersæ, vel contrariæ sententiæ fuerint latae, & non secundum præscripta Canonum.

2 Cum itaque officiù iudicis cōsistat in absoluendo, vel condēnando, ideo sententia ab illo prolata nihil aliud erit, quam controuersie corā illo propositæ ritè facta definitio. Differt autem sententia à decreto: quia sententia dicitur quando continet verbum, absoluo te, vel condēno: decretum verò continet possessionem, vel quid simile, vel admissionem. Et sententia ex falsa causa, quæ consistet in facto non est nulla, decretum vero est nullum. Præterea laudum arbitri dicitur sententia, & habet executionem paratam, decretum autem non item.

3 Sententiarum duæ sunt species: aut enim interlocutoria sunt, aut definitiua. *Interlocutoria* est illa, quæ inter principium & finem causæ, fertur super his, quæ incidunt

vel

vel emergunt, qualis cum iudex dandam, vel negandam, dilationem, ad examinandos testes, vel exhibenda instrumenta interloquitur. Vel super aliquibus exceptionibus pronunciauit, quam nec in scriptis ferri oportet, & ante definitiuam sententiam quādocunque iudex reuocare poterit. *Definitiuā verò sententia est*, definitio iudicialis, quæ condemnando, vel absoluendo principali controuersia finem imponit. Definitiuā enim, quæ nec condemnationem, nec absolutionem continet, pro nulla habetur: hanc simul ac tulerit, retractandi copia iudici denegabitur.

4 Non tamen ut sententia valeat, condemnandi vel absoluendi verbum necessario continere debet, sed satis erit, quod verbum æquiualeat contineat; cum non intentio verbis, sed verba deseruiant intentioni. Vnde rescriptum est eius definitionem, quæ ita se statuere, & præcipere pronunciaisset, *legitimæ sententiæ* obtinere firmitatem.

5 Vocatis igitur partibus, loco & tempore congruis, iudex ipse sedens sententiam de scripti recitatione proferet: alias, si non iudex, sed alius legerit, vel scriptā litigatoribus tantum ediderit; vel stando, non sedendo tulerit, nullius penitus momenti erit, ut ab ea nec appellare sic necesse. De forma enim sententiæ istud est, ut deliberate primo scribatur, & postea legatur, nullam emendationem postquam pronunciata fuerit admittens.

6 Episcopo tamen, quem tantæ dignitatis apex attollit, ut non sit dignitas in Ecclesia Dei Episcopatu maior, instar personarum illustrium, sententiam, per alium recitare, permittitur. Sed sunt & alij, in quibus valet sententia sine his solemnitatibus.

7 Sed si plures iudices sint, vel arbitri, si cæteris præsentibus ac mandantibus per vnum tantum sententia reciteretur, si plurali numero perlegendo usus fuerit, perinde habetur, ac si ab omnibus recitata fuerit: licet aliud in electione feruetur.

8 Si vero duo iudices ordinarij diuersas sententias proferant, tunc prolata sententia tenet pro reo, nō pro astore.

Nisi

Nisi agentis causa sit fauorabilis, vt puta, libertatis, dotis, matrimonij. Si vero delegati iudices fuerint, tunc sententia pendet ex arbitrio delegantis. Quod si ex compromisso, vtraque firmitatis robore destituitur.

9 Quod si pluribus iudicibus datis, vnus tantum ex eis pronunciaſſe proponatur, adeo nullas ſententia vires obtinebit, vt nec prouocationis remedium neceſſarium ſit futurum.

10 Sed ſine ordinarius ſit, ſiue delegatus iudex, in primis illud obſeruare debet, ne contra id iudicet, quod legibus aut canonibus prodirum ſit: alioqui ipſo iure ſententia non ſubiſtetur. Sed & conſuetudo ita obligat ac ſi expreſſe in contrarium ſtatutum eſſet; quæ etiam facere poſteſt, quod inſtrumenta quæ aliter non probarent, probent, & ſtilus tam ad ordinem quam ad deciſionem cauſarum ſeruetur conſuetus. Vnde ſententia contra conſuetudinem lata, nulla eſt.

11 In cauſis quoque, quæ Summi Pontificis iudicio deciduntur, cum in ſimilibus cauſis cæteri tenèantur iudicare, ſimiliter iuris ordo & rigor æquitatis ſubtiliter obſeruandus erit. Niſi cum ille aliquid cauſa neceſſitatis & utilitatis, diſpenſatiuè duxerit ſtatuendum.

12 Si tamen ſententia non contra ius conſtitutionis expreſſè à iudice lata fuerit, ſed contra ius litigatoris, præſumitur eſſe iuſta: maxime cum pars videatur acquieſcere non appellando. Sed quando exprimit cauſam contrariuſ, tunc meritò tanquam notoriè iniuſta, legitimis remedijs retractanda erit.

13 Dicitur autem iudex contra ius conſtitutionis pronunciaſſe, veluti cum defunctus, & minor quatuordecim annis fuiſſe aſſeritur, & teſtamentum iure feciſſe pronuncietur. Contra ius vero litigatoris, veluti cum minor quatuordecim annis, annum quartumdecimum impleuiſſe, ac per hoc teſtamentum iure feciſſe aſſeritur.

14 Is autem, qui in grauamen partis alterius, in iudicio aliquid iniuſtè fecerit, per gratiam, vel per ſordes (hoc eſt

est preces aut precium) siue ordinarius siue delegatus sit, ab executione officij per annum suspendendus erit, & ad æstimationem litis parti quam leserit nihilominus cõdemnabitur. Sed modo fallit hoc in Episcopis, quamvis delinquendo grauius cæteris peccent.

15 Et si suspensione durante diuinis sese ingesserit, irregularitatis quoque laqueo innodabitur, à qua non nisi per Summum Pontificem liberari poterit: alijs quoque legum animaduersionibus coercebitur. Cum dignum sit, vt qui in multis audet offendere, poenæ etiã multiplici subdatur.

16 Lata tamen sententia, nisi per appellationem intra terminum à lege constitutum suspensa fuerit, amplius reuocari non poterit (via scilicet ordinaria & iure ordinario, sed per supplicationem in integrum restitutionem benequandoque habere poterit.) Cum enim post decem dierũ spatium sententia in auctoritatem rei iudicatæ transeat, qui ad procurationis subsidium iuxta id temporis spatium non recurrit, ideo appellandi sibi aditum præcludit, quia per hoc videtur interpretatione iuris velle latæ sententiæ obtemperare.

17 Excipiuntur tamen multi casus, in quibus sententiæ, etiam post decem dies rei iudicatæ, firmitatem sibi vindicare non valent, veluti cum de matrimonio est quæstio, aut seruata sententia salus animæ in discrimen adducitur, & alij plures.

18 De eo quoque admonendi sumus, quod etsi sententia transferit in rem iudicatã, præter eos, inter quos dicta fuerit, regulariter neminem lædet: si quis tamen cum sibi primum de ea re actio, vel defensio compereret, sustinuit sequentem agere, aut passus est eum, à quo causam habuit, experiri; ipse quoque sentiet ex re iudicata præiudicium.

De Executione rei iudicatæ.

Postquam vidimus de sententijs & re iudicata, sequitur videre de illorum executione: qualiter nimirum res iudicata sit exequenda, & à quo, & an executor possit de fraude contra eam opposita cognoscere. Si igitur sententiæ latæ legitima appellatio nō occurrerit, intra statuta tēpora executioni mandanda erit.

2. Executor vero dicitur ille, qui sententiam ritē latam ad effectū producit. Et est duplex: merus scilicet, & mixtus. *Merus dicitur is*, cui post latam sententiam, & post habitam causæ cognitionem, super exceptione, iudex commisit nudam executionem facti. *Mixtus vero executor dicitur ille*, qui citat, aliaque facit ex necessitate actus, vel quia est datus cum clausula, Vocatis vocandis.

3. Sed multum intererit, virum in reali, an vero super personali actione sententia lata fuerit. Primo enim casu statim: secundo non nisi post emensa quatuor mensium spatia executioni mandabitur.

4. Licet autem quadrimestre tempus in personali actione sit regulariter statutū, ex causa tamen nonnunquā & arctari & prorogari potest. Sed qui ab initio terminum recipit sponte breuiorem, sibi id imputare debebit, cum ex voluntate propria iuris beneficium contempsisse videatur. Vnde postea non audietur appellans: nisi forte aduersus eum modus executionis canonicus excedatur, siue ab ordinario, siue à iudice delegato, siue etiam ab arbitro res iudicata fuerit.

5. Sed & in reali actione non semper fit statim executio sententiæ (licet eam ordinarie intra prædictum tempus non valeat iudex prorogare seu diminuere) sed limitatur in bonis executis virtute sententiæ nullæ, vel virtute hypothecæ, vbi constat de debito & obligatione. Item potest executio sententiæ ex iusta causa differri, quando
affert

affert damnum irreparabile si exequatur, & requirit altionem indaginem: Tunc quando tertius possessor potest impedire executionem sententię ex incompetētia iurisdictionis; pariter quoque retardatur executio sententię, si esset lata contra defunctum, nam non potest remitti executioni contra heredem non citatum ad dicendum causam quare non debeat exequi. In criminalibus autem sententia non debet differri, sed statim executioni debet mandari, ne detur occasio supplicandi. Si tamen Princeps iratus rescribat aliquem puniri ultra modum regularem, tunc debet iudex vsque ad dies triginta differre executionem vt videat si Princeps poenam relaxet.

5 Aduerte tamen, quod regulariter sententia non debet mandari executioni intra decem dies, qui dantur ad appellandam.

6 Sed si ordinarius (ad quem regulariter pertinet executio sententiarum) ad mandatum iudicis à Principe delegari nolit, aut quibusdam obfistentibus sententiam ab eo latam suo effectui mancipare nequeat, datus ipse iudex illā executioni mandare poterit, & resistentes ecclesiastica sententia coercere: & non solum vsque ad quadrimestre tempus, quod ad soluendum debitum à lege reo conceditur, sed vsque ad annum integrum ad exequendam sententiam iurisdictionem exercere poterit.

7 Notandum est, quod delegatus Papę, potest mandare ordinario loci vt sententiam suam exequatur: nec mirum, quia quo ad causam sibi commissam maior est omnibus post Papam, & repręsentat personam Papę, vnde honorari debet. Et brachium sæculare si requisierit, concurrere ei debet ad peragendam executionem. Licet autem sententia illius non fuerit executioni demandata, anno elapso, iurisdicctio eius delegata expirat: nisi fuisset dies pręfixus iurisdictioni: quia tunc post terminum non posset iurisdictione sua vti amplius.

8 Quod si Princeps propriam sententiam per aliquem executioni mandari iubeat, & circa negotium fraus inter-

u. e. n. i. s. s. e. d. i. c. t. u. r. e. x. e. c. u. t. o. r. i. d. e. t. o. t. o. n. e. g. o. t. i. o. c. o. g. n. o. s. c. e. n. d. i. f. a. c. u. l. t. a. s. n. o. n. e. r. i. t. , s. e. d. a. d. s. u. p. e. r. i. o. r. e. m. q. u. æ. s. t. i. o. n. e. s. , s. i. q. u. æ. i. n. c. i. d. e. r. i. n. t. , d. e. f. e. r. r. i. o. p. o. t. e. r. i. b. i. t. . A. l. i. q. u. a. n. d. o. e. n. i. m. e. x. e. c. u. t. i. o. o. b. d. i. u. e. r. s. a. s. c. a. u. s. a. s. s. u. s. p. e. n. d. i. t. u. r. , q. u. o. d. f. a. c. i. t. p. r. o. i. l. l. i. s. , q. u. i. c. u. p. i. u. n. t. e. a. m. e. u. i. t. a. r. e. . S. e. d. i. u. d. e. x. d. e. p. u. t. a. t. u. s. s. u. p. e. r. e. x. e. c. u. t. i. o. n. e. n. o. n. h. a. b. e. t. c. o. g. n. i. t. i. o. n. e. m. c. a. u. s. æ. , n. e. c. a. d. m. i. t. t. e. t. e. x. c. e. p. t. i. o. n. e. s. , q. u. i. a. m. e. r. u. s. e. x. e. c. u. t. o. r. e. s. t. . M. i. x. t. u. s. v. e. r. o. e. x. e. c. u. t. o. r. q. u. i. s. c. i. l. i. c. e. t. h. a. b. e. t. i. u. r. i. s. d. i. c. t. i. o. n. e. m. & c. o. g. n. i. t. i. o. n. e. m. a. n. n. e. x. a. m. , p. o. t. e. s. t. c. o. g. n. o. s. c. e. r. e. & d. e. t. e. r. m. i. n. a. r. e. o. m. n. i. e. s. e. x. c. e. p. t. i. o. n. e. s. c. o. c. e. r. n. e. n. t. e. s. e. x. e. c. u. t. i. o. n. e. m. . S. e. d. s. i. e. x. c. e. p. t. i. o. n. e. s. d. i. r. e. c. t. o. v. e. n. i. u. n. t. c. o. n. t. r. a. s. e. n. t. e. n. t. i. a. m. S. u. p. e. r. i. o. r. i. s. , à q. u. o. d. e. l. e. g. a. t. u. s. e. s. t. , & e. a. m. i. m. p. u. g. n. a. n. t. , v. t. e. x. c. e. p. t. i. o. n. u. l. l. i. t. a. t. i. s. , t. u. n. c. i. n. i. p. s. o. c. a. s. u. r. e. m. i. t. t. e. t. e. a. m. a. d. s. u. p. e. r. i. o. r. e. m. , v. t. s. u. p. e. r. i. l. l. i. s. p. r. o. n. u. n. c. i. e. t. .

9. Cum autem regulariter contingat, quod executio sententiæ ordinario demandetur, quæri poterit, an si ipsam iniustam esse cognouerit, executioni eam mandare debeat, an sit ei subsistendum potius? In qua specie responsum est, quod cum ordinarius delegatus teneatur obsequi, licet sententiam non esse iustam nouerit, exequi nihilominus tenebitur, cum sibi non cognitio, sed executio tantum fuerit demandata: nisi à dato iudice impetrare valeat, vt ab hoc onere ipsum liberet. Nec enim debet iudicis delegati mandato violenter resistere: sed si nouerit sententiam esse nullam, vel præceptum nullum ipso iure, apud eundem instare poterit, vt executionem tandiu differri patiat, donec Principi rei veritas innotescat, & poterit mandato ipsius iniusto non parere; præsertim in causa criminali, vbi sententia est corporis afflictiva. Hinc est quod condemnato ipso inuito potest tertius appellare.

10. Sed quid si cum à sententia lata auctoritate literarum Apostolicarum, in quibus inhibita fuerat appellatio, prouocatum fuerit, & literæ post appellationem ad alios iudices emanauerint, an ad mandatum posteriorum iudicum executio sententiæ à prioribus delegata retardari debeat? Et quidem cum Apostolicus alijs iudicibus appellationis causam ex certa scientia comittit, & appellationem

vide-

videtur recipere, & simul priorum iudicium reuocare iurisdictionem. Usquequò igitur sententiæ suspendetur executio, donec appellationis merita plenius discussa fuerint.

¶ 11 Dantur & alij casus, in quibus licet sententiæ in rem transierit iudicatam, differenda nihilominus erit executio ut puta, si non protelandi causa in integrum restitutio petita fuerit, quæ regulariter impedit executionem, & alij plures.

T I T V L V S XXIII.

De Appellationibus.

1 **C**VM sapius litigantes in iudicio grauamen recipere soleant, partim ob iniquitatem, & partim ob imperitiā iudicem, ea propter in remedium, & defensionem oppressis contra iniquitatem iudicantium introducta est appellatio, quæ & iniuriam repellit & errores corrigit, & imperitiā sedentium pro tribunali deregat.

2; *Est autem appellatio, iurisdictionis prioris iudicis per Superioris inuocationem legitime facta suspensio. Vel appellatio est, prouocatio ad maiorem iudicem, ratione grauaminis illati, vel inferendi. Et debetur regulariter omnibus censerī permissa, ex quo est defensio plures terminos suspensiuos continens.*

3 Potest dici & prouocatio, nomine magis generali, comprehendens appellationem & iudicalem & extraiudicalem. Sed dicitur interdum & relatio, quæ fit ex natura causæ, ut quia est aliqua causa maior, puta feudalis, de qua inferior iudex non potest cognoscere; nam tunc debet eam referre ad superiorem iudicem competentem. Reclamatio verò non est appellatio, sed quidam terminus generalis qui refertur ad sententias à quibus de iure non appellatur, ut in sententijs arbitròrum: & tunc reclamatio est idem, quod & reductio ad arbitrium boni viri. Reductio verò ad

arbitrium boni viri, est nouus actus suspensiuus, qui dicitur esse species appellationis; & potest peti vsque ad triginta annos.

4 Appellationum ergo duæ sunt species: aut enim extra iudicium appellatur, aut in iudicio. *Extra iudicium appellatur*, cum quis ante litis ingressum ab aliquo grauamine appellat, vt puta ab electionibus, postulationibus, prouisionibus, & quibuscumque extraiudicialibus actibus, ex quibus se grauatum putat; licet enim sæculares leges non nisi in casibus ante sententiam appellationem admittant, sacri tamen Canones etiam extra iudicium passim appellare permittunt: nec solent huiusmodi dici proprie appellationes, sed prouocationes. *Rursus in iudicio appellatur*, aut ante definitiuam sententiam, aut postea. Antea appellatur, vt cum ab interlocutoria, vel alio grauamine prouocatur. Postea, vt cum ab ipsa definitiua sententia appellatur.

5 Multum autem interest ab interlocutoria quis prouocet, vel alio grauamine, an à definitiua: nam primo casu, & causam appellationis in scriptis assignare (non enim sufficit quod quis viva voce appellet) & à iudice infra triginta dies instanter petere debet literas dimissorias (quas vulgò Apostolos vocant) & eidem intra dictum temporis spatium debent ab eodem iudice exhiberi, continentibus & appellationis causam, & cur appellatio non sit admissa. Vel si appellationi forsan ex superioris reuerentia sit delatum. Alioqui si eos intra idem tempus appellans petere prætermittat, appellationi suæ renunciassè putabitur, etiam si vadat, aut mittat ad appellationem huiusmodi prosequendam.

6 Apostoli itaque vocantur literæ, seu instrumentum, quo iudex significat iudici superiori, ad quem pars appellauit, an detulerit, vel non detulerit appellationi; Vbi exprimit causam non solum declarationis vel non declarationis, sed etiam causam ipsius appellationis propter quam grauatum se esse dixit & appellauit.

7 Et sunt Apostolorum species quinque. Prima dicuntur Apostoli *Concurionales*, quibus vel refutante vel tacente iudice, tam in iudicio quam extra iudicium pars adversa evocatur ad iudicem superiorem; Quæ potest etiam petere quod appellans intra terminum iuris veniat, cū omnibus actis vel monumentis ad curiam, vel mittat procuratorem instructum. Secunda specie dicuntur Apostoli *Testimoniales*, quia, testificant de appellatione facta coram iudice, vel coram publicis & honestis personis. Tertia specie dicuntur *Dimissorii*, seu delatorii, per quos significat iudex, quod derulit appellationi, sicque appellante à sua potestate & iurisdictione dimisit. Quarta specie dicuntur *Reuerentiales*, quādo scilicet, deferitur appellationi propter reuerentiam superioris iudicis, quāvis causa non erat admittibilis. Vltimo dicuntur Apostoli *Refutatorii*; per quos apparet quod iudex non deferit appellationi: Si iudex non deferens appellationi, in causa civili punitur iuxta Canones poena arbitraria, in criminali vero poena depositionis.

8 Quod si iudex, à quo appellatur, certum terminum appellanti ad recipiendos apostolos assignauerit, & appellans in assignato sibi termino non compareat, nec eos sibi tradi petat, appellationi suæ renunciassè putabitur. Idem, etsi iudex appellanti responderet intra iuris terminum, se daturum; nec intra dictum sparium congruo loco & tempore instanter, & sæpius saltem vno contextu petierit; vel sibi oblatos appellans recipere recusauerit.

9 Quod si iudex in termino per eum præfixo ipsos petenti non dederit; aut si dum peterentur, vel intra iuris terminum, vel nullo certo termino præfixo, se daturum, asseruerit, postea per appellationem congruo loco & tempore sæpius, & instanter vnico etiam contextu requisitus eos exhibere non cutauerit, perinde propriam appellationem prosequi appellans poterit, ac si ei expressè fuissent apostoli denegati. Alia quoque agenda erunt prout ex tenore, tam Innocentianæ, quam aliarum constitutionum, luculenter apparet.

10 In appellationibus autem à sententiâ definitiua interponedis, nec causam teneretur reddere appellans, nec etiam supradicta diligens observatio per omnia sibi locum vendicat. Limitatur tamen hæc conclusio in quatuor casibus. *Primo* in appellatione à correctione, quid quamvis sit appellatio à definitiua, tamen est necessaria expressio causæ. *Secundo* in appellatione ab executione. *Tertio* in appellatione à sententiâ lata in causa commissa appellatione remota. *Quarto* in appellatione interposita à tertio à sententiâ definitiua propter suam interessè, quia nisi exprimatur causam rationabilem, per quam appareat quod prætendit iustum interessè, non auditur. Potest esse & in sententiâ definitiua lata super causa possessionis momentanea, quia requiritur expressio causæ. Aduerte autem quod cum in appellatione à definitiua non sit necessaria expressio causæ, cauere debes ne exprimas, quia si exprimeres friuolam causam, appellatio vitaretur.

11 Hoc quoque aduerte, quia in definitiua non est necesse appellare in scriptis, sed sufficit si appelleretur viua voce dicendo, appello, & hoc scribatur in actis per Notarium. Quod tamen intellige si appellatur in continenti: nam si appelleretur ex intervallo, & in definitiua, appellandum erit in scriptis.

12 Cum autem ex probabili causa ab interlocutoria, quis dixerit appellandum, talem tenetur proponere, quæ si probata fuisset, deberet legitima reputari, (appellatio enim ab interlocutoria non expressa rationabili causa est nulla) de quo postea superior cognoscet: nec enim sufficit appellanti probare, quod ex causa huiusmodi appellauit, si eam non doceat esse veram, nisi hoc se offerens probaturum non fuisset admissus.

13 Quod si iudex minus probabiliter appellatum esse contempnerit, appellantem ad inferiorem iudicem remittet, & in expensis alteri parti condemnabit: alioqui ipse procedet, nec licebit appellanti alias causas prosequi, quam quas in appellatione sua nominatim expressit.

14. Quod si obijciatur non ex legitima causa ante sententiam appellationem interpositam, & propterea non admittenda esse, nisi prius appellatione recepta, velut emissam ex causa probabili, iudex superior cognoscere incipiat, ne procedatur inferiori prohibere non poterit.

15. Sed etsi iudex (tam ordinarius quam delegatus) sanè usus consilii, ab eius executione destiterit, quod comminando, vel interloquendo in gravamen partis protulit, nec obstante, quod ab huiusmodi comminatione, vel interloquutione prouocatum fuerit, ne processus negotij friuolâ occasione retardetur, in causâ cognitione libere procedere poterit.

16. Sed videamus, an ius dicenti obtemperare tenearis, à quo propter gravamen, quod tibi illarum asseris, appellaueris, si tibi is ad docendum de gravamine; & si de ipso liquerit, ad eiusdem reuocationem aquidam terminum præfixerit. Et sanè cum ad ipsum à iudice perspicendum sit, nec coram eo de gravamine docere, nec etiam tanquam coram iudice (cum per appellationem eius suspensa sit iurisdicção) comparere teneberis.

17. Quod si tantum, vt reuocationem audias, te vocandum duxerit, licet non compareas, ipse tamen in termino gravamen reuocauerit, in causâ procedere poterit, ac si appellatio nunquam fuisset interposita. Hinc est, quod licet appellans non possit suæ appellationi renunciare inuito appellato, iudex tamen reuocando gravamen potest facere, quod appellans renunciet suæ appellationi, appellante & appellato inuito.

18. Ac veluti in potestate iudicis gravamen reuocantis positum est, non obstante appellatione causam resumere; sic contra, si is, qui vocem appellationis emisit, cuius adhuc in remini est demandata cognitio, petierit, vt ad iudicem à quo prouocatur, rursus causa remittatur, id ei alterius partis contradição non minime obstante indulgendum erit. Sed hoc ita, vt non legitimis expensis aduersario, quas cum propter hoc fecisse constiterit, condemnatur.

19. Non omnis ergo appellatio indistinctè recipienda erit: nam si adeo sit vaga & generalis, ut incertitudinem afferat, siue quod omisso medio sit interposita, à parte opponatur, causa non deuoluetur. Idem iuris est, si super notorio crimine, vel de quo quis in iure confessus fuit, prouocetur: nec enim ad defensionem iniquitatis, sed ad præsidium innocentie est appellationis remediū institutū.

20. Et ideo nec Regulares, cum pro aliquo excessu corrigendi fuerint, contra regularem Prælati sui, vel capituli disciplinam appellabunt; sed quod sibi pro salute iniungitur humiliter suscipient. Alias non euaderent noram transgressionis obedientie. Secus si excederetur modus in illis coercendis.

21. Sed nec tunc appellationi deferendum erit, cum à sæculari iudice, qui temporali Sedis Apostolicæ iurisdictioni nō subijcitur, ad Apostolicum appellatum fuerit; & alijs quibusdam casibus plurimis, puta à mandato de residendo in loco beneficii: à lata sententia contra administratores piorum locorum. Item petita reductione laudi ad arbitrium boni viri coram iudice ordinario, non datur appellatio à sententia tali, quia iudex procedit tanquam arbiter, & persona subrogata loco arbitri. Nec admittitur appellatio ad impediendum absolutionem ab excommunicatione. Similiter quando timeretur de dilapidatione fructuum, potest iudex etiam pendente appellatione fructus sequestrare. Etiam non admittitur appellatio à sententia lata super præstatione alimentorum. Et in nonnullis casibus non admittitur appellatio ad finem retardandi executionem. Alioqui is qui legitimæ appellationi etiam de minima causa interpolitæ non detulit, canonicis poenis coercendus erit.

22. Licet autem prouocatione canonicè à partibus interiecta, iudicis à quo appellatum fuit, officium in illa quidem causa penitus conquiescat: si tamen is, qui ab ordinario appellauit, super alia causa coram eodem conueniatur, præsertim pro graui & manifesto crimine, (ut si

uxorem alterius detineret, vel si manus violentas in clericum iniiceret) appellationis obtentu, quo minus canonica censura puniatur, effugere non potest. Nam appellatio iurisdictionem non suspendit, nisi respectu causæ, in qua fuit appellatum.

23 Interposita ergo à definitiua sententia appellatio, non solum post eam innouata debent per iudicem appellationis penitus & ante omnia reuocari (exceptis tamen casibus, in quibus iura post sententiam prohibent appellare) sed etiam ea omnia, quæ medio tempore inter sententiam & appellationem contigerit innouari, perinde ac si post appellationem innouata fuissent.

24 Illa vero, quæ post appellationem interpositam ante definitiuam sententiam innouantur, donec appellationis causam veram esse constiterit, reuocari non debent. Nisi iudex appellationis, postquam sibi constiterit, per appellationem emissam ex causa probabili fore ad se negotium deuolutum, inhibeat canonicè iudici à quo appellatum fuit, ne procedat. Tunc enim quicquid post inhibitionem huiusmodi fuerit innouatū, est per appellationis iudicem ante omnia in statum pristinum reducendum; licet eandem causam, non esse veram contingat. Si autem aliquid attentaretur à tertio, qui non fuit pars vel iudex in causa illa attentata, non reuocatur per modum attentati à iudice ad quem appellatum fuit, sed per suum proprium iudicem cognitio de causa, seruato iuris ordine fieri debet: nisi ille tertius per attentationem illam, iurisdictionem iudicis impediret.

25 Appellasse autem dicitur non solum is, qui vocem appellationis emisit, sed etiam qui aliquo indubitato facto prouocandi propositum declarauerit. Vnde rescriptum est, eum, in quem post iter ad Sedem Apostolicam arreptum (vel ad quemcunque Superiorem) excommunicationis sententia ab ordinario promulgata fuerit, excommunicationis vinculo non teneri, quasi appellatione pendente lata fuerit, cum plus sit factum quam verbo prouocare.

26 Idem & in eo responsum est, qui licet ex simplicitate forte verbum appellationis non expreſſerit, se tamen & Ecclesiam suam cum moleſtaretur &c. Romani Pontificis reſtioni ſubiecit. Vbi enim ad certum actum explicandum non est præfixa verborum ſolemnitas, ſufficit exprimere effectum rei, licet non exprimantur propria verba actui conformia, quia verba deſeruiunt intentioni.

27 Is quoque, quem quominus appellaret iuſtus metus impediſſet, ad appellationis beneficium conuolaſſe reputabitur, dummodò infra tempus quo licite prouocatur coram iudice, à quo appellafſe vellet: vel ſi ipſius copiam habere nequirit, coram probatis viris (qui plures eſſe debent) conteſtatione ſuper hoc propoſita, cauſas appellationis expreſſerit.

28 Quod ſi à pluribus iudicibus appellandum fuerit, quia non ſemper facile corum præſentia ſimul haberi poſſet, coram maiori parte ipſorum appellare, & Apoſtolos ſeparatim petere licebit: valebitque hæc appellatio perinde, atque ſi coram omnibus interpoſita fuiſſet. Viſtus tamen ſubſecutorum (ſcilicet appellationis delationis, & termini præfixionis) appellato ignorantis intimatio legitime facienda erit.

19 Idem ex contrario, ſi plures vna ſententia cõdemnati fuerint, & vnus ſolus ad appellationis beneficium conuolaueſſet, iſtius victoria cæteris quoque ſuffragabitur, ſi communi iure inueniatur, idemque negotium & eadem cauſa deſenſionis exiſtat.

30 Iam dubitari poterit: ſi ex pluribus articulis vnus precibus comprehenſis in vno tantum contingat appellationem vetari, vtrum appellatio teneat, ſi ſuper alijs prouocatum fuerit. Et cum delegantis hæc ſit intentio, vt de omnibus articulis qui in precibus ponuntur, iuſtitia ſuum conſequatur effectum, in omnia appellatio interdiſta intelligitur. Vnde nihil intererit, vtrum appellatio inhiſceatur in primo, an in ſecundo, in medio, an in fine.

31 Sed hoc ita intelligi oportet, ſi capitula connexa ſue-

fuerint, cæterùm quoties clausula, per quam appellationis remedium tollitur, in medio literarum ponitur, si sunt plura negotia, si minimè contingentia, tantùm præmissa complectitur: nisi fortè & in fine literarum prædicta clausula iteretur.

32 Interdum etiam non obstante prohibitione appellare poterit, vt decretum est in eo, qui per delegatos iudices in iudicium ad locum non tutum vocatus fuerit. Nisi enim locum idoneum iudices assignent, non erit propterea appellationis remedium interclusum, quo *appellatione remota* procedi debere mandatum erit.

33 Idem etiam obtinet cum sententia fertur iniqua: licet enim causa appellatione remota, commissæ fuerit, sententiæ tamen stari non debet, si iniquitatem continet manifestam; puta quia lata est contra ius scriptum, scilicet leges, vel canones.

34 Illud tam iudiciali appellationi, quam ei, quæ extra iudiciũ interponitur, cõmune est, quod huiusmodi appellantis annus, & ex iusta causa biennium, à die appellationis interpositæ indulgetur, quo temporis spatio, & prosequi, & finire appellationis causam compellendi erunt: alioquin si per negligentiam appellantis hoc temporis spatium fluxerit, adeo causa deserta censetur, vt etiamsi appellans ipse cum appellato, aut appellatus etiam per se, & principaliter prosequatur, non propterea minus in rem iudicatam censetur transisse sententia, à qua fuerit appellatum.

35 Quamdiu tamen per compromissum, vel alias, de partium expresso consensu differtur prosecutio, tempus ad prosequendam appellationem ab homine, vel à iure præfixum, minimè currit appellanti: nisi forte iudex, ex dilatione periculum imminere (vt in causa electionis & spiritalis matrimonij) videns, in illa procedi præciperet.

36 Et licet anni, vel bienij spatium appellantis indulgeatur, poterit tamen iudex à quo, secundum locorum distantiam, personarum, & negotij qualitatem recisius

tempus moderari, intra quod, si is, qui appellauit, causam appellationis non fuerit prosequutus, tenebit sententia. Coget ergo iudex partes appellatione non admissa, vt vel appellationem interpositam prosequantur, vel coram eo iuris pareant æquitati.

37 Superior quoque iudex, si ex dilatione viderit imminere periculum (ne scilicet Ecclesia in spiritualibus vel ætemporalibus ex mora incurrat detrimentum) potest & debet neutro appellationem prosequente, vt periculū euitetur occurrere; puta, si à sententia lata super confirmatione alicuius electi prouocatum fuerit, & vtraque pars velit etiam ad annum appellationis prosecutionem differre, potest vtrique, immo debet is, ad quem appellatum fuit, proinde terminum moderari, ne diu gregi Dominico cura pastoris desit.

38 Accidit tamen aliquando, vt non per annum, vel biennium, sed etiam vltcrius causam appellationis alicui prosequi concedatur: vt puta, si quem per impotentiam, prosecutionem omisisse constiterit, vel cum iudici ex proprio officio super causa electionis etiam lapsō biennio cognoscere conceditur.

39 Pars quoque interdum sibi prosequendæ appellationis terminum præfigit. Sed cum hoc gratia litium citius expediendarum indultum fuerit, iuris terminus à parte præueniri non prorogari poterit, sicut nec in vna causa tertio prouocari licebit.

40 Postremo sciendum est, quod si sententiam appellatione suspensam, antequam ipsius appellationis causa, commissa fuerit, vel laudum contra iuris, vel compromissi formam latum, apostolico rescripto in forma cōmuni confirmari obtentū fuerit, talis confirmatio, nec appellationi præiudicium afferet, nec inualidum laudum vllō firmarum robore munit. Nam etiamsi ante sententiam litigiosæ rei cōfirmationem ab Apostolica Sede quis impetrauerit, non propterea minus de causā poterit iudex cognoscere, & eam sine debito terminare. Quanquam si rem pacifice quis possit-

possedisset, cum inde confirmationem obtinuit, non erit licitum iudici de quæstione postmodum exorta absque mandato Sedis Apostolicæ decernere: nisi certum sit, quod per falsi suggestionem fuerit elicitæ, non facta mentione de litigioso.

41 Confirmatio autem data à Superiore quandoque multum tribuit noui iuris, vt confirmatio electionis, nam tribuit potestatem administrandi: quandoque ius vetus confirmat & consolidat, maxime apponendo clausulam *ex certa scientia*, nam tunc inferior iudex non potest cognoscere, vtrum iuste possideas, nec ne? quandoque operatur maiorem effectum, nam si iste non possidebat, incipit iam iuste possidere; vnde solet Papa clausulam apponere. *Supplens de plenitudine potestatis omnem defectum &c.* & sic inualidum facit validum.

T I T V L V S XXIV.

De Restitutione in integrum.

1 **T**Ractatum de iudicijs spiritualium personarum ciuilibus concludere volentes, titulum vltimum de restitutione in integrum apposuiamus: pro cuius intelligentia, tria sunt breuiter videnda primo quid sit restitutio in integrum, secundo quotuplex sit, & tertio quibus personis competat & locis.

2 *Restitutio igitur in integrum nihil aliud est*, quam in pristinum statum repositio. Et dicitur restitutio, quasi iterata statutio, renouationem prioris status causæ, vel personæ importans: v.g. quando quis eiectus de loco, vel proscriptus iterum restitutus stat in suo loco & possessione.

3 Et est duplex restitutio eiusmodi. *Prima*, qua totaliter status pristinus innouatur, & dicitur in integrum, cum redditur possessio rei, aut æquipollentis, & fructus, & ius pristinum & audientia & omnia. *Secunda restitutio est*, qua prior status non reuocatur in totum, sed in parte satisfi-

de

de re ablata, & damno, ac interesse: & significatur aliquando nomine redditionis, & aliquando nomine satisfactionis. Vtraque autem eiusmodi restitutio, aut à iure conceditur; aut per gratiam fit, cum per supplicationem impetratur. De vtraque igitur videamus, cui concedatur, quando, intra quantum tempus, quoties, & coram quo iudice.

4 Qui itaque appellationis remedio destituti sunt, his interdum extraordinarium subsidium à iure conceditur, & auxilio restitutionis in integrum succurritur. Sed nec omnibus, nec semper, nec ab omnibus. Verum minoribus tantum, Ecclesiæ, Collegijs, Hospitalibus, Congregationibus, Vniuersitatibus, & alijs pijs locis approbatis ab ordinario, quorum bona reguntur per syndicos & administratores. Item personis miserabilibus, vt sunt pupilli, viduæ, & lecto perpetuo adhærentes: hi si se prolatione sententiæ grauiter læsos conquerantur (pro modica enim læsione nō datur restitutio in integrum) & appellandi tempora iam effluerint, restitutionē in integrum implorare poterunt.

5 Quod quidem adeo obtinet, vt etiam si ab Apostolico sententia lata fuerit, non propterea magis in integrum restitutionis petitio impediatur. Nec enim negatur Romanæ Sedis sententiam in melius posse commutari, cum aut surreptum aliquid fuerit, aut ipsa pro consideratione ætatum & temporum, seu grauium necessitatum aliquid ordinauit.

6 Sed & si non sententia, sed vel contractu, vel confessione, vel probationis omissione, vel temporis fluxu Ecclesia læsa fuerit, restitutio indulgenda erit: nec solum contrā priuatos homines, sed etiam aduersus aliam Ecclesiam, licet Prælati iuret non repetere, vel non conuenire in cōtractu damnofo Ecclesiæ, etsi contraueniendo deieret, Ecclesia tamen eodem petente, vel alio, ex iudicis officio restituitur.

7 Siue autem sententia, siue cōtractu, vel aliter se læsam prætendat Ecclesia, & propterea se ad beneficium restitutionis in integrum admitti postulet, si quadriennij spatium
à die

à die lésionis lapsum fuerit, amplius restituenda non erit: nisi præuaricationis vel manifestæ fraudis probetur super hoc interuenisse commentum: aut alia causa subsit, quæ iudicem ad hoc beneficium concedendum mouere debeat. Et si tempore læsa asseratur, non fiet iustitutorio, nisi ad tantum temporis, in quantum se læsam esse legitimè probauerit.

8 Quod si semel restitutio in integrum in alio iudicio denegata fuerit, præter quam ad appellationem omissam, non erit eidem amplius concedenda, (alias nullus esset litium finis) nisi nouis defensionibus (quæ enim de nouo emergunt, nouo indigent auxilio) ad huiusmodi beneficium admittenda fuerit.

9 Mulieri attamen, fisco, minori, Ecclesiæ, & locis pijs, conceditur de iure bis restitutio in integrum: & si iudex denegaret primum & secundum beneficium, ubi esset concedendum, de iure posset appellari.

10 Huiusmodi vero restitutionem causæ solum coram iudicibus ordinarijs administrationem habentibus, vel delegatis ab eis (maxime autem à Principe) tractari poterunt & terminari; siue hoc ipsis delegatis specialiter demandatum fuerit, siue commissio eis negotio huiusmodi quæstionem incidere contingat. Delegati vero ab ordinarijs, qui administrationem non habent, sed tantummodo iudicandi facultatem, siue arbitri, de his causis cognoscere nequeunt: nisi coram eis incidenter motæ fuerint.

11 Per supplicationem quoque Principi porrectam, aut per querelam, appellationis remedio destitutis subueniri solet. Erit autem supplicatio intra decem dies post sententiam offerenda: quo subsecuto, sententia non aliter executioni mandabitur, quam si victrix pars idoneam fideiussionem præbuerit tantum restituendi, cum legitimis augmentis, & fructibus; quantum fuerit in condemnatione; si legitima retractatione sententia resoluitur.

12 Et nisi sub hac forma supplicatio porrigatur, executio sententiæ sine fideiussione procedet, retractationis iure illi seruando, qui se grauatum putauerit, ut intra
bien-

biennium supplicare valeat. Vnde hoc remedium querelæ, tam in iudicialibus quam in extra iudicialibus competit; & si iudex tardaret expeditionem causæ, licet ab hac tardatione non possit appellari, poterit tamen querelari.

LIBER SEXTVS.

De Iudicijs criminalibus ad forum ecclesiasticum spectantibus.

TITVLVS I.

De accusationibus, denunciationibus, & inquisitionibus.

DE iudicijs priuatis seu ciuilibus doctrina explicata, restat videndum de iudicijs publicis, quæ circa delicta seu crimina versantur. Nam etsi leges Pontificiæ poenarum atrocitatem exhorreant, quibus præsertim de sanguine & vita hominis agitur, non tamen ita indulgentes se præbent, vt velint crimina omnino delinquentibus cõdonare; sed vt qui deliquerunt, discant talia post hac non committere, & cæteri poenarum metu, & eorum exemplo, qui dignis supplicijs sceleribus suis debitis affecti sunt, ad scelera patranda nõ sint procliuēs; certas poenas adinuenerunt, quæ in fontes pro delicti qualitate, citra sanguinis vindictam, aut membri debilitationem exerceri possint. Et quia in iudicio criminali hæc tria potissimum considerantur, modus agendi, delicta, & poena delictorum: propterea titulo præsentī modum agendi criminaliter in primis describendum esse putauimus; quia criminalia iudicia nihil ferme simile habent cum cæteris iudicijs, de quibus proxime locuti sumus, magnaque diuersitas eorum est, & in instituendis, & in exercendis, quia

quia in ciuilibus agitur, vt aliquid detur auctori, in criminalibus autem vt puniatur accusatus. Instituuntur autem iudicia criminalia aut per accusationem, aut per denunciationem, aut per inquisitionem.

2. Accusatio iraque nihil aliud est, nisi delatio rei de crimine in libello ad vindictam. Ne autem accusando detur occasio infamandi viros honestos, ideo in delationibus huiusmodi legitime procedendum est, vt semper accusationem solemnis inscriptio precedat: Denunciationem verò charitatiua monitio.

3. In primis igitur accusatio debet fieri in scriptis (nisi crimen sit leue, aut notorium, quod nec accusatorem requirit) licet crimen sit manifestum. Deinde cum inscriptione, quod scilicet accusator se obliget ad *pœnam talionis*, si in probationibus defecerit, (quod hodie de consuetudine non seruatur, quia multi metu subscriptionis retrahebantur ab accusando, quod maxime Reipublice incommodum adferebat, cuius maxime interest, vt delicta puniantur) tantummodo ad correctionem: accusatio verò instituitur ad depositionem.

4. Accusator igitur, si legitimis destitutus sit probationibus, eam pœnam debet incurrere, quam si probasset, reus sustinere debebat. Denuncians verò, licet ad rationem non teneatur; si tamen in probatione deficiat, donec suam purgauerit innocentiam, ab officio, & beneficio suspendendus erit, vt ceteri simili pœna perterriti ad aliorum infamiam facillè non proficiant.

5. Tribus autem modis accusatio redditur iniusta. Primo *calumniando*, quando scilicet falsum crimen imponitur, & talis præter pœnam talionis de omni damno illato tenetur. Secundo *tergiuersando*, quando scilicet accusator in totum à lite recessit, sine licentia Iudicis: & tunc punitur quinque libris auri. Tertio *prauaricando*, quando scilicet cum reo colludit adiuuans partem aduersam, falsas probationes adducendo, veras dissimulando: & talis arbitrio iudicis punitur.

6 Denunciatio quoque triplex est. *Prima iudicialis*, quando iudex non ex mero officio, sed ex denunciatione facta inquit in iudicio. *Secunda Evangelica*, quæ non eo fine fit, ut aliquis puniatur, sed ut emēdetur. *Tertia vero Canonica*, quæ secundum statuta, ac leges Ecclesiasticas priuata, & publica crimina punit. Sed denunciationis faciendæ potestas non omnibus paret, sicut neque accusationis: quare nec publicè concubinas habentes, neque excommunicati ad denunciandum admittuntur. Deficiente tamen denunciatione, vel accusatore, non prohibetur iudex ex suo officio inquirere ad vtilitatem. Reip. in delicta perditorum hominum, & providere ne maleficia impunita manerent.

7 Per inquisitionem itaque criminale iudicium instituitur, cum præcedente diffamatione, ac quasi denunciante fama, de crimine iudex inquit. Constitutum est enim, ut criminum facilis nimis sit obiectio, ut sicut accusationē legitima præcedere debet inscriptio, & denunciationē claritativa monitio, ita & inquisitionem clamorosa insinuatio præcedere debeat.

8 Cessat autem inquisitio, quando adest accusatio, quia accusatio est remedium ordinarium, inquisitio vero extraordinarium: fama præcedente formatum. Si quis tamen, postquam coram eo, qui contra ipsum super certis criminibus inquisitor deputatus fuerat, eadem crimina confessus fuerit, frustra postmodum eo prætextu confessionem suam impugnare cōtender, quod super eisdem criminibus non fuerit antea diffamatus.

9 Idem etiam erit, si is cui contra te commissæ super certis criminibus fuerit inquisitio, te præseate, nec quidquā super hoc excipiente infamie inquisitione omiſsa, ad veritatem eorundem criminum inquirendam processerit. Nec enim processum huiusmodi, eo quod non fuit de infamia primitus inquisitum, ulterius impugnare poteris.

10 Non potest quisquam accusatus procuratorem dare, qui causam eius nomine suscipiat defendendam, sed ipse summet

summet accusatum in iudicio esse, & causam per se dicere oportet. Cōceditur tamen, si absens sit, absentiae ipsius causas per procuratorem proponi, aliasque excusationes quae ipsum crimen, cuius causa ei sit negotium, non attingant.

11 In accusatione vero hoc servatur inconcusse, ut si legitimus non fuerit accusator, non fatigetur accusatus. Nec laico Clericum accusare cōceditur: nisi suam, vel suorum iniuriam prosequatur, quibusdam articulis, quibusdāque criminibus exceptis, puta in crimine Simoniae, Haereticis, & laesae Maiestatis, & similibus. Nec conceditur super iisdem criminibus quempiam saepius vexari, sed semel absolutus deinceps amplius de eodem crimine molestiam pati non cogitur.

12 Vbi tamen per inquisitionis tramitem proceditur, secundum personae merita, & qualitatem excessus poena debet iudicis arbitrio moderari: in qua tamen moderatione facienda plures erunt cautiones iudici considerandae, ne homines innocentes citra aliquam eorum noxam, capitis, fortunarum, aut existimationis discrimen, alicuius impij, & scelerati hominis impudenti audacia subire, & de statu suo consistari permittantur:

13 Quod si ex his criminibus aliquid delatum fuerit, quae ordinis suscepti executionem impediunt, etiam post peractam poenitentiam: Vel ex his, quae beneficii retentionem impediunt. Puta, si homicidium commisisset, vel adeptus esset ordinem, aut beneficium vitio Simoniae, tunc nullus iudicis arbitrio his casibus locus esset: quia, certa tunc erit poena, quae non iudicis voluntati mandatur, sed legis auctoritati reservatur. Et hoc casu est eodem modo, quo in accusationis tramite procedendum: propterea, quamvis per inquisitionem convictus sit, certam tamen poenam expectabit, nempe ut ordinis executione, vel beneficii retentione priuatur, quas poenas iudex moderari non poterit.

14 Accidit autem interdum, ut alicui nec accusando, nec denunciando, nec inquirendo, sed excipiendo crimen opponatur;

natur : ut puta, cum quid obijcitur, ut quis ab accusatione, vel testificatione repellatur, quo casu non erit inscriptio necessaria. Et quia cuilibet quantumvis criminoso referuatur defensio legitima, ideo contra excipientem de crimine potest replicari de alio crimine, ad effectum remouendi reum ab exceptione.

15 Sed an, si propterea crimen opponatur, ut quis à promotione officij, vel beneficij asscutione excludatur, necessaria tunc sit inscriptio? Et proditum est, si ante confirmationem obijciatur, non cogi quemquam inscribere: quia crimen hoc modo probatum promouendum quidem impedit, non tamen iam promotum deijcit. Post confirmationem vero, cum scilicet ordinandus fuerit aliquis, aut etiam consecrandus, quia & ab obtinendo repellit, & ab obtento deijcit, & extraordinariam poenam secundum arbitrium iudicis, circa vinculum inscriptionis, si defecerit in probando, est excipiens adstringendus.

16 Illud generaliter est obseruandum, ut nemo absens iudicetur; nisi ex contumacia absens fuerit, quia diuinæ, & humanæ leges hoc prohibent. Item nemo de suspicionibus damnari debet, cum satius sit impunitum relinqui facinus nocentis, quam innocentem damnari.

17 Nec omittendum est, quod criminales causæ non, Decani, Archidiaconi, aut aliorum inferiorum iudicio, etiã visitando, sed Episcopi tantum examini, & iurisdictioni relinquantur, ut Sancta Synodus Tridentina sub Pio Quarto constituit: etiam si in præsentia inter Episcopum, & Diaconum, seu Archidiaconum, aut alios inferiores super causarum ipsarum cognitione lis aliqua in quacunque instantia penderet.

TITVLVS II.

De duplici purgatione.

1 **C**VM ex delicto in iudicio legitimè alicui obiecto, non ramen concludenter probato, cōtrahatur infamia, quæ de iure vnicuique est nociua: sæpiusque contingat, vt quis laboret publica infamia alicuius criminis, licet aduersus eum, nec accusator cōsiltat, nec testibus, aut propria confessione sit conuictus; propterea qui putatur esse criminofus eiusmodi infamiam euitare cupiens, debet *de obiecto crimine* de iure purgari.

2 *Est autem purgatio* demonstratio innocentie super obiecto crimine: diciturque esse duplex, alia vulgaris, alia canonica. *Vulgaris purgatio est*, quam vulgus inuenit, & sequitur interdum. Vt cum quis, aquæ frigidæ, vel candentis ferri, vel sclopeti explodendi, vel singularis certaminis, subit iudiciū, quæ singula sunt prohibita ab Ecclesia, quod Deus per ea tentari videatur. *Canonica vero purgatio est*, quæ sacris Canonibus est comprobata, vt cum de crimine, infamatus iurat se non esse tali crimine, vel macula inquinatum. Et certa compurgatorum manus eundem à crimine immunem, & vtrum credere illum iurasse, ipsa quoque iureiurando firmat.

3 Erunt autem compurgatores huiusmodi honestatis, & opinionis, vt verisimile sit eos amore, vel odio, vel obtentu pecuniæ non deierare. Necesse etiam est, vt eius quem purgare intendunt, vitam & mores notos habeant. Compurgatores itaque pro Episcopo debent esse duodecim, pro Sacerdote vero pauciores, iudicis arbitrio.

4 Religiosus accusatus si deficit in purgatione, nō punitur à suo Prælatō vt conuictus: sed ob violentam præsumptionem pœna tunc arbitraria plectitur. In hæreticis vero conuersis, seu apostatis non est arbitraria pœna, sed etiam omnino adhibere debent circumspecti Inquisitores abiuratione præmissa.

5 *Est autem abiuratio recessus ab aliquo reatu, cum iuramento de non redeundo ad eundem vomitū, seu lapidem: & sic hæresum detestatio per abiurationem facta, facit pro innocente accusatum; non dicitur sententia definitiva, sed satisfactio pœnitentialis, & absolutio à pœniis.*

6 Notandum vero est, quod delictum notorium, æquiparatur cum delicto confessō, vel conuictō, tam in cōdemnando, quàm etiam in iudicando. Infamatus quoque, cui indicta est canonica purgatio, cum non poterit se purgare, habebitur pro conuictō, & æquiparabitur criminoso notorio. Super notorio vero nulli erit indicenda purgatio, sed tantum condemnationis promulganda sententia: Cū patratī sceleris euidētia, neque accusatoris clamore indigeat.

7 Criminum autem, quædam diuinæ Maiestatis læsionem continent, quædam vero & hominibus damnum irrogant. Quæ Deum principaliter lædunt, habentur numero septem, scilicet Simonia, Hæresis, Schisma, Apostasia, Sacrilegium, Maledicentia, Sacrilegium. Quæ vero hominibus læsionem inferunt sunt numero octo, Homicidium, Adulterium, Stuprum, Rapina, Furtum, Vsurā, Falsum, Iniuriū, de quibus singulis distinctius, sed tamen breuiter videamus.

TITVLVS III.

De Simonia.

1 **P**OST explicationē modi criminaliter agendi, restat tractare de ipsismet delictis, atque primò de illis quæ principaliter lædunt Diuinam Maiestatem. Inter hæc autem cum Simonia grauissimum censetur esse crimen, adeo vt cætera quamuis alioqui graua, huic tamen comparata leuia æstimentur; propterea ad intelligentiam eius deformitatis ante omnia titulo præsentī, quid, & vnde sit dicta Simonia disquiremus; deinde quo-

quomodo diuidatur, & in quibus rebus committatur considerabimus: atque demum certa dubia circa poenam, & accusationem illius videbimus.

2 *Est itaque Simonia*, studiosa voluntas, siue cupiditas emendi, vel vendendi spiritualia, puta ordinis Sacramenti, vel spiritualibus annexa (ius percipiendi fructus, vel ius patronatus.) Vel Simonia est rei spiritualis, vel spiritualibus annexæ cum aliquo temporali facta commutatio. Appellata est autem à Simone Mago; qui primus huius detestandi sceleris auctor à Petro Apostolo acriter fuerat obiurgatione repulsus, cum ab eo pecunia gratiam Spiritus sancti redimere tentasset.

3 Duplex autem est Simonia species; alia Conventionalis, & alia Mentalis. *Conventionalis est*, cum aut aliquid datum est, vel de dando in posterum tractatus intercesserit. *Mentalis est*, cum nullum quidem intercesserit factum, sed sola praua dantis, aut recipientis mens, & intentio concurrat dandi, vel faciendi aliquid, ut donum aliquod Diuinum assequatur. Sæpe enim contingit homines ambitione tractos, immensa, & vasta quædam honorum, & beneficiorum Ecclesiasticorum siti omnia tentare, quæ sibi in mentem modo venire possunt, ut suis desiderijs satisfaciant, & nunc precibus, nunc precio, nunc alijs vijs aggrediuntur, ut quæ gratis esset concedenda, nec nisi benemeritis conferenda spiritualium administratio, quouis modo ad commoda sua extorquere possint. Propterea in huiusmodi labe purgandam nunquam se stertere, nunquam se conuiuerè Pontifices Romani, & Canonicae leges ostenderunt. Omnia quantum potuerunt remouentes, quæ huic nefandissimo sceleri causam, vel occasionem præbere posse videbatur: nonnulla etiâ introducentes, quibus cõprimi, & coerceri, saltem pænæ Episcopalis metu possent, qui æternam poenam floccifacerent.

4 Item Simonia duplex est, alia contra religionem infusam, & alia contra religionem acquisitam. *Illa de iure diuino, & naturali prohibita est*, ex quo est contra donum, & excellentiam doni Diuini, quod gratis nobis è coelo datur, & si

& si pretio temporali, vellet aliquis donum illud possidere, faceret contemptum, & vilipendiū doni diuini, quasi Deus per pecuniam esset inducendus ad concedenda nobis sua dona. Hinc Petrus Apostolus Simoni Mago dixit, Pecunia tua tecum sit in perditionem, quia donum Dei existimasti pecunia possideri. *Ista iure tunc Ecclesiastico prohibita est, vt venditio officiorum, & beneficiorum Ecclesiasticorum, exactio pro administratione Sacramentorum, & Sacramentalium. Res enim quæ ex consecratione proueniunt, venales esse non debent. Igitur precium accipiens pro cōsecratione Ecclesiæ, altaris, aut Monialis grauissime peccat, & Simoniam committit. Similiter Episcopus qui obliquè per viam Notarij exigeret aliquid ratione ordinis collati à literis testimonialibus, & acciperet partem, Simoniam ex denunciatione Concil. Tridentini committeret. Item nec minister, nec Notarius in ordinatione, aut visitatione pro voce, vel calamo pecuniam recipere debent.*

5 Contrahitur enim Simonia non modò cum pecunia ipsa pro re sacra datur, aut recipitur; vel de danda & recipienda tacitè, vel expressè conuentum fuerit: verum etiam cum dans à lingua, vel ab obsequio recipientis munus exigit. Cum ramen spiritualia tribuens manus ab omni munere excutere debeat: id tunc facere intelligitur cum pro diuinis rebus non solum pecuniam nullam, sed nec humanum obsequium, aut gratiam aliquam requirit.

6 Pecuniæ vero appellatione continetur quidquid homines habent. Contrahitur ergo Simonia cum quis sacra quodammodo in commercium deducit, & à baptismo, aut confessione non solum pecuniam à fidelibus exigit, sed etiam pullos, columbos, aut victualia cuiuscumque generis. Similiter Simonia committi dicitur cum ab instituendis Sacerdotibus, aut à sepeliendis mortuis, aut pro nubèrium benedictionibus aliquid accipitur. Huius quoque criminis reus est, qui pretio, vel gratia peccatorem publicum cecilarit: vel minime poenitentem reconciliarit, aut è conuerso verè poenitentem reconciliare detrectarit.

7 Is quoque, qui pro electione præmia largitur, quia per electionem peruenitur ad consecrationem, perinde, Simoniacus habebitur, ac si pro consecratione munera dedisset. Nec distinguemus, sciente an ignorante eo, qui promissionis, vel dationis alterius interuentu postmodum electus fuit, promissum quid vel datum fuerit: quamuis enim electus tempore dationis, vel promissionis conscius non fuerit, non propterea minus electio rei probanda erit.

8 Episcopus non potest dispensare cum electo simoniace, licet ignoranter: sed bene super assertionem beneficii simplicis, præuia tamen resignatione. Datum vero in dispendium eligendi, vel illo etiam reclamante, non facit electionem simoniacam.

9 Simonia committitur, si in conferendis beneficijs per concursum aliquis existimans se cæteris digniorem, daret aliquid electoribus, timens ab eis reijci. Similiter Simonia est dare munera alicui, ut suadeat alteri, ut det ei beneficium. Item dare patrono, ut præsentet. Item consentire in pensionem, ut beneficium possideas, vel resignare beneficium, ut pensionem recipias ab eo, sine autoritate Papæ. At vero Simonia non est renunciare beneficium in fauorem alterius, præsertim si Ecclesiæ utilis esse potest.

10 Sed ut varijs modis Simoniacæ labes committitur, sit etiam varijs pœnis Simoniacos percelli admonendi sumus. Nam si quis ut ordinetur pecuniam Episcopo obtulerit, & qui turpissimi lucri commodo sancti Spiritus gratiam vendere tentauerit, amissionis proprii gradus periculo subiacebit. Et qui ordinatus est, à dignitate, quam percurijs acquisiuit, erit prorsus alienus. Si quis vero tam turpibus, & nefandis datis, vel acceptis mediator extiterit, siquidem clericus erit, à proprio gradu deijciendus: si vero laicus, anathematizandus erit.

11 Hæc tamen de illis intelligere nos oportet, quos nec ignorantia, nec attestationis excusat violentia, sed Simoniaci simoniace ordinati, vel ordinatores existunt. Cæterum, si quis à Simoniaci quidem, non tamen simoniace

ordinem suscepit: aut simoniacè non simonicus ordinē contulerit; misericorditer in Ecclesia sustinendi erunt: hos enim facit Simoniacos non reatus criminis, sed ordinatio, vel susceptio simoniaci.

12 Quod si non ordinem quis, sed beneficium Ecclesiasticum data pecunia cōsecutus fuerit, multum interest per accusationem, an per inquisitionem quis conuictus fuerit. Primò enim casu non solum Ecclesia priuandus, verum, etiam honore Sacerdotij presbyter spoliandus erit. Posteriore vero postquam ab Ecclesia, quam sibi per pecuniam comparauerat, amotus fuerit, & iniunctam pœnitentiam egerit; in susceptis ordinibus ministrare permittendus erit.

13 Quinimmo, qui paruuli parentum cupiditate Ecclesias per pecuniam sunt consecuti, ob parentum factum non modo à sacris ordinibus non sunt remouendi; verum etiam postquam eas omnino dimiserint, si canonicè in eisdem viuere voluerint, pro magna misericordia sustineri poterunt.

14 Nec obijciat quis, non consecrationem emisit se, sed quæ ex consecratione proueniant. Nam sicut anima sine corpore corporaliter viuere non potest, sic corporalis Ecclesia vel dignitas, & ordo Ecclesiasticus, sine quo alterū haberi non contingit, neutrum inuenditum reliquisse intelligitur.

15 Quin & perpetua infamiæ nota Simoniaci tenentur: & quamuis acta criminis pœnitentia, Dei gratiam recuperent, non tamen alterius beneficij, infamia nimirum impediri, capaces fiunt, nisi cum eis fuerit per Summum Pontificem benignè dispensatum.

16 Tanta siquidem huius criminis est labes, vt etiam serui (qui regulariter non stant in iudicio) aduersus Dominos, & quilibet criminosi admittantur ad accusationem. Item omnis peccator (non præcisus ab Ecclesia per sententiā Canonis, vel iudicis) & pœnitens missam celebrare potest, præterquam Simoniacus, quem adeo quilibet, vt ab ordine male accepto remoueat, accusare potest, vt nec me-
retrix

retrix excludatur, quæ alias non est admittenda ad accusationem, ob eius vilitatem.

17 Sciendum tamen est, non datione qualibet, aut receptione Simoniam contrahi; nam si quid sponte, purè, sine peccato, & conuentione, aut taxatione qualibet fuerit gratis oblatum, id sine scrupulo Simoniacæ prauitatis recipi poterit.

18 Idem obtinet ex contrario, si quid non sponte quis dederit, sed vt indebitè illatam molestationem super quæsito iure redimat, dare coactus fuerit, Simoniam committere non dicitur. Licitum enim est in foro conscientie litiganti, bonamque causam secundum relationem suorum aduocatorum defendenti, dare aliquid iudici, vt pro eo sententiam ferat, vel Prælato, ne ipsam in iure suo de facto molestat, dum modo illud bona fide possideat.

19 Demum sciendum est, eos Prælatos subiacere Canonice distictioni, qui vices suas, vel Ecclesias sub annuo censu (obuentiones iurisdictionis tanquam fructus vendentes) concedunt: quia dum Sacerdotium, sub huiusmodi mercede venale disponitur, ad æternum retributionis premium consideratio non habetur. Non tamen adeò subtili religione teneatur, vt munere aliquo citra pactum, & conuentionem induci existimet Simoniam: sed dantis, accipientisque personæ qualitatem, & muneris quantitatem, similiter & donationis genus ad cognoscendam Simoniam metiri inspicereque debemus.

T I T V L V S I V.

De Hæreticis.

1 **P**ostquam vidimus de delicto, quod mutat naturam Dei, & dona illius venalia pecunijs habet, sequitur videre de alio, quod ipsum negat, blasphematur, & tollit; & dicitur hæresis, quod quisque hæreat in sua opinione, & quæque erronea opinio ita firmi-

ter hæreat in mentē prauorū huiusmodi, vt sæpe maximo labore & industria, crebrisque, & sollicitis vigilijs ei euellendæ opus sit. Quæ tametsi interdum parua, & vana motu primo videatur, tamē quamprimum vestigiorum, vel leuiter premendorum potestati nacta fuerit, paulatim serpens in dies maiores sibi vires comparat: & postquam eò virium peruenerit, vt iam in multos populos vagata regni sui fines latè protenderit, tum vero sic labem suam mentibus humanum imprimit, vt in tyrannidem potius, & scuitiam sceleratam, quam in religionem fucatam conuertatur, sæpiusque non minimas calamitates fidelibus inuehat, priusquam extingui, & à radicibus euelli possit: quod res ipsa testatur. Propterea, quò est hæc pestis Orbis Christiano perniciosior, eò vigilantius illi obuiam eundū est. Et titulo præsentī inquirimus, *quinam sint hæretici*, & qua poena puniendi, considerandum: deinde, quid iuris sit si ad Ecclesiam reuertantur: tum qui dicantur esse relapsi, & qui suspecti, & quomodo sit cum eis procedendum.

2 *Hæretici itaque sunt*, qui vanæ gloriæ, principatusque sui causa, falsas opiniones gignunt, vel sequuntur. Vel hæretici sunt, & dicuntur, qui à fide & doctrina Christi Apostolorum, & Ecclesiæ discedunt: articulos fidei, vel Ecclesiastica Sacramenta cum asseueratione resellentes.

3 Eorum plures, & diuersæ sunt sectæ. Et alij quidem de nomine suorum auctorum nuncupantur, vt Macedoniani, Nestoriani, Ariani, Luterani, Zuingliani, Calvinistæ, & multi id genus alij, quorū vt olī ita nostro quo infinitus est numerus. Alij vero ex causis nouorum rituum, vel opinionum appellantur, quas vel instituerunt, vel tutari conati sunt, vt Aquarij, Alogij, Anabaptistæ, Antropomorfistæ, pluresque alij, qui omnes quibuscunque nominibus censeantur, vel quibuscunque ritibus, & opinionibus inter se differant, etsi facies habeant diuersas, caudas tamen connexas habent, cum vanitate in vnum conuehiant, & communi nomine aduersus Ecclesiam Dei conspirent.

4 Ea propter multæ sæpe constitutiones diuersis temporibus

poribus factæ sunt per Romanos Pontifices, & Sacrosancta Concilia Generalia, quibus multa prudenter statuta sunt, ut vel amore, vel metu homines coercerentur, ne huiusmodi labium auctores, adiutoresque, aut sectatores existerent. Quamvis enim ad fidem nemo sit compellendus, sed suo arbitrio, suoque more sibi vivere à principio permittatur, quam tamen scilicet quis acceperit fidem, si deseruerit, coercendus est: nec permittendus est impunè abire, qui alios secum in errores suos trahere tentarit: præterquam quod sacrosanctæ Romanæ Ecclesiæ muneribus, & privilegijs indignus iudicandus est, qui ab ea dissentire dignoscitur.

5 In hæresi itaque deprehensi (vel euidencia facti, ut quia publice prædicant hæresim: vel legitima probatione, puta per testes: vel propria confessione) præter perpetui vinculum anathematis, si clerici sint, vel religiosi, totius Ecclesiastici ordinis prærogativa spoliandi erunt (scilicet ab Episcopo qui cognoscit de crimine hæresis, tam contra clericos, quam contra laicos) & omni officio, & beneficio nudati, sæcularis relinquetur arbitrio potestatis, animaduersione debita, puta capitis, puniendi. Nisi continuo post deprehensionem erroris, ad fidei Catholicæ unitatem recurrere, & errorem suum publice abiurare, & congruam satisfactionem exhibere consenserint.

6 Laici vero nisi prout dictum est, abiurata hæresi, & satisfactione exhibita, ad fidem redierint orthodoxam, sæcularis iudicis arbitrio relinquentur, quia cognitio criminis hæreseos ad iudicem Ecclesiasticum spectat, sola vero executio relinquitur iudici sæculari post sententiam Episcopi) debitam pro qualitate facinoris ultionem recepturi.

7 Bona quoque damnatorum propter hæresim ipso iure, & omni spe potundæ hæreditatis filijs adempta, confiscata intelligentur: aut si clerici fuerint, Ecclesijs, à quibus stipendia receperunt, applicabuntur. Confiscationis tamen huiusmodi executio, vel bonorum occupatio facienda non erit, antequam super crimine sententia fuerit promulgata.

8 Sed , & cum alteri per alterum iniqua conditio inferri non debeat, propter hæresim maritorum, vxorum catholicarum dotes confiscari non debent : Nec bona paraphernalia illius, nec donatio facta propter nuptias à marito, aut acquisita per vxorem constante matrimonio .

9 Ecclesiastica quoque sepultura vsque adeo carere debent, vt si qui eisdem credentes, aut fautores eorum scilicet Ecclesiasticæ sepulturæ tradere ausi fuerint, excommunicationis sententiam subiacere debeant, nec antea absolutionis mereantur beneficium, quàm proprijs manibus eiusmodi opera extumulent, & projiciant. Locus autem ille nullius sepulchro Orthodoxi aptus deinceps censebitur.

10 Sed & eorum filij ad beneficia Ecclesiastica, seu publica officia admittendi non erunt, quod quidem per paternam lineam vsque ad secundum gradum, per maternam vero vsque ad primum tantum extenditur. Cum enim secundum legitimas sanctiones, reis læsæ maiestatis capite punitis, & bonis confiscatis eorum, filijs vita solummodò ex misericordia conseruetur, quanto magis, qui aberrantes in fide Deum offendunt, muneribus, bonis, honoribus debent spoliari? Cum longè sit grauius æternam, quàm temporalem lædere maiestatem. Hoc tamen intelligendum est de filijs & posteris eorum, qui tales esse, vel etiam decessisse probantur: non autem illorum, quos emendatos, & Ecclesiæ vnitati reincorporatos esse constiterit.

11 Sed videamus qui, & quando incorporari debeant: & constat, eos qui pro culpa huiusmodi ad mandatum Ecclesiæ poenitentiam acceptauerint, eamq; vel perfecerint humiliter prosecutioni eius insistant, recipiendos esse. Idè iuris est, si poenitentia nec perfecta sit, nec imposita, dum tamen crimini obnoxij ad eam recipiendam parati fuerint. Quod si qui post abiurationem erroris, vel postquàm se proprij Antistitis examinatione purgauerint, in abiuratam hæresim recidisse deprehensi fuerint, sæculari iudicio sine ulla poenitus audientia relinquendi erunt. Licet si postmodum poeniteant, & poenitentia, signa in eis apparuerint. ma-

manifesta, nequaquam sint relapsis, humiliter petita Sacramenta Pœnitentiæ & Eucharistiæ deneganda.

12 Relapsi autem intelligendi sunt non solum ij, quorū ante abiurationem crimen planè probatum fuerit, verum, etiam ij, qui postquam accusari, vel vehementer suspecti semel hæresim in iudicio abiurauerint, & postmodum in eādem iterum reincidunt. Planè, si ex modica & leui suspitione semel quis abiurauerit, reincidens quanquam ex hoc sit grauius puniendus, non tamen debet in hæresim relapsorum pœna puniri.

13 Is verò, qui in vna hæresis specie, vel secta commisit, aut in vno articulo fidei, seu Ecclesiæ sacramento errauit, & postmodum hæresim simpliciter, vel generaliter abiurauit si deinde in aliam etiam hæresis speciem siue sectam, aut alio articulo, seu sacramento committat, vt relapsus in hæresim iudicandus erit.

14 Qui vero inuenti fuerunt sola suspitione notabiles, ob eam, quantumuis vehementem, de tam graui crimine condemnandi non erunt, sed nisi iuxta considerationem suspitionis, qualitatemq; personæ propriam innocentiam congrua purgatione monstraauerint, anathematis gladio sese feriendos exponunt. Et vsque ad satisfactionem ab omnibus euitabuntur: & si per annum in excommunicatione constiterint, velut heretici condemnabuntur.

15 Plura quoque ad hoc atrocissimum crimen vindicandum specialiter, & præter ordinarias iuris regulas induta sunt, tam circa iudicium, & processum instituendum, & testium depositiones, carcerem, custodiam, & immurationis pœnam; quam etiam contra fautores, receptatores, & defensores eorum, vt clarè ex lectione sacrarum constitutionum apparere potest.

16 Qui etiam Principi hæresim suadere tentauerit, tanquam relapsus Curix seculari traditur puniendus per Constitutionem Clementis VIII. Anno 1603. die 3. Feb. quæ incipit, Dominici gregis.

17 Nec potest quidquam hereticis ab Episcopis Presby-

byteris, Abbatibus, alijsque Clericis conferri, aut possessiones Ecclesiasticæ eis in usum dari, quamvis sanguine etiam eis essent coniuncti; nisi velint largitores anathemati obnoxij esse. Idem euenit, qui famulos, œconomos, spenditores, medicos aut iureconsultos in aulis suis fouent, & eorum opera neglectis catholicis, contra Episcopalem decentiam vruntur, & promouent eos ad dignitates, & fauores sæcularium Principum.

T I T V L V S V.

De Schismaticis.

1 **S**chismatici dicitur, qui se ab vnitate Ecclesiæ Catholicæ Romanæ per inobedientiam separant, suos sibi seorsum constituentes Sacerdotes, Episcopos, & Patriarchas. Differunt aut Schisma, & Hæresis, sicut dispositio & habitus: quia Schismaticus separans se ab vnione Ecclesiæ, disponitur ad incidendum in mille errores, in quibus pertinaciter permanens sit deinceps hæreticus, dum re ipsa negat articulum Symboli, *Et tamen sanctam Ecclesiam*, & proinde hæreticis annumeratur.

2 Schismaticos quoque suis excommunicationis sententia Canones infectantur, & si nec sic resipuerint, à sacris ordinibus, omniq; ministerio Ecclesiastico deponentur: adhibito etiam si necesse fuerit brachij sæcularis auxilio, ad illorum insolentiam coercendam, cum omnium etiam bonorum confiscatione.

3 Ordinationes quoque ab eis factæ irritæ habentur. Et qui dignitates Ecclesiasticas, vel beneficia per ipsos sunt consequuti, eis priuantur. Item alienationes rerum Ecclesiasticarum per ipsos factæ nullius sunt momenti.

TITVLVS VI.

De Apostatis.

1 **A**postatæ sunt, qui à statu fidei, obedientiæ, vel religionis, quam se teneri professi sunt, temerariè recedunt. Diciturque apostasia, veluti post statio, seu retrogradus status; & Apostata quasi retro itans, vel retro abiens, à suo proposito.

2 Apostasiæ triplex est species: alia enim est perfidiæ, alia inobedientiæ, & alia irregularitatis. *Apostasia perfidiæ est*, quando quis à fide Christiana recedit, & ad Iudaicos, vel Mahometanos ritus, & impietatem se conuertit; aut in Atheismum incidit. *Apostasia inobedientiæ est*, quando quis præcepta regulæ & superioris sui, quæ iurauerat sponte transgreditur, & relicto sacerdotio patrû constitutionibus non obtemperat. *Apostasia Irregularitatis est*, quando quis ab Ordine suo recedit, & Religionis susceptæ defector existit.

3 Licet igitur pro diuersitate apostasiæ, diuersæ delinquentibus inferantur pœnæ, omnes attamen æqualiter Sacri Canones tam inter infames deputant, quam etiam excommunicationis vinculo innodandos esse præcipiunt.

4 Nec possunt tales condere testamentum, quia omnia bona ipsorum confiscantur. Nec peracta pœnitentia redeunt ad pristinum statum, Et repelluntur à testimonio, & dignitatibus, & per omnia vt hæretici puniuntur si correctionem nullam admoniti admiserint. Deponi etiâ possunt, & demum foedi carceris squalorem etiam experiri coguntur; donec ad saniores mores, à quibus tam obstinatis animis declinarunt, suos peccati errores reuertantur.

TITVLVS VII.

De Sortilegis, Maledicis, & Sacrilegis.

1 **C**VM nobis dissertatio sit de delictis, quæ immediate respiciunt Deum, & inter ista connumerentur etiam Sortilegia, maledicta, &

C c c

Sa-

Sacrilegia, propterea cōgruēri ordine illa in presenti titulo discutimus, quārentes inprimis an ista delicta pertineant ad Inquisitorem hæreticæ prauitatis: deinde quid sint, & quomodo committantur: & tandem quomodo aut qualiter puniantur.

2 Sciendum itaque est, hæreticæ pestis inquisitores, (qui certis in prouincijs habentur) de diuinationibus, & sortilegijs (nisi hæresim saperent manifeste, sicuti est circa aras idolorum nefarias preces emittere, sacrificia offerre, dæmones consulere, adorare, ac eorum responsa accipere) sese intromittere non debere, vt Episcoporum iurisdictio minus lædatur, nec talia exercentes posse punire: sed eos suis debere iudicibus (puta Episcopis, & Legatis aut iudicibus sęcularibus) puniendos relinquere. Cum negotium fidei, quod summè priuilegiarum esse conuenit, per occupationes alias non debeat impediri.

3 Sortilegij nomen generale est, sub quo continentur diuinatore incantatores, malefici, Superstitiosi, Magi, Arioli, Aruspices, & alij. Proprie tamen Sortilegi sunt qui prætēxtu religionis, per quasdam sortes diuinationis scientiam profitentur, aut quarumcunque scripturarum inspectione facta, futura promittunt. Superstitiosi verò, qui cultum diuinum exhibent, cui non debent: vel Deo ipsi, sed eo modo quo non debent.

4 Diuinationis aut sunt diuersæ species, sed bifariam diuersę: quędam cum inuocatione dæmonum, quędam sine inuocatione. Prioris generis sunt nouem 1. *Præstigium*, ex eo dictum, quod oculi hominum præstinguntur dum dæmones præstigijs apparitionibus se aspectui, & auditui hominum ingerunt. 2. *Somniorum Visio*, & interpretatio. 3. *Necromantia* per mortuorum allocutionem diuinatio. 4. *Pittonomia* per homines viuos arreptitios futurorum annuntiatio. 5. *Pronunciatio*, seu *demonstratio futurorum per figuras*, & signa in rebus animatis apparentia quę si apparent in corpore terrestri vocatur 6. *geomantia*: si vero in aqua vocatur 7. *hydromantia*: si in igne 8. *pyromantia*: si in aere 9. *heremoman-*

tia: si in visceribus animalium immolatorum in aris dæmonū, vocatur aruspiciū. Secundi vero generis sunt sex 1. *Genantici*, qui ex motu siderū natalem diem hominis considerant, & futura prædicunt. 2. *Aruspices*, qui à garritu auiū nunciant futura. 3. *Augures*, qui ab inspectione intestinorum auium auspicia prænunciant. 4. *Ominatores*, qui dicta hominum absque intentione prolata ad futuros euentus detorqueunt. 5. *Chiromante*, qui ex lineamentis manus diuinationes sumunt. 6. *Spatulatores*, qui ex signis in spatula alicuius animalis apparentibus futura prædicunt.

5 Sapiunt autem manifestam hæresim fortilegia illa, in quibus sortita miscentur, & in quibus fit inuocatio Dæmonum, & interrogatio de futuris euentibus, & in quibus admiscetur verba sacra, vel admiscetur vsus candelæ aut aquæ benedictæ, baptizando imagines, rebaptizando pueros: vel dum in annulo aut aliqua alia re includuntur dæmones, & pacta cum illis concluduntur: conscribunturq; characteres. Sed de his omnibus, vbi non sunt Inquisitores, cognoscit Episcopus, tanquam iudex ordinarius, aduocatis ad consilium prudentioribus Sacerdotibus.

6 Ariolorum igitur, aruspicum, incantatorum, & omnium sortilegiorum maleficiorumq; artes, cum sint ex quadam pestifera societate dæmonum, atque hominum, quasi pacta infidelis, & dolosæ amicitie constituta, penitus sunt ab Ecclesia eliminandæ. Et superstitiosi artifices, nisi per pœnitentiam resipiscant, perpetuo anathemate feriendi, & si Clerici sint, degradandi.

7 Diuersa est pœna Maledicorum. Nam si quis in Deum, vel aliquem Sanctorum linguam in blasphemiam publicè relaxare ausus fuerit, pœnæ iuxta Gregorianæ constitutionis tenorem subdendus erit: quam si recipere, & pœnitentiam peragere recusauerit, & Ecclesiæ eidem interdicetur ingressus, & in obitu ecclesiastica carebit sepultura.

8 *Est autem blasphemia*, dictio tacita, vel expressa, vel etiam scripto concepta contra Deum, aut Sanctos eius, contumeliam aliquam in se continens, vel tribuens Deo

quod Dei non est, & negansue de Deo quod Dei est, vel sibi quod Dei est, temerariè vsurpans.

9 Species etiam blasphemix duæ sunt, vna simplex, & altera hæreticalis. *Simplex est*, quando aliquis Deum, aut Virginem Beatam, Sãctosue eius maledicit, & turpia de eis loquitur. *Hæreticalis vero est*, quando aliquis dicit contra articulos fidei, damnatue sacramenta, aut deridet ceremonias Ecclesiæ, & Sãctos Dei. Sed olim Clerici blasphemii arbitrio iudicis puniebantur, & degradabantur. Laicis alia pœna imposita erat per Greg. IX.

10 Similibus, interdumq; acrioribus vrgentur pœnis, qui in sacrilegij crimen incidunt, & Ecclesias incendere, & violare minime verentur. Nam pro modo sceleris admissi facinorisq; perpetrati, nisi plenè satisfecerint, aut de satisfaciendo plenam securitatem exhibuerint, nunc pœnitentiæ beneficium sacrilego penitus denegatur, nunc anathemate vincitur, nunc perpetua damnatus infamia carceri traditur: aut ex illo perpetuæ deportationis, & depositionis animaduersione coercetur: aliquando etiam pecuniaria pœna mulctabitur.

11 *Est autem sacrilegium* rei sacræ læsio, violatio, aut vsurpatio; Cuius quatuor species esse videntur. *Prima* circa personam, puta percutiendo Clericum. *Secunda* per conjunctionem carnalem, puta cum moniali Deo sacrata. *Tertio* circa locum sacrum, vt puta violando Ecclesiam aut cimiterium. *Et quarta* per ablationem rei sacræ, vel in loco sacro. Cum igitur sacrilegium pluribus modis committatur, non propterea semper eadem pœna (capitis,) sed vti supra diximus pro diuersitate, & grauitate criminis, arbitrio Antistitis diuersimodè punietur. Clerici deponantur ex Concil. Lateranense sub Leone X. vel in monasterium, detrudantur.

12 Nec solum talibus pœnis illi plectendi erunt, qui sacrilegium adinuerint, sed etiam consentientes eis, aut adiuuantes. Presbyteri quoque, vel Clerici, qui in vita vel morte sacrilegis pœnitentias dare (quod intellige de illis, qui

qui nec in vita, nec in morte satisfacere volunt, & possunt; his enim deneganda est pœnitentia in fine, & alia Ecclesiastica sacramenta, cum in peccato mortali decedant, aut sepulturæ interesse, vel eorum eleemosynas accipere ausi fuerint, à publico enim peccatore non debet sacerdos recipere eleemosynam, ne videatur illum fouere in delicto suo siue rapinæ participes inuenti fuerint, Ecclesiastico beneficio priuati ordinis sui damnum irreuerabiliter patitur.

13 Obserua hic, quod Clericum ob scelus aliquod depositum Episcopus proprius non potest restituere: sed requiritur dispensatio Pape. In beneficio tamen quo priuatus, fuerit potest Episcopus dispensare.

T I T V L V S VIII.

De Furtis.

1 **Q**uia titulo superiore diximus, sacrilegium, committi etiam per furtum, seu rei sacrę, vel in loco sacro profanę ablationem, ideo titulo presentividebimus singulariter quid sit furtum, & quomodo puniatur, & de quo facto id intelligatur, cum furti nomine omnis illicita vsurpatio contineatur.

2 *Furtum itaque est, contractatio rei alienę mobilis fraudulenta, inuito diuino, lucri faciendi gratia, siue ipsius rei, vel vsus possessionis sue, quod lege naturali prohibitum est, admissa.* In re enim immobili non consistit proprię furtum, quia non mouetur de loco ad locum. Dicitur autem furtum à furuo, idem nigro, quia clam fit & obscure, & plerumque de nocte. Latrocinium vero fit cum violentia & aperte. Vnde non mirum, si differentia etiam est in pœnis: nam & ius ciuile acius punit latrones, quam fures occultos.

3 Fures igitur non solum seculares, leges, verum etiam
Ca-

Canones acriter insectantur : nam nec ad sacros ordines promoueri (nisi de eiusmodi delicto nulla fama fuerit, & ipse delinquens cui damnum intulerat, satisfactionem dederit) promoti ab eisdem deijci, & si depositi incorrigibiles fuerint, excommunicari, & demum potestati seculari tradi debent. Et si dum furtum committitur occisi fuerint, pro eis minimè orandum erit : quanquam si comprehensi, aut vulnerati confessi fuerint, communicatio eis non sit deneganda.

4. Sed hæc de illis intelligere nos oportet, qui nulla necessitate adacti furtum commiserunt. Cæterum si quis propter necessitatem summam cibaria, vestem, vel pecus furatus fuerit, longè mitiori pœna puniendus erit. Quia igitur tempore necessitatis omnia sunt communia, & voluntas tantum faciat furtum; ideo grauius puniatur furtum commissum ex avaritia, quam commissum ex inopia.

5. Nec fures solum supradictis pœnis tenentur, sed ij quoque, qui aut cum furibus partiuntur, aut qui furtorum conscij fures quærentibus possessoribus nō indicant. Quod si quis verò emeret res furtiuas scienter sine voluntate restituenti, si contigerit dominum reperiri, vtiq̃ peccat mortaliter, & pretium solutum amitteret. Secus si voluntatem habuit conseruandi rem illam domino suo.

TITVLVS IX.

De Vsuris.

1. **C**Um vsuram exercens quodammodo furtum committere videatur, ideo post titulum de furtis, statim videndum est de vsuris: nimirum expendendo quid sit usura, vnde dicatur, quotuplex sit, quomodo puniatur, & demum quo iure sit prohibita.

2. *Estigitur usura*, lucrum ex mutuo pacto debitum: vel est crimen ex lucro proueniens, quo fors mutuo data accessionem accipit, vel ex pacto, vel intentione mutuantis. Et cum

cum dixerimus usuram ex mutuo oriri, consequens est etiam
 ut in his duntaxat rebus committi possit, in quibus & ma-
 ius consistit, nempe his, quæ pondere, numero, mensu-
 rare constant. Dicta vero est usura ab usu, quia scilicet pro
 usu pecuniæ mutuata recipitur. Et nitantum est crimen &
 testamenti utriusque lege, & prohibita, quod dicens usu-
 ram esse licitam dicitur hæreticus. Siue id sit, qui à na-
 turam superare, & quodammodo violare velle viden-
 tur, qui id agunt, ut pecunia res suapte natura nulli
 propagationi apta; nullo tamen domini labore, nullaque
 eius industria, quasi fructus ex se gignat. Seu quia pie-
 tati contrarium sit, & à Christiana charitate alienum,
 nolle opibus sibi superantibus proximo egenti gratis sup-
 petias ferre. Seu etiam, quia si huiusmodi mercinioria
 exercere fas esset, cætera omnia, ut agricultura, & quæ ge-
 neri humano utiliora sunt, facile possiderentur, quod hu-
 ius lucrum certius, tutiusq; sit.

3 Si quis itaque pignoris obtentu rei alicuius nactus
 fuerit possessionem, si sortem suam deductis expensis de
 fructibus iam perceperit, si eadem debitori restituere recu-
 set, & perceptos fructus in sortem computentur, procul-
 dubio usurarium committitur crimen.

4 Duplices sunt usurarii, alij qui exercent usuras sim-
 pliciter, & alij qui exercent usuras usurarum: utrique tam
 Casareo quam Pontificio iure damnandi, sed magis qui
 manifesti sunt, & credunt licitas esse usuras, & sine peccato
 posse exerceri, quam illi qui non sunt manifesti, & im-
 proprie usuram exercent vendendo fruges aut merces
 carius ad tempus, licet sciant esse peccatum, seq; teneri ad
 restitutionem.

5 Multiplicibus autem poenis Sacri Canones usura-
 rios insequuntur: nam præter inustam infamiam, nec ad
 Christianam nec ad communionem admittuntur altaris:
 (idem ad suscipiendum sacramentum Eucharistiæ) nec
 quisquam de manu eorum oblationes accipiet. Et si Cle-
 rici fuerint tam officij, quam beneficij Ecclesiastici pericu-

lum patientur, si admoniti, in hoc crimine incorrigibiles extiterint. Clericus vero mediator, seu proxeneta illicitorum contractuum, & usurarum, tenetur reddere usuras, ac si ipse eas accepisset.

6 Nullus quoque sub poenis in Gregorij X. constitutione comprehensus, manifestis usurarijs, aut locabit domus, aut conductas habere permittet, sed & si in hoc scelere decesserint, Ecclesiastica carebunt sepultura. Nec proderit defuncto, quod hæres eius velit satisfacere: nam oportet, quod ipsemet restituat, vel de restituendo caueat ita quod appareat illum non decessisse in illo peccato.

7 Et id adeo obtinet, ut etiamsi morituri in ultima voluntate de usuris satisfieri expressa quantitate, vel indistincte mandauerint, donec secundum Gregorianæ constitutionis tenorem satisfactum fuerit, Ecclesiastica sepultura carere debeant. Quicumque vero manifestos usurarios contra prædictæ sanctionis formam, tumulare ausi fuerint, poenæ Lateranensis Concilij sub Alex. III. contra usurarios promulgatæ subijciendi erunt.

8 Debet autem satisfieri ei, à quo pecunia fuit extorta, vel eius hæredibus: illis verò non extantibus, vel non petentibus, vel non curantibus, pauperibus extortum erogabitur, pro arbitrio loci Ordinarij, vel Rectoris Parochiæ, sub qua testator ipse usurarius habitat.

9 Testamenta quoque ab usurarijs facta, & codicilli, aliter quàm secundum dictam Constitutionis formam (hoc est præstita cautione de restituendis usuris per pignus, aut fideiussionem illis quibus restituenda est usura, aut illorum procuratoribus, vel ipsis absentibus Ordinario loci, aut Parocho Ecclesiæ) non valebunt, etiamsi ad pias causas aliquid legauerint; sed ipso iure erunt irrita.

10 Nec quidquam proficiet, quod quis pro captiuis redimendis, vel eleemosynis dandis sese usuras exercuisse, alleget; nec enim propterea magis cum usurario dispensari poterit, cum pro vita alterius, nec mentiri quidem, nedum rapere liceat. Sic etiam eleemosyna non potest fieri
de

de rebus restitutioni subiectis, quia prætectu boni, malum fieri non debet.

11 Planè, si nec ij, à quibus quis vsuras extorserit, nec illorum sint hæredes superstitēs, iudex tamen Ecclesiasticus ex officio suo parte non petente, tenetur cogere vsurarium, eiusque hæredem ad restitutionem faciendam, ut elargiatur pauperibus illius loci, ubi pecunia fuit extorta. Optimum autem erit, publicis edictis pronuntiare in locis, à quorum incolis soluta est vsura, ut quisquis fœnoria nomine à se aliquid, sciat ablatum, id veniat recepturus. Sed si principales fuerint superstitēs, & extortas vsuras vsurario remiserint, hinc sufficit illi, ut liberetur à peccato.

12 Nec is tantum Ecclesiastica dispensatione extortas vsuras restituere cogendus erit, qui fœneratus est, verum etiam filij, & quicumque extranei hæredes, qui omnes super vsuris conuerti nullius appellationis remedio restitutionem subterfugere permittendi erunt. Alias, si iniuste grauaretur, non est appellatio deneganda.

13 Sed & si quis sub vsuris pecuniam acceperit, & de eis nunquam repetendis fœneratori iurauerit, adhuc iudex vsurarios per censuram Ecclesiasticam compellere poterit, tam ut ab earum desistant exactione, & iuramentum remittant; quam etiam ut exactas restituant, ne de dolo, & fraude quemquam contingat commodum reportare. Iuramentum enim præstitum de vsuris non repetendis, non inducit liberam remissionem vsurarum, immo vsuræ præsumuntur magis extortæ, cum iuramentum huiusmodi non præsumatur interuenire ex libero consensu iurantis.

14 Iudæi quoque si à Christianis quocunque prætectu graues immoderatasque vsuras extorserint, & per sæculares principes, & potestates illas remittere sunt compellendi, & donec de immoderato gravamine competenter satisfecerint, ab vniuersis Christi fidelibus tam in mercimonijs, quam in alijs, per excommunicationis sententiam eis omnimoda communiō denegabitur.

ex benevolentia mutuanti donat aliquid , potest prædictus mutuans absque peccato donū illud recipere. Similiter si mutuanti ex mera liberalitate mutuatarius præstat aliquod beneficium, vel promotionem ad aliquam dignitatem facit, in eo hō committitur vsura, quia benevolentia sub estimatione pecuniæ non cadit. Prout & ille, qui recipit ex mutuo interesse ratione damni emergentis, vel lucri cessantis, vsuram non committit.

TITVLVS X.

De Adulterijs, & alijs coniunctionibus illicitis.

Adulterium est alieni rhorii violatio. Et fit tribus modis. Quando scilicet vir coniugatus ad mulierem coniugatam accedit; secundo, quando solus ad coniugatam; tercio, quando coniugatus ad solutam. Poena in laico excommunicatio, in Clerico depositio: si adulterium fuit notorium in, utroque certe pænæ impositio, in foro poenitentiali, si adulterium erat occultum; Alias ex lege veteri mosaica, & iure diuino adulter, & adultera morti adiudicantur.

2. Eadem, vel etiam pro iudicis arbitrio maior aut minor eos maneat poena, qui incestum commiserunt. Ut puta, cum qui contra naturam humanæ societatis parentibus, vel alijs consanguineis personis impudice adhæreat: aut si cum illa, quam quis de sacro fonte suscepit, aut quam ante Episcopum tenuerit, cum sacro Chrismate vngeretur fornicationis scelus perpetraverit: aut cum relicto naturali vsu contra naturam more sodomitico fornicabitur, aut humani generis naturam transgressus sese brutis commiscuerit.

3. Incestus igitur est, uti diximus, consanguineorum, vel affinium abusus: & duplici modo committitur, vel cum

las virgines, sed etiam in rapientibus nuptas, desponsatas viduas, seruas, libertinas, tam viles quam nobiles; licet ipsa mulier in raptum consenserit.

8. Statuitq; Concil. Trid. nullum matrimonium posse consistere, quamdiu rapta in potestate raptoris manserit, nisi separata ab illo, in loco tuto & libero constituta fuerit: & nihilominus raptor ipse ac fautores adiutoresque illius acerrimis poenis punientur.

9. Raptus autem tunc committi dicitur, cum illa de cuius nuptijs nihil actum fuerit antea, de loco in locum inuita asportatur. Vnde qui sibi desponsatam, vel parentibus reclamantibus adduxerit, in crimen raptus, & in penas minimè incidit. Rapta quoque puella legitime cum raptores matrimonium contrahet, si prior dissensio in consensum transeat. Raptor enim & rapta, nomina sunt vitiorum, non personarum. Vitia autem cum purgata fuerint, eorum etiam nomina abolentur.

10. Sed hæc de illis intelligenda sunt, qui mulierum laicarum consensum habuerunt: nam si quis Deo dicatas virgines, vel rapuerit, vel volentes matrimonio sibi sociare tentauerit, tanquam sacrilegium admittens, pro tam nefandi criminis atrocitate plectendus erit; nulla prorsus voluntatis sacrarum virginum habita ratione.

11. Demum, si quis cum muliere soluta, & impudica, simpliciter fornicatus fuerit, tam poenitentiae modus, quàm etiam alia poena in iudicis potissimum reponetur arbitrio: qui ex qualitatibus varijs, minorem, vel maiorem poenam statuet.

TITVLVS XI.

De Crimine Falsi.

Crimen quoque falsi magnum estimatur, magnisq; poenis vindicatur, quòd illo in primis Deus læditur, deinde Princeps, cuius literæ fal-

falsificantur, & postmodum is, aduersus quem falsum adstruitur. Committiturque hæc falsitas (vt hic secularem potestatem excludam) vel in literis Pontificijs, quæ vel à Cancellaria Apostolica, vel à summo Poenitentiario Papæ proficiuntur: vel in literis aliorum Prælatorum & Iudicum inferiorum: vel denique in Instrumentis publicis, & testimonijs ferendis.

2 Quatuor autem modis hæc falsitas in scripturis committitur. *Primo*, cum scribitur quod aliquis est præsens, cum realiter non erat. *Secundo*, cum scriptum alterius manu simulata subscribitur. *Tertio*, cum est alterius sigillo munitum. *Et quarto*, cum est contrarium scriptum, vel falsè aliquid additur.

3 Vt igitur quis de crimine falsi puniri possit, hæc tria in falsis literis requiri debent. *Primo*, mutatio veritatis. *Secundo*, dolus & culpa. *Tertio*, iactura seu damnum.

4 Quamuis itaque aduersus eos qui falsi crimen commiserunt, varè statutum in Canonibus sacris reperiatur, illos tamen cæteris acrius leges insectantur, qui literis Apostolicis falsis vsi fuerint. Talium enim literarum falsarij cum fautoribus, & defensoribus suis anathemate feriuntur. Et si Clerici fuerint, omnibus officijs & beneficijs ecclesiasticis perpetuò priuabuntur: ita vt qui per se falsitatis vitium exercuerint, postquam per Ecclesiasticum iudicem degradati fuerint, seculari potestati tradendi sint, secundum legitimas constitutiones puniendi, (hoc est de portatione, & bonorum propriorum publicatione, si liber quis fuerit; si seruus, ultimo supplicio) per quam & laici, qui fuerint de falsitate conuicti, legitime punientur.

5 At qui non ipsi falsum perfecerint, aut fieri mandarent, falsis tum ab alijs fabricatis literis scientes vsi fuerint officijs, & beneficijs Ecclesiasticis spoliandi sunt. Laici excommunicatione innodandi, à qua tunc demum soluendi erunt, cum satisfecerint competenter. In vtrisque tamen malitia grauius quam negligentia punietur: quod & de his qui falsas literas impetrant obseruabitur.

6. Qui vero alterius Principis secularis literas aut sigillum falsauerit, is si Clericus fuerit, ab ordinibus depositus, caractere compungendus erit, ac in exilium mittendus. Sed si Prælati alicuius literis, aut iudicis inferioris falsitatem Clericus adhibuerit, ab ordine deponetur, & omnibus beneficijs exutus in monasterium ad agendum poenitentiam detruderetur, si accusationis tramite conuictus fuerit. Sed si per modum inquisitionis contra eum fuerit processum, ab officio & beneficio suspendendus erit, donec indulgentiam Sedis Apostolicæ meruerit obtinere.

TITULUS LXII.

De Homicidio.

1. **H**omicidium, ut est delictum contra quintum Decalogi præceptum commissum, nil aliud est, quam corporis humani animam occisio facta contra iustitiam proximo debitam. Et committi potest non solum opere ipso, sed etiam mandato, consilio, auxilio, favore, cooperatione, permissione, approbatione.

2. Est autem homicidium duplex, voluntarium vnum, & alterum casuale. *Voluntarium* aliud simpliciter, & directe commissum, & aliud secundum quid indirecte, & reductione. *Similiter & casuale* aliud simpliciter, & directe, & aliud secundum quid, & indirecte, vtriusque de hac re Theologi. Semper tamen est iniustum, cuiuscunque hominis, siue pagani, siue Iudæi, siue excommunicati, siue banniti.

3. Et cum non ad opera tantum sit respiciendum, sed tempus quoque & causa, cum voluntas etiam ipsa, & personarum differentia, & omnia quæ operibus accidunt sine peruectiganda, sequitur ut non sit omnium homicidiorum eadem conditio, & poena. Cunctorum vero illud atrocissimum videtur, quod Assassium vulgo Itali nuncupant, cum quis libera voluntate suggerente in vijs publicis ho-

mines

mines interficit, aut domos inuadit, horrenda inhumanitate mortem sitiens aliorum magis quam prædam, aut lucrum temporale. Vnde non solum Assassini ipsi, sed etiam receptatores, occultatores, & defensores eorum, & qui per eosdem quenquam interficere aut mandauerit, dignitatibus, honoribus, officijs, beneficijs, omnibusq; bonis nudatus, excommunicationis & depositionis incurrer ipso iure sententiam, & tanquam Christianæ religionis hostis à toto Christiano populo perpetuo diffidatus erit.

4 Non absimilis eum tenet pœna, qui licet non per assassinium, per insidias tamen & ex proposito hominem interfecerit: qui si laicus sit, iudex eius Ecclesiasticus causam seculari iudici mandabit, vt ille iustitiam faciat, & secundum leges seculares, decretas in eum pœnas statuatur. Si Clericus sit, deponetur, atque etiam, si adiacentes crimini loci valde illud exaggerent, vt iam non videatur amplius dissimulanda, aut ferenda rei proterua temeritas, laicorum manibus, sacris ei ordinibus antea ablati, plectendus dimitteretur.

5 Quod si quis latronem vel furem peremerit, liberando se & sua, an aliqua pœna sit puniendus? Et si quidem furem absque occisione comprehendere potuit, certa aduersus eum statuta pœnitentia reperitur: quod si non potuit, nulla occisori erit ex necessitate iniungenda pœna.

6 Idem etiam obtinebit, si casu perpetratum fuerit homicidium, vt puta, si quis necessario insistens operi arborem inciderit, & aliquis subitus transiens opprimeretur: nam si neque uoluntate, nec ulla incidentis culpa factum fuerit, ut pertransiens opprimeretur, arborem incidens homicidij pœnis obnoxius non erit.

7 Alia ratio est eorum, qui proprios filios oppressisse reperiuntur in lecto, vel eisdem alimenta denegant, uel consentiunt denegari. Cum enim hos grauiter deliquisse non sit dubium, certorum annorum erit illis iniungenda pœnitentia, quia parentes debent prouidere saluti liberorum suorum, nec habent eos quoad uitam in sua potestate.

8 Quod

8 Quod si filius infans, aut languidus cuiuscunque ætatis à patre, vel ab alio, patre sciente, fuerit expòsitus, aut eidem alimenta denegata fuerint, hoc ipso à potestate patriæ liberabitur. Nec tamen propterea, qui expositos susceperit, aliquod in eis ius uendicare poterit.

9 Is quoque, qui vel causa explendæ libidinis, vel odij meditatione, propter amorem scilicet, vel lucrum, sperans successione ab intestato, viro aut mulieri aliquid fecerit, vel potandum dederit, quo minus possit generare vel concipere, vel nasci soboles, vt homicida puniendus erit, quia par est impedire natiuitatē, & eā tollere, quia in utroque casu infans priuatur vita. Quamquam alias si conceptus nondum viuificatus fuerit, nec vt abigeretur quisquam, dolo malo fecerit, qui abortui occasionem tradidit, puniendus non erit.

10 Denique sciendum est, pro his qui quocumque prætextu, puta tadio vitæ, morbo, furore, doloris impatientia, conscientia criminis, pudore, voluntarie, ferro vel veneno, uel suspendio, vel quolibet modo sibi mortem inferunt nullam in oblatione faciendam esse commemorationem: & Ecclesiastica eos debere carere sepultura, non aliter atque illos, qui pro suis sceleribus impoenitentes moriuntur. Quia non solum iure ciuili, & canonico, sed etiam naturali prohibitum est seipsum occidere, quæ secum quandam ordinatam charitatem habet, vt quod in alium nefas, multo magis in seipsum nefandum iudicet. Vnde etiam non sequuto effectu in isto crimine punitur, si seipsum percutiens aut vulnerans animo occidendi ab alijs fuerit derentus seu impeditus.

TITVLVS VLTIMVS.

De Iniurijs, & damno dato.

1 **C**oncludens iudicia publica quæ circa delicta in Deum, & proximum laudentia versantur, restat

E e e

hoc.

hoc ultimo titulo agere de iniuria, vel ab homine, vel ab aliquo animali illata, considerando diligenter quot modis committantur, & quibus poenis puniantur. Cum aliæ iniuriæ sint personales, & aliæ verbales. Et personæ aliæ sint spirituales aliæ sæculares; aliæ in iurisdictione, & præminencia aliqua positæ, & aliæ simplices, & subiectæ.

2 Personalis iniuria græue delictum dicitur, & potest inferri pluribus modis. *Primo* cum quis Ecclesiasticas personas, non habens in eas iurisdictionem ullam, carceratas detineret: quod peragendo non modo incideret in iniuriarum actionem, sed etiam in excommunicationis sententiam; hoc tamen non procedit, si in fragranti fuisset captus & remissus ad suum superiorem, quod fieri potest lege permittente. *Secundo dicitur* inferri iniuria, cum Ecclesiastica persona per vestes inuita detinetur, ut interim afficiatur aliquibus opprobrijs, & verbis contumeliosis ab alio. *Tertio* dum proceditur ad verberationem, & alapæ percussio- nem. *Quarto* dum de possessione sua fugatur, & eijcitur contumeliose. *Quinto* dum inuaditur in domo sua, & molestijs iniurijsque aut damno aliquo afficitur. Tum & alijs pluribus modis.

3 Verbalis quoque iniuria, quæ voce profertur, similiter pluribus modis fit: sed generaliter loquendo dicitur omne id per quod alicui impropertur, & turpiloquium, execrationes, mendacia, aut maledicta ingeruntur, dicendo esse filium meretricis, hæretici, aut pagani alicuius: aut dicendo aliquem esse nugatorem, impostorẽ, parasitũ &c.

4 Sed verbalis iniuria quæ scripto committitur, multo grauior est illa quæ conuicium voce iactat, scribensq; in alterius vituperationem carmen, aut famosum libellum. pro atrocitate criminis prudentis iudicis arbitrio poenas luet, secundum leges ciuiles decapitationis, secundum vero Canones verberum, carceris, depositionis, & anathematis, si conuictus fuerit: mitius cum non possit probari. Sed & qui famosum libellũ inuenerit, & nõ statim eũ cõbuserit, sed eius tenorẽ dolose manifestauerit, quæ auctor ipse pena plectendus erit.

3 Item

5 Item alia iniuria est atrox, alia levis, & alia tolerabilis: *Atrax* est, cum Clericus in sacris constitutus offert duellum, vel oblatum suscipit, & pugnat: hoc enim enorme crimen est idum vel vulneratur, vel vulnerat, aut fustibus excipitur: Aut in Episcopum, vel Abbatem suum insurgit, & contra vitam aut honorem illius coniurationem, aliquam machinatur. *Levis* vero iniuria est, quam facile quisque iniuriatus condonare potest. *Tolerabilis* demum, quæ vel statim similibus verbis aut factis, absq; commotione animi refundi potest, vel per dissimulationem subtrahi.

6 Sed quia secundum varietatem locorum, personarum, temporum & factorum iniuriæ illatæ sunt grauiiores aut leuiiores, ita quoque & poenarum, non potest præscribi certa regula & modus: sed vt crimina extraordinaria fieri solent, ita, & poenas extraordinarias merentur. Nihilominus in eiusmodi delictis hæc quatuor sunt obseruanda. *Primo*, an sit Sacerdos, vel Prælatus aliquis maior. *Secundo*, an in loco sacro delictum factum, puta in Ecclesia, cœmiterio aut capella aliqua, seu Monasterio aut Sacristia. *Tertio*, an tempore celebrationis officiorum diuinorum. *Et quarto*, an per hoc officium diuinum fuerit turbatum, & scandalum aliquod fidelibus præbitum: tunc enim imponenda esset vltimi supplicij poena.

7 Læse quoque maiestatis crimini obnoxius Clericus, cuiuscumq; ordinis sit, deponendus est:

8 Maximum porro eius crimen æstimatur, qui S. R. E. Cardinalem hostiliter insequitur, vel percutit, aut capit: Vel socium hæc patranti se adiungit: vel fieri mandat, vel facta rata habet, aut consilium & fauorem dat, aut postea recepat, & defensat scienter. Is epim sicut læsæ maiestatis criminis reus, perpetuo sit infamis, vt nec testamenti liberam habeat factionem, nec ad aliquod bona ex testamento, vel ab intestato vocetur, quatenus ab omni successione repulsus, publicaq; repulsa confusus, minus inueniat suum malitiæ successorem. Fieri iubentur habitationes eius desertæ, vt non sit, qui eas inhabitet; dari præcipiuntur cun-

Etia eius ædificia in ruinam, & vt perpetuam notam infamiae perpetua ruina testentur, nullo tempore instaurari permittuntur. Nullusq; ei debita reddere, nullus respondere in iudicio tenetur. Bona eius omnia fisco vel Reip. applicantur: feuda, locationes, officia, & beneficia omnia quæ ab Ecclesijs habebat, ad easdem pleno iure reuertuntur. Filij & nepotes ipsius omnibus beneficijs, ac etiam Pontificali dignitate sunt ipso iure priuati; nec ad aliquam dignitatem, vel officium publicum, aspirare possunt, nec alicuius legitimi actus capaces sunt. Multaq; alia aduersus huiusmodi sacrilegos homines per Bonifacium VIII. statuta sunt: quemadmodum & serè easdem poenas Clemens V. contra eos sanxit, qui Pontificem quemlibet supradictis modis affecerint, insécuti fuerint, vel ei iniuriæ extiterint.

9. Mitius cum his agitur, qui in pugna, vel rixa aliquem lapide, vel pugno percusserint. Si enim ille mortuus non fuerit, sed in lecto iacuerit, vel operas exercere fuerit impeditus, qui percusserit, & opera eius, & impensas in medicos restituet. Et generaliter, si culpa tua datum est damnum vel iniuria irrogata, vel alijs irrogantibus opem tulisti, aut hæc imperitia tua, sine negligentia euenerunt, iure te super his satisfacere oportebit. Nec te excusabit ignorantia, si scire debuisti ex facto tuo iniuriam verisimiliter posse contingere, vel iacturam.

10. Quod si animalia tua nocuisse proponantur, nihilominus ad satisfactionem teneberis: nisi ea pro noxa dando damnum passis, te ipsum velis liberari; quod tamen ad liberationem non sufficit, si fera fuissent animalia, & quæ nocere consueuerant, & quam debueras diligentiam non adhibuisti, quia eiusmodi animalia non debent teneri in publico, & ubi est publicum iter. Diuersum statuitur in eo, qui vt damnum non contingeret, nihil omisit.

11. Cæteras autem delictorum species, si quæ sunt, & eorû poenas studiosus ex corpore Iuris Canonici excipiet; nos enim de his tantum diximus, quantum pro instituto

nostro necessarium esse iudicauimus. Restat vt poenarum ipsarum, quibus Ecclesia in delinquentes seuerè, vel remissè vtitur, genera & varietatem prænueremus, vt proinde sciant iudices acri iudicio æstimare, quænam pro delicti qualitate, & delinquentis statu, & conditione, omnibus maturè circumspèctis, vnicuique statuenda sit.

LIBER VLTIMVS.

De Poenis, & Censuris Ecclesiasticis.

TITVLVS I.

De Appellatione Censuræ, & Poenæ Ecclesiasticæ.

Postquam duobus libris prioribus personarum deinde duobus sequentibus rerum Ecclesiasticarum tractatum complexi fuimus, subinde ad reliquos duos descendentes, iudiciorum tam civilium, quam criminalium materiam & seriem explanauius, delictorū naturā & poenas breuiter perstringentes. Cum ratione contumaciæ, quam etiam aliorum excessuum, Ecclesiasticis Censuris interdum aliquos innodari varijs locis admonuerimus: superest nunc, vt operi finem impo-
nentes, de ipsis censuris hoc vltimo libro fusius, & distinctius differamus. Et nominatim hoc primo titulo, quid sit Censura, & quæ eius etymologia: tum quotuplex sit, & quot modis ab Ecclesiasticis scriptoribus vsurpetur, dilucidè explicemus.

2 *Est igitur Censura, poena spiritualis fori exterioris Ecclesiæ, qua spiritualium vsus impeditur, vt à contumacia discedatur. Vel, est vinculum spirituale Ecclesiasticum ordinatum ad salutem spiritualium, tum illius qui ligatur, tum*

homo priuatur simpliciter, & si non pertinet ad censuram aut priuatur ad tempus & hinc datur suspensio. Si secundum aut respicit hominem, vt est persona priuata & hinc habetur excommunicatio; aut est pars vniuersitatis, & inde oritur interdictum.

7 Cæterum, maxima iure nostro in Clericum poena est degradatio, id est omnibus gradibus, & ordinibus spoliatio: quæ etiam in Clericum minorum ordinum cadere potest. Ea; est duplex: *altera* quæ solis verbis fit, & depositio simplex appellatur: *altera* quæ non tantum verbis, sed etiam factis celebratur, ideoque actualis appellatur degradatio. Et Episcopo deponendo duodecim Episcoporum præsentia opus est, quæ tamen sine autoritate Summi Pontificis fieri non debet, vt supra libro primo diximus. Presbytero autem deponendo olim sex Episcopi interesse debebant; Diacono, & Subdiacono tres præter proprium ipsius Episcopum. Nunc sola proprii ipsorum Episcopi sententia sufficiet, conuocatis Abbatibus alijsq; Prelatis & religiosis personis, & literatis suæ Diocesis.

8 Multa autem solennitas in solenni degradatione requiritur; quæ tam ex Concil. Carthaginensi secundo, quàm ex Bonifacii Octauo responso ad Arelatensē Episcopum præscripta est. Eo enim modo fit, quo exauthorari solet, qui in militiam armatam adscriptus est. Nam sicut illi militaria detrahuntur insignia, atq; à militia, & castris exturbatur priuatus consortio & privilegio militari; ita Clericus in cælestem militiam adscriptus, singula ordinum, quos receperit insignia reddere compellitur. Qua degradatione, perfecta exinde curiæ seculari præsentis est tradendus, vt eum in forum suum recipiat, & poenas quas ei visum fuerit infligat: habita eius erroris tamen aliqua miseratione. Quod vt iudex secularis faciat, & præsertim ne imprem ei inferat, à iudicibus Ecclesiasticis est impensè monendus, & rogandus.

9 Simplex autem depositio nullam facti solennitatem desiderat, quippe eius executio est degradatio actualis: &

si non tamen semper depositio verbalis fiat, quo actualis executionem secum trahat; quo casu multa ex supradictis remitti aliqui censuerunt. Non solet autem depositio nisi pro grauib. & capitalibus delictis iniri, & nisi legibus Canonicis cautum sit, & grauius etiā negocium esse oportet, ut actualis degradatio fiat. Et ex his causis fieri potest videlicet propter hæresim, crimen falsi, schisma indomitū, homicidium atrox, puta parricidiū, vel Episcopi, aut Presbyteri cedem.

10 Carcerem quoque ad perpetuum damnatio non infima est inter pœnas, quæ hoc iure irrogari solent: nam etsi reis custodiendis magis, quam puniendis, carceris angustia inuentæ sint; iure tamen nostro hic quoque carceris vsus pro delinquentium supplicio est receptus. Atque hæc pœna capitalibus interdum annumeratur, eiq; supplicio quā simillima est, quo seculares vtuntur, dum quempiam in metallum, vel ad eremes damnant; & in eum qui depositus fuerit exercei potest, his videlicet casibus, quibus in foro laicorum vita adiuuatur. Potest tamen etiam ad rempus fieri in carcerem relegatio.

11 Item beneficiorum ademptio grauis pœna censetur nec nisi pro grauib. delictis imponi solet; nec nisi delictū eam priuationis pœnam mereri in iure sit expressum: ut contingit etiam, cum agitur de aliquo priuando potestate eligendi, vel præsentandi. Et in bonorum quoque publicatione hæc locum habent.

12 Supplicij etiam loco detruduntur fontes, quandoq; in arctum Monasterium, extra quod eis facultas non sit exiliendi, quod ferè post depositionem factam contingit. Hinc iudicari potest, ex grauiissimis duntaxat delictis hanc pœnam irrogari solere.

13 Item possunt Clerici notis, & stigmatibus compungi, dum citra sanguinem id fiat; idq; post depositionem duntaxat. Seruitutem quin etiam in pœnam interdum Canones irrogant. Verberibus quoque, & flagellis fontes affici possunt, dum moderate id fiat citra sanguinis effusionem,

nem, & præsertim citra vitæ, & membrorum periculum.

4 Mittuntur etiam interdum in exilium delinquentes ex Iuris Canonici Constitutionibus. Alijs admittitur in pœnam privilegium Clericale. Inducuntur ieiunia, & pecuniariæ multæ irrogantur, quæ tamen pauperibus aut pijs locis, non verò vsui iudicum adscribendæ sunt. Sunt & aliæ pœnæ complures, quæ iudicum arbitrio pro varietate delictorum inferuntur, sed non vocantur censuræ. Nam hæ tantummodo tres sunt, ut supra adinonimus, Excommunicatio, Suspendio, & Interdictum, de quibus mox subiiciemus.

T I T V L V S I I.

De Excommunicatione.

1 **P**rimum locum inter censuras Ecclesiasticas Excommunicatio habet, vel quia est in vsu frequentior, vel quia reliquæ præsupponunt eam, & aliquo modo dependent ab ea: quæ sicut medicinam affert eam metuenti, atque ut decet magni facienti, sic contra, si fuerit contempta, mortem æternam inuehit, nisi resipiscat, cuique delinquenti.

2 Est igitur Excommunicatio censura Ecclesiastica, à Canone uel Iudice prolata, & inflicta, priuans Christianum legitima communione Sacramentorum, & quandoque hominum. Vnde hoc nomen accepit, quasi extra communionem: & æquiparatur banno dato contumaci, quod pariter dicitur medicinale, quia per inobedientiam fit, prout & excommunicatio.

3 Excommunicationum duæ sunt species, maior scilicet, & minor. *Minorem*, per quam quis à sacramentorum participatione conscientia, vel sententia arcetur, non vero hominum consuetudine. *Maiorem*, per quam quis non solum à sacramentorū excluditur perceptione, verum etiam à

F ff

com-

communione fidelium, quæ ab omni actu legitimo separat ac diuidit: & alio nomine anathema appellatur.

4. Rursus excommunicationum alia Canonis, alia Iudicis. *Canonis est*, quæ quis ab ipso solum Canone absque iudicis ministerio innodatur: quæ etiam alio vocabulo, latæ sententiæ excommunicatio nuncupatur. Complures enim casus sunt, in quibus nulla expectata iudicis prolatione, ipso iure delinquens excommunicationis vinculis innodetur. Exempli causa. Si quis in clericos, regulares monachos professos, vel nouitios, vel conuersos, violentas, & impias manus iniecerit, ipso iure Canonis incurret sententiam, à qua præterquam à Romano Pontifice, vel eius de latere legato, à quoquam absolui non poterit.

5. Sed etsi manus quis violentas non iniecerit, inferenti tamen, vel auctor, vel fautor, vel adiutor fuerit, aut factum ratum habuerit, pari poena illum plerendum Catholica sanxit auctoritas, delinquentibus fauere interpretata, qui cum possunt manifesto scelere desunt obuiare.

6. Interdum etiam si nullam corporis læsionem Clericis quis intulerit, excommunicationis tamen poenam non euadet: vt puta, si laicus in publica, vel priuata custodia illos detinuerit, vel in vincula coniecerit; nisi tamen id de mandato faciat Prælatorum, quorum illi sunt iurisdictioni subiecti: quæ enim citra excommunicationis metum, capere clericos, & ad iudicium violenter ducere laici poterunt; cum hoc non ipsi, sed illi quorum autoritate hoc faciunt agere videantur. Dum tamen non amplius eorum se extendat violentia, quam defensio Clericorum exigit.

7. Item excommunicatio diuiditur in iustam, & iniustam. *Iusta dicitur illa*, quæ fertur à legitimo iudice ob iustam causam, seruatis debito ordine, & fine. *Iniusta est illa* cui deest aliqua ex conditionibus assignatis excommunicationis iustæ.

8. Et hæc item iniusta excommunicatio fit dupliciter iniusta, aut accidentaliter, cum deest illi aliqua conditio, aut substantialiter, cum deest illi causa, quæ est veluti anima

excommunicationis . Vtraque harum fit nulla quinq; modis . *Primo* quando fertur à non iudice : vel à iudice excommunicato nominatim , & publicato . *Secundo* quando fertur contra tenorem priuilegiorum . *Tertio* quando fertur post legitimam appellationem . *Quarto* quando continet expresse errorem , excommunicando illum qui non fecit delictum , loco alterius qui fecit . *Quinto* quando iudex excommunicat participantes cum excommunicato , non tamen eos nominat expresse .

9 Cum vero dicitur complices , fautores , & auxiliares percutientium clericos , eandem incurrere excommunicationem , quam incurrit & ipse delinquens , intelligendum est . cum assistunt & iuuant percutientem aut violentiam inferentem . Qui vero post delictum auxilio sunt percussori , vel fauorem aliquem præstant , vt eum à iudice liberent , illi non incidunt in excommunicationem , quia non dant operam delicto , sed delinquentē , vt à peccato resurgat , & reconcilietur offenso , iuuant pro posse suo ne poena puniatur temporali .

10 Qui delicto assistit , vel dat auxilium volenti aliquē verberare , vel occidere , talis licet non excusetur à poena temporali , ex quo sciebat delictum committendum , excusabitur tamen à poena excommunicationis , quia nesciebat illud delictum fore contra clericum qui verberatus aut occisus fuit . Quemadmodum & ille qui volens percutere laicum , percussit Clericum , ignoranter non erit excommunicatus .

11 Item si quis mandaret vt Clerico inferatur iniuria realis , vel verbalis , & mandarius excedens mandatum faceret illi iniuriam personalem , tunc mandans non erit pro delicto mandatoris excommunicatus . Sicut nec capiens eum non incurrit excommunicationem vt eum præsentaret suo Superiori quam primum poterit . Vel quando detinet eum , cum videt resolutum delictum velle committere vel seipsum occidere .

12 E contra , si Abbas imperet laico , vt monachum etiā

causa disciplinæ verberet, vterque incidit in excommunicationem. Nam si disciplinæ regularis gratia id faciendum sit, vel Abbas id per seipsum faciet, vel si necessitas urgeat, per clericum, vel monachum id fieri iubebit.

13 Percutens vero clericum, quem cum vxore, sponsa sua, matre, sorore, aut filia turpiter se gerentem innuerit, in Canonem latæ sententiæ non incurrit. Ignoscit enim lex iusto dolori, licet occidere eum non permittant Canones. Idem statuitur, & de eo qui Clericum percusserit, quem probabiliter ignorabat esse Clericum, quia incedebat in habitu non congruenti ipsi clerico, & non deferbat tonsuram clericalem. Item quando quis causa defensionis clericû percutit inuasus ab eo, vel res suas rapi nō permetteret ab eo qui defensio rei equiparatur vitæ. Modo nō sit res parua. Alias etiam occidens in his casibus (dico in ipso actu inuentionis) non solum erit tutus à pœna excommunicationis, sed nec puniri potest pro tali delicto, quia frustra implorat Ecclesiæ auxilium, qui in Ecclesiam ipsam committit. (Hinc est quod cognoscens monialem incedentem in habitu laicali, non puniatur tanquam stuprans monialem.) Quod si percussio hæc fieret ex interuallo, post delictum commissum, percutiens incurreret excommunicationem.

14 Item si qui ratione officij, quod obtinent in Ecclesia, aut si Clerici seniores pueros, vel adolescentes in minoribus ordinibus constitutos diuinum turbantes officiû: vel etiam si qui magisterij, vel prælationis obrentu subditos, & scholares correctionis causa percusserint, excommunicationis sententiam non incurrunt. Quod & de his intelligendû est, qui aliquos de familia sua, vel propinquos inferiorum graduum simili modo, vt ab excessibus prohibeantur, & scientia, bonisq; moribus informetur, corrigendos duxerint: & alijs casibus compluribus. Sic & iudex compescere potest omnes turbantes, & impediētes iurisdictionem suam. Quod si vero excederet modum correctionis grauius, tunc iam esset excommunicatus In super-

perioribus enim gradibus constitutus liberatur à patria potestate, & à percussione, vt deferatur sacro ordini.

15 Quod autem supra diximus, ab hac excommunicatione, ab alio, quam ab Apostolico, aut eius Legato absolui neminem posse, non est perpetuum. Nam si quis excommunicationis latæ sententiæ vinculis innotatus in mortis articulo constitutus reperiatur, aut capitales habeat inimicitias, aut nauigaturus est mare, aut confingere deberet cum hoste in acie, vel per loca insidiosa, transiturus, vel obsessus ab hoste, vel crudelitatem tyranni potentis timeret, aut senex, & valetudinarius esset, membris destitutus, vel contractus, pauper & mendicus, aut alias iustas excusationes, ita vt sine periculo, Apostolico se nequeat conspectui præsentare, licebit Diocesano Episcopo, & cuicunque sacerdoti (etiam non approbato, si alius inueniri non potest) absolutionis gratiam sibi impertiri. Periculo tamen & impedimento cessantibus, quacumque commode poterunt ad Sedem Apostolicam se præsentabunt, mandatum illius super excessibus, pro quibus excommunicati fuerunt humiliter recepturi, & satisfacturi. Mulier tamen non est obligata pro petenda absolutione accedere ad Sedem Apostolicam.

16 Si vero non enormis, sed modica, & leuis iniuria fuerit clericis irrogata, inferens per Episcopum absolui poterit. Item ætatis intuitu iuris rigor mansuetudine temperatur. Vnde si in pueritia constitutus in Canonem incidit sententiæ promulgatæ, siue ante, siue post pubertatem sese absolui postulet, diocesanus Episcopus absolutionis beneficium impertiri poterit.

17 Monachi quoque, & alij regulares quomodocunque dum tamen non in Episcopum aut Abbatem aut Clericum sæcularem manus violentas iniiciant, in clauetro sese iniquitatem percusserint, non ad Apostolicam Sedem remittendi, sed secundum prudentiam proprii Abbatis coercendi erunt. Quod si Abbas non sufficit, Episcopus adhibendus erit. Si vero monachum alterius monasterii percusserint, tunc
vtri-

utriusque monasterij Abbas cōcurrere debet in absolūdo.

18 Simile statuitur de monialibus: nam si yel in se inuicem, vel in conuersas suas, aut etiam in clericos violentas manus iniecerit, ne contra muliebris sexus verecundiam, regularisq; obseruantiaē decorem peregrinari compellantur, per Episcopum in cuius dioecesi monasteria fuerint, absolutionem consequentur (non Abbatissa, quia sexui foeminino clauēs Ecclesiæ non sunt commissæ) qui ex causa certis casibus absolutionem potest alteri delegare.

19 *Iudicialis vero excommunicatio est, quæ iudicis sententia infertur; siue ille ordinarius sit, siue delegatus. Sed excommunicationis sententiam præcedere debet trina monitio intra 13. dies, & debet ferri in scriptis, ita vt causam expresse ob quam profertur contineat, & copia debet dari petenti; Contra vero faciens per mensem suspensus existit. Qui vero cum excommunicato denunciato, vel manifesto percussore clerico communicauerint, ipso iure excommunicationem incurrant, vt hi versus habent.*

Os, orare, Vale, communicatio, mensa negatur;
Si quis pro delicto Anathema efficiatur

Hoc est, prohibetur osculum pacis & amplexus, locutio per se, & per nuntium, & per epistolas, (nisi in ijs quæ ad salutem excommunicati pertinent) orare cum illo in templo aut missam simul audire, salutare ipsum, inuicem comedere. Debentq; iudices Ecclesiastici monere iudices sæculares, vt excommunicatos ab agendo, patrocinando, & testificando in suis curijs, & iudicijs repellant; donec constet de absolutione.

20 Cum autem non communicamus viuo, nec mortuo communicabimus: nisi dum viueret ostenderit signa pœnitentiæ: tunc & absolui mortuus potest, & sepultura Catholica cohonestari; hæredesq; eius, vt pro ipso satisficiant, si sponte nolint, Ecclesiastica censura compelli poterunt.

21 Sed etsi, qui pro sacrilega manuum iniectioe in edictum excommunicationis incidit, denunciatus quidem non

non sit, sed de patrato scelere publica laboret infamia, nemo sibi pari ratione communicare debet nisi, vel ad arbitrium Episcopi de hoc se purgauerit, vel ad cautelam absolutionis beneficium consequatur: Nisi forte soli sibi de facinore constet: hoc casu quamdiu toleratus ab Ecclesia, priuatim tantummodo à te vitandus erit, vt saltem verecundiæ rubore suffusus pro latenti excessu satisfacere compellatur.

22. Criminosa igitur participatio cum excommunicatis (dando videlicet auxilium, consilium, vel fauorem) implicat participantem eadem excommunicatione. Participatio vero non criminosa (puta in mensa, in sermone &c.) alligat participantem minori excommunicatione, à qua per ordinarium absolui potest. Si vero in ista excommunicatione minori indurescat, post iudicis monitionem, in maiorem excommunicationem incurret, sicut & ille qui in contemptum Ecclesiasticæ discipline commercium habet cum excommunicatis. Quod & in suspensionis, & interdicti sententijs obseruandum erit.

23. Interdum tamen excommunicato communicans, neurris excommunicationis vinculo obstringitur, vt accidit in eo, qui omni illo conuersatus fuerit, quem excommunicatum probabiliter ignorabat. Vnde vt excusationis causa omnibus auferatur, providere debent Episcopi, vt excommunicatorum omnium nomina, tam suis parochianis, quam vicinis Episcopis pariter indicent, eaq; in celebri loco posita, pro foribus Ecclesiæ cunctis conuenientibus inculcent, vt huiusmodi adhibita diligentia excommunicatis Ecclesiasticus aditus adimatur.

24. Omnes autem qui ante prolationem sententiæ tenebantur excommunicato communicare, tenentur etiam post prolata excommunicationem participare, nullum incurrentes excommunicationis periculum, vt sunt, uxores, filij, serui, ancillæ, rustici, & quicunque ei deseruiunt. Item procuratores, oekonomi, factores, peregrini, & viatores qui non habent vnde emant aut vbi hospitentur, transendo, nisi in domo excommunicati. Dum tamen in his

cri-

criminibus, (in talibus enim nulla consentiendum aut obediendum est) pro quibus illi excommunicatione sunt notati, non communicent.

25 Prædicatores quoque, præsertim qui alias sustineri non possunt, ab excommunicatis, & alienorum bonorum detentoribus, eleemosynam, non tamen oblationes, quia eleemosyna recipitur in secreto, oblatio in publico: unde ne Ecclesia fauere videatur excommunicatis, & detentoribus rerum alienarum, non debet ab eis oblationes recipere licet percipere possunt. Idem iuris est de ijs, qui adeo sunt rudes, & rustici ut eorum consilio verisimiliter scelera perpetrari non possunt: aut qui cum ijs communicant qui participationem habent cum excommunicatis.

26 Coactus quoque communicans excommunicatis, labe excommunicationis non inquiratur. Sed communicans metu, excommunicationis poenam non euadet, cum nullius metus obtentu mortale peccatum quis incurere debeat.

27 Hoc neminem lateat, non debere in Collegium, vel Vniuersitatem proferri excommunicationis sententiam ut animarum periculum euitetur, quod exinde sequi posset, cum nonnunquam contingeret innoxios huiusmodi sententiam irretiri; debet igitur in illos tantum ex collegio, vel vniuersitate, quos in culpa esse constiterit, promulgari. Addiditq; Synodus Trid. ut excommunicatus quicumque, si post legitimas monitiones non resipuerit, non solum ad Sacramenta, & communionem fidelium, ac familiaritatem non recipiatur: sed si obdurato animo censuris annexus in illis per annum inforduerit, contra eum etiam tanquam de hæresi suspectum procedi possit.

28 Sententia vero excommunicationis ab homine prolata, ab eodem etiam auferri potest, à quo fuerit prolata. Et in minoris quidem excommunicationis vinculo dissoluendo alia solennitas non exigitur, quam ut Sacerdos detectam sibi ab excommunicato, causam excommunicationis in Sacramento Pœnitentiæ cognoscat, & eum absoluat,

uat, restituendo eum Ecclesiasticis Sacramentis, quibus fuerat priuatus.

29 In maioris autem Excommunicationis relaxatione maior etiam solennitas adhibenda est, siue à lege, siue ab homine inflicta sit. Nam primum non ante absolueudus est, cum offensa est manifesta, quam cum iuramento promiserit, se Ecclesiasticis mādatis, vt supra diximus, parituum, & de omni damno illato, omniq; offensa plenè satisfecerit, vel saltem cautionem cum iuramento prætiterit (vbi tunc de damni summa non constaret, vel vbi soluendo non esset) se satisfacturum. Quibus peractis ille, qui absolueudus ius habet, vel cui mandatum sit à potestate habente, huiusce negotij causa aditus excommunicatum coram se suppliciter prostratum seruata forma absoluet.

30 Conceditur tamen & quandoque absolutio ad cautelam, vt cum quis sententiam excommunicationis in se latā asserit esse nullam. Vel iudicem esse incompetentem, vel excommunicatum, vel intrusum, aut à iurisdictione suspensum, alijsque modis: quæ relaxatio quidem ad cautelam cōcedenda est, quamuis ei excommunicator, vel aduersarius se opponat. Nisi cum pro manifesta dicat offensa excommunicatum: quo casu terminus octo dierum indulgetur sic dicenti, vt si probauerit, quod opponit, nō relaxetur sententia, nisi prius sufficiens fiat emendatio, vel competens cautio de parendo iuri, si dubia offensa sic proponatur. Cum vero ad probandum admittitur, qui absolutionem ad cautelam impetrauit, pendente probationis articulo in cæteris, quæ vt actor in iudicijs intentauerit, interim cuiusdus est, sed extra iudicium tamen in officijs, postulationibus, & electionibus, ac alijs legitimis actibus est admittendus.

31 Qui vero in causis exceptionem excommunicationis opponit, speciem illius, & nomen excommunicatoris exprimere tenetur, quam intra octo dierum spatium (die in quo proponitur minime computato) probare appertissimis documentis debet. Quod si non probauerit, iudex in causa procedere non omittat, reum in expensis, quas actor ob

G g g

hoc

hoc diebus illis se fecisse docuerit, præhabita taxatione damnans.

32 Si verò postmodum instantia durante iudicij, & probationis copia succedente, de eadem excommunicatione, vel alia iterum excipiat, & probeatur, actor in sequentibus excludatur, donec meritus fuerit absolutionis gratiam obtinere; his, quæ præcesserunt, nihilominus in suo robore duraturis.

33 Vt tamen ultra duas vices hæc exceptio non opponatur, præterquam si excommunicatio noua emerferit, vel euident, & prompta probatio superuenerit de antiqua. Sed si post rem iudicatam talis exceptio proponatur, executionem impedit; sententia tamen quæ præcessit, non minus robur debitum obtinebit: eo tamen saluo, quod si actor publicè excommunicatus sit, hocq; iudex nouerit, quando-cumque, & si de hoc reus non excipiat, iudex repellere, actorem ex suo officio debet.

34 Absolutio surreptitia non tenet: Quinimmo si ordinarius sciat per surreptionem impetratam ab Apostolica Sede absolutionem, debet remittere perperam absolutum ad Sedem Apostolicam, Ecclesiastica censura eum compellens. Si vero hoc sibi non constet, sed suspicetur, debet absolutum cogere ad purgationem præstandam.

35 Illud etiam admonendi sumus, quod licet vi, vel metu facta regulariter mero iure teneant, si quis tamen excommunicationis, suspensionis vel interdicti sententia, absolutionis, aut reuocationis cuiuscunque beneficium, per vim, vel metum cadentem in virum constantem, puta mortis, vel cruciatus, extorserit, viribus omnino cariturus. Quin potius, ne sine vi dicta violentiæ crescat audacia, qui absolutionem, vel reuocationem vi, vel metu extorserit, quasi propria confossus sagitta iteratæ excommunicationis sententiæ subiacebit, vt per Concil. Trid. statutum est. Idq; non solum quando extorquet absolutionem à censura contra se lata, sed etiam quando lata esset contra alium: Siue extorqueat per se, siue per alium. Quod si verò per vanum metum fuit

fuit absolutior compultus, non habebit locum hæc poena :
Et hæc de excommunicationis sententia delibasse sufficiat ;
nunc de Suspensione secunda specie Censuræ Ecclesiasticæ
paucis dispiciamus :

T I T V L V S III.

De Suspensione.

1 **S**uspensio est Censura Ecclesiastica, quæ Clericus
tam secularis, quam regularis, ob aliquam culpā
à iure, vel à iudice, à beneficiorum, officiorum,
vel Ecclesiasticæ iurisdictionis executione, in totum, vel in
partem, perpetuò vel ad tempus prohibetur.

2 Triplex autem est Suspendio, ab officio, à beneficio,
& ab utroq; simul. Sed qualiscunque sit, semper in scriptis
ferri debet, & cum causa in eis expressa, & monitione præmi-
sa. Nullam autem earum suspendit appellatio subsequuta,
sed quamlibet annullat præcedens.

3 Item alia Suspendio est Canonis, alia Iudicis, sicuti
Excommunicatio, & Interdictum. *Canonis est*, cum quis ob
Simoniam, vel ob notoriam fornicationem, vel aliud cri-
men ipso iure à sui executione ordinis, vel officij arcetur
puta, ab oblatione altaris, à consecratione Episcoporum,
aut presbyterorum, ab administratione Sacramentorum,
&c. *Iudicis Suspendio est*, ut cum sententia quis per iudicem
lata ab eadem executione ex causa remouetur.

4 At si crimen per sententiam, vel per confessionem
factam in iure, aut per rei ipsius evidentiam notorium non
sit: etsi quilibet pro mortali peccato quoad ipsum sit suspē-
sus, quo ad alios tamen pro suspensio non habetur, ideoq;
in officijs Ecclesiasticis vitandus non erit.

5 Est autem suspensio (velut Ecclesiastica Censura
considerata) respectu quodam, aliquanto quam excom-
municatio, vel interdictum strictior: quippe quod, & ex-
communicatio, & interdictum, non solum Clericos, verum
etiam laicos innectere possunt: At suspensio, cum nihil

Ggg 2

aliud

aliud sit, quam inhabilitas quædam ad exequendos ordines, & officia Ecclesiastica, nullos præterquam ipsos Clericos attingere potest. Nec enim vlli eius ordinis, vel officij, cuius est penitus expers, administratio vetari, & interdici potest.

6 Cauebunt igitur Clerici, iudices, & Ecclesiarum Prælati, ne pœnam hanc suspensionis incurrant, scituri, quod si ea durare sese diuinis ingesserint, secundum canonicarum sanctionum tenorem, & districtiōem, irregularitatis laqueo sese inuolent, à quo interim non nisi per Summum Pont. liberari poterunt.

7 Suspendio vero quæ infligitur à Confessario in foro pœnitentiali, cum non sit verè cēsura Ecclesiastica, quamuis seruari debeat, contrahentiendo tamen non inducit irregularitatem.

8 Item si quis violet suspensionem fluentem ex defectu corporis, vel animæ, quæ potius, & verius est irregularitas quam suspensio, non incurrit nouam irregularitatem. Est autem irregularitas nota seu canonicum impedimentum, ex facto seu defectu proueniens, quo quis tam ad Ecclesiasticos ordines promoueri, quam promotus in iisdem ministrare prohibetur. Quod qualiter accidar, supra libro secundo titulo sexto satis prolixè diximus.

9 Suspendus ab ordine nō dicitur suspendus ab actu iurisdictionis, quæ fundatur in ordine, qui specie differt à iurisdictione. Vnde sacerdos suspendus ab ordine potest absoluerè ab excommunicatione, sed nō solemnibus precibus adhibitis; nec à peccato, cū hoc sit de ordinis illius iurisdictione. Et suspēsus ab ordine pōrtificali, intelligitur suspēsus quo ad proprios ordines pōrtificales, nō autē iurisdictionis, vnde poterit iudicare, instituere, corrigere, & excōmunicare.

10 Suspendio à voce actiua, & passiua & à Pontificalibus, potest suspendi per subsequētem appellationem legitimam; hæc enim valde differunt à suspensione ab officio diuino, & ingressu Ecclesiæ, quæ non suspenduntur per subsequētem appellationē. Ideoq; cum in iure non sit mētio
de

de ipsis, non est de illis intelligendum, neque de suspensione à beneficio, vel ab eius administratione.

11 Suspenso à beneficio, inualide fieret collatio alterius beneficii. Taliter autem suspensus non fit irregularis si diuina faciat, sed tamen prohibetur percipere fructus beneficii. Quod tamen locum non habet quoad fructus patrimonij, ad cuius titulum fuit ordinatus.

12 Suspensus ad tempus, sed non expresso temporis spacio, intelligitur suspensus in decennium, à simili de damnato ad tempus in metallum, qui decennium eam poenam patitur. Verum quo persona est dignior, eo in dubio dicitur de iure magis priuilegiata, & propterea optima ratione Innocentiana Constitutione cautum est, ne Episcopi eorumque superiores, vllius constitutionis sententiæ, siue mandati occasione, interdicti, vel suspensionis sententiam (nisi in ipsis de Episcopis expressa mentio habeatur) ipso iure incurrant: esset enim hoc nimis periculosum, ob Pontificalis officij, quod frequenter exercere compelluntur, executionem.

T I T V L V S I V.

De Ecclesiastico interdicto.

1 **I**nterdictum est, sententia à Iudice Ecclesiastico lata, quæ diuina officia prohibet palam celebrari, & Sacramenta Ecclesiastica ministrari.

2 Interdici autem solent, vel homines, vel loca, vel vtrumque Et homines quidem Interdicto supponi possunt, vel generaliter, vel specialiter, vel singulariter.

3 Generale Interdictum hominum dicitur, cum alicuius Regni, vel Ciuitatis, vel Castri populus distringitur, quo casu locus ipse interdicto non continetur, nec clerus. Quare poterit tunc in Ecclesijs non secus, ac prius celebrari, peregrinis admissis, interdictis vero hominibus exclusis.

4 Speciale autem contra homines dicitur Interdictum, cum

cum aliqua multitudo sub certo vocabulo comprehēsa, sed in populo tamen inclusa, interdicitur, veluti Collegium, Capitulum, Vniuersitas, Confraternitas: quo interdicto singuli eius congregationis homines dicuntur adstricti, tam Clerici, quam Laici.

5 Singulariter vero dicuntur interdicti, qui non sub nomine collectiuo multitudinis, sed nominatim sunt expressi, vt quicumque aliquid commiserit, interdictus sit.

6 Hoc autem interdicti genus in homines contortum quocunque ex tribus supradictis modis, hominem quocunque se transferat vsque comitatur, nunquam eum deferens, vt vbicumque locorum sit, ab illis actibus arceatur, qui ex interdicticausa sunt prohibiti.

7 Similiter loca tribus modis interdici possunt: Generaliter specialiter, & singulariter. *Generale loci interdictum est*, cum Prouincia, Regnum, vel Dioecesis interdicitur. *Speciale*, cum Ciuitas, rus, castrum. *Singulare*, cum Ecclesia, Sacellum aut Oratorium aliquod. Quibus locorum interdictis nunquam homines continentur, sed possunt extra hæc loca interdicta diuinorum celebrationi interesse, Ecclesiastica Sacramenta accipere, & sepultura Ecclesiasticæ concedi. Nisi ex his sint, quorum odio ea loca interdicta fuerint: quo fit, vt cum propter delictum Domini, vel Rectoris ciuitas est interdicta, aut alius locus, ciues tamen, & indigenæ ciuitatis illius, qui in vitio non sunt (dummodo & ipsi in ultionem Domini aut Rectoris non fuerint interdicti) possunt extra locum interdictum diuinis interesse.

8 Est autem interdictum duplex: aliud iuris, & aliud iudicis. Iuris ipsius dispositione interdictum inducitur, cum in Ecclesia sanguinis humani effusione polluta, aut simoniace consecrata celebrare iure vetatur. Iudicis vero sententia interdictum inducitur, cum competens iudex ex aliqua causa terram, vel homines à diuinis arcendos pronunciat, generaliter, vel specialiter, vt supra iam diximus.

9 Sciendum vero, quod loco principali interdicto, censetur interdictus esse accessorius vicinus, & contiguus, vt sub-

suburbia ciuitati adiacentia , & prædia circumuicina , Ecclesiæq; extra urbem ædificatæ . Alioquin , si in illis locis posset licite celebrari, Ecclesiastica censura facile contemui posset . Eadem ratione, si Ecclesia interdicto sit supposita, nec in capella ei adnexa celebrari , nec in cæmeterio eiusdem Ecclesiæ sepeliri poterit . Similiter interdicta vniuersitate, singuli de vniuersitate censentur interdicti esse , nec interdictum reddatur elusorium .

10 Si tamen sententia Interdicti proferatur in populum , Clerus interdictus non intelligitur , nec è conuerso : vnde interdicto alterutro, ad diuina licite alter admittitur .

11 Excepti vero casus sunt , si qui ad Baptismi , Chris-
matis & Pœnitentiæ , Sacramenta , vel ad verbum diu-
inum audiendum admitti velint, tam si infirmi sint , quam si sint in bona valetudine constituti . (Quod tamen in his , qui interdicto causam dederunt, non obtinet indistincte; nisi prius dederint idoneam cautionem de satisfaciendo) Sed & alia quædam interdicti tempore Canones permittunt, vt celebrare ianuus Ecclesiæ clausis, & excommunicatis interdictisq; exclusis, sine campanarum tinnitu .

12 Quatuor autem solennibus anni diebus ianuas quo-
que patefieri Ecclesiæ, campanas pulsari , & clara voce of-
ficia celebrari, concedit Bonifacius VIII. qui dies sunt , Na-
talis Dominicæ, Paschæ, Pentecostes, & Assumptionis Vir-
ginis sacra . Addito etiam per Martin. V. & Eugenium IV.
Solenni Corporis Christi die vsque ad eius octauam .

13 Quæ quidem supra dicta, de Interdicto generali, vel
speciali, intelligenda sunt, non de singulari. Nā si singularis
aliqua Ecclesia interdicta esset, in ea , nec prædictis diebus
solennibus ea licerent, nec alijs diebus etiam submissa voce
celebratio officiorum permetteretur .

14 Et licet regio sit Interdicto supposita, potest tamen
Chrisma die Cœnæ Domini confici . Et matrimonij cele-
bratio non censetur esse adempta . Sed vinctio extrema, se-
pultura Ecclesiastica, & diuinorum celebratio sunt prohibi-
ta, nisi concessa quibusdam sint ex privilegio .

15 Quod

15 Quod si quis à Summo Pont. hoc priuilegij, tam Clericus, quam Laicus, cuiuscumq; ille dignitatis, gradus, conditionis, aut status sit, retulerit, ne interdicti à quocunque, vel excommunicari possit; nec terræ, vel Ecclesiæ ipsius Ecclesiastico interdicto supponi sub quacunque forma verborum concessa; is tamen effugere non poterit, quin Ordinariorum sententijs huiusmodi interdicti, vel excommunicationis distringatur: nisi is, qui tali priuilegio gaudet, Rex sit, vel Regina, vel Regum filius, vel Religiosus ex illo ordine, vel loco, cui hæc immunitas largita sit.

16 Episcopi autem, & alij superiores Prælati, vltius constitutionis sententiæ, vel mandati occasione, nullatenus ipso iure sententiam interdicti incurrunt: nisi de Episcopis expressa mentio habeatur.

17 Interdicti vero sententiam omnes illi ferre possunt, qui & excommunicationis ferendæ potestatem habent, ratione ordinariæ, vel delegatæ iurisdictionis. Ne autem temere hanc interdicti poenam irrogari contingat, statuit Bonifac. VIII. ne quis interdicti sententiam proferat, qui canonicam monitionem non præmiserit. Et vt sententiam proferat in scriptis, causa interdicti addita, eiusq; exemplum passis sententiam, si fuerit petiturum, edatur.

18 Religiosi tam exempti, quam non exempti, cuiuscunque Ordinis, vel conditionis sint, interdicta Sedis Apostolicæ autoritate, vel à locorum Ordinarijs, vel Conciliorum Prouincialium statutis inflicta obseruare inuiolabiliter tenentur (cum illa tamen moderatione, quam supra ex Bonif. VIII. constitutione retulimus) cum Cathedralem, vel Matricem, seu Parochialem loci Ecclesiam illa viderint vel sciuerint obseruare (non obstantibus, quibuscumq; appellationibus anrea ad Sedem Apostolicam, vel alios interpositis, nec obiectibus quibuscumque) quæ non obseruantes excommunicationis sententiam eo ipso incurrunt.

19 Ac Dominum temporales excommunicationis sententia, à qua per Sedem Apostolicam tantum absolui possunt innodantur, si in locis interdicto suppositis quemquam

di-

diuina officia celebrare quomodolibet cogere ausi fuerint; aut si modo prædicto ad officia audienda aliquos excommunicationis præsertim, vel interdicti sententiam ligatos euocare, seu ne interdicti Ecclesias, dum in ipsis Missarum aguntur solemnia, à celebrantibus moniti exeant, prohibere non formidarint. Nec non & hi, qui cum interdicti sint, in Ecclesijs tamen contra expressam celebrantium monitionem, remanere non exhorruerint, quæ quidem à Clemente V. statuta fuerunt.

20 Sed & ante eum Greg. IX. iusserat, vt quisquis interdictum violasset, ab officio, & beneficio, omniq. iurisdictione suspenderetur. Et Innocent. III. sanxerat, vt Clerici, qui post latam interdicti sententiam in locis interdicto suppositis diuina officia celebrare ausi fuissent, Ecclesiasticis beneficijs spoliarentur. Monachi vero, vel Moniales, in arcta Monasteria ad poenitentiam agendam detruderentur.

21 Interdictū soluitur lapso temporis spatio, ad quod vsque indictum fuerat; puta, si vsque ad annum positum fuerat, lapso anno interdictum erit finitum. Sic, si interdictum aliquam conditionem ferebat puta, donec quis satisfecerit, vel quamdiu quis aliquid egerit, Interdicti vis ipso facto, cum fuerit satisfactum, desinet: vel cum id agere desierit, nec vlla absolutio desiderabitur. Quamuis excommunicatione ad tempus lata, post id temporis etiam absolutionem desideret: absolutioni enim faciendæ ab excommunicatione, certa forma præscripta est.

22 Sed si interdicti sententia simpliciter lata sit, absolutionem expectabit: & si quidem à Iudice lata sit, ab eodem iudice, qui eam rulerit, auferetur: vel ab eius superiore. Sin à iure interdictum sit impositum, Ordinarius, vel Legatus Sedis Apostolicæ ipsius tollendius habebunt, nisi Canonis conditor ipsius auferendi potestatem sibi reseruauerit.

TITVLVS VLTIMVS.

De Cessatione Diuinorum.

1 **I**nterdicto Ecclesiastico quamsimillima est cessatio, quam Clerici faciunt, dum diuina officia Laicorum irritati iniurijs intermittunt. Nam & ipsa quandoque generalis est, plerumque specialis: sed cum specialiter tantum fit, videlicet in aliqua Ecclesia solū, non modicum ab interdicto discrepat. Nam, nec irregularis efficitur, qui in ea celebrat, nec Religiosus eam non seruans excommunicatur, quamuis ea Ecclesia matrix sit.

2 Oportet autem eos, qui hoc modo cessant, hoc ius cessandi habere saltem ex consuetudine: & interdicti exemplo non pro quauis offensa leui, sed pro grauioribus tantum fieri debet: puta, si onera Clericis per Laicos imponantur. Si contra eorum libertatem statuta à laicis facta sint. Si à Principe seculari Clericus detineatur captiuus. Si Episcopus Ecclesiæ onerosus sit, vel alius Clericus ei sit iniurius. Hæc quippe, & similia possunt iustam causam cessationi præbere. Pensionis autem subtractæ causa nequaquam cessatio fieri potest.

3 Et quid in cessatione faciendâ seruari debeat, Romana manifestè præscripsit Sedes. Bonifacius VIII. statuit, vt quibus à diuinis cessandi ex iure, vel consuetudine facultas competit, seculare, vel regulare Capitulum, Collegium seu Conuentus Ecclesiæ cuiuscumque id ne faciant nisi omnibus vocatis, perinde ac si electio quæpiam esset celebranda, & deliberatione inter se facta, ab eo percussentur, qui cessationi causam præbet, an velit irrogatam offensam sarcire. Qui si velle se sarcire responderit, non cessabunt: si contra, cessare poterunt; ita quod intra mensem à cessatione vtraq; pars, vel per se, vel per procuratores ad Summum Pont. iter arripiant: nisi concordia interim inter eos contracta sit, & quam celerime poterunt, se coram Pontifice Maximo sistant, vt ille negotium finiat, meritosque

con-

condigne puniat . Quæ si pars cessare volens non seruarit, cessatio parui erit æstimanda .

4 Gregorius vero Nonus hanc formã dedit , vt qui cessare volunt , propositi huius causam instrumento publico, vel literis patentibus exarent, suo aut alieno authentico sigillo obsignatis, illiq; edant, cuius odio cessare decreuerint. Quam si formam prætermiserint . Vel causam non legitimam prætulerint , quicquid medio tempore ab ea Ecclesia tulerint, vel perceperint , restituere cogentur ; nec aliquid deinceps percipient : Eiq; in cuius cessauerint contumeliam , de iniuria satisfacient .

5 At si non iniuste eos cessare constiterit , quicquid sua interfuerit, ab his repetent, quorum irritati iniurijs cessauerint , & certam præterea quantitatem, quam Prælatus fuerit arbitratus . Reiecit autem, & damnauit consuetudinem eorum, qui in huiusmodi cessationibus, Crucem, aut Virginis Sanctæ, aliorumue Sanctorum imagines spinis, vel vrticis obruere consueuerunt .

6 Innocentius vero Tertius ante hos statuerat , vt si Canonici absque manifesta, & rationabili causa, maxime in contemptum Episcopi, cessauerint à diuinis , Episcopus si voluerit, nihilominus celebret in Ecclesia Cathedrali , & Metropolitanus ad querelam ipsius tanquam super hoc à Sede Apostolica delegatus sic eos per censuram Ecclesiasticam cognita veritate castiget, vt poenæ metu talia de cetero non præsumant .

7 Si qui autem Religiosi tam exempti , quam non exempti, cuiuscunque ordinis, societatis, & conditionis existant, cessationes generalis à diuinis Ciuitatum , Terrarum , & aliorum locorum, quas ex consuetudine, vel alias Capitula Collegia , vel Conuentus secularium aut Regularium Ecclesiarum sibi vendicant, non obseruarint, cum Cathedrali, vel Matricem, seu Parochialem loci Ecclesiam illam viderint , vel sciuerint obseruare, excommunicationis sententiæ ipso iure subiacebunt : non obstantibus quibuscunque appellationibus antea etiam ad Sedem Apostolicam ,

H h h 2

vel

vel alios interiectis , & obiectionibus quibuscumque .

Et hæc Deo Opt. Max. annuente , publicæ utilitatis studentes, in vsum simplicium Sacerdotum, & Tyronum Iuris Pontificij absque Doctorum , & Decretorum allegationibus , ex immensis Canonum , & Interpretum spatijs collegimus, omnia Sanctæ Romanæ Ecclesiæ, & Iurisperitorum censuræ subijcientes .

F I N I S.

SIMONIS STAROVOLSCII

Opera impressa, & imprimenda.

E <i>Quæ Polonus</i>	<i>Impressus Venetijs.</i>
<i>Polonia</i>	<i>Impressa Colonia.</i>
<i>Ecatontas Scriptorum Polonia</i>	<i>Francfurti, & Venetijs.</i>
<i>Bellatores Sarmatiae</i>	<i>Colonia.</i>
<i>De Claris Oratoribus Sarmatiae</i>	<i>Florentiae.</i>
<i>Erothemata Musica Practica</i>	<i>Cracoviae.</i>
<i>De Rebus gestis Sigismundi I. Regis Polonia</i>	<i>Cracoviae.</i>
<i>Institutorum Rei Militaris lib. 8.</i>	<i>Cracoviae.</i>
<i>Monita Legalia, seu de ratione Studendi in Iure</i>	<i>Roma.</i>
<i>Accessus ad Iuris Utriusque cognitionem</i>	<i>Roma bis, et Cracoviae.</i>
<i>Commentarius in lib. 4. Iustiniani Instit.</i>	<i>Roma, & Cracoviae.</i>
<i>Breuiarium Iuris Pontificij</i>	<i>Roma.</i>
<i>Penu Historicum, seu de ratione legendi Historias.</i>	<i>Roma, & Venetijs.</i>
<i>De Iubileo</i>	<i>Cracoviae.</i>
<i>Epitome Conciliorum</i>	<i>Roma.</i>
<i>Vita, & miracula B. Vincentij Cadlubconis</i>	<i>Cracoviae.</i>
<i>Vita Iacobi Zadziçij Episcopi Cracoviensis</i>	<i>Cracoviae.</i>

ORATIONES XXVII.

Gratulatoria 5.

<i>Vladislao IV. Regni Poloniae habenas capeßenti</i>	<i>Antuerpia.</i>
<i>Martino Szyfzkouio Episcopatû Cracoviensem ingredienti Cracov.</i>	
<i>Andreae Lipski Episc. Luceorien.</i>	<i>Cracoviae.</i>
<i>Acbacio Grochowio Episc. Premislien.</i>	<i>Paroslavia.</i>
<i>Caroli Conopatio Episc. Varmienfi</i>	<i>Venetijs.</i>

FVNEBRES V.

<i>In obitum Sigismundi III. Regis Polonia</i>	<i>Antuerpia.</i>
<i>In obitum ejus filij Alexandri.</i>	<i>Cracoviae.</i>
	<i>In</i>

In obitum Caroli CbedKienicij Ducis exercitū Lituanie. Cracouia.
In obitum Nicolai Volscij Supremi Regni Poloniae Marschalci. Cra-
couia.
In obitum Thomae Zamoscij Supremi Regni Poloniae Cancellarij.
Zamoscij.

L A V D A T O R I A E XIV.

<i>De Assumptione</i>	<i>Cracouia.</i>
<i>De Sacro Scapulari, seu Vestis Mariana</i>	<i>Cracouia.</i>
<i>De S. Maria Victoriali, seu de Victoria Nauali, ope Virginis ad</i>	
<i>Naupactum de Turcis obtenta</i>	<i>Zamoscij.</i>
<i>De Imagine B. V. M. Czenstochouiensis, seu Diua Claromontana.</i>	<i>Cracouia.</i>
<i>De laudibus Diui Bernardi</i>	<i>Cracouia.</i>
<i>De laudibus Theologiae Moralis</i>	<i>Cracouia.</i>
<i>De laudibus Academiae Cracouien.</i>	<i>Cracouia.</i>
<i>De Ratione Studiorum</i>	<i>Cracouia.</i>
<i>De Dedicatione Basilicae Zamoscensis</i>	<i>Zamoscij:</i>
<i>De Laudibus Eremitarum Camaldulensium Orationes quatuor.</i>	
<i>Cracouia.</i>	

E X H O R T A T O R I A E II.

De concludendo in Turcam sociali foedere.

Prima, ad Innocentium X. Pont. O. M.)
Secunda, ad Princeps Christianos) *Dantisci, & Viennae.*

D E C L A M A T I O V N I C A.

Contra obtrepatores Poloniae *Cracouia.*

O P V S C V L A

Lingua Polonica scripta.

Dissertatio de Antiqua Militia Polonorum.
Dissertatio de Exactionibus militaribus.



Dis-

Dissertatio de prohibendis populationibus Tartarorum.

Dissertatio de Bello Turcis inferendo.

Dissertatio de Moneta.

Libellus de Reformandis moribus.

Libellus de Emendanda Republica, carmine vulgari.

Libellus de Anno Iubilei.

Libellus de Aula Constantinopolitana.

Libellus Epistoliarum Turcicarum.

Concionum Tomi 4. Vnus de Sanctis, alter de B. Virgine, & duo de Dominicis: hoc est, pars Hyemalis, & Aestivae, tres Conciones pro quolibet Festo, & die Dominico continentes.

Quibus additae, Exhortationes in benedictionibus Nuptiarum peragenda. Et nonnullae Conciones Funebres.

Restat imprimendus Tomus unus, cui titulus est, Monumenta Sarmatarum Beata Aeternitati adscriptorum.



